

ՎԱՅՐԱՄ ԲԱԼԱՅԱՆ

**ԱՐՃԱԽԻ ՊԱՏՄՈՒԹՅՈՒՆԸ
ՀՆԱԴԱՐԻՉ
ՄԻՆՉԵՎ ՄԵՐ ՕՐԵՐԸ**

ԵՐԵՎԱՆ 2002

Խմբագիրներ՝ պատմական գիտությունների դոկտոր-պրոֆեսոր
Գ.Մ.Գեղամյան
պատմական գիտությունների դոկտոր-պրոֆեսոր
Է.Լ.Ղանիբեյան

Գիրքը հրատարակության է երաշխավորել ՀՀ ԳԱԱ պատմության ինստիտուտի գիտական խորհուրդը

Վահրամ Բալայան.

Արցախի պատմությունը հնադարից մինչև մեր օրերը:
Երևան: Ամարաս: 2002: 409+40 էջ նկարներ:

Գիրքը ընդգրկում է Արցախի պատմությունը հնագույն ժամանակներից մինչև մեր օրերը: Աղբյուրագիտական հարուստ նյութերի հիման վրա ներկայացվում է Հայոց արևելից մահանգների՝ Արցախի, ինչպես նաև Ուտիքի քաղաքական, սոցիալ-տնտեսական ու մշակութային կյանքը: Գիրքը նախատեսված է պատմաբանների, ուսանողների և ընթերցող լայն շրջանների համար:

Բ 0604567

ISBN

Գրքի հրատարակության մեկնման է
Lou-Անջելոսահայ տիկին
Սոսի Ղազարեան-Գեոնեան
ի հիշատակ վաղամեռիկ քրոջ՝
Վեհինե (Վեհիկ) Ղազարեանի:

Սույն աշխատությունը ամփոփում է հսկայածավալ հայագիտական նյութ, ներկայացնելով հինգհազարամյա պատմական ճանապարհ անցած Հայաստանի Արցախ աշխարհը՝ պատմագիտության, աշխարհագրության, քաղաքագիտության, ռազմագիտության և մշակութաբանության տեսանկյուններից:

Մեծ է Արցախ աշխարհի ավանդը օտար նվաճողների դեմ հայ ժողովրդի մղած ազատագրական պայքարում: Հայոց ազատամարտի ջահը Հայոց Ձորից փոխանցվելով Ավարայր, Ջեյթուն, Սասուն, Վան, Մարդարապատ, XX դարի վերջին տասնամյակում նորից բոցավառվեց Արցախում՝ Գանձասարի ավետաբեր դողանջների ներքո: Հայրենիքի ազատագրության գործին իրենց կյանքը պարգևած հերոսներն անմահանում են: Պամությունը շարունակվում է...

Գրքի մեծագույն արժանիքներից է Արցախի հերոսական ազատամարտի և աշխարհաշեն գարթների լուսաբանումը: Ինքը հեղինակը՝ Արցախի հայորդի մտավորականը, վերապրելով իր և հայրենակիցների կենսագրության մաս դարձած պատմական իրադարձությունները, բարեխղճորեն և մանրակրկիտ հավաքել ու զիտականորեն ներկայացրել է աղբյուրագիտական և փաստական նյութերը, և հայրենասիրական ոգով ու հայ պատմագիտության լավագույն ավանդույթներով ներկայացրել ընթերցողին: Համոզվածությամբ կարելի է ասել, որ ներկա գործը կարող է ծառայել, ինչպես ուսուցողական նպատակների, այնպես էլ՝ որպես ամփոփ գիրք հայ ընթերցող լայն շրջանների համար:

Բարի երթ գրքի հրատարակմանը և թող, ինչպես հեղինակի շարադրանքից է հետևում, այն ծառայի “ԼԳՀ-ն Միացյալ անկախ Հայաստանի մի մաս տեսնելու արցախահայության իղձի իրականացմանը”, որը բխում է համայն հայության նվիրական՝ սուրբ գաղափարից:

Է. Լ. Գանիեյան,
պատմական գիտությունների դոկտոր

| | |
|---|----|
| Ներածություն | 9 |
| 1. Արցախի բնաշխարհը | 11 |
| ա) Լեռնաշղթաները և լեռները | 12 |
| բ) Գետերն ու գետակները | 13 |
| գ) Գետահովիտներն ու դաշտերը | 14 |
| դ) Կլիման և հողային ծածկույթը | 15 |
| ե) Բուսական աշխարհը | 16 |
| զ) Կենդանական աշխարհը | 19 |
| է) Բնական հարստությունները | 20 |
| ը) Վարչական բաժանումը | 21 |
| 2. Նախնադարյան հասարակությունը Արցախում | 23 |
| 3. Արցախը որպես հայ ժողովրդի կազմավորման գործընթացի օջախ | 27 |
| 4. Արցախը Վանի թագավորության շրջանում | 32 |
| 5. Արցախը Երվանդունիների և Արասշեսյանների գահակալության տարիներին | 36 |
| 6. Հնագույն մշակույթը | 43 |
| 7. Արշակունիների հարստությունը և Արցախը | 52 |
| 8. Քրիստոնեության տարածումը Հայոց արևելից գավառներում | 58 |
| 9. Արցախահայության մասնակցությունը 5-րդ դարի հակապարսկական ապստամբություններին | 63 |
| 10. Առանշահիկների թագավորության կազմավորումը Արցախում | 81 |
| 11. Կոստյունը Հայոց արևելից նահանգներում 6-րդ դարում և 7-րդ դարի սկզբներին | 86 |
| ա) Պարսից արքունիքի քաղաքականությունը և արևելից նահանգների հայության դիմադրությունը | 86 |
| բ) Արցախը որպես «Մխական» շահի մի հատված | 88 |
| գ) Հոնեթի կամ խազարների արշավանքները դեպի Արցախ և դրա հետևանքները | 90 |
| 12. Քաղաքական դրությունը Արցախում 7-րդ դարի 30-ական թվականներից մինչև 9-րդ դարի երկրորդ կեսը | 94 |
| ա) Արցախահայության հակաարաբական ապստամբությունները | 94 |

| | |
|---|-----|
| բ) Պարսից Միհրանյան տոհմի պայքարը Առանշահիկների դեմ և դրա հետևանքները | 101 |
| 13. Արցախը Բազրատունյաց թագավորության շրջանում | 105 |
| ա) Խաչենի իշխանությունը | 106 |
| բ) Փառլիսոսի թագավորությունը | 109 |
| գ) Գիգակի իշխանությունը | 111 |
| 14. Արցախը սելջուկ թուրքերի տիրապետության շրջանում | 114 |
| 15. Արցախը Ջաբարյանների իշխանապետության շրջանում | 118 |
| 16. Արցախը մոնղոլական տիրապետության շրջանում | 125 |
| ա) Մոնղոլական առաջին արշավանքները Այսրկովկաս և հայ ժողովրդի դիմադրությունը | 125 |
| բ) Մոնղոլների երկրորդ արշավանքը Հայաստան և Արցախի գրավումը | 128 |
| 17. Արցախը Լանկ թրամուրի, կարա-կոյունլու և աղ-կոյունլու թուրքմենների արշավանքների շրջանում | 137 |
| ա) Լանկ թրամուրի արշավանքները դեպի Արցախ | 137 |
| բ) Արցախը կարա-կոյունլու և աղ-կոյունլու թուրքմենների տիրապետության շրջանում | 139 |
| 18. Արցախի քաղաքական վիճակը թուրք-պարսկական պատերազմների տարիներին | 143 |
| 19. Արցախահայության ազատագրական ռզորումները թուրք-պարսկական բռնակալության դեմ | 151 |
| 20. Խամսայի մելիքությունները | 165 |
| 21. Գարաբաղի խանության կազմավորումը: Արցախի պատմության եղբրական շրջանը | 171 |
| ա) Գարաբաղի խանության կազմավորումը | 171 |
| բ) Խամսան Գարաբաղի խանության կազմում | 176 |
| 22. Արցախահայության ռուսական կողմնորոշման պատմության մի քանի հարցեր | 181 |
| ա) Արցախ-Ռուսաստան սոնչությունները | 181 |
| բ) Արցախ-Ռուսաստան դիվանագիտական կապերի ստեղծման նախապատմությունը | 182 |
| գ) Ռուսական արքունիքի քաղաքականությունը Այսրկովկասում և Արցախ-Ռուսաստան դիվանագիտական կապերի հետագա ընդլայնումը | 188 |
| դ) Քաղաքական կացությունը Արցախում 18-րդ դարի վերջերին | 193 |

| | |
|--|-----|
| ե) Արցախի միացումը Ռուսաստանին | 198 |
| 23. Արցախի միջնադարյան մշակույթը (4-18-րդ դարեր) | 207 |
| 24. Արցախը Ռուսական կայսրության կազմում | 238 |
| ա) 1826-28 թթ. ռուս-պարսկական պատերազմը: Շուշու պաշտպանությունը | 238 |
| բ) Ցարիզմի գաղութային քաղաքականությունը | 242 |
| գ) Ղարաբաղի սոցիալ-տնտեսական կյանքը | 247 |
| դ) Արևմտյան Հայաստանի ազատագրության հարցը և արցախահայությունը | 257 |
| 25. Հայերի ցեղասպանությունը Անդրկովկասում և Լեռնային Ղարաբաղում 1905-1920 թթ. | 267 |
| 26. Մշակութային կյանքը 1800-1920 թթ. | 279 |
| 27. Արցախահայությունը 1917-21 թթ. | 296 |
| ա) Արցախահայության պայքարը մուսավաթական Աղբրեջանի դեմ | 296 |
| բ) Խորհրդային կարգերի հաստատումը Աղբրեջանում և արցախահայության նոր գոյգոյրան | 304 |
| գ) Ռ.Կ(բ)Կ Կովկասյան բյուրոյի 1921 թ. հուլիսի 5-ի որոշումը: Արցախի բռնակցումը Խորհրդային Աղբրեջանին | 306 |
| դ) Արցախահայության հակախորհրդային, հակաաղբրե- ջանական պայքարը 1920-21 թթ. | 308 |
| 28. ԼԳԽՄ-ը 1921-40 թթ. | 314 |
| ա) ԼԳԽՄ կազմավորումը | 314 |
| բ) ԼԳԽՄ-ը ՆԷՊ-ի տարիներին | 321 |
| գ) Կոլանտեսային շարժումը և դրա հետևանքները | 327 |
| 29. Արցախահայության մասնակցությունը Երկրորդ աշխարհամարտին | 335 |
| 30. Խորհրդային Աղբրեջանի գաղութային քաղաքականությունը: Արցախահայության պայքարը ԼԳԽՄ-ը ՀԽՍՀ-ին վերամիավորելու համար | 340 |
| 31. Արցախյան ազատագրական շարժման վերջին փուլը: ԼԳՀ կազմավորումը | 354 |
| 32. Մշակութային կյանքը 1920-2002 թթ. | 373 |
| 33. Քարտեզներ և լուսանկարներ | ... |
| Վերջարան | 385 |
| Ծանոթագրություններ | 386 |

” †

Արցախ աշխարհը Հայկական լեռնաշխարհի անբաժանելի մասն է, որը հնագիտության տվյալների համաձայն հին քարեդարյան ժամանակաշրջանից ի վեր եղել է մարդու օրրաններից մեկը և այստեղ կյանքն առանց ընդմիջման շարունակվել է հետագա բոլոր ժամանակաշրջաններում:

Արցախցի հայր ի վերուստ ամենագոր Արարչի տված անաղարտ ձիրքով ու շռայլ տաղանդով դարերին է կտակել ամենապարզ քարե գործիքներից մինչև մարդկային քաղաքակրթության Պառնասին հասնող գոհարներ՝ Ամարաս ու Գանձասար:

Վաղնջական ժամանակներից սկսած առ այսօր հայի կերտած այդ հրաշքները օտարների աչքում միշտ փուշ են եղել: Պատահական չէ, որ մեր տաճարներն ու վանքերը, խաչքարերն ու մագաղաթները ավերի ու ավարի են ենթարկվել բոլոր ժամանակների բռնակալների կողմից:

Չբավարարվելով դրանով՝ խորհրդային տարիներին ադրբեջանցի «պատմաբանները», կեղծելով և եղծելով իրողությունը, ամեն կերպ փորձել են և այսօր էլ մի առանձնակի եռանդով շարունակում են սեփականացնել Հայոց Արևելից մահանգների պատմական ժառանգությունը:

Դարերի ընթացքում երախտապարտ սերունդները փայփայել ու պահպանել են պապերի ամեն մի տքնանք՝ մեր օրերին հասցնելով հայրենի եզերքի հետ կապված հուշն ու պատմությունը:

Այս չընդհատվող շղթան ներկայացնող մի մասնիկն էլ սույն գիրքն է, որը պատմելու և ընթերցողին ներկայացնելու է արցախահայության հինգհազարամյա կենսագրությունը:

Մեծ Հայքի ընդհանուր ճակատագրի հետ մեկտեղ Հայոց Արևելից նահանգները՝ Արցախն ու Ուտիքը, ունեն նաև ինքնատիպ պատմություն ու զարգացման առանձնահատկություններ: Պատահական չէ, որ Արցախի պատմությանն զուգընթաց, շարադրվել են ինքնության և ինքնությունության համար Ուտիքի հայության մաքառումները:

Ուժն է ծնում իրավունքը: Այս անարդար, բայց իրատես բանաձևված «ճշմարտությունը» երկրագնդի ժողովուրդների բոլոր ժամանակների ուղեկիցն է եղել: Եվ առավել շատ ճակատագիրը բարյացակամ է վերաբերվել նրանց նկատմամբ, ովքեր ավելի վաղ են ընկալել այս իրողությունը:

Արցախահայությունը, ճիշտ ընկալելով այս ճշմարտությունը, իր պատմական երկարատև կենսափորձի վրա հենվելով, կենաց ու մահու պայքար է մղել արտաքին ու ներքին բոլոր թշնամիների դեմ՝ հանուն սեփական հայրենիքի, պետականության, ժողովրդի ազատության ու անկախության: Այդ պայքարի բարձրակետը դարձավ Լեռնային Ղարաբաղի Հանրապետության ծնունդը: Բայց դա արցախահայության իղձերի վերջնական սահմանը չէ: Այսօր նա կցանկանար քարտեզի վրա ԼՂՀ-ն տեսնել Միացյալ անկախ Հայաստանի մի մաս:

Այսօր էլ արդիական է մեծ արցախեցու՝ Գավիթ Անանունի հայտնի խոսքերը. «Ղարաբաղը ամբողջական Հայաստանից դուրս՝ դա խոց է...: Եթե Ադրբեջանում խելքը գլխին քաղաքագետներ լինեն՝ նրանք ամենից առաջ պիտի հրաժարվեին Ղարաբաղից: Եթե Հայաստանում հայրենիքի հավաքման համոզված գործիչներ կան՝ նրանք օրն ի բուն պիտի խորհեն Ղարաբաղի մասին: Ղարաբաղը՝ Հայաստանին»¹:

Հայոց Արևելից նահանգների պատմության ուսումնասիրությունը պատմագիտության արդի խնդիրներից է և կոչված է օգնելու նրա շուրջ ծագած ներկայիս հարցերի ճիշտ ըմբռնմանն ու լուսարանմանը:

Չհավակնելով Արցախի բազմադարյան պատմության մանրամասները շարադրել լիովին՝ մենք փորձել ենք հրապարակի վրա եղած սկզբնաղբյուրների և գիտական աշխատությունների հիման վրա ուրվագծել դրախտային այս աշխարհի հին ու նոր կենսագրության առավել հանգուցային դրվագները:

† † ° ~ • † ° † —

Ամեն մի ժողովրդի ճակատագրի վրա որոշակի ազդեցություն է ունեցել նրա հայրենիքի պատմաաշխարհագրական միջավայրը: Հայ ժողովրդի համար բնապատմական այդ միջավայրը Հայկական լեռնաշխարհն է, որտեղ անհիշելի ժամանակներից առ այսօր ստեղծվել են մարդկային առաջավոր քաղաքակրթության մակարդակի վրա գտնվող մշակութային գոհարներ:

Հայկական բարձրավանդակի ոչ միայն նահանգները, այլ նաև համարյա բոլոր բնակավայրերից յուրաքանչյուրը հարևաններից բաժանված է բնական պատվարներով և, ըստ էության, կազմում է ոչ միայն վարչական առանձին միավոր, այլև բնակլիմայական ինքնուրույն ու ինքնատիպ մի ամբողջություն: Ասես մարդկային ցեղի ծնունդով, ամենագոր արարչի կամոք Մեծ Հայքին, մասնավորապես Արցախ աշխարհին, բաժին է հասել աշխարհագրական դրախտային մի միջավայր, ուր գոյություն ունեն բոլոր պայմանները բարեկեցիկ ու հարուստ կյանքի համար՝ նախապես իմանալով, որ ճակատագիրը հային ավանդել է ողբերգական ու դրամատիկ դրվագներով հարուստ պատմություն:

Գրախտային այդ հողին աչք տնկած հարևան մեծ ու փոքր բունակալ տերություններով շրջափակված հային պատվար մնաց նրա ծննդոց բնաշխարհը՝ տալով նրան ամեն կենսականը, ինչ հատուկ էր հող հայրենիին:

Բնաշխարհագրական նման գողտրիկ անկյունում է գտնվում Արցախը, ուր վաղնջական ժամանակներից հայ մարդը արարել ու իր ժառանգներին է կտակել հայրենի անդաստանը: Արցախը իրենից ներկայացնում է սառած լավայից կազմված մեծ ու փոքր սա-

րահարքերի, լեռնային գոգահովիտների և կիրճերի մի ամբողջ համակարգ՝ բաժանված ներքին լեռնաշղթաներով: Բարձրաբերձ լեռնագագաթների կողքին այստեղ կարելի է տեսնել ցածրավայրեր՝ բերքառատ այգիներ ու հողահանդակներ:

Արցախը գրադեցնում է Փոքր Կովկասի հարավարևելյան լեռնոտ տարածքը, Մեծ Հայքի ծայր արևելյան հատվածի մի մասը: Նրա սահմաններն արևմուտքում հասնում են մինչև Սևանա լճի արևելյան ափերը, հարավ-արևմուտքում՝ Աղավնո (Հազարի), հարավում՝ Երախս (Արաքս) գետերը, արևելքում՝ խորանում Մուխանքի դաշտաբերանում, իսկ հյուսիսից՝ եզրագծվում Գարաբաղյան լեռնաշղթայով:

Արցախն ունի խիստ կտրտված լեռնային մակերևույթ: Նրա տարածքի միջին բարձրությունը ծովի մակարդակից կազմում է 1100 մետր:

Արցախը Հայկական լեռնաշխարհի մյուս նահանգների նման նույնպես բնութագրվում է սեյսմիկությամբ: Մեծ տեղ են գրավում հրաբխային ապարները, իսկ գետահովտային մասում՝ նաև նրստվածքային ապարները: Հրաբխային գործունեության հետևանքով երկրամասի մակերեսը մեծ մասամբ ալիքավոր սարավանդների բնույթ է ստացել: Այդ լեռնադաշտերը խախտվում են այստեղ-այնտեղ վեր խոյացող կամ պակաս նշանավոր գմբեթաձև գագաթներով:

ԼԵՌՆԱՇՎԹԱՆԵՐԸ ԵՎ ԼԵՌՆԵՐԸ: Հյուսիսից՝ Թարթառ գետի վերին հոսանքից մինչև Արաքս գետի հովիտը՝ Արցախի հարավային սահմանագիծը, ձգվում է Գարաբաղի լեռնաշղթան: Հյուսիսային հատվածում այն միանում է Փոքր Կովկասի լեռների հետ: Այս լեռնաշղթայի բարձր գագաթներն են համարվում Մեծ Քիրսը (2725մ), Քառասուն աղջիկը (2828մ) և Գիզափայտը կամ Շաղախը (2480մ): Արցախի հյուսիսային մասում՝ արևմուտքից-արևելք, ձգվում է Մռավի լեռնաշղթան, որը Գարաբաղի լեռնաշղթայից բաժանված է Թարթառ գետի հովտով: Այս լեռնաշղթայի վրա են Արցախի ամենաբարձր լեռնագագաթները՝ Գյամիշը (3724մ) և Մռավը (3419մ): Մրա ճյուղավորությունն է կազմում դեպի հյուսիս-արևելք ձգվող Եզնասար լեռնապարը:

Սևանա լիճը հյուսիս-արևելքից եզերող Քաշաթաղ և Սողք լեռ-

նաշոթաների միացման վայրում բարձրանում է Ռմբասար գագաթը (3373մ): Հայտնի են նաև Սպիտակ քար (3300մ), Իծաքար (3125մ) գագաթները:

Լեռնաշոթաների նմանօրինակ դասավորությունը երկրամասին բերդի տեսք է տալիս: Իրավացի է Արցախ աշխարհի գավակ, մեծ պատմաբան Լեոն. «Պատմությունը մեզ շատ փաստերով ցույց է տալիս, որ նվաճող ազգերի ահավոր հորձանքները գալիս ընդհարվում էին Վարաբաղի լեռնաստանին, փշրվում էին ու ետ դառնում: ...Առանց Վարաբաղի լեռնաստանի անհնարին է երևակայել Հայաստանի սրտի՝ այն է՝ Արարատյան երկրի պաշտպանությունը հյուսիսային և արևելյան տափաստաններից: ...Բացի դրանից, մենք տեղեկություններ ունենք, որ երբ Արարատյան երկիրը հարձակման էր ենթարկվում արևմուտքից և հարավից (օր.օսմանցիների կողմից), նրա բնակիչները պաշտպանություն էին գտնում, բողմելով իրենց գյուղերն ու տեղափոխվելով Վարաբաղի լեռնային ամուր տեղերը: Այնպես որ Վարաբաղը ոչ միայն իր սահմաններին մոտիկ գտնվող տեղերի, այլև Հայաստանի նույնիսկ հեռավոր կողմերի համար էլ պահապան միջնաբերդի դեր էր կատարում: Դժբախտության մատնված հայ մարդը գիտեր, որ վերջին ապաստան կարող է գտնել Վարաբաղի թանձրախիտ անտառների մեջ»²:

Պատահական չէ, որ վաղ միջնադարյան հայ պատմիչները Արցախը անվանում էին Արցախամուր աշխարհ³: Գեղատեսիլ և անտառածածկ են Արցախի լեռները: Նրանց բարձրադիր մասերը հիմնականում ծածկված են երփներանգ ծաղիկներով՝ պարուրված խտտային բուսականությամբ:

ԳԵՏԵՐՆ ՈՒ ԳԵՏԱԿՆԵՐԸ: Արցախի լեռնաշոթաներն ու լեռները կտրտված տեսք ունեն և իրարից բաժանվում են անդնդախոր ձորերով ու հովիտներով, որոնք, իրենց գիրկն առած հարյուրավոր գետեր ու գետակներ, լեռնաշխարհին անգուգական ու անկրկնելի հմայք են տալիս: Արցախի գետերն ու գետակները արագահոս, բայց ջրառատ չեն, հատկապես ամռան ամիսներին խիստ սակավաջուր են դառնում: Մնման աղբյուրներ են հալուցքային ու անձրևային ջրերը, իսկ հիմնականում՝ լեռնային վճիտ աղբյուրները:

Արցախի ընդհանուր մակերևույթը արևմուտքից արևելք թեք ուղղությամբ ունի: Այդ պատճառով նրա բոլոր գետերը հոսում են արևմուտքից-արևելք ուղղությամբ՝ դառնալով Կուր և Արաքս գետերը սնուցող աղբյուրներ:

Արցախի գետերի ջրերը օգտագործվում են ոռոգման համար: Մակայն Բարվի խորամանկ քաղաքականության շնորհիվ այն հիմնականում բաժին էր հասնում դաշտավայրում գտնվող աղբյուրներին: Երկրամասի գետերն ունեն նաև էներգետիկ նշանակություն: Արցախի գետերի ջրերում կան բազմատեսակ քաղցրահամ ձկներ ևս:

Ամենամեծ գետն է Թարթառը (Տրտու): Այն սկիզբ է առնում Մևանի արևելյան ափերի լեռնապարների ու Ղարաբաղի լեռնաշղթայի ջրագոյացումներից և, անցնելով Մարտակերտի, Թարթառի և Բարդայի շրջաններով, թափվում է Կուր գետը: Գետի երկարությունը 200 կմ է: Այս գետի վրա կառուցվել են Մարսանգի և Մադաղիսի հիդրոէլեկտրակայանները: Թարթառի խոշոր վտակը Թրդի գետակն է:

Իր մեծությամբ երկրորդը Խաչեն գետն է: Այն, սկիզբ առնելով Ղարաբաղի լեռնաշղթայի Կարմրասար լեռնազանգվածից, հոսում է Մարտակերտի շրջանի տարածքով: Երկարությունը 119 կմ է:

Մարտակերտի և Շահումյանի շրջանների սահմանագծով հոսում է Կուր գետի սվազանին պատկանող Ինջա գետը: Համեմատաբար խոշոր գետ է Կարկառը: Այն սկիզբ է առնում Ղարաբաղի լեռնաշղթայից և հոսում է Շուշի քաղաքի մոտով՝ անդնդախոր կիրճով: Ստեփանակերտի մոտ Կարկառին է միանում Քարին տակ գետը, իսկ Ասկերան քաղաքին չհասած՝ Բալլուջա և Բադարա վտակները: Գետի երկարությունը 115 կմ է:

Նահանգի հարավային մասով հոսում են Խոնաչեն, Վարանդա, Ամարաս, Մեղրագետ, Իշխանագետ, Իգակ գետերն ու գետակները, որոնք համեմատաբար սակավաջուր են, իսկ ծայր հյուսիսային եզրագծով հոսում է Քուրակ գետը:

ԳԵՏԱՀՈՎԻՏՆԵՐԻ ՈՒ ԳԱՇՏԵՐԸ: Արցախի կտրտված լեռնային մակերևույթը իր մեջ ներառում է հարուստ հողաշերտով գեղատեսիլ գետահովիտներ և ընդարձակ ու արգավանդ դաշտեր:

Գրանցից հատկապես նշանավոր են Արաքս, Իշխանագետ, Վարանդա, Խոնաշեն, Կարկառ, Խաչեն, Կավարտ, Թարթառ, Ինջա, Քուրակ գետերի հովիտները, որոնք անբավ հարստություն են պարգևում երկրամասի հայությունը:

Հայոց Արևելից գավառների՝ Արցախի և Ուտիքի բնապատմական հիմնական շրջաններից կարևորագույնը Մուխանք դաշտն է: Նրա կլիման հնարավորություն է տալիս մշակել չոր մերձարևադարձային շրջանների կուլտուրաներ: Մուխանքի դաշտը երկրամասի առավել արգավանդ մասն է և բոլոր դարաշրջաններում հայտնի է եղել իր հացառատությամբ: Այնտեղ մշակվել են բազմապիսի գյուղատնտեսական կուլտուրաներ: Մուխանքի բացառիկ բերրիության վրա ուշադրություն են դարձրել միջնադարյան հայ պատմիչները: «Բերրի ու արգավանդ է... լի ամենայն բարիքներով, ջրով, փայտով, մրգով ու որսով»: Հայտնի է ավանդական ասացվածքը Մուխանքի բարեբերության մասին. ասում էին՝ պարտադիր չէ, որ այստեղ ցանես, հնձել կարող ես միշտ⁴:

Պակաս արգավանդ չեն նաև Մարտունու և Մարտակերտի շրջանների արևելյան ցածրադիր մասերը:

ԿԼԻՄԱՆ ԵՎ ՀՈՂԱՅԻՆ ԾԱԾԿՈՒՅԹԸ: Արցախի կլիման պայմանավորված է նրա դիրքով և բարդ ռելիեֆով: Կլիմայական պայմանները հիմնականում մեղմ ու չափավոր են: Տարեկան միջին ջերմաստիճանը կազմում է $+10^{\circ}\text{C}$: Ամենացուրտ ամիսը հունվարն է՝ միջին ջերմաստիճանը -1°C , ամենատաքը՝ հուլիս-օգոստոսը, միջին ջերմաստիճանը $+21^{\circ}\text{C}$:

Արցախի դաշտային հատվածներում հաստատուն ձնածածկույթ առաջանում է ոչ ամեն տարի: Գարունը կարճատև ու մեղմ է, ամառը՝ տևական, շոգ, չոր, արևոտ եղանակների գերակշռությամբ: Աշունը մեղմ ու տևական է: Գարնան և ամռան ամիսներին հատկապես հաճախակի են ուժեղ ամպրոպները: Ամռան սկզբներին հաճախակի են կարկտահարությունն ու սելավները, մանավանդ դա նկատելի է լեռնային հատվածներում: Մթնոլորտային տեղումների քանակը տարեկան տատանվում է 220-900 մմ-ի սահմաններում: Երբեմն ցուրտ օրերին անձրևի փոխարեն մանրագնդիկ կարկուտ է տեղում, որին ժողովուրդը բանջարբուսի է անվանում: Գարնանը և

մանավանդ աշնանը հարթություններում ու նրանց շարունակությունը կազմող դաշտաբերանային հովիտներում պարզկա երեկոներին երբեմն հաջորդում են մառախլապատ գիշերները: Արևի ջերմության ու քամու ազդեցության տակ մառախուղը հորձանք է տալիս դեպի լեռները, բայց ընդհանրապես չի հասնում մեծ բարձրությունների ու ցրվում է իր ընթացքում և անհետանում: Տարվա տարրեր եղանակներին, տաք և սառը հոսանքների գոյության պայմաններում, երկրամասի տարածքում նկատելի է տարրեր ուժգնության քամիների առկայությունը: Հաճախ գարնան ամիսներին մեղմ քամիների հոսանքին փոխարինում են ուժեղ քամիները, որոնց հետևանքով պոկվում են նույնիսկ տների տանիքներ կամ առանձին թիթեղներ:

Արցախի հողերի տեսակները պայմանավորված են երկրամասի գոտիականությամբ և ենթարկվում են ուղղահայաց գոտիականության օրինաչափությանը: Չնայած լեռնային հողագոյացման տարաբնույթ պայմանները նպաստում են հողային ծածկույթի բարդ կառուցվածքի և տրոհվածության ուժեղ արտահայտվածությանը, այնուհանդերձ, լեռնաստորոտներից դեպի լեռնագագաթները հաջորդաբար փոխվում են լանդշաֆտային պայմանները և դրանց համապատասխան հողերի ծագումնաբանական տիպերը:

Յածրադիր վայրերում հողերը կիսաանապատային, անապատատափաստանային, գորշ, բաց և մուգ շականակագույն են: Նախալեռնային և լեռնային վայրերում զգալի տարածություններ են գրավում լեռնային սևահողերը, իսկ անտառային վայրերում՝ մուգ դարչնագույն, պողզուլային հողատեսակները: Գետահովտային ցածրադիր մասերում բավական հզոր շերտերով զգալի տարածություն են կազմում այլուվիալ հողերը, որոնք բնութագրվում են բարձր բերքատվությամբ: Լեռնային գոտիների արևկող լանջերի վրա հիմնական տիպերին միջանկյալ պատահում են սակավաջուր, կմախքային հողատեսակներ:

ԲՈՒՄԱԿԱՆ ԱՇԽԱՐՀԸ: Արցախը անհնարին է պատկերացնել առանց նրա կուսական անտառների: Երկրամասի լեռնային պայմաններում անտառի դերը շատ մեծ է: Այն կլիմայի անփոխարինելի կարգավորիչ է, զգալի չափով բարձրացնում է օդի հարաբե-

րական խոնավությունը, տարվա ընթացքում կարգավորում մթնոլորտային տեղումների քանակը, մեղմացնում շոգը, ձմեռային ցուրտը, քամիների կործանիչ ուժը, բարերար ներգործություն բողմում շրջակա դաշտերի բերքատվության վրա:

Արցախի անտառները հիմնականում խառը տնկարքներ են: Այստեղ խառը ձևով աճում է հաճարենին, կաղնին, բոխին, թխկին, բեղին, լորենին, հացին, կեչին, ճապկին: Անտառներում սովորաբար հանդիպում ենք հոնի, խնձորենու, թզենու, տանձենու, ընկուզենու, սալորենու, շլորի, գկեռի, տխլենու կղզյակների:

Գետահովիտների երկարությամբ տարածված են ուռենիները: Շատ են նաև մոշի և մասրենու թփերը: Վայրի ծառատեսակների ու թփերի պտուղները հին ժամանակներից մինչև այսօր բարձր կամ չորացված ձևով օգտագործվում են որպես սննդամթերք, համեմունք և դեղամիջոց: Մարդու անարդյունավետ տնտեսավարման հետևանքով անտառի անսպառ բերքի մեծ մասը հիմնականում փչանում է:

Անտառներում առատորեն աճում են սոխի համ ունեցող խազազ կոչվող բուսատեսակը, սունկը, բազմատեսակ բուրումնավետ ծաղիկներ ունեցող բույսեր՝ մանուշակ, անտառավարդ, կակաչ, շուշան, մեխակ, նունուֆար, անքառամ և այլն:

Անտառները կազմում են Արցախի տարածքի 34-35 տոկոսը⁵: Առավել անտառաշատ են Մարտակերտի և Հաղրուքի շրջանները:

Արցախը աչքի է ընկնում բուսական համայնապատկերների ու բուսատեսակների արտակարգ բազմազանությամբ: Այստեղ առատ են մշակովի բույսերի վայրի ազգակիցները՝ ցորեն, աշորա, գարի, վարսակ, ոլոռ, սոխ, ճակնդեղ, զանազան հատապտուղներ, կորիզավոր, ընդավոր, կերային, բանջարանոցային բուսատեսակներ:

Երկրամասի տարածքում միմյանց են հաջորդում տափաստաններն ու անտառները, մարգագետնատափաստանները: Ամենացածր դիրք ունեն կիսաանապատներն ու տափաստանները (300-800մ), ամենաբարձր՝ մերձալպյան, ալպյան մարգագետինները, բարձրախոտերը, քարաժայռային բուսականությունը (1300-2300մ), իսկ 2300 մետրից բարձր տարածված են տունդրային յուրահատուկ բուսատեսակները: Մարտունու և Մարտակերտի շրջանների արևելյան ցածրադիր մասերում գտնվող գրեթե չոր, անջրղի հողատարա-

ծությունները ծածկված են անապատային և կիսաանապատային բուսականությամբ: Այստեղ զգալի տոկոս են կազմում ուղտափուշը, կապարը, ոզնախտոր, երնջակը, տերեփուկը: Այդ տարածքներում տիրապետող բույսը հոտավետ օշինդրն է: Կիսաանապատային բուսականությունը վաղ գարնանը բավականին քարմ տեսք ունի: Ծաղկում են էֆեներները՝ առնասպարը, ճոճուկը, եղջրագլխիկը, ճարճատուկը, կակաչը, սագատխուկը, աստղաշուշանը: Այդ տարածքը օգտագործվում է որպես ձմեռային արոտավայր: Իսկ մարդու կողմից՝ որպես ուտեստ, օգտագործվում են սիրեխը, քրթնջուկը, կապարը, եղինջը, խատուտիկը, դանդուռը, որպես դեղաբույս՝ կուսածաղիկը, անթառամը, առյուծագը, լոշտակը, հագարտերևուկը, սրոհունդը:

Արցախի տափաստանները հիմնականում ծածկված են տափաստանային գողձավոր և պնդաբույի խոտաբույսերով: Այստեղ տարածված են ավելուկը, եղինջը, ծներեկը, քրթնջուկը, կնձնձուկը, ճոճուկը, խնջլոզը, փիփերտը, շրիշը, իշակաթնուկը և այլն:

Տափաստանային բուսական ծածկույթը, մյուս տիպերի համեմատ, ավելի շատ է տուժել մարդկանց կողմից: Ամեն տարի յուրացվել է մի քանի տասնյակ հեկտար խոպան, տափաստան, որի հետևանքով ռեզրեսիվ փոփոխման է ենթարկվել բուսական ծածկը: Լեռնային տափաստանները տնտեսական խոշոր նշանակություն ունեն: Նրանց զգալի մասը օգտագործվում են որպես խոտհարքներ և արոտավայրեր, վիտամինների ու դեղանյութերի հավաքման շտեմարան: Արցախի տափաստանային բուսածածկույթի բնորոշ տիպերից են չորասեր նոսր անտառները: Մաղարթավոր նոսր անտառներում ցածրաբուն, լուսասեր ծառերի ու թփերի՝ ցաբու, ասպիրակի, փռչնու, ցախակեռասների, հասմիկի, մահալեբյան բալենու, խնկենու, նոնենու, մասրենու, դրախտածառի հարկանությամբ աճում են փետրախոտեր, շյուղախոտեր, աղեղախոտեր: Ամենուրեք տարածված են ուրցի երկու տեսակները, որոնց հոգեպարար բույրով պարուրվում է ողջ շրջապատը: Անտառամերձ մարգագետիններում աճում են հացագգի և լոբագգի բազմաթիվ բույսեր: Գարնան վերջերին սագատխիսին, մկանասոխիսին, աստղաշուշանին, ձնծաղիկին փոխարինելու են գալիս հրանուկը, անմոռուկը, որոնց դեղին և երկնա-

կապտավուն գույնի հետ մեծ խայտաբղետությամբ են առաջացնում ոջլաղեղի, վարդակակաչի, երեքնուկների և կակաչների ծաղիկները: Արցախի տարբեր հանդամասերում կարելի է հանդիպել տատակի, դաշտավուկի, հրանուկի, գայլաքաթի, անմոռուկի: Գետեգրերին տեսանելի է ճանճախտոր, մակարդախտոր, ջրկոտենը, մացառաեղեգը, շերեփուկախտոր, ջրոսպը, ջրահարսը, տարատեսակ ջրիմուռները: Վերոհիշյալ բույսերին ամենուր ընկերակցում են մոտ 100 տեսակի մամուռներ: Արցախի բարեխառն կլիման հարմարավետ պայմաններ է ստեղծում խաղողի որթի և շահեթենու լիարժեք աճման համար: Պատահական չէ, որ դարեր շարունակ հողագործ արցախցի մշակել է այդ երկու կուլտուրաները: Ընդհանրապես երկրամասի տարածքի մի մասը ունի մերձարևադարձային կլիմայական պայմաններ, որտեղ լավ են աճում բուրբ, նուռը, նուշը, արքայանարինջը:

ԿԵՆԳԱՆԱԿԱՆ ԱՇԽԱՐՀԸ: Արցախի կլիմայական ու բուսական ծածկին համապատասխան գոյություն ունի բազմատեսակ կենդանական աշխարհ:

Կիսաանապատային և տափաստանային գոտում տարածված են զանազան մորեխագիներ, որոնց որոշ տեսակները իսկական չարիք են հողագործի համար: Կիսաանապատներում և ժայռերում ապրում են կարիճների, մողեսների և օձերի որոշ տեսակներ: Մողուներից կարելի է մատնանշել դաշտային իժը և գյուրզան: Այգիներում և արտերում ապրում են դաշտամկները, ավազամկները, ճագարամկները, որոնք, արագ զարգանալով, դառնում են լուրջ վնասատուներ: Շատ հարուստ է բզեզների և քիթեռների ֆաունան: Կաթնասուններից նշված գոտում մշտապես ապրում են նապաստակը, աղվեսը, վարազը, ջեյրանը, մի քանի տեսակ չղջիկներ, ոգնին, գայլը: Թռչուններից հանդիպում են աքարներ, փոքրիկ արտույտներ, սրակտուցներ, դաշտային կաքավ, լորեր: Գիշատիչ թռչուններից տարածված են ուրուները, գառնանգղները: Երկնակամարում մերթընդմերթ տեսանելի է արծիվների սլացիկ թռիչքը:

Անտառաբնակ թռչուններից կարելի է մատնանշել փայտփորը, աղավնին, երաշտահավը, լորու-ճուռակը, դեղնածաղիկը, մոշահավը, սարյակը, ծիծեռնակը, բուն, կաշաղակը, չարդը: Անտառներում

հանդիպում են նապաստակներ, աղվեսներ, ոզնիներ, կովկասյան աքիսներ, երբեմն էլ եղնիկ, արջ ու անտառային կատու:

Գետերում ապրում են լեռնային գետերին և անուշահամ բարձրադիր լճերին հատուկ ձկներ: Մարդու անհոգի վերաբերմունքի հետևանքով ձկների որոշ տեսակներ անհետացել են: Բոլոր լճակներում և գետերում տարածված են գորտը, լորտուն և կրիան: Շղեզնապատ վայրերում հանդիպում է կարմիր բադը: Աղբյուրներին, գետակներին, լճակներին հատուկ են ջրային որդերը, ճպուռները: Կանգնած ջրավազաններում ապրում են մոծակների մի քանի տեսակներ:

ԲՆԱԿԱՆ ՀԱՐՍՏՈՒԹՅՈՒՆՆԵՐԸ: Խորհրդային տարիներին երկրամասի բարձիթող պայմաններում Արցախը երկրաբանական հետախուզական առումով համարյա թե չի ուսումնասիրվել:

Մետաղային հանքային հանածոներից Արցախում հնուց հայտնի են բազմամետաղների, հատկապես ցինկի, կապարի, պղնձի, ոսկու, ծծմբային կոլչեղանի, երկաթի, իսլանդական շպաթի հանքավայրեր: Արցախի տարածքը հարուստ է ոչ մետաղային հանքատեսակներով:

Մասնավորապես հարուստ է քարի տարբեր տեսակների հանքավայրերով: Եթե դարեր շարունակ քարաշատ Հայոց աշխարհը մեր ժողովրդի բարեկեցիկ կյանքի համար երբեմն ավելորդ դժվարություններ էր ստեղծում, ապա այսօր՝ գիտության և տեխնիկայի հարաճուն վերելքի պայմաններում, քարը ազգային հարստության անհուն-անսպառ աղբյուր է: Այն ոչ միայն տաճար ու խոյակ է, այլ նաև վերանշակված ձևով մանրաթել, գարդ ու կենցաղային իր է:

Մարմարի հանքավայրեր կան Ասկերանի շրջանի Հարավ, Քարազուլխ, Խրամոթթ, Մարտունու շրջանի Նորշեն և Ճարտար գյուղերի, Շուշի քաղաքի, Հաղբուրթի մոտակայքում: Հայտի են տարբեր գույների գրանիտների հանքավայրերը Մարտունու շրջանի Ննգի, Մարտակերտի շրջանի Քուլատակ գյուղերի մերձակայքում:

Արցախը հարուստ է սև և սպիտակ բազալտի պաշարներով: Արցախի քարհանքերից հիշատակության արժանի են Մարտակերտի շրջանի Վանք, Մարտունու շրջանի Գիշի գյուղերի վարդագույն և Մարտակերտի շրջանի Չլդրան գյուղի մուգ կաթնագույն տուֆի հանքերը: Մարտունու և Մարտակերտի շրջաններում կան կրաքա-

րի անսպառ պաշարներ:

Արցախում հայտնաբերվել են հանքային ջրերի պաշարներ: Հնուց ի վեր հայտնի է Քարվաճառի շրջանի ջերմաջուրը կամ «բաղինք արքունականը»՝ Թարթառի ձախ ափին: Այն վաղ միջնադարից եղել է Հայոց Արևելից կողմանց թագավորների և բանակի ամառային հանգստավայրը:

ՎԱՐՉԱԿԱՆ ԲԱԺԱՆՈՒՄԸ: 7-րդ դարի հայկական աշխարհագրական երկի՝ Ա.Շիրակացու «Աշխարհացոյցի» համաձայն՝ Արցախը Մեծ Հայքի տասերորդ նահանգն է և ունի 12 գավառ: Այդ գավառներն են՝ 1.Մյուս Հաբանդ, 2.Վայկունիք, 3.Բերդաձոր, 4.Մեծիրանք, 5.Մեծկուանք, 6.Հարճլանք, 7.Մոխանք, 8.Պիանք, 9.Պարսկանք, 10.Քուստի, 11.Փառնես, 12.Կողք⁶:

Մյուս Հաբանդ-ընդգրկում է ավելի քան 2200կմ² տարածություն⁷: «Գավառն, որ ընկած է Գարուչայի ձախ և Կարկառ գետակի աջ ափերի, Գիզափայտ և Քիրս լեռնաշղթայի զագաթնագծի և դաշտաբերանի մեջ»⁸: Փաստորեն Մյուս Հաբանդի մեջ ներառվում են ներկայիս Մարտունու և մասսամբ էլ Հաղորտի ու Ասկերանի շրջանների տարածքները:

Վայկունիք- տարածված էր Թարթառ գետի վերին ավազանում՝ այժմյան Քարվաճառի շրջանի հյուսիս-արևելյան հատվածում: Այն կազմում է մոտ 800 կմ² տարածություն⁹:

Հարճլանք - գտնվում է Շուշի-Գորիս ճանապարհի և Հագարի գետի միջև: Ներկայիս Լաչինի շրջանի զգալի մասը մտնում էր վերոհիշյալ գավառի կազմի մեջ:

Բերդաձոր - փռված է Ջերմուկի փեշերից մինչև Հագարիի ձախակողմյան ամենամեծ Ջինգիմակապ վտակը՝ կազմելով ներկայիս Շուշիի, Լաչինի, Կուբարիի շրջանների մի փոքր մասը: Այս սահմանների մեջ Բերդաձորի տարածքը կազմում է մոտ 450 կմ² ¹⁰:

Պարսկանք – հիմնականում զբաղեցնում է Արաքսի առափնյա շրջանները: Գավառը հարավից սահմանակից է Արաքսին, արևելքից՝ Պիանք գավառին, հյուսիսից՝ Մյուս Հաբանդին, հյուսիս-արևմտյան կողմից՝ Բերդաձորին: Նշված սահմանների մեջ գավառի տարածքը կազմում է մոտ 2000 կմ²:

Պիանք – ընդգրկում է Արցախի դաշտավայրային հատվածը՝ սահման ունենալով հարավից Արաքս գետը, արևմուտքից՝ Իշխա-

նագետը, հյուսիսային և հյուսիս-արևմտյան կողմերից՝ Մյուս Հաբանդը, արևելքից՝ Բայլականը: Տարածքը կազմում է մոտ 800 կմ² 11:

Մուխանք – Պիանքին հաջորդող գավառն է, որը տեղադրվում է Միլլի դաշտավայրի մի մասում: Այն կազմում է 1250 կմ² տարածություն¹²:

Մեծ Իրանք (Մեծառանք)- գրադեցնում է Խաչենագետի վերին ավազանը՝ Կարկառ գետից մինչև Թարթառ և Քիրսա սարի փեշերից Մարտակերտի դաշտի արևմտյան ծայրը¹³: Գավառի տարածքը կազմում է մոտ 1600 կմ²:

Մեծ Կվենք (Մեծ Կողմանք) – տեղադրվում է Թարթառի վտակ Թրդիի և Կուրակ գետակի ավազաններում՝ ընդգրկելով ներկայիս Շահումյանի շրջանը հարակից տարածքներով ու, մանավանդ, Գետաչենի ենթաշրջանը:

Քուստի -ընգրկել է Ախնջի գետից մինչև Ադստև ընկած տարածքը¹⁴: Ջրադեցնում էր մոտ 500կմ² տարածություն:

Փառնես - փոքր է Շամքոր գետակի միջին օժանդակի և Գեղամա լեռնաշղթայի գագաթնագծի շարունակության ու Տավուշ գետակի հարավ-արևելյան օժանդակի Ախնջիի ափերի և դաշտարևրանի միջև¹⁵: Գավառի տարածքը կազմում է մոտ 700կմ²: Միջնադարում Քուստի և Փառնես գավառները ընդգրկված էին Փառիսոսի թագավորության կազմում:

Կողք - գավառը ընդգրկում է Շամքոր և Կուրակ գետակների միջնատարածքը՝ ներառելով այժմյան Գաշքեսանի (Քարհատի) շրջանն ամբողջությամբ, Խանլարի շրջանի մեծ մասը, որը կազմում է 1650կմ² 16:

Արցախ նահանգի ընդգրկած տարածքը այս սահմաններում կազմում է ավելի քան 15500 կիլոմետր² 17:

Այսպիսով, Արցախը բնա-աշխարհագրական, վարչա-քաղաքական, տնտեսական և ազգագրական տեսակետներով մի ամբողջական տարածություն է կազմում, որտեղ արցախահայությունը հազարամյակներ շարունակ, դիմակայելով չարին, մաքառելով անագորյուն թշնամիների դեմ, համարյա թե անընդմեջ պահպանել է իր ազգային պետականությունն ու ինքնությունը՝ ստեղծելով համամարդկային արժեքներ, մշտապես անխաթար պահելով Հայոց Արևելից դարպասները:

† ° † , † † — † ⊕ † † . † - †

Խորհրդային իշխանության տարիներին, Ադրբեջանական տիրապետության պայմաններում Արցախի տարածքը հայ գիտնականների համար արգելված գոտի է եղել, որի հետևանքով հնագիտական պատշաճ ուսումնասիրության չի ենթարկվել: Եվ, այնուհանդերձ, Արցախի տարածքում կատարված մասնակի պեղումները, որի հետևանքով երևան են հանվել մշակութային կյանքի զանազան բնագավառների աննատարբեր նյութեր, հնագիտական նույնիսկ ոչ բավարար ուսումնասիրությունները ցույց են տվել, որ մարդն այստեղ շարունակաբար ապրել է հնագույն ժամանակներից ի վեր:

Այստեղ կարելի է տեսնել քարե դարաշրջանի և հետագա ժամանակաշրջանների բնակավայրերի, բերդերի, առանձին կառույցների ավերակներ ու հետքեր, հողի տակ թաղված զանազան զենքեր, իրեր, զարդեր, գործիքներ: Նման փաստերը մեզ հուշում են, որ Արցախը հայկական լեռնաշխարհի այն բնակահատվածներից է, որտեղ տեղի է ունեցել նախամարդուց մարդու ձևավորման գործընթացը:

Արցախի տարածքում հայտնաբերվել են բրածո կենդանիներ (գ. Քռասնի), ծովային աստղեր (Աստղաշեն-Գաշբուլաղ), ինչպես նաև փայտի քարացած մնացորդներ: Ուշագրավ է 1965թ. Հաղրուքի շրջանի Պետրոսաշեն գյուղից հայտնաբերված արխեոպստերիքսի քարացած գլուխը, որը պահպանվում է Արցախի պետական պատմաերկրագիտական թանգարանում: Առանձնակի հետաքրքրություն են ներկայացնում Հաղրուքի շրջանի Ագոխ գյուղի պալեոլիթյան քարայրից 1968թ. հայտնաբերված նյութերը: Քարայրում

բացվել են 14մ խորությամբ փափկացրած հողի շերտեր, որտեղ հաջորդաբար ներկայացված են քարի դարի մշակույթի բոլոր փուլերը: Այստեղ հայտնաբերվեցին նախկին ԽՄՀՄ տարածքի ամենահին պեղածո մարդկանց ոսկորները: Բացառված չէ, որ այստեղ մարդը հանդես է եկել մինդելյան սառցակալումից առաջ¹⁸:

Ազոխում հայտնաբերվել է միջին աշելյան մշակույթին պատկանող պեղածո մարդու ներքին ծնոտ, ինչպես նաև միջագետքյան եղջերուի, դյուսենբերգյան ձիու, ոնգեղջյուրի, մերկանի, բիզոնի ոսկորներ: Այս գտածոները նման են աշխարհի չորս հնավայրերում՝ Մարոկկոյում, Գ-Ֆ-Հ-ում, Անգլիայում և Իտալիայում մինչև այժմ հայտնաբերված նյութերին:

Ազոխի և Մատանի դարի գտածոները հնարավորություն են տալիս նշելու Հայաստանում վաղ աշելում մարդու առաջացման մասին: Դեռ ավելին, ֆրանսիացի հայտնի հնագետ Անրի դը Լյումլեյնի կարծիքով Ազոխից հայտնաբերված բազմազան նյութերը հնարավորություն են տալիս ասելու, որ դրանք «հողագնդի վրա մարդկային հնագույն քաղաքակրթության օջախի» ապացույցներ են¹⁹:

Ազոխի քարանձավում գտնված նմուշները ժամանակին տեղափոխվել են Բաքու և ներկայացվում են որպես թուրք-ազերիների մշակույթի անբաժանելի մաս:

Արցախի տարածքում կան նաև հնադարյան այլ բնակավայր-քարանձավներ, որոնց մի մասը առայսօր չի հետազոտված: Մասնակիորեն կատարված հետախուզական աշխատանքների ժամանակ քարեդարյան շրջանի մարդու գործունեության հետքեր են արձանագրված Թաղլարի, Քարին տակ գյուղերի տարածքում գտնվող Ավանակարան, Ալեքսանա-կարան, Դուզուն-կարան, Դաշրուլաղ (Քարադրյուր) գյուղի մոտ գտնվող Սանգյարի-կարան և Ուլուպապ գյուղի անտառում տեղակայված Պախրայի-կարան քարանձավներում:

Թաղլարի քարանձավից հայտնաբերված քարե գործիքները բավականին զուգահեռներ ունեն Իրանական Քրդստանի և Լորիստանի նույն ժամանակաշրջանի քարայրներից գտնված աշխատանքային գործիքների հետ:

Պետք է ավելացնել, որ Արցախի պալեոլիթյան հուշարձանները

բազմաշերտ են:

Արցախի հնավայրերը հարուստ են բրուտանոցներով, գերեզմանարտարային, կարասային, քարաբկղային, դազադային (սարկոֆագային) ձևերի քաղումներով ու դամբարանարտարներով:

Արցախի պետական պատմաերկրագիտական քանգարանում ուշագրավ հավաքածու են կազմել տարբեր հնավայրերից հայտնաբերված ուլունքները, կացինները, ասեղները, մատանիները, ապարանջանները, նետասլաքները, դաշույնները, կավանոթները, կարասները, թրծած սև գույնի կճուճները, գծանախշերով սափորները, ճենապակյա ափսեները, խաղողի քարացած սերմերը, կորեկի, ցորենի հատիկները: Դրանք պերճախոս ձևով վկայում են, որ խոր անցյալում այստեղի բնակիչների հիմնական զբաղմունքներից են եղել խաղողագործությունը, դաշտավարությունը, բրուտագործությունը, զինագործությունը և արհեստների այլ ճյուղեր:

Արցախի տարածքում հետախուզական արշավների և գյուղատնտեսական աշխատանքների ժամանակ առավել շատ հայտնաբերվել են բրոնզե և երկաթե դարաշրջաններին վերաբերող վանակատից, քարից, ոսկորից, բրոնզից, երկաթից, կավից և այլ նյութերից պատրաստված զենքերը, զարդարանքները, պերճանքի առարկաները, թռչնակերպ, կենդանակերպ, մարդակերպ արձանիկները, պաշտամունքային փորագիր պատկերների բարդ նախշագարդերով բրոնզե գոտիները, ճարմանդները, դաշույնները, ոսկյա սկանջողերը, որոնք մեծամասամբ պատրաստված են կաղապարելու, դրվագելու և փորագրելու եղանակով: Ձենքատեսակների մեջ առավելապես մեծ հետաքրքրություն են ներկայացնում քարե գուրգը, հրթիռանման գուրգը՝ հայտնաբերված Քարաղբյուր գյուղի Տանձատափ վայրից, երկճյուղ եղանը՝ ի հայտ բերված Առաջածորի դամբարաններից, բրոնզից մարտական կացինները, գուրգերը, նիզակները և դաշույնները, բրոնզաձույլ երկարապոչ նետասլաքները, վանակատից և կայծքարից նետասլաքները, սկյութական տիպի նետասլաքները և այլն: Առաջածորի և Խոջալուի դամբարաններից հայտնաբերված սպառազինության համար նախատեսված առարկաները հնարավորություն են տալիս վերականգնելու բրոնզեդարյան ծանր հետևագոր ռազմիկների արտաքին տեսքը: Այսպիսի ռազմիկներից

ոմանք «ուղեկցում» էին իրենց զինվորական առաջնորդներին անդրըջիրիմյան աշխարհում: Ղարաբաղի ցեղապետերից մեկի դամբարանում բացի ցեղապետի պճնազարդ աճյունից, հայտնաբերվել են սաղավարտակիր երեք մարտիկների կմախքներ²⁰:

Ջարդարանքների, պերճանքի առարկաների, թռչնակերպ ու կենդանակերպ ցուցանմուշներից աչքի են զարնվում Խաչենագետի հովտից, Խոջալուի դամբարանադաշտից, Արևշատից և Արցախի մյուս հնավայրերից հայտնաբերված եղնիկների պատկերով վզնոցը, փորագիր պատկերներով բրոնզաձույլ գոտիները, գավազանի կենդանակերպ գլխիկը, մարդու ձեռքի տեսքով ճարմանդը և բրոնզե ծակոտկեն կախիկները: Արցախի տարածքում Էմիլ Ռյուսլերի կողմից հայտնաբերված ազաթե ուլունքը, որի վրա հիշատակված է Ասորեստանի Ադադնիրարի 1-ին (1310-1280թթ. Ք.ա.) արքայի անունը, տեղափոխվել է Պետերբուրգ:

Պրոֆեսոր Խ.Մամուելյանի կարծիքով Ասորական գրությունքը ազաթե ուլունքը Խոջալու է հասել տեղացի ցեղապետերից մեկի միջոցով, որը ամենայն հավանականությամբ ծառայել է Ասորեստանի բանակում և որպես նվեր ստացել է Ադադնիրարի 1-ինի կողմից²¹: Վերոհիշյալ փաստը վկայում է, որ Արցախը Ք.ա. III-II հազարամյակներում ներառված է եղել Առաջավոր Ասիայի քաղաքակրթության ոլորտը և սերտ առնչություններ է ունեցել դրա օջախներից մեկի՝ Ասորեստանի հետ: Հարկ է նաև նշել, որ հայտնաբերված հնագիտական արժեքավոր նյութերի նշանակալից մասը տեղափոխվել է Բաբու, Պետերբուրգ, Գերմանիա:

Ակադեմիկոս Բորիս Պիատրովսկու կարծիքով Լեռնային Ղարաբաղի տարածքում հայտնաբերված դամբարանների կառուցվածքի, ինչպես նաև գերեզմանատների ուսումնասիրությունը, նախկինում հայտնաբերված և լավ ուսումնասիրված մնանօրինակ նյութերի հետ համադրումը ցույց է տալիս, որ դրանք իրենց զուգահեռներն ունեն Սևանա լճի ավազանի հուշարձաններում²²: Հնագիտական գրականության մեջ ընդունված է համադրել Լեռնային Ղարաբաղից, Գետաբեկից, Գանձակից, Սևանա լճի ավազանից, ինչպես նաև Հայաստանի հյուսիս-արևելյան հատվածից ձեռք բերված նյութերը²³: Ասել կուզի, հնագույն ժամանակներից վերոհիշյալ տա-

րածքները հայկական են, հայերի բնօրրանն ու հայրենիքը:

† † ° "Ⓔ —† ~ , ~ - , †...
† 𐌕 † ~ œ † °

Աշխարհի ժողովուրդների ծագումնաբանության հարցը պատմագիտության ամենախորհիմն հիմնահարցերից մեկն է համարվում: Դիշտ այդպես է նաև հնդեվրոպացիների նախահայրենիքի հարցը: Նորահայտ բազմապիսի աղբյուրների քննության հիման վրա, Վ.Ի. վանովի և Թ. Գամկրելիձեի կարծիքով, հնդեվրոպացիների նախահայրենիքը եղել է Հայկական լեռնաշխարհը (կենտրոնում), Իրանական սարահարթի հյուսիս-արևմտյան մասը (արևելքում) և Փոքր Ասիայի ամբողջ տարածքը (արևմուտքում)²⁴:

Ըստ ամերիկյան գիտնականների հաշվումների՝ հնդեվրոպական մայր լեզվից հայերը բաժանվել են Ք.ա. 2300 թվականներին²⁵:

Արցախի հայերը ոչ միայն պատկանում են հնդեվրոպական լեզվաընտանիքի արմենոիդ մարդաբանական տիպին, այլև հանդիսանում են այդ տիպի ամենացայտուն ներկայացուցիչները²⁶: Գեռես տասնամյակներ առաջ հայտնի արևելագետ Ռ.Վիրխովը, քննության ենթարկելով հայկական լեռնաշխարհի տարբեր հատվածներից հայտնաբերված նյութերը, դրանք իրար համադրելով, գտել է. «Բնորոշն ու վերին աստիճանի կարևորը ընդհանուր տիպն է, իսկ այս կողմից մինչև այժմ կատարված սակավաթիվ պեղումներն անգամ ցույց են տալիս, որ Գուգարքից սկսած մինչև Թարթառ գետի դաշտը ապրած հին ազգերը մի կուլտուրայի ներկայացուցիչներ էին»²⁷:

Հնագետ Ա. Իսրայելյանը համանման գտածոների վերլուծու-

թյունից պարզել է, որ բրոնզեդարյան ժամանակաշրջանում հայկական լեռնաշխարհի, այդ թվում նաև Լեռնային Գարաբաղի տարածքում ապրող ցեղերի հավատալիքներն ու ծիսակատարությունները նույնատիպ էին²⁸:

Այս ճշմարտապատումը ժամանակին արձանագրել է նաև Մովսես Խորենացին, ընդգծելով, որ հայոց ավանդական նախնի Հայկի ժառանգներից մեկը՝ Միսակը, տեր է դարձել Հայաստանի արևելյան մասին: Նրա անունից էր, որ այս աշխարհը կոչվեց Միսական: Եվ այս Միսակի ժառանգներից մեկն էլ՝ Առան անունով, կուսակալ կարգվեց Երասխ գետի ձախակողմին՝ մինչև Կուրի հոսանքը, ուր ավարտվում էր հայերեն խոսքը: Այս Առանի գավակներից էլ գոյացել են Կուրի ու Արաքսի միջագետքի հայ բնակիչները՝ ուտիացիները, նաև Գարդմանքի, Ծավդեից (Արցախի) և Գուգարացոց իշխանությունները²⁹: Նորահայտ փաստերը վկայում են, որ հազարամյակներ շարունակ Հայկական լեռնաշխարհում, այդ թվում Հայոց Արևելից գավառներում ապրել են հնդեվրոպական ծագում ունեցող ժողովուրդների նախնիները:

Ժամանակի ընթացքում հնդեվրոպական ցեղերի մի մասը՝ ժամանակակից սլավոնական, գերմանո-կելտական ժողովուրդների և այլոց նախնիները, կենսագործունեության նոր տարածքներ ձեռք բերելու նպատակով առանձնացել են նախամայր ժողովրդից, որպես ինքնուրույն էթնիկական միավոր՝ հաստատվելով ներկայիս իրենց երկրներում: Հնդեվրոպական ծագում ունեցող մյուս ժողովուրդները՝ հայերը, արիները այդ գործընթացի ժամանակ մնացել են իրենց հայրենիքում:

Այսօր ժողովուրդների տոհմաբանական միասնությունը սպացուցվում է նաև նրանց լեզուների ընդհանրությամբ: Հնդեվրոպական մայր լեզվի շատ բառեր, որոնք այլափոխված ձևով պահպանվել են ճյուղավորված լեզուներում, այդ թվում հայերենում, արցախյան բարբառում պահպանվել են նախնական կամ նրան մոտ տեսքով: Այս տեսանկյունից իրավացի է Քերովրե Պատկանյանը, ըստ որի հայերեն բարբառները համարյա անփոփոխ գոյություն են ունեցել նաև 5-րդ դարից առաջ՝ որպես հայ ազգի գոյացմանը մասնակցած ցեղերի լեզուների փոփոխված ու մշակված մնացորդներ:

ըը³⁰:

Անգամ Արցախի բարբառում կան որոշակի քանակությամբ բառեր, որոնք գործածական են միայն այդ բարբառում, չեն մտել հայերենի ընդհանուր բառապաշարի մեջ: Այդ բառերը իրենց հնչյունական կազմով ու արտահայտած իմաստով նույնությամբ արձանագրված են նաև հնդկական սուրբ գրքում՝ «Ռիգվեդայում»: Ըստ «Ռիգվեդայի» Յաման մահվան քազավորության տիրակալն է, մարդկանց մահ բերող աստվածը: Նույն հնչյունական կազմով և նույն իմաստով բառը պահպանվել է նաև Ղարաբաղի բարբառում. «Էն յաման տարածը» պետք է հասկանալ «Էն մահը տարածը»³¹: «Կուլ» կամ «կոլ» հնդեվրոպական նախարմատը վիզ կամ թե կոկորդ է նշանակել: Գրական հայերենում այդ արմատը պահպանվել է կոլ տալ, կլանել ձևերում: Նույն արմատից են ծագում ռուսերենի «զլոտածը», ֆրանսերենից կոլլե-վզնոցը, մի շարք լեզուներում օգտագործվող կոլմինացիա-բարձրակետեր: Ղարաբաղի բարբառում «կուլ» կամ «կոլ» նախարմատը պահպանվել է գոյականակերպ տեսքով: Ասում ենք «քյեցավ կոլավն ընգավ» (գնաց վզովն ընկավ)³²:

Շումերական Էպոսում, որտեղ ներկայացված է Ք.ա 28-27-րդ դարերի իրողությունները, հիշատակություն կա նաև Արատտայի աստվածային պանթեոնի մասին: Մայր աստվածուհին կոչվում էր Տուրտուր, որը շումերենից աքքադացիներին փոխանցված «Գիզամեշ» էպոսում դառնում է արդեն Ուրար Տուտու: Ուրար մակդիրի կորուստով Տուտու բառը հասել է մեր օրերը՝ կրկնակի իմաստով: Արևմտահայերենում Տուտու նշանակում է մեծ մայր, տատիկ՝ ինչ-որ չափով պահպանելով նախկին իմաստը: Իսկ Ղարաբաղի բարբառում տուտու են ասում դանդաղաշարժ, անկարող, որևէ գործում շնորհք ցուցաբերելու անընդունակ կնոջը: Ըստ երևույթին, այդ հեռավոր ժամանակներում, հայկական ցեղերի միավորմանը գուզընթաց, նրանց աստվածային պանթեոնների միջև ևս մրցակցություն ու «կռիվ» է եղել, և արևելյան հատվածում հաղթող է դուրս եկել Նանե մայր աստվածուհին՝ դառնալով մեծ մայր, տատիկ, իսկ պարտված Տուտուն ստացել է բացասական իմաստ³³:

Բառասկզբի հավելություն հ-ով բառերը գերազանցապես բնիկ հնդեվրոպական ծագում ունեն: Հ-ն գրաբարում և հնդեվրոպա-

կան շատ ուրիշ լեզուներում ընկել է՝ պահպանվելով մասամբ խեթա-լուվական լեզուներում: Վարաբադի բարբառում հ-ն առանձին դեպքերում զուգահեռ ունի խեթերենում.

հըն(դ)-(հընդեր, հընդրել)-ըն(դ)-(ընկեր,ընտրել)-խեթ.hant

հանդ-անդ-(H) andh

հըվելուկ, (h)իվըլուկ-աւելուկ-(H)obhel

հդէ-ուդի-(H)ulii³⁴:

Ժամանակակից անգլերենի և դարաբաղյան բարբառի շատ համանման են ոչ միայն իրենց արտահայտությամբ, այլև օժանդակ իմաստով: Օրինակ՝ կարպետ-կարպետ, կով-կավ, ռոք-ռոք (քար), հովուր-հովուր (մի պահ), Մթունհունց-Քարահունց և այլն:

Վարաբադի բարբառում կան բազմաթիվ բառեր, որոնք արտահայտած իմաստով պահպանվել են անգլերենում և ռուսերենում: Այսպես, օրինակ լեթված (անդաստիարակ) աղջիկ-լյթ գյուլ, դոնգի (հիմար)-դանքի (ավանակ), մռոզ (խոժոր կամ եղանակի հետ կապված վատ, ցուրտ)-մորոզ:

Հետաքրքիր է նաև հետևյալ փաստը. Վարաբադի բարբառի բառային կազմի մեջ կան բառեր, որոնք մեզ ավանդված չեն ոչ ոչ հին մատենագրությամբ, ոչ էլ գրավոր նոր աղբյուրներով: Դրանք չկան նաև արդի գրական հայերենում: Այդպիսի բառերը հնդեվրոպական ծագում ունեն: Դրանցից են՝ մըղըմօղ-«ցեց», սկըհել-«սայթաքել», լօկ-«լորտո», դիզյասկանց-«հանկարծակի», կիլտի-«թլվատ», դույուդ անել-«տեղեկացնել», սէտ-«տեղյակ», և այլն³⁵:

Ուշագրավ է, որ Վարաբադի բարբառում պահպանվել են գրաբարյան մի շարք հոլովածներ և բառեր: Օրինակ հաքյի-ագի, քըշերավ-գիշերաւ, խոնջան-խոնջան, քըշկոռ-կոշկոռ:

Ինչպես գրաբարում, այնպես էլ Վարաբադի բարբառում պահպանվել են բառասկզբի փ և յ հնչյունները, ինչպես՝ փուրգոն-«ֆուրգոն», փիրմա-«ֆերմա», փիզիկա-«ֆիզիկա», Փրանսիա-«Ֆրանսիա», յըղէ-«հղի», յէշիլ-«նայել», յէխնել-«հաղթել» և այլն:

Փաստերը վկայում են, որ Վարաբադի բարբառը հնդեվրոպական ծագում ունեցող ժողովուրդների նախալեզվի, այդ թվում՝ հայ ժողովրդական լեզվի ճյուղերից մեկը լինելով, գալիս է հնագույն դարերից և խոսում է հազարամյակներ առաջ հայկական լեռնաշխարհ

հում կատարված էթնիկ տեղաշարժերի մասին: Ասվածը մեկ անգամ ևս ապացուցում է Արցախի տարածքում հայտնաբերված հնագիտական նյութերի կապը Հայկական բարձրավանդակի նմանօրինակ հավաքածուների ու հուշարձանների հետ:

Վերոհիշյալ փաստերը հիմք են տալիս ասելու, որ Բ.ա. 3-րդ հազարամյակում Հայոց Արևելից գավառների՝ Արցախի ու Ուտիքի տարածքներում նույնպես իրականացվել է հայ ժողովրդի կազմավորման գործընթացը:



Հայկական լեռնաշխարհում ժողովրդակազմավորման գործընթացի ավարտից հետո, Ք.ա. 3-1-ին հազարամյակներում հանդես եկան առաջին պետական կազմավորումները, որոնց շարքում իր ուրույն տեղն ու դերն ուներ Ուրարտուն՝ Վանի կամ Արարատի քազավորությունը: Նախապես դա փոքր պետություն էր՝ փոփած Վանա լճի ափամերձ շրջաններում: Այնուհետև այն հզորանում է, հակահարված տալիս Ասորեստանին, և, զենքի ուժով խաղաղեցնելով հայկական մյուս իշխանություններին, տարածում իր իշխանությունը գրեթե ողջ Հայկական լեռնաշխարհի վրա: Մենուա արքայի օրոք (810-786թթ.) սկսվում է Վանի քազավորության հզորության ժամանակաշրջանը:

Նախկինում կարծիքներ կային, որ հյուսիսում Մենուան հասել էր մինչև Արաքսի հովիտը: 1989թ. օգոստոսի 11-ին երկրաբան Վալերի Իգումնովը Սյունիքի լեռնոտ հատվածներում հայտնաբերել է մի արձանագրություն: Այն վկայում է, որ Ք.ա. 810-805թթ. միջև ընկած ժամանակահատվածում Մենուան մտել է Սյունիք³⁶:

Հայոց Արևելից գավառների նվաճման հաջորդ փուլը կապված է Վանի քազավորության ամենահզոր արքայի՝ Արգիշտի Ա-Ի (786-764թթ.) անվան հետ: Արգիշտի Ա-ի Կոտայքում գտնված ժայռափոր արձանագրության մեջ խոսվում է Ջառ քաղաքի մասին³⁷: Այն համընկնում է Արցախի միջնադարյան Ծար մելիքանիստ ավանի և ներկայիս Քարվաճառի Ջառ գյուղի հետ: Ասվածը հիմնավորվում է նաև Հովհաննես Կարազյոզյանի Արգիշտի Ա-ի Խոռխոռեան տարեգրության նոր մեկնությամբ, որտեղ նա հավաստի փաստերով ապացու-

ցում է, որ հաղթող արքան հասել է Ձառ գյուղից ոչ շատ հեռու գտնվող Բաղինք արքունականը, Ջերմաջուրը (Իսախան)³⁸: Վերոհիշյալ հեղինակի կարծիքով 1956թ. Արին Բերդում բացված շինությունը, որ կոչվում է սուսե³⁹, համընկնում է Արցախի Մարտունու շրջանի Մոս և Քաշաթաղի շրջանի Մոս գյուղերի հետ: Շատ հնարավոր է, որ Մոս գյուղի շրջակայքում եղել է ուրարտական շրջանից մնացած որևէ սուսե (տաճար)⁴⁰:

Վերոհիշյալ փաստերը վկայում են, որ Արցախը Արգիշտի Ա-ի կառավարման տարիներին ներառված է եղել հայկական պետականության կազմում:

Միաժամանակ ընդգծենք պատմագիտության մեջ տիրող այն կարծիքը, որ Արցախը նվաճվել է Սարդուրի Բ-ի օրոք⁴¹, վիճելի է: Սարդուրի Բ-ի կառավարման տարիներին (764-735թթ.) մաքրագործվեցին Վանի թագավորության սամանները: Նա վերանվաճեց իր հոր կողմից նվաճված տարածքները, այդ թվում նաև Արցախը: Այդ առթիվ Սարդուրի Բ-ն Վարդենիսի Ճովակ գյուղի մոտ հայտնաբերված սեպագիր ժայռափոր արձանագրության մեջ պատմում է, որ ուրարտական զորքը հաղթականորեն անցել էր Սևանա լճի ողջ արևմտյան ափի երկայնքով, նվաճել Ուելիքուխի երկիրը և, այնուհետև, լճի հարավ-արևմտյան ափին հաղթանակ տարել Տուլիխու, իսկ հարավային ափին՝ Արկուկինի երկրի նկատմամբ՝ հասնելով մինչև Ուրտեխինի⁴²:

Սևանի ափին, Ճովինար գյուղում հայտնաբերված մեկ այլ արձանագրություն վկայում է, որ Սարդուրին նվաճել է 23 թագավորություններ, որոնց շարքում հիշատակվում են՝ Ադախունի, Ուելիկուխին, Լուերուխին, Արկուկինին:

Բ.Պիատրովսկին գտնում է, որ Ուելիկուխի աշխարհն զբաղեցրել է Սևանի արևմտյան ափը, իսկ Ադախունին՝ հարավային ափի արևելյան մասը: Հետևապես Սարդուրին Սևանի հարավային ափով շարժվել է դեպի արևելք. «Լճի կողմից բնական ոչ մի արգելք չկա՝ շարժվելու համար դեպի արևելք, ընդհուպ մինչև Լեռնային Ղարաբաղը, որը կապված է եղել Հայաստանի հետ»⁴³:

Որ «Ուրտեխսեն» կամ «Ադախունին» նույն Արցախն է, վկայում են նաև Սարդուրի Բ-ի նույն արձանագրության մեջ հիշատակվող

Արցախի գավառների, բնակավայրերի և գետերի՝ Հարճլանք, Պարծկանք, Պիանք, Գիշի, Տրտու, Կուրական անունները⁴⁴:

Սարղուրի Բ-ի կողմից Գանձադռան տարեգրության հատվածներից մեկում Բ.ա. 741թ. տեղի ունեցած դեպքերի կապակցությամբ և Ռուսա Ա-ի՝ Ծովինարի ժայռափոր արձանագրության մեջ հիշատակված է Ադախունի տեղանունը⁴⁵:

Ադախ տեղանունը հիշատակված է նաև հետագա ժամանակների հայկական աղբյուրներում. «...զնաց ի կողմ Խաչենոյ, Տանձեաց և Ադախայ կրկին անգամ»⁴⁶:

Արդախ բնակավայրը գտնվել է Արցախի Խաչեն գավառում, որը հանդիպում է միջնադարյան հայ պատմագրության էջերում Անանիա Ա Մոկացի (946-968թթ) կաթողիկոսի մասին եղած վկայության մեջ. «Եւ հասեալ ի գաւառն Խաչենոյ՝ ընդ առաջ ելանէր մնա իշխանն Գրիգոր եւ տարեալ իջուցանէ ի տան իւրում: Եւ ժողովէ զամենայն իշխանս աշխարհիս եւ զեպիսկոպոսումս եւ զվանականս ի տեղին, որ Արդախն կոչի...»⁴⁷:

Արդախը հիշատակվում է նաև Գանձասարի՝ 1467թ. վիմագիր արձանագրություններից մեկի մեջ⁴⁸: Ամենայն հավանականությամբ, Ադախ-Արցախ մեկ բնակավայրի անունը հետագայում տարածվել է ողջ նահանգի վրա:

Սարղուրի Բ-ից հետո Ռուսա Ա-ն (Բ.ա.735-713թթ.) իշխանության գլուխ անցավ քաղաքական բարդ իրադրության պայմաններում: Ասորեստանը գտնվում էր իր հզորության գագաթնակետին: Նման իրավիճակում Ռուսա Ա-ն, խելամտորեն գնահատելով ստեղծված կացությունը, ձեռնպահ մնաց Ասորեստանի արմատական շահերը հարավում շոշափելուց:

Մյուս կողմից, Ռուսա Ա-ն նվաճողական գործողություններ ձեռնարկեց հյուսիսում: Նա կրկին հնազանդեցնում է Մևանա լճի արևմտյան և հարավային ափերին ընկած երկրները, որոնք Սարղուրի Ա-ի մահվանից հետո ապստամբել էին Ուրարտուի դեմ: Այնուհետև, հպատակեցնում է «լճից այն կողմ», այսինքն՝ նրա արևելյան ափերի երկարությամբ ձգված բարձրադիր լեռներում ընկած 19 այլ երկրներ⁴⁹, այդ թվում Արցախը: Ռուսա Ա-ի՝ Ծովինարի ժայռափոր արձանագրության մեջ նշված 19 երկրների 3-րդ շարքի 1-ին

տեղում հիշատակված է Ծամա տեղանունը⁵⁰: Սեպագիր Ծամա երկրանունը պահպանված է Արցախի Հաղորոթի շրջանի այժմյան Ծամձոր գյուղանվան մեջ⁵¹:

Ծովինար գյուղի մոտակայքում Ռուսա Ա-ն Թեյշեբա աստծո անունով նաև քաղաք է կառուցել⁵²:

Ստեփանակերտի ու Խոջալլուի դամբարանաբլուրներից պեղված նյութերի մեջ տիրապետող են նաև այն նյութերը, որոնք գիտության մեջ կապվում են Ուրարտական թագավորության հետ: Այսպիսի նյութերից մեկը՝ սարդիոնե գարդանախշը, ունի նաև սեպագիր արձանագրություն՝ Ռուսա թագավորի անվան հիշատակությամբ: Մա էլ մի վկայություն է, որ հայկական այդ թագավորության մեջ առկա է նաև Աղախ-Արցախի պարզ հիշատակությունը⁵³:

Նույն Խոջալլուի դամբարանադաշտի թաղումները և հարակից այլ նյութեր, հնագետ Վ.Բելկի կարծիքով, պատկանում են հայերին և աղերս ունեն Հայկական բարձրավանդակի համաժամանակյա հուշարձանների հետ⁵⁴:

Ուրարտուի վերջին շրջանի՝ Կարմիր բլուրի պեղումների ժամանակ հայտնաբերված Ռուսա Դ-ի՝ (Ք.ա.600-590թթ.) թագաժառանգ եղած ժամանակի կնիքով կնքված կավե սալիկներից մեկի արձանագրությունը⁵⁵ վկայում է, որ Ուրարտուի հյուսիս-արևելյան սահմանը եղել է Կուր գետը:

Փաստորեն վերոհիշյալ ժամանակաընթացքում Ուրարտուն հիմնավորապես հաստատվում է այս հեռավոր լեռնային շրջանում:

դաքական և մշակութային կյանքի կենտրոնը:

Հայոց Արևելից մահանգների հայությունը աշխարհագրական տեսակետից առավել մոտ լինելով նոր թագավորական տան կենտրոնատեղիին, ավելի գործուն մասնակցություն ունեցավ պետականության կերտմանը:

Նոր կազմավորված հայկական թագավորությունը ստիպված էր դիմակայել երեկվա իր դաշնակցին՝ Մարաստանին: Վերջինս, տիրելով Արաքսի հովտում և Միջագետքում գտնված հաղորդակցության ուղիներին, փորձում էր իր գերիշխանությունը տարածել նաև Հայաստանի վրա: Մարաստանի Աստիագես կամ առասպելական Աժդահակ թագավորի դեմ պայքարը գլխավորեցին Երվանդ Մակավակյացը և նրա որդի Տիգրանը: Հայոց թագավորը գորք է ժողովում Հայաստանի տարբեր մահանգներից, այդ թվում Արցախից և Ուտիքից ու հասնում հաջողության⁵⁶: Այդ պայքարում հայերին աջակցում են պարսից Աքեմենյանները՝ Կյուրոս Մեծի գլխավորությամբ, որոնք ապստամբել էին Մարաստանի դեմ: Տիգրան Ա-ի օժանդակությամբ Կյուրոսը Ք.ա. 550 թվականին ստեղծում է աշխարհակալ Աքեմենյան պարսկական տերությունը: Արցախը Ք.ա. 550 թվականից մինչև 331 թվականը գտնվում էր Աքեմենյան գերիշխանության տակ⁵⁷:

Տիգրան Ա Երվանդյանի գահակալության շրջանում Հայաստանը ենթարկվեց սկյութական հարձակումներին: Չնայած Հայոց թագավորը նրանց նկատմամբ հաղթանակի հասավ, բայց և այնպես ժամանակի ընթացքում սկյութներին հաջողվեց բնակություն հաստատել Կուրի աջափնյակում՝ Գանձակի գավառում, որը անվանվեց Շակաշեն: Էթնիկ բախումների հետևանքով նշված տարածքներից հայ բնակչության մի հատվածը տեղափոխվեց Կուրի ձախ ափը⁵⁸ և մինչև Արցախյան շարժման սկիզբը ապրում էր այնտեղ:

Ք.ա. 4-րդ դարում Աքեմենյան տերությունը բռնել էր քայքայման ուղին: Նրա անկումն արագացրեց Բալկանյան թերակղզու հյուսիսում գտնվող Մակեդոնիայի արքա Ալեքսանդր Մեծի ձեռնարկած արշավանքը:

Ք.ա. 331թ. Գավգամելա վայրում Ալեքսանդրը հաղթանակ է տանում Աքեմենյանների նկատմամբ և վերջ դնում երբեմնի հզոր

կայսրությանը: Մեծ Հայքի սատրապ Երվանդը, օգտվելով առիթից, իրեն հռչակեց անկախ կառավարիչ: Հայաստանն, այսպիսով, վերականգնվում է որպես ինքնուրույն թագավորություն: Հայկական անկախ պետականության վերականգնումը արդյունք էր նաև Հայաստանի հասարակության ներքին զարգացման, նրա հասունացման, հայոց բոլոր նահանգների միականության, իշխանության նոր, ավելի բարդ ձևերը ստեղծելու ունակության:

Հայկական թագավորության սահմանների մասին որոշ տեղեկություններ են պահպանվել: Ինչպես երևում է Քսենոփոնի «Կյուրոպեդիայի» որոշակի տվյալներից, Հայաստանի և Ատրպատականի սահմանը անցնում էր Արաքսի միջին հոսանքի շրջանից Ուրմիա և Վանա լճերի միջով մինչև Ջերմ գետի (Բոհտան սու) ակունքների շրջանը: Ջերմ գետով հարավային սահմանը ձգվում էր դեպի արևմուտք և շարունակվում Արևմտյան Տիգրիսով կամ Մասիոս (Տուր-արդին) լեռնաշղթայով մինչև Եփրատ: Հայաստանի արևմտյան սահմանի մի մասը պետք է անցած լինի Ամանոսի լեռներով և Կոմմագենե երկրի արևմտյան եզրով: Եփրատ գետից սահմանը անցնում էր Եկեղիքի հարավային մասով: Արևմտյան Եփրատից դեպի արևմուտք և հյուսիս գտնվում էր Փոքր Հայքը՝ մինչև Կապադովկիա և Պոնտական լեռները: Եփրատի վերին հոսանքից հյուսիսային սահմանը ընթանում էր դեպի արևելք, հավանաբար՝ Ճորոխով, իր մեջ ամփոփելով արդեն փասիանների և հեսպերիտների, ինչպես նաև տառիսների երկրները: Հայկական պետության հյուսիս-արևելյան սահմանը Կուր գետն էր: Արևելյան Այսրկովկասի այդ ժամանակաշրջանի պատմության տվյալներից երևում է, որ Կուր գետից արևելք ձգվող տարածությունները, որտեղ բնակվում էին աղվանական բազմաթիվ ցեղեր, գտնվում էին մարական սատրապության և ապա Ատրպատականի պետության հսկողության տակ⁵⁹:

Փաստերը վկայում են, որ Երվանդունյաց պետության կազմի մեջ մտնում էին նաև Արցախը և Ուտիքը:

Ք.ա. 4-3-րդ դարերում հայոց արքունական տան կալվածներն ու ձմեռանոցը Ուտիք նահանգում էր⁶⁰:

Պատահական չէր, որ Ք.ա. 2-րդ դարում Արտաշեսի և Երվանդի

միջև թեժ պայքարը նոր ընթացք ստացավ Ուտիքում: Խորենացին վկայում է, որ Երվանդը Ուտիքում էր, երբ լուր ստացավ, թե Արտաշեսի դայակ Սմբատը պարսիկների հետ դաշնակցած մեծարանակ գորքերով խորանում էր Հայոց նահանգներում: Երվանդը այդ նահանգում թողնելով կողմնապահներ, ինքը տեղափոխվում է խոր քիկունք՝ Արարատյան դաշտավայր, իր շուրջը համախմբելով դաշնակիցներին:

Արտաշեսը, մտնելով Ուտիք, նրան են միանում հայ նախարարները և համատեղ ուժերով Սևանա լճի ափերով հասնում Երվանդի բանակին: Ճակատամարտում՝ պարտության մատնելով Երվանդին, Ք.ա. 201թվականին Արտաշեսը գրավում է Երվանդաշատ մայրաքաղաքը և իրեն հռչակում Մեծ Հայքի կառավարիչ⁶¹: Նույնը կատարեց Ջարեհը Ծոփքում: Քիչ անց Ք.ա. 189թվականին Արտաշեսը, օգտվելով արտաքին բարենպաստ հանգամանքներից, իրեն հռչակեց անկախ Մեծ Հայքի քագավոր:

Լինելով Երվանդունյաց տոհմի շառավիղներից մեկը, նա այնքան մեծագործություններ կատարեց և խոր հետք թողեց Հայոց կենսագրության մեջ, որ ընդունված է նոր պետությունը անվանել Արտաշեսյան (Ք.ա. 189-Ք.հ.1թ.):

Հույն պատմագիր և աշխարհագիր Ստրաբոնը վկայում է, որ հայկական պետությունը Արտաշեսի օրոք ընդարձակվել է բոլոր չորս ուղղություններով: Դեպի արևելք կատարված արշավանքների հետևանքով ձեռք բերված երեք երկրամասերից (Կասպիանե, Փավնիտիս, Բոսորոպեդիա) վերջինը համընկնում է Պարսպատունիք գավառին, երկրորդի տեղը պարզ չէ, իսկ առաջինը՝ Կասպիանեն, Կուրի և Արաքսի գետախառնուրդի շրջանն է և նրանից արևելք, մինչև Կասպից ծովն ընկած երկիրը, որը նույնանում է Փայտակարանի հետ⁶²: Մ.Խորենացին այն անվանում է Կասքից երկիր⁶³ և, հենվելով Օդյունյա քրմի պատմածի վրա, մանրամասնություններ հաղորդում Արտաշեսի՝ դեպի այդ կողմ կատարած արշավանքի մասին⁶⁴: Մ.Խորենացու հաղորդմամբ, այդ երկիրը նախապես էլ Հայաստանի իշխանության տակ է եղել և Արտաշեսի օրոք ապստամբել է: Արտաշեսը գորք է ուղարկում գորավար Սմբատի ղեկավարությամբ, որը ճնշում է ապստամբությունը և գերեվարում երկրի

թագավոր Ջարդմանոսին ու բնակչության մեծ զանգվածներ: Այն հանգամանքը, որ այստեղ Կասբից երկիրը (Ստրաբոնի Կասպիանեն) դիտվում է որպես հայկական պետության ապստամբած մաս և ոչ նվաճվող երկիր, թերևս արտացոլումն է այն իրողության, որ հայկական էթնոսը արդեն նախապես տարածված էր այս երկրամասում: Ուստի և նրա քաղաքական միավորումը հայկական պետության հետ կարող էր ընկալվել որպես վերամիավորում:

Պատահական չէ, որ Ստրաբոնը, խոսելով Արցախի մասին, պատմում է, որ այն չի սահմանակցվում հարևան երկրների հետ և գտնվում է Մեծ Հայքի խորքում: Ըստ Ստրաբոնի՝ Արցախը (Օրխիստինան) այդ ժամանակ արտահանում էր մեծաքանակ պատերազմական ձիեր⁶⁵: Ստրաբոնը մ.թ.ա. 1-ին դարի և մ.թ. արշալույսի Հայաստանը նկարագրելով որպես ականատես, նրա կազմի մեջ ներկայացրել է Շակաշեն-Ուտիքը և Օրխիստինա-Արցախը՝ որպես այդ երկրի բուն նահանգներ: «Կիրը(Կուր),- գրել է նա,- սկիզբ է առնում Հայաստանում, նեղ գետահովտով հոսում է դեպի Ալբանիան՝ Առատաջուր և հախտուն անցնելով նրա և Հայաստանի միջով»⁶⁶:

Ստրաբոնի հաղորդած տեղեկությունները հնարավորություն են տալիս որոշելու պատմական Հայաստանի հյուսիս-արևելյան սահմանները: Հյուրըմանը գտնում է, որ Հայաստանը Արտաշեսի օրոք իր մեջ բովանդակում էր Փայտակարանը, Սյունիքը, Վասպուրականը, Այրարատը, Գուգարքը, Տայքը, Բարձր Հայքը, Տուրուբերանը, Չորրորդ Հայքը, Աղձնիքը, Մոկքը, Կորճայքի մի մասը, Ուտին ու Արցախը, այսինքն՝ հնագույն Հայաստանի 15 նահանգներից 13-ը⁶⁷: Հույն պատմիչը վկայում է, որ Ք.ա. 2-րդ դարում Հայաստանի բնակչությունը միավելավ էր⁶⁸, այսինքն՝ հայալեզու:

Ստրաբոնի վկայությունները հաստատում են Մովսես Խորենացու տեղեկություններով: Պատմահայրն ասում է՝ Վաղարշակ ավանդական արքայի (Արտաշեսի) օրոք Հայոց պետության սահմանները գծվեցին «գեգերք հայկական խօսիցս», այսինքն՝ հայոց լեզվի տարածման սահմաններով: Շարունակելով իր միտքը, Մ.Խորենացին հաղորդում է, թե ինչպես Վաղարշակ-Արտաշեսը կարգավորում է իր արքունիքը, ստեղծում գործակալություններ, նահանգներում նշանակում կառավարիչներ: Արտաշեսը Հայկի սերնդից Ա-

ռանին կարգեց Կուրի և Արաքսի միջագետքի, այսինքն՝ Արցախի և ՌԻտիքի կուսակալ: «Աշխարհն էլ Աղվանք կոչվեց,- գրում է պատմահայրը, նրա քաղցր բնավորության պատճառով, որովհետև նրան աղու էին ասում»⁶⁹:

Լեռն, խոսելով հայոց պետականության գոյության համար վերոհիշյալ գավառների ռազմավարական նշանակության մասին, գրել է. «...առանց Ղարաբաղի լեռնաստանի անհնարին է երևակայել Հայաստանի սրտի՝ այն է՝ Արարատյան երկրի պաշտպանությունը հյուսիսային և արևելյան տափաստաններից, Ղարաբաղը անմիջական շարունակությունն է այն հզոր պաշտպանողական պատվարի, որ ներկայացնում է Գուգարքը (այժմյան Լոռին և հարակից գավառները): Եվ այս է պատճառը, որ հայկական պետության հիմնադիրներ հանդիսացած Արտաշեսն ու Տիգրանը Գուգարքի հետ միասին Հայաստանի սահմանների մեջ են մտցրել և Ուտին, Արցախն ու Սյունիքը»⁷⁰: «Արտաշեսի սերնդից էր,- ասում է Մտրաբոնը,- Տիգրանը. նա իշխում էր բուն Արմենիայում, որը սահմանակից էր Մարաստանին, Աղվանքին, Իբերիային մինչև Կողքիս և Սև ծովի մոտ գտնվող Կապադովկիային»⁷¹: Տիգրան Բ Մեծը, շարունակելով իր պապի՝ Արտաշես Ա-ի կիսատ թողած գործը, առավել ընդարձակեց տերության սահմանները՝ ստեղծելով ծովից ծով Հայաստան: Նա ոչ միայն ամրապնդեց իր նախորդների ստեղծած միասնական հայկական պետությունը, այլև նրա քաղաքական ազդեցության տակ առավ հարևան երկրները: «Հայաստան աշխարհագրական գաղափարը,- ասում է Հյուբշմանը,- հաստատուն կերպով զարգացավ Տիգրանի ժամանակ, որն առաջին անգամ Հայաստանին միացրեց Ծովքն ու Կորդուքը: Հաջորդ դարերին այս գաղափարը տիրող մնաց հայերի մոտ, թեև քաղաքական հարաբերությունները միշտ նույն գաղափարին չէին համապատասխանում: Եթե հարավային նահանգները պարսիկներին էին անցնում, արևմտյանը՝ հույներին, հյուսիսայինները՝ վրացիներին կամ աղվաններին, և եթե հռոմեացիներն ու պարսիկները երկիրը իրենց մեջ էին բաժանում՝ Հայաստանը հայերի համար միշտ այն երկիրն էր համարվում, որը- հին բացատրությամբ- իր սահմաններն ուներ հարավից Մասիս լեռը (ի նկատի ունի Տավրոսը, որ Հայաստանը բա-

ժանում էր Միջագետքից,- Մտրարոն), արևելքից՝ Ատրպատականն ու Մեդիան, հյուսիսից՝ Կասպից ծովի կողմերը գտնվող Պարաքռաքրյան լեռները՝ Վրաստանը, Ադվանքը և Կովկասը՝ Մոսքյան և Կողքիսյան լեռներով, արևմուտքից՝ Պարխարը և Սկյոտիսեսը, Փոքր Հայքն ու Եփրատը, (որը Հայաստանը բաժանում էր Կասպադովկիայից և Կոմմագենից)»⁷²:

Լայնածավալ տերությունը ներքաշվեց հելլենիստական մշակույթի ոլորտը, որի բնորոշ գծերից մեկը քաղաքաշինությունն էր: Տիգրան Բ Մեծը բուն Հայաստանում կառուցեց չորս քաղաքներ և նրանք կոչեց իր անունով՝ Տիգրանակերտ: Գրանցից մեկը գտնվում է Արցախում՝ Ադղամից ոչ շատ հեռու և որի հիմքերը առ այսօր պահպանվում են:

Տիգրան Բ Մեծը, ունենալով հզոր բանակ, անխաթար էր պահում երկրի սահմանները: Մ.Խորենացին պատմում է, որ երբ Տիգրանը գտնվում էր տերության հարավային սահմաններում, լսում է, «թե Վայկուն անունով մի ելուզակ վրդովում է Հայոց աշխարհը, գրավելով այն ամուր լեռը, որ մինչև այսօր էլ այդ ելուզակի անունով կոչվում էր Վայկունիք»⁷³: Ամենայն հավանականությամբ, պատմահոր ներկայացրած Վայկունիքը, Արցախի Վայկունիք-Քարավաճառ գավառն է:

Ցավոք, հայ և օտար աղբյուրները Հայաստանի սահմանների, երկրի ու նրա բնակչության ազգագրական վիճակի մասին ամենայն մանրամասնությամբ խոսելով հանդերձ, շատ քիչ տեղեկություններ են հաղորդում Երվանդունիների և Արտաշեսյանների ժամանակ Հայոց Արևելից նահանգների ժողովրդի ներքին կյանքի, նրա մշակույթի և նիստ ու կացի մասին:

Հայկական լեռնաշխարհի տարրեր հատվածներում, այդ թվում Արցախում և Ուտիքում ապրող հայախոս ցեղերը ժամանակի ընթացքում ստեղծել են հարուստ և բազմաբնույթ հայկական մշակույթ:

Հարկ է նշել, որ դրանք պատշաճ ուսումնասիրության չեն ենթարկվել: Մանավանդ խորհրդային իշխանության տարիներին, Հայոց Արևելից նահանգները հայ գիտնականների համար արգելված գոտի է եղել: Եվ այնուհանդերձ, կատարված մասնակի պեղումների, ինչպես նաև հայ ու օտար հեղինակների թողած ժլատ տեղեկությունների շնորհիվ սենք գաղափար ենք կազմում հնագույն մշակույթի զարգացման փուլերի, առանձնահատկությունների, վերելքների և վայրէջքների մասին:

Հայտնաբերված նյութերն ու կացարան քարանձավները անգնահատելի նշանակություն ունեն Արցախում մարդու վաղ բնակության և նախամարդու տարաբնակեցման կարևոր հարցերի լուծման համար: Հայտնաբերված կացարան քարանձավներից յուրատեսակ հետաքրքրություն է ներկայացնում Շուշիի մոտակայքում գտնվող և Հաղլուքի Թաղլար, մանավանդ Ազոխ գյուղի մոտ գտնվող բազմաշերտ ու ընդարձակ քարանձավը, որի երկարությունը հասնում է 200 մետրի: Այստեղ բացվել են մշակութային տասը շերտեր: Հայտնաբերվել են նախամարդու կենցաղային իրեր, աշխատանքային քարե գործիքներ, որոնք ունեն շուրջ 150000-200000 տարվա վաղեմություն:

Յավոք, այդ նյութերի զգալի մասը աղբրեջանական հրատարակություններում ջանում են ապացուցել, թե աղբրեջանցիները ինչ-որ

մի համամարդկային նշանակության նախասկզբնական մշակույթ են ստեղծել:

Առանց քարեդարյան արվեստի որոշակի մակարդակի առկայության, դժվար է պատկերացնել Արցախի հետագա ժամանակների արվեստի բուռն առաջընթացը:

Նոր քարեդարյան ժամանակաշրջանում մարդը սովորում է ավելի խորը՝ բազմազանության և փոխադարձ կապերի մեջ ընկալել իրականությունը: Այս շրջանի արվեստի համար բնորոշ է դառնում զանազան առարկաների նախշազարդումը, ոճավորումը, պատմողական բարդությունը, որը հանգեցնում է ամբողջ գործողություններ և երևույթներ ձևավորելու անհրաժեշտությանը:

Կենդանական պատկերների հետ մեկտեղ նշանակալից դեր են կատարում կերպավորումները որսի և զինական ընդհարումների տեսարաններում:

Արցախի լեռները շատ հարուստ են նշված տիպի հուշարձաններով: Գրանք բազմազան, բազմաբովանդակ և միանգամայն ինքնատիպ ժայռապատկերների կուտակումներ են: Արցախի ժայռապատկերների ոճական առանձնա-հատկություններն ու մանությունները հայկական լեռնաշխարհի մյուս հատվածներում գտնվողների հետ համեմատ ցույց են տալիս, որ դրանք ունեն ժամանակագրական շատ լայն ընդգրկում և սկսվելով նեոլիթյան ու վաղ էնեոլիթյան ժամանակներից, հարատևել են մինչև երկաթե դարը: Ժայռապատկերներով առավել հարուստ է Քարավաճառի շրջանը: Այստեղ Չրաղ գյուղից հարավ՝ Մելիճ (Գարագյուլ) և Զալխա լճերի մերձակայքում, ծովի մակերևույթից 3000 և ավելի մետր բարձրության վրա բազալտե ժայռաբեկորներին պահպանվել են մեծաքանակ և բազմաբնույթ ժայռապատկերներ: Նմանօրինակ ժայռապատկերներ հայտնաբերվել են նաև Հաղբուքի շրջանում Թաղլար գյուղի շրջակայքում:

Արցախի հնավայրերը հարուստ են դամբարանաբլուրներով, մեգալիթյան կոչված (հունարեն՝ մեգա-մեծ, լիթոս-քար), այսինքն՝ մեծքարյան հուշարձաններով՝ մենհիրներով, դոլմեններով և կրոն-լեխներով: Գրանք պատկանում են նեոլիթի վերջին, էնեոլիթի, բրոնզե ու վաղ երկաթե դարաշրջաններին: Մեծազանգված, անձև ու անմշակ քարերից ստեղծված այդ հուշարձանները կապված են ե-

ղել ննջեցյալի թաղման ծեսի հետ կամ ունեցել են պաշտամունքային այլ նշանակություն: Պեղումները ցույց են տալիս, որ դամբարաններում ոչ միայն պահպանվում են հանգուցյալների կմախքներ, այլև նրանց կենցաղի, ռազմաքաղաքական կյանքին բնորոշ բազմաբնույթ առարկաներ: Դրանք ուսումնասիրելով գերմանացի հնագետ Ռ.Վիրխտլը եկել է հետևյալ եզրահանգման. «...սակավաթիվ պեղումներն անգամ ցույց են տալիս, որ Գուգարքից սկսած մինչև Թարթառ գետի դաշտը ապրած հին ազգերը մեկ մշակույթի ներկայացուցիչներ են»⁷⁴:

Արցախի հնավայրերից հայտնաբերվել են ուլունքներ, մատանիներ, ապարանջաններ, ասեղներ, նետասլաքներ, դաշյուններ, կավանոթներ, քարից, բրոնզից, ոսկրից պատրաստված աշխատանքի գործիքներ:

Դրանցից հիշատակության արժանի է եղջյուրից պատրաստված գորգագործի կտուտիչը: Մատենագիտական տեղեկությունների համաձայն՝ այն օգտագործվել է գործվածքեղենի արտադրության մեջ, հետագայում՝ նաև գորգագործության մեջ: Վերոհիշյալ նյութերը այսօր պահպանվում են Արցախի պետական պատմաերկրագիտական թանգարանում:

Արցախի հնագույն մշակույթի մեջ նշանակալից տեղ ունի բրոնզի, երկաթի դարաշրջանների խեցեղենը: Ռեյլեֆ գոտիներով, կենդանակերպ կանթերով, եռանկյունների մեջ ամփոփված բազմաշար զիզգագներով զարդարված, սև, խամրած փայլով և անփայլ կավանոթների զուգահեռները հայտնաբերվել են հայկական լեռնաշխարհի համաժանակյա հուշարձաններում: Կիսաշրջանաձև կանթերով, կետածածկ սրածայր եռանկյուններով զարդարված ամենատարբեր չափսերի պնակները, ակոսազարդ կճուճները, թասերը, թամբաձև սապատավոր կանթով, կանելուրազարդ սափորները պատրաստված են մեծ վարպետությամբ ու բարձր ճաշակով և հնարավորություն են տալիս որոշակի պատկերացում կազմելու կիրառական արվեստի այդ տեսակի զարգացման փուլերի ու բնորոշ հատկանիշների մասին:

Այստեղ պահպանված խեցեղենում հանդիպում են նաև ուրարտական ու հելենիստական մշակույթին բնորոշ նախազարդ սա-

փորներ, կճուճներ և այլ իրեր: Ուրարտական ժամանակաշրջանին են վերագրվում նաև կարասային քաղումները, որոնք առավել մասսայական բնույթ են ստացել հետագայում Ք. ա. 3-1-ին դդ: Թաղման, նաև տարբեր տեսակի մթերքներ պահելու համար պատրաստված խոշոր չափսերի կարասները նույնպես վկայում են Արցախում խեցեգործության լայն կիրառման ու զարգացման մասին:

Ուշագրավ են Արցախի տարածքում գտնված զենքատեսակները՝ դաշյուները, նիզակները, երկճյուղ եղանը, կացինները, հրքինռանման գուրգերը և բազմաբնույթ զարդարանքները՝ մանյակները, ուլունքները, մատանիները, կոճակները, զարդաքորոցները, ակամջողերը, հերակալները, զանգակաձև, վրան ձևավոր անցքերով տարբեր չափսերի մեղալիոնները, գինդեր-կախիկները, ակամջողերը, փորագիր պատկերներով բրոնզե գոտիները: Առանձնակի հետաքրքրություն են ներկայացնում բրոնզե ապարանջանները, որոնց ծայրերը օձանման գլխիկներ ունեն, իսկ օձը նախկինում խորհրդանշում էր վերածննդի, իմաստության ու հավերժության գաղափարը:

Ազաթից, սարդիոնից, սաթից ամենատարբեր ուլունքաշարերով հարուստ են Արցախի դամբարանները, ինչը փաստում է դրանց տեղական ծագման ու լայն գործածության մասին: 1890-ական թվականներին Էմիլ Ռեյսլերը Խոջալլուի դամբարանադաշտից հայտնաբերել է արծաթե ուշագրավ ուլունք, որի վրա կա արձանագրություն՝ Ասորեստանի Ադադնիրարի I-ին (1310- 1282 Ք.ա.) արքայի անվան հիշատակությամբ: Ուլունքը պահվում է Պետերբուրգի Էրմիտաժում:

Արդուզարդի հետ առնչվում են նաև մետաղյա հայելիները, որոնք նույնպես լայն տարածում են ունեցել անտիկ աշխարհում և հաճախ են հանդիպում Արցախի դամբարաններում:

Հայկական լեռնաշխարհում, այդ թվում Արցախում, քարի բազմատեսակ հարուստ պաշարների գոյությունը բարենպաստ պայմաններ է ստեղծել ճարտարապետական-կառուցողական արվեստի զարգացման համար: Դեռևս հնագույն ժամանակներից հայ մարդը, դիմելով քարի օգնությանը, մշակել է խիստ պարզ ու անկատար, սակայն իմաստավորվածությունից ոչ գուրկ կառուցվածքներ:

Գրա հետ մեկտեղ բարդ ռելիեֆի պայմաններում նա մշակել է ամրացված բնակավայրերի՝ բերդշենների կառուցապատման ամենապարզ սկզբունքները, լուծել տեղանքի ընտրության, այն պաշտպանական տարրական միջոցներով և ջրամատակարարմամբ ապահովելու, ինչպես նաև բնակելի տներ կառուցելու հարցերը:

Թշնամական ուժերից պաշտպանվելու նպատակով բրոնզի դարաշրջանում Հայոց Արևելից գավառներում կառուցել են կիկլոպյան բերդեր: Գրանք, որպես կանոն, գետեղված են համեմատաբար բարձրադիր վայրերում, գետերի, գետակների, առվակների ափերին կամ նրանցից ոչ հեռու, տափարակ և բարերեր դաշտերի մեջ: Քաշաթաղի շրջանում՝ Հոչանց գետի ձախափնյա ձորալանջին, պահպանվում են կիկլոպյան շարվածքով հնամենի բերդի մնացորդները: Սա ակնհայտորեն իր նպատակին է ծառայել նաև միջին դարերում⁷⁵: Կա այն կարծիքը, որ դա Ստ. Օրբելյանի հիշատակած Խոժոռաբերդն է ⁷⁶:

Եկվոր բրդերը բերդը կոչում էին Գյավուրդալա (անհավատների բերդ)⁷⁷:

Ք.ա. III-II հազարամյակներին պատկանող բերդերի մնացորդներ են հայտնաբերվել Ադղամի մոտակայքում և Ֆիզուլիի շրջանում⁷⁸:

Վերոհիշյալ բերդերը պարփակված են եղել 3 մետր հաստությամբ անմշակ քարերից կառուցված կիկլոպյան պարիսպներով: Բնակավայրերի կառուցապատումը անկանոն է՝ ծուռուծուռ նրբանցքներով: Ճարտարապետական հատակագծային տեսանկյունից դրանք շատ մման են Երևանից ոչ շատ հեռավորության վրա գտնվող Շենգավիթ բնակավայրին: Անգամ Արցախի պատմության անգերազանցելի կեղծարարներից մեկը՝ Գ. Ալսունդովը նկատել է այդ մմանատիպությունը⁷⁹:

Նմանօրինակ հուշարձաններից առանձնակի հետաքրքրություն է ներկայացնում Հաղրուքից 8 կմ հեռավորության վրա գտնվող կիկլոպյան շարվածքով բերդի մնացորդները: Պահպանվել է 160մ երկարությամբ և 3մ հաստությամբ ամրոցի պարսպաշարը, ինչպես նաև 3 աշտարակները, որոնցից 2-ը ունեն 7մ, իսկ մեկը՝ 12մ շրջագիծ: Ամրոցի տարածքում հայտնաբերված կլոր և օվալաձև շար-

վածքով բնակարաններն ու տնտեսական շինությունները վկայում են, որ այդ բրիհն ժամանակին եղել է բնակավայր, որը մոտավորապես I– III դարերում վեր է ածվել բերդավանի:

Արցախի բարդ ռելիեֆը թելադրել է առանձին բնակավայրերում բնակարանը կառուցել գետնի կամ ժայռերի մեջ՝ ամբողջովին կամ կիսաբաղ վիճակում: Մենյակների չափերի մեծության դեպքում նրանց քարե ծածկերը հենվել են փայտյա սյուներից ու հեծաններից կազմված հիմնակազմիչ համակարգի վրա: Քարակերտ նման բնակարանները հանդիպում են շրջանաձև, օվալաձև և ուղղանկյուն (Քաշաթաղ, Քարավաճառ, Բերդաձոր, Հաղրութ, դաշտային Գարարաղ) հատակագծերով: Առաջանալով էնեոլիթի վերջին շրջանում, դրանք հաջորդ դարաշրջաններում որոշ կատարելագործման են ենթարկվել՝ սենյակների չափերի ու կազմի, ինչպես և գործադրած շինարվեստի տեսակետից:

Հայկական շինարարական ավանդույթների հետագա զարգացման ու զգալի կատարելագործման հիմքերի վրա Հայաստանի տարբեր հատվածներում կառուցվել են տասնյակ քաղաքներ, քաղաքատիպ ավաններ, պալատներ, տաճարներ, կամուրջներ, հյուրանոցներ, թատրոններ, բաղնիքներ:

«Նոր քաղաքների ծաղկումը , - գրել է Ս. Երեմյանը , - որոնք արդեն ոչ միայն ռազմավարչական, այլև առևտրաարհեստագործական կենտրոններ էին, քաղաքներ բառի բուն իմաստով, սկսվում է Ք.ա. 3-1-ին դդ.»⁸⁰:

Հայկական քաղաքները կառուցվում էին կարևոր ճանապարհների վրա՝ բացառապես պետական միջոցներով ու թագավորական քաղաքներ էին:

Սակայն, տարաբախտաբար, այդ հուշարձաններից միայն հազվագյուտ նմուշներ են հասել մեզ:

Հայոց Տիգրան Մեծ արքայի (Ք.ա. 95–55թթ.) կողմից հիմնված և իր իսկ անունը կրող 4 քաղաքներից մեկը գտնվում է Արցախի Շահբուլաղ ամրոցից հյուսիս-արևելք՝ Վանքասարի ստորոտում՝ Թարնոյուտ (Թառնագյուտ) գյուղի կամ Գյավուրդալա քաղաքատեղիի տարածքում: Տիգրանակերտը շարունակել է գոյատևել նաև վաղ միջնադարում ⁸¹:

Տիգրանի անունով քաղաք կառուցվել է նաև Ուտիքում: Ք.հ. առաջին դարում Պարտավը դառնում է առևտրի և արհեստագործության կենտրոն, կատարելով քաղաքատիպ ավանի դերակատարություն:

Ճարտարապետությանը զուգընթաց որոշակի զարգացում են ապրել նաև քանդակագործությունն ու նկարչությունը: Հայ և օտար սկզբադրյուրներից հայտնի է, որ հայկական հեթանոսական տաճարներում եղել են կավից, մարմարից, փղոսկրից, ոսկուց, արծաթից և այլ նյութերից շինված աստվածների և քագավորների մեծ ու փոքր բազմաթիվ արձաններ: Սակայն այդ արձաններից մեզ մի քանի նմուշներ ու բեկորներ են հասել:

1898թ գերմանացի հնագետ Էմիլ Ռյուպերը, ուսումնասիրելով Ջարուխ գյուղի մերձակայքում գտնվող հնավայրը, հայտնաբերել է մի շարք քանդակների բեկորներ, որոնք, նրա կարծիքով, հայկական ծագում ունեն: «Այդ քանդակները, - գրել է Ռյուպերը, - պատկերում են քամքած երիվարներ՝ լիակատար ռազմական հանդերձանքով: Ամենայն հավանականությամբ այսօրինակ քարերը հին հայկական գերեզմանոցների մահարձանների թվին են պատկանում»⁸²:

Առանձնակի նշանակություն ունեն կանացի արձանիկները, որոնք խորհրդանշում էին կյանքի, հարատևման, պտղաբերության, արգասավորման, մայր աստվածության գաղափարը: Ֆիգուլու շրջանի Գալագյաղ բնակավայրում հայտնաբերված կնոջ երկու արձանիկները վերագրվում են Ք. առաջին դարի հելլենիստական մշակույթին:

Արցախի որոշ բնակատեղերից հայտնաբերվել են նաև տղամարդու արձանիկներ, որոնք, բացի երկրագործական պաշտամունքի առարկաներ լինելուց, հավաստում են հայրիշխանական նահապետական հարաբերությունների հաղթանակը: Ռ-րա մասին է վկայում Ասկերանի շրջանի Բալլուջա գյուղի տարածքից հայտնաբերված և Արցախի պետական պատմաերկրագիտական թանգարանում պահպանվող տղամարդու դեմքով և կենդանու մարմնով արձանիկը:

Նկարչական արվեստի գոյության և զարգացման մասին է վկա-

յում Արցախի տարրեր դամբարաններից գտնված նախազարդ հատկապես կարմիր գույնի դոմինանտությամբ խեցեղենը:

1883թ գնդապետ Վեյս-Ֆոն-Վեյսենհոֆը դաշտային Ղարաբաղում՝ ներկայիս Աղջաբեղու շրջանի Բայաթի տարածքից հայտնաբերել էր ջնարակված աղյուս և խեցեղեն նմուշներ⁸³: Գեռևս Բ.ա. 4-3-րդ հազարամյակներում, հայ ժողովրդի կազմավորման գործընթացին զուգընթաց, սկսում է ձևավորվել հնագույն հայկական կրոնը: Հին հայկական հավատալիքների մեջ զգալի տեղ էին գրավում բնապաշտական, կոսմոգոնիական ըմբռնումները: Չկարողանալով ճանաչել բնության և կյանքի շատ ու շատ երևույթները, մարդը նրանց գերբնական ուժ էր վերագրում կամ համարում էր նման ուժերի գործողությունների արգասիք:

Հայոց Արևելից նահանգներում ամենագլխավորը արևի պաշտամունքն էր: Բ.ա.2-րդ հազարամյակի վերջերին և առաջինի սկզբներին պատկանող Արցախում հայտնաբերված հիասքանչ բրոնզե գոտիների վրա արևը պատկերվում է անիվի, սայլի, մարտակառքի ձևով: Մրանց վրա կամ կողքին գծանկարվում են արևի ու ամպրոպ-կայծակի սպառազեն մարդակերպ աստվածություններ: Արև-աստվածն իր երկնային օրապտույտը կատարում էր ոչ միայն մարտակառքով, մակույկով, այլև հրեղեն ձիերի օգնությամբ:

«Արևաբնակ» մարդկանց կամ ոգիների բազմաթիվ ֆիգուրներ կան Ուտիքի Շակաշեն գավառի ուշ բրոնզեդարյան դամբարանային դրվակազարդ խեցեղենի վրա⁸⁴:

Քրիստոնեական հուշարձանների (Ասկերանի շրջան գյուղ Սդնախ) վրա նույնպես պահպանվել են հեթանոսության ժամանակաշրջանում արևի ու աստղերի պաշտամունքը վկայող քանդակները⁸⁵:

Երկրամասում տարածված էին տոտեմական և որսորդական հավատալիքները: Հայ ժողովրդական հեքիաթները, առասպելները, Էպոսը լի են որսորդ նախնիների, դյուցազունների, աստվածների կերպարներով, որոնք մարտնչում էին վիշապ օձերի, դևերի դեմ: Այդ մասին են վկայում ուշ բրոնզեդարյան գոտիների գծազարդ պատկերները որսորդական սյուժեներով:

Շամբորում գտնված գոտու վրա ներկայացված են դիմակավոր-

ված ու զգեստավորված կիսամարդակերպ սպառազեն որսորդների կերպարներ, որոնք հետապնդում են եղջերուների: Այս պատկերի մեջ շեշտված են անտառների ու որսի աստվածությունները:

Եթե նախորդ շրջանում հայկական կրոնի մեջ գերակշռում էին բնապաշտական և կոսմոգոնիական պատկերացումները, ապա հելլենիզմի դարաշրջանում վերջնականապես ձևավորվում է ամբողջ հայ ժողովրդին պատկանող մարդակերպ աստվածների մի համակարգ, երբ յուրաքանչյուր աստծու կամ աստվածուհու հատկացվում էր իր որոշակի տեղն ու դերը և ընդգրկում էին ոչ միայն բնության երևույթները, այլև հասարակական հարաբերությունների ոլորտները: Արցախում տեղ է գտել արևի և արդարադատության աստված Միհրի պաշտամունքը: Դազախ քաղաքի արվարձաններում պահպանվել է հեթանոսական տաճարի մնացորդներ, որը նվիրված էր Միհր աստծուն⁸⁶:

Ամենայն հավանականությամբ Դաղի վանքի տեղում նույնպես եղել է Միհր աստծու տաճար:

Արցախում և Ուտիքում տարածված էր նաև Արամազդի ու Անահիտի պաշտամունքը⁸⁷:

Քարավաճառի շրջանի Չաղրթաղի խաչքարերի վրա պահպանվել է Արամազդ աստծո խորհրդանիշը հանդիսացող քանդակը: Դիոն Կասիոսի վկայությամբ Կուր գետի առափնյա հատվածում Անահիտի անվամբ կար առանձին մարզ⁸⁸:

Արցախի հնագույն մշակույթի անբաժանելի մաս է կազմում նրա բարբառը: Նրա տարածման սահմանների մեջ է մտնում Արցախը, Ուտիքը, Փայտակարանը, Մյունիքը:

Արցախահայությունը բազում դարեր շարունակ, անտեսելով դժվարություններն ու կյանքի մատուցած անակնկալները, անադարտ է պահել ոչ միայն երկրի սահմանը, այլև իր հյուսիս բարբառը, որը հետագա հարյուրամյակներում նոր բնագծերի նվաճման հիմք դարձավ:

և հռոմեացի մատենագիրները:

Ստրաբոնը վկայում է. «Հայաստանի ներսում կան շատ լեռներ և շատ լեռնադաշտեր, որոնց մեջ խաղողի այգիներ հեշտությամբ չի աճում. նաև շատ հովիտներ, ոմանք չափավոր, ոմանք էլ շատ բերրի, ինչպես Արաքսեանի դաշտը, որով Արաքս գետն է հոսում մինչև Աղվանքի ծայրը և քափվում է Կասպից ծովը, և սրա հետ Շակաշենը՝ (Ուտիքը-Վ.Բ.) սահմանակից Աղվանքին և Կուր գետին, հետո Գուգարքը...»⁹⁰:

Պլինիոս Ավագը գրում է. «Աղվանները տարածված են Կովկասյան լեռների վրա և նրանց երկիրը ձգվում է մինչև Հայաստանի և Իբերիայի սահմանը հանդիսացող Կուր գետը»⁹¹: Իսկ Պտղոմեոսը գրում է. «...Կուրը, որ հոսում է ողջ Իբերիայով և Աղվանքով՝ նրանից անջատելով Հայաստանը»⁹²: Գիոն Կասիոսը, նկարագրելով Պոմպեոսի արշավանքը, խոսում է այրանացիների մասին, «որոնք ապրում են Կուրից վեր»⁹³: Մտեփանոս Բյուզանդացին Կուրի աջափնյակը համարում է հայկական, հաստատելով նաև, որ «Օտինան(Ուտիքը) Հայաստանի նահանգն է»⁹⁴:

Հին Հայաստանի աշխարհագրության ամենանշանավոր երկր՝ Շիրակացու «Աշխարհացոյց»-ը, որը Արշակունյաց Հայաստանի իրական վիճակի նկարագրությունն է տվել, հայ-աղվանական սահմանի վերաբերյալ նշել է. «Աշխարհն Աղուանից, որ ընդ մեջս է գետոյն Կուրայ և Կովկաս լերինն»⁹⁵:

Հետաքրքիր է նաև այն փաստը, որ ներկայիս Ադրբեջանի 19-րդ դարի առաջին կեսի հասարակական գործիչ ու գիտնական Աբաս-Կուլի-Աղա Բաքիխանովը, շարադրելով արևելյան Այսրկովկասի պատմությունը, եկել է հետևյալ եզրահանգմանը. «Դատելով զանազան հանգամանքներից ու աղբյուրների տեղեկություններից, կարելի է եզրակացնել, որ Կուրի աջափնյակը՝ մինչև Արաքսի հետ միախառնվելու տեղը կազմել է Հայաստանի մասը»⁹⁶:

Արշակունյաց հարստության շրջանում, ավատատիրական կարգերի սկզբնավորման և ժառանգական հողատիրության ինստիտուտի ձևավորման ընթացքում պարարտ հող է նախապատրաստվում կենտրոնախոյս ուժերի տարանջատման և զավառական իշխանությունների ու քազավորի միջև հակամարտության համար:

Արշակ Բ-ի կառավարման տարիներին (350-368թթ.) Արցախի Առանշահիկները հայոց մի շարք նահանգների նախարարական տների հետ միասին իրենց դուրս համարեցին Արշակունյաց գերագահության վարույթից: Սակայն շուտով Պապի ժամանակ սպարապետ Մուշեղ Մամիկոնյանը պատժեց անհնազանդ իշխաններին և հյուսիսում նորից սահման դարձրեց Կուր գետը՝ «ինչպես որ առաջ էլ եղել էր»⁹⁷: Այս իրողություններն արտացոլվել են Հայոց արքունիքում նախարարների պատվաստիճանն ու զբաղեցրած տեղերը վավերացնող պետական փաստաթղթում՝ «Գահնամակում» և նախարարների ռազմական ուժը ցույց տրվող «Զորանամակում»: Ըստ վերջինի՝ Փայտակարանը հայ կենտրոնական բանակին տալիս էր 300 զինվոր և նրանց նախարարը գրավում էր արքունիքի 70 բարձերից իններորդ տեղը, իսկ Ուտիքի իշխանը նույն բանակին տրամադրում էր 1000 զինվոր⁹⁸:

Ճակատագրի քմահաճ բերումով Հայքը, սփռված լինելով արևելքից արևմուտք տանող տարանցիկ ճանապարհների խաչմերուկում, հզոր տերությունների համար հայակործան պատերազմների թատերաբեմ է եղել: Մինչև 4-րդ դարի երկրորդ կեսը աշխարհի չորս կողմերից Հայաստան խուժած հորդաները, դեմ առնելով հայ բազկին, հողմացրիվ էին լինում:

Մեծ Հայքի կործանման գործում առանձնակի ակտիվություն էին ցուցաբերում Սասանյան Պարսկաստանն ու Բյուզանդական կայսրությունը:

387թ. պարսկա-բյուզանդական համաձայնությամբ Մեծ Հայքի թագավորությունը ծվեն-ծվեն արվեց երկու բռնակալ տերությունների միջև: Հայաստանի արևելյան հատվածը անցավ Պարսկաստանին, իսկ արևմտյանը՝ Բյուզանդիային: Դեռ ավելին, հայ նախարարների դիմադրական ուժը լիովին կոտրելու նկատառումով «...նրանից էլ շատ գավառներ այս և այնտեղ խուզվեցին... և այն ժամանակ և այնուհետև հայոց թագավորությունը բաժանվեց, ցրվեցավ, նվազեցավ, իր նախկին մեծությունից ընկավ... և երկուսի աշխարհներից (խոսքը վերաբերում է Հայաստանի բյուզանդահայատակ մասի թագավոր Արշակին և պարսկահայատակ մասի թագավոր Խոսրովին-Վ.Բ.) մի փոքր մասը մնաց երկու թագավորներին»⁹⁹:

387թ. բաժանման համաձայն՝ դեռևս 363թ. «ամոթալի դաշնագրից» մի քանի տարի անց անջատված Մեծ Հայքի ծայրամասերը, որոնք այնուհետև վերամիավորվել էին Պապի քաղաքապետության տարիներին, կրկին անջատվեցին: Դրանք էին Ուտիք, Բաղասական աշխարհները, ինչպես և «Մարաց ամուր աշխարհը» և Գուգարքի հյուսիսային գավառները: 387թ. դաշնագրի համաձայն սրանց գումարվեցին բղեշխությունները՝ Աղձնիքը, Կորդուքը, Նոր-Շիրականը, Գուգարք նահանգն ամբողջովին, ապա հետագայում, Վարդանանց ապստամբությունից հետո, նաև Արցախ նահանգը: Սրանք ծայրամասային, «եզրային» նահանգներ էին՝ 103359 քառ. կմ ընդհանուր տարածությամբ¹⁰⁰:

Այդպիսով՝ Մեծ Հայքն ընդմիջտ մասնատվում էր, մնում էր Միջնաշխարհը՝ Բարձր Հայք, Ծոփք, Ծոփք Մեծ, Տուրուբերան, Մոկք, Վասպուրական, Սյունիք, Տայք, Այրարատ նահանգները՝ 184916 քառ. կմ ընդհանուր տարածությամբ: Միջնաշխարհն իր հերթին բաժանվում էր երկու մասի. նրա արևելյան մեծագույն մասը՝ 73%-ը (երեք քառորդից ավելին)՝ 134341 քառ. կմ տարածությամբ, ենթարկվում էր Մասանյան Իրանին, իսկ 27%-ը (գրեթե մեկ երրորդը), այն է՝ 50575 քառ.կմ, անցնում էր Հռոմեական կայսրությանը¹⁰¹:

Արշակ Գ-ի մահից հետո հույներն իրենց բաժնում այլևս թագավոր չնշանակեցին: Այդպիսով՝ Արևելյան Հռոմեական կայսրության հպատակ Արևմտյան Հայաստանը կորցրեց իր պետականությունը: Հայ ժողովրդի համար սկսվեց մղձավանջային մի շրջան:

Նման անփառունակ վախճան պիտի ունենար նաև Արևելյան Հայաստանը:

Սակայն միառժամանակ դեպքերը զարգացման այլ ընթացք ունեցան: Ուրիշ կերպարանք ստացավ քաղաքական կյանքը Արևելյան Հայաստանում: «Հայաստանի բաժանմամբ նրա մեծագույն մասը դարձել էր Մասանյան Պարսկաստանից վասալական կախում ունեցող մի երկիր, որն արդեն ձևաորված նախարարական իրավունքի հիման վրա պահպանել էր իր ներքին ինքնավարությունը»¹⁰²:

Պարսից արքայից արքան, հայ նախարարական տների հզորությունը հաշվի առնելով, դեռևս չէր համարձակվում Հայոց երկիրը

գահագուրկ անել: Պարսկական բաժնում կախման մեջ դրված, ժամանակավորապես իր գոյությունը պահպանող Արշակունյաց թագավորությունը սկսում է ապրել իր հոգեվարքը և աստիճանաբար կորցնում ազգապահպանման գործում որոշակի դեր կատարելու իր վաղեմի ունակությունները: Պարսկական արքունիքը, օգտագործելով քաղաքական, ռազմական ու տնտեսական լծակները, ամեն գնով փորձում է անդառնալիորեն կործանել Արշակունյաց թագավորության դարերով մշակված, համակարգված վարչական հաստատությունները, դրանով հայ ժողովրդի վզին փաթաթելով օտար վարչակարգ: Նման ձևով են վարվում բոլոր ժամանակների բռնավորները, պարզ գիտակցելով, որ անիշխան ժողովուրդը վերջ ի վերջո դատապարտված է կործանման: Այս պայմաններում էլ Արցախն ու Ուտիքը շարունակում են պահպանել իրենց հայեցի ոգին:

Հայերեն գրերի տարածմանը վերաբերող աղբյուրներում հանգամանորեն խոսվում է նաև Հայոց Արևելից կողմանց գավառների մասին: Կորյունը վկայում է, որ Մ.Մաշտոցը Գարդմանքում (Ուտիք) ոչ միայն գիր ու դպրություն է տարածում, այլև զբաղվում է քարոզչական գործով: Մաշտոցը լուսավորական լայն գործունեություն է ծավալում նաև Արցախում, որն այդ ժամանակ կոչվում էր Փոքր Մյունիք¹⁰³: Նույն նահանգի Հարանդ գավառի Ամարաս գյուղաքաղաքում, ըստ ավանդության, Մեսրոպ Մաշտոցը բացել է առաջին դպրոցներից մեկը:

Վասն Ե արքան, հայ նախարարների անհամերաշխությունից օգտվելով և նրանց մի մասի համաձայնությունը ստանալով, 428թ. գահընկեց արեց վերջին Արշակունի գահակալ Արտաշեսին: Հայոց երկիրը դարձել էր Սասանյան պետության մարզերից մեկը: Սասանյանները ունեին հեռուն գնացող նպատակներ. վերջնականապես իրենց ենթարկել Այսրկովկասը, այն դարձնել պարսից տերության մի մասը, ոչնչացնել հայերի, վրացիների և աղվանների քաղաքական ու մշակութային անկախությունը:

Այդպիսի հանգամանքներում ստեղծվում է նաև Աղվանից մարզպանությունը: Վարչական այս նոր միավորի ծնունդը տարածաշրջանում առաջացրեց քաղաքական, սոցիալ-տնտեսական ու տարածքային նորորակ փոփոխություններ: Որպես հետևանք Հայաս-

տանից անջատվեցին ու Աղվանքին միացվեցին Արցախ և Ուտիք նահանգները և Աղվանք վարչա-քաղաքական միավորի հարավային սահմանը առաջին անգամ հասցվեց մինչև Արաքս գետը:

Հարկ է նկատել, որ Սասանյանները նման գործ ձեռնարկեցին Արշակունյաց հարստության կործանումից անմիջապես հետո, սակայն Արցախի հայության անգիջում դիմադրության հետևանքով այդ ծրագիրը մնաց անկատար մինչև 450-ական թվականները:

Գրա մասին է վկայում նաև Եղիշե պատմիչի մի հաղորդում, ըստ որի մինչև Ավարայրի ճակատամարտը Վասակ Սյունին պառակտիչ գործունեություն էր ծավալում նաև «ամենայն կողմանս ամրականաց աշխարհին, ի Տմորիսն և ի Կորդիսն, յԱրցախ և յԱղուանսն, ի Վիրս և յաշխարհն Խաղտեաց»¹⁰⁴:

Այս քննությունից կատարելիք միակ եզրակացությունն այն է, որ Արցախն ու Ուտիքը հայոց մյուս նահանգների հետ միասին ճակատ հարդարելով շարունակում են պայքարը բոլոր այն արհավիրքների դեմ, որ, սկսած միասնական հայկական թագավորության անկումից(428թ.), բերում էին օտար բռնակալները:

Է ~ Շ " ' † † †
 — † † " " " ~ ¶ † † Է "

Անտիկ աշխարհի մայրամուտին ձևավորվող քրիստոնեությունը 1-2-րդ դարերում բավական տարածվել է արևելյան երկրներում: Հռոմեական կայսրության արևելյան նահանգներում՝ Ասորիքում, Պաղեստինում, Կապադովկիայում հիմնավորվելով այդ ուսմունքը տարբեր ձևերով թափանցում էր Հայաստան:

Մ.թ. 34թ. Եղեսիա է գալիս Քրիստոսի 12 առաքյալներից մեկը Թաղեսու անունով(Աղղե)¹⁰⁵: Այստեղից քարոզչական նպատակներով Հայաստան է գալիս, ենթարկվում հալածանքների և նահատակվում Արտագ գավառում: Իսկ Բարդուղիմեոս առաքյալի քարոզչության կենտրոնը եղել է Անձևացոց գավառը: Ըստ ավանդության նա քարոզել է նաև Հայաստանի այլ կողմերում՝ Գողթնում, Աղբակ գավառում, ուր և նահատակվել է: Մտեփանոս Օրբելյանի վկայությամբ Բարդուղիմեոսը Սյունիքում հաստատում է եպիսկոպոսական աթոռ¹⁰⁶:

Մ.Կաղանկատվացու հավաստմամբ Թաղեսուին բաժին էր ընկել Հայաստանի մի մասը՝ քրիստոնեություն էր տարածում արևելյան կողմերում, այնուհետև «եկավ հռչակվելու արժանի մարտնչողը և երիցս երանելի Գրիգորիսը»¹⁰⁷:

Թաղեսուի նահատակությունից հետո կիսատ գործը շարունակեցին նրա աշակերտները, որոնցից մեկը՝ Եղիշեն, Երուսաղեմի առաջին հայրապետ Սուրբ Հակոբից ձեռնադրություն ստանալով, քրիստոնեություն է տարածել Արցախում և Ուտիքում: Նա Ուտիքի և Արցախի սահմանագլխին, Գիս վայրում կառուցել է եկեղեցի: Քրիստոնեական հավատի հակառակորդները Ջերգունի դաշտում Հռոմեք

կամ Բոմեն(այժմ Բում գյուղը Կուտկաշենի շրջանում) բնակավայրում սպանում են Եղիշենին: Հավատացյալները սրբի մասունքները հավաքում և հողին են հանձնում Ուռեկան գյուղում: Ստեփանոս քահանան էլ մասունքներից սրբի գլուխն առանձին պահ է տվել հողին: Հետագայում այն ամփոփվել է Ջրվշտիկ վանքում, իսկ դրանից հետո պիտի կոչվեր Գլխովանք կամ Եղիշեն առաքյալ:

Հետագայում Եղիշենի նահատակության վայրում հուշայտուն է կանգնեցվել. «...յետ քազում ժամանակաց բարեպաշտն Վաչագան՝ Աղուանից արքայ, կանգնեաց սիւն ի գրի նահատակութեանն Եղիշայի...»¹⁰⁸:

Թաղևոս առաքյալի աշակերտներից մեկ ուրիշը՝ Գաղին կամ Գաղոյին Արցախում քրիստոնեություն է քարոզել և այստեղ էլ նահատակվել, «Գաղին՝ մի երթանասնիցս, որ գնաց հրամանաւ Թաղեի ի Մեծն Հայք կողմաս հիւսիսոյ, և լուծալ գմահն Արգարու դարձավ և եմուտ ի Փոքր Սիւնիք, և տեղին շինեցյալ վանք և յանուն նորա կոչեցալ Գաղիո»¹⁰⁹: Փաստորեն այդ ժամանակ նահատակված քարոզչի գերեզմանի վրա էլ վաղ միջնադարում կառուցվել է առաջին սրբատունը: Ժամանակի ընթացքում եկեղեցին բազմիցս վերակառուցվել է և դարձել միջնադարյան հայ ճարտարապետության ուշագրավ և մեծարժեք շինություններից մեկը:

Եղիշենի մյուս աշակերտներին նույնպես բաժին հասավ դաժան ճակատագրից: Բոլոր քարոզիչ-նահատակների գերեզմանների տեղում հետագայում կանգնեցվել են կոթող-հուշասյուններ, մատուռներ կամ, ավելի ուշ՝ եկեղեցիներ: Հիշենք, թեկուզ, նահատակված Քահալցիցիկի գերեզմանը Վարդաշենի մոտ, Գյումրատայինը՝ Ծերիկ գյուղում, Վլասինը՝ Նիժում, իսկ Գրիգոր Լուսավորչի բոռ Սբ.Գրիգորիսինը՝ Վատնյան դաշտում (այժմ՝ Բիլիջի շրջան)¹¹⁰:

Տրդատ Գ-ի կառավարման տարիներին վճռական քայլեր կատարվեց քրիստոնեական հավատքը Հայաստանում ոչ միայն տարածելու ու արմատավորելու, այլ նաև պետական կրոն հռչակելու բնագավառում:

Տրդատ Գ-ի հրամանով Մեծ Հայքի բոլոր նահանգների «ընտիր իշխանները, կուսակալները, կողմնակալները, հազարապետները, բյուրավորները»¹¹¹, այդ թվում Ծավղեից (Արցախ) իշխանը, հա-

վաքվել և Գրիգոր Լուսավորչին ուղեկցել են Կեսարիա քաղաքը, որտեղ նրան Հայոց երկրի քահանայապետ են օծել:

Ծավդեից անանուն այդ իշխանը Հայոց Արևելից կողմերի աշխարհիկ տերերից առաջինն էր, որը Եփրատի սուրբ ջրերում մկրտություն ընդունելով ձեռնամուխ եղավ Արցախում քրիստոնեության արմատավորման գործին: Նրան ամենուր աջակցում էր Հայոց առաջին հայրապետը՝ Գրիգոր Լուսավորիչը: Նա Արցախի Հաբանդ գավառի Ամարաս ավանում հիմնադրել ու կառուցել է Հայոց երկրի առաջին եկեղեցիներից մեկը:

Ըստ ավանդության՝ եկեղեցու շինարարությանը հետևելիս՝ Գրիգոր Լուսավորիչը ամեն առավոտ բարձրանում էր Ամարասի դիմացի բլուրը, կատարում լուսաբացի իր աղոթքը: Այդ պատճառով էլ այն բլուրը առ այսօր Լուսավորչի սար է կոչվում¹¹²:

Քրիստոնեության տարածման այս նախնական շրջանում Հայաստանի և հարևան երկրների բնակչության զգալի մասը դեռևս հեթանոս էր, այդ իսկ պատճառով հատուկ դեր էին կատարում քարոզիչները՝ քորեպիսկոպոսները, որոնք գնում էին ծայր գավառներն ու այդ երկրների առավել հետամնաց շրջանները՝ կրոնական նոր ուսմունքը տարածելու: 4-րդ դարում Վեկերտի Հոբ անունով մի քահանա քրիստոնեություն տարածեց Արցախի Պարսկանք կոչված գավառում¹¹³:

Այդ քարոզիչներից առանձնապես հայտնի է Գրիգորիս եպիսկոպոսը: Հայտնի է, որ Գրիգոր Լուսավորչի օրոք միայն բուն Հայաստանում գոյություն են ունեցել շուրջ 400 եպիսկոպոսական թեմեր¹¹⁴: Վրթանեսը իր 15-ամյա որդուն՝ Գրիգորիսին կարգում է Հայոց Արևելից գավառների եպիսկոպոս: Չնայած երիտասարդ հասակին, Գրիգոր Լուսավորչի թոռը իր եռանդուն գործնությամբ, խստաբարո վարքով և պահվածքով մեծ ազդեցություն ունեցավ նորադարձ ժողովրդի վրա, վերանորոգեց ու շինեց եկեղեցիներ, ավարտին հասցրեց իր պապի կողմից հիմնադրած Ամարաս ավանի եկեղեցին, որը դառնում է ոչ միայն Արցախի, այլ ամբողջ Աղվանքի հոգևոր կենտրոններից մեկը: Նա հորդորեց ամենքին՝ գորանալ իրենց նոր հավատքի մեջ: Գրիգորիսի համբավը տարածվում է նաև հարևան Աղվանից երկրում: Արցախում և Ուտիքում իր եկեղեցա-

կան գործերը կարգավորելուց հետո քարոզչական գործունեության է գնում Աղվանք: Այս երկրի Սանեսան քաղաքը մինչ այդ քրիստոնեություն էր ընդունել: Գրիգոր Լուսավորչի կողմից կարգված Աղվանքի հույն եպիսկոպոսի մահվանից հետո Սանեսան քաղաքի համաձայնությամբ երկրի հոգևոր պետ է կարգվում Գրիգորիսը: Անդրկուրյան տարածքներում վաչկատուն մագրությունների շրջանում քրիստոնեական հավատքը տարածելու ընթացքում Գրիգորիսը նահատակվում է Վատնյա դաշտում: Գրիգորիսի հետ գնացած սարկավագները նահատակի մարմինը բերում են Հարանդ գավառը և թաղում Ամարասի վանքում: «Եւ ապա բարձին գնա որք ընդ երթեալ էին գավառէն Հարադյալ, և բերին ի գավառն իրեանց և կողմանս Աղուանից, ի սահմանս Հայոց ի Հարանդի ի գետոն որ անուանեալ կոչի Ամարագ: Եւ եղին գնա առ եկեղեցան, գոր շինեալ էր առաջնույն Մեծին Գրիգորի, հաւուն Գրիգորիսի՝ քահանայապետի մեծի աշխարհի հին Հայաստան երկրին»¹¹⁵:

«Այնտեղ նրան դրեցին եկեղեցում՝ հյուսիսային կողմից բեմի մոտ: Չաքարիայի սուրբ արյունք լցրին մի ապակյա սրվակի մեջ, մի այլ սրվակի մեջ էլ դրին երանելի Պանդալեոնի նշխարները: Երկու շշերն էլ տեղավորեցին ամենասուրբ մանուկ Գրիգորիսի մասունքների հետ»¹¹⁶:

Հայոց Արևելից գավառներում քրիստոնեության դարձի հաջորդ շրջանը կապված է Մեսրոպ Մաշտոցի անվան հետ: Հայերեն նշանագրերը ստեղծելուց հետո Մեսրոպ Մաշտոցը, ինչպես ասում է Խորենացին, «բոլոր գավառներում դպրոցներ հիմնեց և պարսից բաժնի բոլոր կողմերը սովորեցրեց, բացի հունական մասից»¹¹⁷:

Մեսրոպագիր առաջին դպրոցներից մեկն էլ բացվում է Ամարասում: Հայերեն գիրն ու դրա հիմքերի վրա ստեղծվող դպրոցներն ու գրականությունը մաս կորեղ միջոց են դառնում քրիստոնեական կրոնը և գաղափարախոսությունը Հայաստանում ամրակայելու գործում: Հայոց գրերի և քրիստոնեական հավատքի միջոցով էր հնարավոր պահպանելու ժողովրդի միասնությունը: Դա իր հերթին նպաստում էր ստեղծելու ազգային ինքնագլուխ եկեղեցի, որը դարեր շարունակ կատարելու էր լուսավորական ու ազգապահպան դեր: Մաշտոցը, բացի քրիստոնեություն և հայկական դպրություն

տարածելուց՝ շատ տեղերում հաստատում է վանքեր, «և դարձյալ վանականների շատ և անհամար խմբեր շեն և անշեն տեղերում... բնակեցնելով հաստատեց»- գրում է Կորյունը¹¹⁸:

Մեսրոպ Մաշտոցի Արցախում քարոզչական գործնության մասին է վկայում նաև Գ-իս ավանում Վաչագան Բարեպաշտի կողմից հայտնաբերված մեծ լուսավորչին պատկանող խաչք, որը հետապնդողներից փրկվելիս այս ավանում էր թաղել Մաշտոցը: Այս անգամ սրբությունը տարվում է «Ի սուրբ եկեղեցին և ինքնին մեծ իշխանն և սուրբ հայրապետն ամենայն մեծամեծօրն անդ հասանեին, և ակն սրբոյ Մաշտոցի իւր իսկ ձեռաց լեալ էր, որով դարձուցաներ զաշխարհս Ադուանից ի կոռց մոլորութենէ»¹¹⁹:

Փաստորեն քրիստոնեությունը մինչև 5-րդ դարի առաջին կեսը Արցախում և Ուտիքում հասարակության առանձին խմբերի հավատ լինելուց դառնում է ամբողջ ժողովրդի կրոնը: Քաղաքական անկախությունը կորցնելուց քիչ առաջ սկսված այս պայքարի գործը հետագայում Վաչագան Բարեպաշտի օրոք ավելի ևս ընդարձակվում է:

յական վարքագիծը:

Այս ամենը ոչ միայն հայ ժողովրդի պայքարի ու մաքառումների, այլև հազարամյակների ընթացքում Հայաստանում ստեղծված ու զարգացած պետական մարմինների կենսունակության և կատարելության արդյունքն էր:

Տիգրանը, սկսած 5-րդ դարի քառասունական թվականներից (438թ. գահ բարձրացավ պարսից արքա Հազկերտ 2-րդը), այլևս չէր հանդուրժում հայ նախարարների ներքին ինքնավարությունը: Այս քաղաքականության սկիզբը դրվեց հարկերի աննախադեպ բարձրացումով: «Ո՞վ կարող է պատմել, թե ինչպիսի ծանր տուրքեր ու սակեր, բաժեր ու հասեր էին նշանակված լեռների, դաշտերի և անտառների վրա»¹²¹, - վկայում է Եղիշեն: Բացի շինականներից ու ռամիկներից, հարկատու էր դառնում հոգևորականությունը, որը մինչև այդ պահիսկի էր: Հայոց դիմադրական ուժը վերջնական գլխատման նպատակով Հազկերտ Բ-ն հարված հասցրեց նաև հայոց այրուձիհին: Հազկերտ Բ-ի հրովարտակով քրիստոնյա հպատակ երկրներից՝ Աղվանքի, Վրաստանի և առանձնապես Հայաստանի տարբեր գավառներից, այդ թվում նաև Ծավդեից (Արցախից)¹²² դուրս էր բերվում զինվորական ուժը, մեկուսացվում Պարսկաստանի արևելյան հեռավոր վայրերում ու հոշոտվում: Հազարապետ Գենչապուհը կաշառքով, բամբասանքով ու քսու գործարքներով իրար դեմ էր լարում հայ նախարարներին, ստեղծում անվստահության, փոխադարձ ատելության ու խռովքի մթնոլորտ:

Հազկերտ Բ-ն, չբավարարվելով դրանով, փորձում էր հայ ժողովրդին զրկել իր բարոյաքաղաքական համոզմունքների, սովորույթների, ավանդությունների, կացութաձևի հիմքերի հիմքից՝ ազգային հավատքից, հետ շրջել նրա վերընթաց կյանքի պատմության անիվը, ներքաշել նրան պարսկական բարքերի հորձանուտը, և վերջնականապես ուժացնել նրան: Հավատքի հարցում պատահական չէր Տիգրանի անզիջում դիրքը, որովհետև Հայոց եկեղեցին իր ներքին վարչական կազմակերպությամբ վերարտադրում էր Արշակունյաց Հայաստանի պետական կազմակերպությունը և փաստորեն քաղաքականապես մասնատված Հայաստանը կաթողիկոսի

հոգևոր տեսչության տակ էր դնում:

Փաստորեն Հայ եկեղեցին երկրի կենտրոնաձիգ ուժերը պահպանող գորեղ գործոն էր, որն իր կազմակերպվածությամբ դիմակայում էր Պարսկաստանի անսանձ բռնությունները:

Հայերին կրոնափոխ անելու նպատակով Սասանյանները բռնության են դիմել դեռ չորրորդ դարում Տիրանի որդու՝ Արշակ Թագավորի օրոք: Այդ քաղաքականությունը, որը հետապնդում էր հայերի դեպի Բյուզանդիա հակվելու գաղափարական նախադրյալները ոչնչացնելու նպատակով ուժեղացնում է արքայից արքա Հազկերտ Բ-ի քաղաքականության տարիներին¹²³:

Նախանցյալ ժամանակներում հայերին կրոնափոխ անելու համար գործադրած ճնշման բոլոր միջոցներից ոչ մի արդյունք չէր ստացվում: Այն ժամանակ պարսից արքունիքը անցնում է արդեն բացահայտ բռնության քաղաքականության: 450թ. փետրվարին Հայաստանին, Վրաստանին և Ադվանքին ներկայացվում է սպառնալի պահանջ քրիստոնեությունից հրաժարվելու և զրադաշտություն ընդունելու մասին: Այդ անօրինական պահանջը ալեկոծեց հայ հասարակության բոլոր խավերի սիրտն ու միտքը: Ստեղծված կացությունը քննարկելու համար հայ ավագ 17 նախարարներն ու 17 հոգևոր տերերը ժողովի են հրավիրվում Արտաշատում¹²⁴: Ղազար Փարպեցին, հիշելով Արտաշատում հավաքված հայ հոգևոր ու աշխարհիկ տերերի անունները, չի հիշատակում Արցախի և, ընդհանրապես, Հայոց Արևելից կողմանց ու բյուզանդահայատակ նախարարներից ոչ մեկի անունը: Հավանաբար վերոհիշյալ շրջանների հայ նախարարները չեն մասնակցել Արտաշատի ժողովին, որովհետև նախ և առաջ հարցը անհետաձգելի քննության կարիք ուներ և Հայաստանի հեռավոր ծայրերից նրանց հրավերը ժամանակի հետ էր կապված: Եվ երկրորդ, գահնամակում նշված 70 նախարարներից քչերն էին վճռական դեր խաղում երկրի քաղաքական կյանքում: Պատահական չէ, որ Հազկերտը պարսկական դավանանքը հայերին պարտադրելու առիթով, Տիգրոն էր հրավիրել ոչ թե 70, այլ միայն 10 իշխանների: Ընդհանուր առմամբ Բյուզանդիան և Պարսկաստանը ձգտում էին Հայաստանի ծայր գավառները մեկուսացնել հայրենիքից, հեշտացնելով իրենց գործը՝ առանձին-առանձին հաշ-

վեհարդար տեսնելու հայերի հետ:

Պարսից հազարապետ Միհրներսեհի նամակին հայերը խիստ պատասխան են գրում՝ պաշտպանելով քրիստոնեությունն ու նրա սկզբունքները: Ավելի քան մեկ ու կես դար առաջ քրիստոնեությունը ընդունած հայ ժողովուրդը այլևս չէր կարող հրաժարվել ազգային սրբություն դարձած իր ավանդություններից և ապրելակերպից:

Հազկերտը գայրագին խոսքերով անուն-անուն իր մոտ է կանչում տասը մեծամեծ նախարարների: Հայոց միաբանության մեջ էին նաև այլ նախարարներ որոնք հայրենիքից դուրս էին գտնվում, ուստի նրանք էլ գնացին Տիգրոն¹²⁵: Վարդանի հետ կեղծ ուրացության էր գնացել նաև Արցախի Առանշահիկ տոհմից Վաչե քազավորը¹²⁶:

Մինչև Տիգրոն մեկնելը 3 աշխարհները՝ Հայաստանը, Վիրքը և Աղվանքը միմյանց մոտ ուղարկեցին պատգամավորություն, ուխտ դրեցին և հաստատեցին՝ Ավետարանի վրա երդվելով «Այո, գնում ենք, սակայն չենք համաձայնի ուրանալ երկնի ու երկրի Արարչին»¹²⁷: Հայոց, Վրաց և Աղվանից իշխանները մնացին անկոտրում և հավատարիմ իրենց ուխտին:

Հազկերտ Երկրորդը մահվան սպառնալիքով հայ իշխաններից պահանջում է անմիջապես կրոնափոխ լինել, հակառակ դեպքում ասվում է, որ բազմաթիվ փղերով զորք կուղարկի Հայաստան՝ նրանց կանանց ու որդիներին բռնելու ու Սագաստան արքայելու, առհասարակ անպաշտպան բնակչությանը կոտորելու ու երկիրը քար ու քանդ անելու համար: Մոտալուտ վտանգը կանխելու նպատակով նախարարները որոշում են առերես ընդունել զրադաշտականությունը:

Նոր հավատքը Հայաստանում տարածելու և հաստատելու համար կառավարությունը այրուձի է գումարում և մոզայեղի գլխավորությամբ հավաքագրում 700 մոզերից կազմված խումբ: Հայաստանից բացի նրանք պիտի քարոզեին նաև Վիրքում, Աղվանքում, Լիմնաց, Աղձնյաց, Արդրվաց, Ծավդեից (Արցախ), Գասն աշխարհներում¹²⁸: Զգուշության համար Հազկերտը պատանդ է վերցնում Վասակ մարզպանի երկու որդիներին՝ Բարիկին, Ամիրներսեհին, վրաց Վազգեն, Հայոց Արևելից կողմանց Վաչե արքաներին և Գուգարաց Աշուշա բղեշխին¹²⁹:

Մինչև հայ նախարարների վերադարձը Հայոց աշխարհում առօրեական էր դարձել համընդհանուր ապստամբության գաղափարը: Պարսից մոզերի առաջին իսկ միջոցառումները հանդիպեցին հայոց վճռական դիմադրությանը: Մոզերի կանգնեցրած ատրուշանները ոչնչացվեցին Անգղ գյուղում, Ջարեհավանում և այլուր: Այս ու այնտեղ ապստամբած հայ հավատացյալները քարկոծում էին մոզերին, որոնցից շատերը գոհ գնացին ժողովրդական ատելությանը: Ապստամբած ժողովուրդը հարձակվում է քաղաքների և ամրոցների վրա, ամենուրեք կոտորելով ու հալածելով պարսկական կայսրությունները: Ապստամբական շարժումը թևակոխում է իր հաջորդ փուլը՝ տարերային ընդվզումից վերածվելով նախարարական Հայաստանի կազմակերպված ապստամբության: Նախարարների մեծ մասը, սպարապետ Վարդան Մամիկոնյանի գլխավորությամբ, վճռել էր զենքով դուրս գալ պարսկական բռնապետության դեմ՝ պաշտպանելու իր ազգային ինքնությունը ու հավատը:

Հզոր թշնամու դեմ ընդհանուր ճակատ ստեղծելու նպատակով Վարդան գորավարի նախաձեռնությամբ շուտափույթ կերպով նամակներ են հղվում Թեոդորոս Բ կայսրին, հունաց ավագանուն և Բյուզանդական մասի նախարարներին՝ Աղձնյաց բղէշխին, Անգեղ տան իշխանին, Ծովքի, Հաշտյանքի, Եկեղիքի գավառների մյուս իշխաններին ու Անտիոքի մեծ սպարապետին¹³⁰: Ղազար Փարպեցու տեղեկություններից երևում է, որ Վարդան Մամիկոնյանը և նրա համախոհները նույն բովանդակությամբ նամակներ չեն ուղարկել Հայոց Արևելից կողմանց, այդ թվում Արցախի իշխաններին: Բանը նրանում է, որ Հայոց Արևելից կողմանց հայ նախարարները, առանց ապստամբական կենտրոնի հրավերի, կամովին ներ էին քաշվել ազատագրական շարժման հորձանուտների մեջ: Այդպես էր Ավարայրում ու Մարդարապատում, այդպես է նաև այսօր:

Շուտով պարզվեց, որ վախճանվել է օգնություն խոստացած բյուզանդական կայսր Թեոդորոսը, իսկ նրան փոխարինած Մարկիանոսը ոչ միայն հրաժարվեց օգնել, այլև նախապատրաստվող հայկական ապստամբության մասին անմիջապես տեղեկացրեց պարսից արքունիքին: Բյուզանդական Հայաստանի նախարարները ևս չեն կարողանում օգնության հասնել իրենց հայրենակիցներին:

Հայ ապստամբներին մնում էր հույսը դնել սեփական ուժերի վրա և պատրաստվել ասեղ զոտեմարտի: Այս միջոցին տազնապալի լուր է ստացվում, թե պարսկական բանակը 300 մոզերի հետ մեկտեղ, բռնի դավանափոխությունը ի կատար ածելու նպատակով, հարձակվել է Աղվանքի վրա:

Քննարկվող ժամանակաշրջանում Աղվանքում ապրող ցեղերը ապրում էին առանձին-առանձին և չունեին կայուն քաղաքական ոչ մի միավոր: Այս հանգամանքից օգտվելով Հայոց Արևելից կողմանց՝ Արցախի, Ուտիքի Վաչե Առանշահիկ թագավորը իր իշխանությունը տարածել էր նաև Կուրի ձախափնյակի վրա: Մեր թվարկության 5-րդ դարից սկսվող հայ պատմագրության մեջ Կուրի ձախափնյա երկրի վերը նշված ցեղանունները հիշատակվում են Լ.Ֆինիք ձևով¹³¹:

Ուտիքի, Արցախի և Կուրի ձախափնյա շրջանների քաղաքական կյանքը իրենց ձեռքը վերցրած Առանշահիկները Վաչե թագավորի գլխավորությամբ կազմակերպեցին հակապարսկական շարժումը: Վաչեի մայրը պարսկուհի էր, մոզական կրոնի հետևորդ: Վաչեն իր հերթին ամուսնացած էր Հազկերտի քրոջ աղջկա հետ: Հազկերտ Բ-ն հավատալով Վաչեի կեղծ ուրացությանը, պատանդությունից նրան ազատում է: Հայրորդին վերադառնալով հայրենիք, արյան կանչով անգիջում պայքար սկսեց պարսից հայակուլ քաղաքականության դեմ:

Վաչեի դեսպանները Վարդան Մամիկոնյանին և Վասակ Մյունեցուն խնդրում են արագացնել ռազմական գործողությունները պարսիկների դեմ և օգնության գալ իրենց: Մտանալով այդ լուրը, հայերը իրենց ուժերը բաժանեցին երեք գնդի: Առաջին գունդը՝ Ներշապուհ Արծրունու գլխավորությամբ, ուղարկվեց Հեր և Զարևանդ գավառները՝ հարավային սահմանները պահպանելու համար: Զորքի մի մասը տրվեց Վասակ Մյունեցուն, որպեսզի սա իր առաջարկած ծրագրի համաձայն Մյունիքից գաղտնի ճանապարհով անցնի և թիկունքից հարվածի պարսիկներին: Մնացած մասը տվեցին Վարդան Մամիկոնյանին, որը Գուգարքով պիտի անցներ Աղվանք ու օգներ ապստամբներին:

Վարդանանց գունդը Աղվանքին օգնության էր գնացել 450թ.

սեպտեմբերի վերջին կամ հոկտեմբերի սկզբին¹³²: Գնդին միացել էին Խորեն Խոռխոռունին, Արշավիր Կամսարականը, Թաթուր Գիմաքսյանը, Արտակ Պալունին, Գյուտ Վահևունին, Հմայակ Գիմաքսյանը՝ իրենց զինվորական ուժերով:

Երբ Վարդան Մամիկոնյանն Այրարատը թողնելով, իր գորքով շարժվում էր դեպի Ադստև գետի հովիտը, Վասակ Սյունին նամակներ է ուղարկում Փայտակարան՝ պարսից հազարապետ Միհրնեսեհին և ճորա երկրի սահմանապահ մարզպան Սերուխտ Նիխորականին, որոնցով հայտնում է հայոց ռազմագնդերի գործողությունների մասին: Հայոց զորքերի առաջխաղացումը կանխելու նպատակով Սերուխտը թողեց ճորա պահակն, անցավ Կուր գետը և մոտեցավ Խաղխաղին*։ Պարսկական բանակը կազմ ու պատրաստ սպասում էր հայոց զնդերին: Վարդանը շուտափույթ հայոց այրուձին բաժանում է 3 մասի. աջ թևի զորամասի հրամանատարությունը հանձնում է Արշարունյաց իշխան Արշավիր Կամսարականին և նրան նիզակակից կարգում ավագ սեպուհ Մուշին՝ Գիմաքսյան տոհմից: Չախ թևի զորամասի հրամանատարությունը հանձնում է Խորեն Խոռխոռունուն և նիզակակից կարգում Հմայակ Գիմաքսյանին: Վարդան Մամիկոնյանը ինքը վերցնում է կենտրոնական գունդը:

Վարդան զորավարը, չնայած իր ուժերի համեմատական փոքրամասնությանը, նախաձեռնությունը չի թողնում Սերուխտին: Վարդանի զորագունդն Ուտիքի և Արցախի միացյալ ջոկատների հետ միասին նախահարձակ եղան, շփոթմունքի մեջ զցելով պարսկական զերակշիռ ուժերին: Պարսիկներին համազործակցում էին

**Բնակավայր և ձմեռանոց Մեծ Հայքի Ուտիք աշխարհի Տավուշ գավառում, Կուրի աջ ափին, Լուինաս(հավանաբար հետագայի Ջակամ կամ Ջեկամ) փոսակի գետաբերանում: Ըստ Գ.Ալիշանի գտնվում էր հետագայի Ելիզավետպոլի նահանգի Չեզամի(Չագամի) շրջանի Խալխանալը (Խալխիսանի) գետի տեղում: Ազաթանգեղոսը, Գ.Փարպեցին, Եղիշեն հիշատակում են որպես հայ և աղվան թագավորների ձմեռանոց:*

Տես, Թ.Խ.Հակոբյան, Ստ.Տ.Մելիք-Բախչյան, Հ.Խ.Բարսեղյան, Հայաստանի և Հարակից շրջանների տեղանունների բառարան, հ.2, Եր., 1988, էջ 631: Հայ պատմիչներից, մանավանդ Եղիշեն Խաղխաղը Աղվանից թագավորների ձմեռանոց ասելով, մեր կարծիքով, պետք է հասկանալ Հայոց արևելից կողմանց Առանշահիկների ձմեռանոցը, քանի որ 5-րդ դարի մեր պատմիչները Աղվանք ասելով հասկացել են Կուրի աջափնյակը, այսինքն Հայոց Աղվանքը:

նաև աղվանական մի շարք ցեղախմբեր:

Հայերի հանկարծակի հարձակումը կործանարար հետևանք ունեցավ Սերուխտի համար: Վարդան Մամիկոնյանի գնդերը պարսկական զորքի աջ և ձախ թևերին խփելով, սեղմում են գետին և մեծ ջարդ կազմակերպում: Նրանց մի մասը ընկղմվում են ճահիճներում: Պարսկական բանակի խոճուկ մնացորդները հրամանատարների հետ մեկտեղ փորձում են նավակներով Կուրի մյուս ափն անցնելով, փրկություն գտնել: Փախչողներն ընկնում են Արշավիր Կամսարականի զինվորների նետերի տարափի տակ: «Արշավիր Կամսարականը, ինչպես որ միշտ էր սուրբ զորավարի խոսքն ու կամքը հլու կատարող, շտապ իրագործելով նրա հրամանը, նավակների ու փախստականների ետևից նետեր արձակելով և խոցոտելով նավավարներին ու շատ ուրիշներին, որոնք նավերի մեջ էին, սաստիկ վերքեր հասցրեց նրանց: Վիրավորների տապալվելուց նավերն էլ կործանվում էին, և նավավարներից ու պարսիկ զվսավորներից շատ-շատերը գետասույզ լինելով կորան»¹³³: «Չափազանց հանդուգն հարձակման պատճառով գետասույզ եղածները ավելի շատ էին, քան ցամաքում սրով ընկածները: Շատ սպանվածներից վճիտ ջուրը արյունի է փոխվում: Նրանցից ոչ ոք չի ազատվում, միայն անտառախիտ քափուտներում թշնամու զորականներից մեկը զենքով բարձրանում է ձիու վրա և մագապուրծ եղած գույժ է տանում զվսավոր բանակը, որ փախչում, ապաստանում է մեծ մայրաքաղաքում»¹³⁴:

Ճահճուտներում շարունակվող ճակատամարտի թեժ պահին Արշավիր Կամսարականն ու Մուշ Գիմաքսյանը իրենց ձիերով խրվում են տիղմի մեջ: Առիթից օգտվելով Բաղասական* թագավորագներից ոմանք հարձակվում, սպանում են Մուշին և վիրավորում Գագրիկին: Արշավիր Արշարունին օգնության հասնելով, իր զինա-

**Գավառ Մեծ Հայքի հյուսիս-արևելյան սահմանագլխին, Ալբանիա- Աղվանքի Գարդման և Տաշիր տանող ճանապարհի վրա: Հիշատակված է Կորյունի, Փ.Բուզանդի, Մ.Կողանկատվացու և հետագա այլ պատմիչների կողմից: Ոմանք Բաղասականը նույնացնում են Մեծ Հայքի Փայտակարան աշխարհին: Ավելի հավաստի է թվում Գ.Ալիշանի և այլոց այն կարծիքը, ըստ որի Բաղասականը տեղադրվում է Կուրի ձախ ափին, նրա ստորին հոսանքում և դիտվում է որպես Ալբանիա-Աղվանքի մեջ մտնող առանձին վարչա-տարածքային միավոր: Այս կարծիքը բավական հիմնավոր պատմական փաստարկներով հաստատում է Բ.ՈՒրուբաբյանը: Հայաստանի և հարակից շրջանների տեղանունների բառարան, հ.1, 1986, էջ 571:*

կիցներով սրահարում է Լ.Փնիքի* քազավորի եղբորը՝ Վուրկին և ուրիշ շատերին:

Առայսօր Խաղխաղի ճակատամարտը հայ պատմագրության մեջ ներկայացվում է որպես հայ-աղվանական միացյալ ուժերի կռիվ ընդդեմ պարսիկների: Մինչդեռ վերոհիշյալ փաստերը վկայում են, որ Վարդան Մամիկոնյանը իր գորագնդով ոչ թե աղվաններին է օգնության գնացել, այլ պարզապես Հայոց Արևելից կողմանց, այդ թվում Արցախի իշխաններին, որոնց տիրույթներն էին մտել պարսիկները և փորձում էին կրոնափոխել տեղի հայությանը:

Խաղխաղի ճակատամարտում հայկական զնդերը կռվում էին պարսկա-աղվանական միացյալ ուժերի դեմ:

Չի բացառվում նաև, որ Վարդան սպարապետը օգնել է նաև աղվանական մի քանի ցեղերի, նրանց բնակավայրերն ու բերդերը պարսիկներից ազատագրելու: Այդ է վկայում Մովսես Կաղանկատվացին և Վարդան Մամիկոնյանի հետագա գործողությունը: Ահա թե ինչ է գրում Մ.Կաղանկատվացին. «Աղվանքի իշխաններից ու շինականներից բազմաթիվ մարդիկ, որոնք աստծու անվան համար ցրվել ու տարածվել էին Կապկոհ(Կապկոհ էր կոչվում Կովկասյան գլխավոր լեռնաշղթան) լեռների թաքստոցներում, երբ տեսան հայոց զորքերի մեծ հաղթությունը, նրանք էլ էին միանում հայոց զորքի հետ և մասնակից դառնում նրանց հերոսությանը»¹³⁵: Այս փաստը մի ավելորդ անգամ նորից ապացուցում է, որ Ալբանիա-Աղվանքի ցեղերի մի մասի զինյալ ջոկատները Վարդան Մամիկոնյանի գորագնդին են միանում Խաղխաղի ճակատամարտի հաղթական ելքից հետո միայն:

Այս խոշոր հաղթանակից հետո Վարդանը շարունակում է արագաթափ առաջ շարժվել և մեկը մյուսի հետևից պարսիկներից ազատում Աղվանքի քաղաքներն ու գյուղերը: Նա հասնում է մինչև Ճորա Պահակը(Գերբենդ), վերացնում պահապաններին, հրամայում

*Լ.Փնիքը բուն Աղվանքի արևմտյան մասն էր, Լոփնաս, խորա և Ալազան գետերի ավազանը, լինի ցեղի բնակավայրն էր: Բուն Աղվանքի միասնական քազավորության շրջանում(մ.թ.ա. 1-ին դար-մ.թ. 5-րդ դարի առաջին կես) գտնվում էր այդ քազավորության կազմի մեջ: Մարզպանության ստեղծումով նվաճեց կիսանկախ վիճակ, և ցեղապետն էլ իրեն հայտարարեց քազավոր: Դևադար Փարպեցի, էջ 499-500:

կործանել կովկասյան լեռնականների և հոների ճանապարհները փակող ամրությունները և փոխօգնության դաշինք կնքում նրանց հետ: Հենց այդ ժամանակ լուր է ստացվում Վասակի ուխտադրության մասին: Վիրավոր գուժկանի լուրը ցնցում է ինչպես Վարդանին, այնպես էլ իր զինակիցներին: Նա շտապում է ետ դառնալ: Վարդանի բանակը այդ ժամանակվա պայմաններում կատարում է մի անօրինակ արագ երթ՝ Ճորա Պահակից մինչև Հայաստանի կենտրոն՝ Այրարատ տարածությունն անցնելով մեկ ամսվա ընթացքում:

Վասակ Սյունին, հանկարծակի գալով, շուտափույթ ամրանում է իր հայրենի Սյունիքում, նախապես ավերելով Այրարատի ամրությունները և ոչնչացնելով պարենամթերքը, որպեսզի Վարդանի գորքը չկարողանա այնտեղ ձմեռել:

Վասակ Սյունին և նրա կողմնակիցները ժողովրդին համոզում էին հրաժարվել ապստամբության մտքից, խոստանալով ամեն ինչ հարթել և խաղաղ ճանապարհով հասնել նախկին իրավիճակի վերականգնմանը: Վարդանի կողմնակիցների միաբանությունը քանդելու նպատակով նա իր կողմնակիցներին ուղարկում է Հայոց աշխարհի ամուր կողմերը և հարևան երկրները՝ Տմորիք, Կորդովաց աշխարհ, Արցախ, Աղվանք, Վրաստան և Խաղտյաց աշխարհ, «պնդացնում էր, որ ոչ ոք նրանց հյուրընկալության արժանի չհամարի»¹³⁶:

Այս օրերին պարսկական տերությունը ռազմա-քաղաքական ծանր կացության մեջ էր: Հազկերտ Բ-ն պարտություն է կրում հոներից Միջին Ասիայում և անգոր էր ապստամբների հետ խոսել բռնության ու զենքի լեզվով: Վասակ Սյունին, օգտագործելով այս հանգամանքը, համոզում է արքայից արքային, որպեսզի մեղմացնի իր քաղաքականությունը Հայաստանի նկատմամբ: Հազկերտ Բ-ն «ներման» հրովարտակ է ուղարկում ապստամբներին:

Այս ամենի հետևանքով հայ հասարակությունը երկփեղկվում է: Առաջ են գալիս իրարամերժ երկու հոսանքներ: Վարդան Մամիկոնյանը և իր կողմնակիցները գտնում էին, որ երկիրը կարելի է ազատագրել միայն զենքի ուժով, իսկ Վասակ Սյունին իր համախոհներով փորձում էր Հայաստանը փրկել խաղաղ ճանապարհով՝ պար-

սիկների հետ լեզու գտնելու միջոցով: Ահա գաղափարների նմանօրինակ տարամետության պատճառով մինչև Ավարայրի ճակատամարտը երկրում բռնկվեց քաղաքացիական պատերազմ:

Անդրադառնալով Վասակի գործունեությանը, Եղիշեն գրել է. «...մինչև իսկ բազմաթիվ հարազատ եղբայրների բաժանեց միմյանցից. հորն ու որդուն միաբան չթողեց և խաղաղության մեջ խռովություն գցեց»¹³⁷: Եղբայրասպան պատերազմը ծվատում էր երկրի առանց այն էլ կազմալուծված ուժերը: Եվ պատահական չէ, որ Ավարայրի ճակատամարտի օրը հայոց գնդերը հայտնվեցին Տոմոտ գետի հակառակ ափերին:

Պատմագիտության մեջ քյուր մտայնություն կա, քե իբր Ավարայրի ճակատամարտին արցախահայությունը չի մասնակցել: Մեզ հասած սկզբնաղբյուրները և հատկապես Եղիշե պատմիչի տեղեկությունների քննությունը իրավացիորեն պնդում են, որ այդ ճակատամարտին մասնակցել են նաև արցախահայերը:

Իրենց զինվորական ուժերով ապստամբությանը միացել էին Գահնամակում գրանցված 32 և չգրանցված 5 հայ իշխաններ¹³⁸:

Եթե մենք պայմանականորեն հիմք ընդունենք Ջորանամակի տվյալները, մոտավորապես կստացվի, որ գահնամակում գրանցված 37նախարարությունները, արքունիքին նրա ծակալների հետ միասին, կարող էին մարտի դուրս բերել 53600-անոց բանակ:

Այս թվի մեջ չեն մտնում Արցախի Բակ գորավարի, Շիրակի Գիմաքյան, Մարդաստանի Արծրունյաց և Վահնունյաց զինվորական ուժերը, որոնց մասին տվյալներ չկան Ջորանամակում: Նշված թվի մեջ չեն մտնում նաև Գահնամակում չգրանցված և նոր կազմավորված չորս կրտսեր իշխանական տների ուժերը, որոնք մասնակցում էին ապստամբությանը¹³⁹:

Ինչպես մեզ հայտնի է Ավարայրի ճակատամարտին մասնակցել է 66 հազար հեծյալ և հետևակ զինվոր: Փաստորեն մնացած 12400 մարտիկների կազմում գտնվում էր նաև Արցախի Բակ գորավարի զունդը:

Լինել չլինելու հարցը բռնուցքեց պարսկահպատակ Հայաստանի բոլոր գավառների հայությանը: Արցախի քաջորդիները Բակ Առանշահիկ իշխանի գլխավորությամբ Վարդան գորավարին քե ու

թիկունք դարձած մարտնչեցին Ավարայրում՝ իրենց նվիրական ա-
րյունը հեղելով ազատության դաշտում:

Ավարայրի ճակատամարտը տեղի է ունենում 451թ. մայիսի 26-
ին: Վաղ առավոտյան պարսկական զորայունները խռնվում են Տղ-
մուտի ափին, բայց չեն համարձակվում գետն անցնել: Հայերը
պարսիկներին հանկարծակի բերելու նպատակով, Վարդանի հրա-
մանով առաջինն են գետն անցնում և զարգացնում հարձակումը:
Մարտը սկզբից հաջողություն էր խոստանում հայերին: Վարդանը
իր հեծյալ գնդով, շեշտակի գրոհով մխրճվելով Մուշկանի բանակի
դասավորության խորքը, մրրկաթափ հարվածով ցաքուցրիվ է ա-
նում ու փախուստի մատնում թշնամու ամենարևտիր զորամասը՝
մատյան գունդը, որը պաշտպանում էր ճակատի կենտրոնը: Վար-
դանը, հաջողությունից ոգևորվելով, իր գնդով շատ առաջ անցնելով,
կտրվում է մյուս զորամասերից: Այն ժամանակ Մուշկան Նխալա-
վուրտը պահեստում գտնվող զրահավոր փղերով ամրացված իր հա-
տուկ զորաբաժնին հրամայում է առաջ անցնել և շրջապատել
նրան: Վարդանը անհավասար կռվում ընկնում է հերոսի մահով:
Կատաղի մարտը շարունակվում է մինչև մութն ընկնելը: Կորցրած
լինելով իրենց զորավարին, հայերը մյուս օրը ետ են քաշվում և ամ-
րանալով բերդերում՝ շարունակում են դիմադրությունը:

Գնահատելով Ավարայրի ճակատամարտի ելքը, Եղիշեն գտնում
է, որ երկու բանակներից ոչ մեկն էլ չհաղթեց: Նրա կարծիքով երկու
կողմերը իրար դեմ դուրս գալով՝ իրար պարտության մատնեցին:

Ազատության դաշտում հերոսաբար նահատակվում են 1036 հայ
ռազմիկներ, այդ թվում զորավար Վարդան Մամիկոնյանն ու բազ-
մաթիվ իշխաններ:

Ավարայրի հերոսամարտում գոհված հայորդիները դասվել են
«հայրենիքի նահատակների» շարքը, սրբացվել ու դարձել հայրենի-
քին անմնացորդ ծառայելու պայծառ օրինակ: Այսօր էլ «Վարդա-
նանց տոնը» համազգային տոն է, որ նշվում է ամենուրեք՝ թե հայրե-
նիքում և թե սփյուռքում¹⁴⁰: Երվանդ Լալայանի տվյալներով դարի
սկզբներին այն տոնվում էր նաև Գանձակի գյուղերում¹⁴¹: Վարդա-
նանց դյուցազնամարտի անձնագոհ մարտիկների անունները ոսկե
տառերով գրվեցին հայ ժողովրդի բազմադարյան պատմության մա-

գաղափայլ մատչանում:

Ավարայրից հետո աշխարհի բոլոր ծայրերում ապրող հայ ժողովրդի ամեն մի սերունդ խորին ակնածանքով և երախտագիտությամբ է հիշում իր անձնվեր որդիներին: Ավարայրի նահատակների անունները հավերժացնող բազմաթիվ սրբավայրեր են կառուցվել Հայոց աշխարհի տարբեր վայրերում, այդ թվում նաև Արցախում:

Արցախի հայությունը սրբությամբ է պահպանել Ավարայրի բոցաշունչ ոգու՝ Գևորգ Երեցի հիշատակը: Վարանդայի Ավետարանոց, Սարգսաշեն, Վերին Թաղավարդ և Մոշ-խմհատ գյուղերի կենտրոնում, բարձր սարի գագաթին վեր է խոյանում Սուրբ Գևորգի անապատը կամ Գևորգի վանքը: Եկեղեցում պահպանվում է Գևորգի պատկերը: Այս բնակավայրերի տարեցները ասել են Սարգիս եպիսկոպոս Ջալալյանին, թե Ս.Գևորգ Երեցի և մյուս նահատակ հայերի նշխարները բերել ամփոփել են այդտեղ ու կառուցել եկեղեցի¹⁴²: Եկեղեցում մի շարք մասունքների հետ պահպանվում է Գևորգյանց մասունքները մի արծաթե միջակ խաչում*:

Հաղործի շրջանի ծայրամասային Ամուտուկ (այժմ Թեգլսարար) գյուղի եկեղեցին կոչվում է Վարդան Չորավարի անունով: Այդ եկեղեցում, իբրև սրբություն, պահվում է սևագույն քար, որն իբրև թե ներկված է սուրբ Վարդանի արյամբ¹⁴³:

Վարդան Չորավարի անունով մեկ ուրիշ մատուռի ավերակներ գտնվում է Մարտունու շրջանի Մուշկապատ գյուղում: Սարգիս Ջալալյանը գրել է. «Մուշկապատցիք ունեն զբարաշեն եկեղեցի, առ որով է մատուռն սուրբ Վարդան նահատակի, ուր յաճախեն ուխտաւորք բազումք»¹⁴⁴:

Հինգերորդ դարում պարսկական բռնատիրության դեմ հայոց պայքարն Ավարայրով չավարտվեց: Հայոց աշխարհի բոլոր կողմերում բռնկվել էր պարտիզանական պայքարի բոցը: Ինչպես միշտ,

*Այն ժամանակների բարբերին բնորոշ էր նահատակված մասունքների առուծախը: Գևորգ Փարպեցին հաղորդում է, որ մի քրիստոնյա խուժիկ առևտրական, որն առևտրական գործերով լինում էր Հայաստանի քաղաքներում և խոսում հայերեն, ակնատես է լինում Գևորգ Երեցի և մյուս եկեղեցականների սպանություններին և նրանց ոսկորներն իբրև մասունքներ, հանձնում է Պարսկաստանի քրիստոնյա համայնքներին, մի մասն էլ քերում Հայաստան:

այս անգամ էլ անդունդի եզրին կանգնած հայ ժողովուրդը բռունցք-վեց իր հին ու նոր հայրենիքը փրկելու, իր ինքնությունը պահպանելու: Ժողովուրդը քաշվում է անառիկ լեռներն ու ձորերը, որտեղից անընդհատ հարձակումներ է գործում պարսկական պատժիչ ջոկատների դեմ: «...Յուրաքանչյուրը թողեց իր գյուղը, ավանն ու ագարակը: Հարսները դուրս եկան առագաստներից և փեսաները՝ սենյակներից, ծերերն ընկած աթոռներից և երեխաները ծնողների գրկերից. երիտասարդներն ու կույսերը և տղամարդկանց ու կանանց ամբողջ բազմությունը գնացին բռնեցին անմարդաբնակ վայրերի ամրոցներն ու բազմաթիվ լեռների ապահով տեղերը: Ավելի լավ էին համարում գազանների նման քարանձավների մեջ բնակվել աստվածապաշտությամբ, քան թե ուրացությամբ փափուկ կյանք վարել իրենց տներում: Առանց տրտնջալու դիմանում էին խստեղեն կերակուրներին և չէին հիշում իրենց սովորական խորտիկները: ...Համբերությամբ դիմանում էին և մեծ առավելությամբ տանում այդ քաջ նահատակությունը: Որովհետև եթե քաց աչքերով չտեսնեին խնդալից հույսը, չէին էլ կարող այնպիսի մեծ առաքելություն կատարել»¹⁴⁵: Թշնամին քուն ու հանգիստ չունեի հայոց հողում:

Սովորաբար պարսիկները պաշարում էին այն ամրությունները, որտեղ պատսպարված էր լինում խաղաղ բնակչությունը և ներումն խոստանում՝ եթե հանձնվեն: Տեղ-տեղ պաշարվածները ստիպված էին հանձնվել՝ քաղցից և ծարավից դրդված: Բայց կամովին հանձնվածներին էլ պարսիկները չէին խնայում, կոտորում էին կամ գերության քշում, իսկ բնակավայրերը՝ հրկիզում¹⁴⁶:

Արցախի հայոց գունդը Բակ գորավարի հրամանատարությամբ բազմաթիվ փախստականներով, ամրացել էր Անգղի բերդում: Այստեղ էր նաև Հովսեփ կաթողիկոսը, Ղևոնդ Երեցը և մյուս քահանաները: Մուշկան Նիսալավորտի պարսկական բանակը, Վասակ մարզպանի գնդի հետ միասին, շրջապատում են բերդը, գրոհում, քայց անգոր են գտնվում վերցնել այն: Թշնամին դիմում է նենգության. Վասակ մարզպանը երկու-երեք անգամ երդվում է Ավետարանով, փորձում է հավատացնել պաշարվածներին, որ եթե նրանք անձնատուր լինեն, ապա ոչ ոքի նկատմամբ բռնություն չի գործադրի: Չորականների հիմնական մասը չի հավատում չարամիտ Վա-

սակին: «Հայոց քաջ զորականներից մեկը, Բակի անունով, ...բարձրանալով պարսպի վրան սկսեց նախատել անօրենին և հիշեցնում էր պարսից զորագլխի առաջ այն բոլոր չարիքները, որ նա հասցրել էր հայոց աշխարհին»¹⁴⁷:

Բակ զորավարը մույն զիշերը 700 հոգով ճեղքում է պաշարման շղթան և հեռանում Արցախի անտառները: Բերդում մնացածները՝ 213 զինվոր պարենի պակասության պատճառով գերի հանձնվեցին: Անձնատուր եղածներին անմիջապես սպանեցին: Ստեփանոս Օրբելյանի վկայությամբ Ավարայրից Արցախի անտառները նահանջող սյունեցի և արցախցի հայրենասեր ռազմիկները Անգեղաձորում, Ուտիքում, Արտարույնքում, Ջաղացքարում լուրջ կորուստներ են կրում պարսից հետապնդող զորքերից: Այս վայրերում էլ, ի պատիվ նահատակվածների, սյունեցիները կառուցում են վկայաբաններ¹⁴⁸:

Պարսկական զորքերը ասպատակում էին հայկական գյուղերն ու ավանները, տեղահան են անում ու գերեվարում խաղաղ բնակչությանը, կրակի մատնում տները: Ի պատասխան թշնամու վայրագությունների, Խաղտյաց լեռներում, Տնորիքի անմատչելի ամրոցներում, Արցախի խիտ անտառներում, Միջնաշխարհի և Կապույտ լեռան բերդերում ամրացված հայ ռազմիկները պաշտպանությունից անցնում են հարձակողական գործողությունների:

Արցախի հայությունն առանձնակի եռանդով ներքաշվեց պարտիզանական շարժման մեջ: Արցախի մայրիներն ու լեռները դարձել էին պարտիզանական պայքարի թեժ օջախեր: «Վարդանանց օրերում,-գրել է Գևորգ Ալիշանը,- փախստականներից շատերի համար ապավեն եղան նրանց լեռները, որտեղից խաբեությամբ իջեցնելով՝ Վասակը նրանց տալիս էր պարսիկների ձեռքը, բայց կային և այնպիսիները, որոնք սուրբ զորավարի նահատակությունից հետո «տիրեցին Արցախի բազում ամրոցների» և դիմադրում էին պարսիկներին»¹⁴⁹:

Այդ օրերին Արցախի խիտ անտառներում ամրացված ապստամբները բազմաթիվ անգամ պատգամավորություններ էին ուղարկում Հյուսիսային Կովկասի հոների մոտ և հիշեցնում, որ նրանք կատարեն հայերին օգնելու մասին նախկինում տված իրենց խոս-

տումները: Ի վերջո, հոների մի մեծ ջոկատ ներխուժում է Անդրկովկաս, այնտեղից ասպատակում, ավերում պարսկական շատ գավառներ, գերեվարում բազմաթիվ մարդկանց: Վերադարձին հոները հարձակվում են հյուսիսային Կովկասի այն ցեղերի վրա, որոնք օգնել էին պարսիկներին՝ ընդդեմ հայերի:

Չնայած ծանր փորձություններին, Արցախի հայությունը պահպանեց իր անկախությունը: 451թ. հուժկու ապստամբությունից հետո, հատկապես Պարսկաստանում տեղի ունեցած խլրտումներից օգտվելով՝ Կուրի աջափնյա Արցախ և Ուտիք նահանգների Առանշահիկ հայ իշխանական տոհմը գլուխ է բարձրացնում, իրեն հայտարարում թագավորություն: «Պատմութիւն Աղուանից աշխարհի» երկի մեջ կան հավաստի տվյալներ, որոնք հաստատում են, որ այս ժամանակից հետո Առանշահիկներին որոշ առումով հպատակ էին նույնիսկ անդրկուրյան Աղվանքի գավառները¹⁵⁰:

Հենց Առանշահիկներն էլ կազմակերպեցին Արցախի հայության հակապարսկական ընդվզումները: Այն գլխավորեց և առանձնակի ջանադրությամբ բորբոք պահեց Հայոց Արևելից կողմանց թագավոր Վաչե Առանշահիկը: Նա Վարդան Մամիկոնյանի համախոհներից էր: Սպարապետի սպանությունից հետո, Արցախն ու Ուտիքը պարսիկների հնարավոր ասպատակություններից զերծ պահելու և ազատագրական պատերազմների հետևանքով երկրի վերքերը ամոքելու նպատակով, Վաչե Առանշահիկը կեղծ ուրացության ուղին բռնեց և նույնիսկ պսակադրվեց Հազկերտ Բ-ի քրոջ աղջկա հետ: Նա մինչև անգամ հետագայում Պերոզի հրամանով 461թ. հիմնում է Պերոզապատ (հետագայում Պերոզապատը վերանվանվեց Պարտավի, իսկ այժմ՝ Բարդախի):

457թ. մահանում է Հազկերտ Բ-ն: Նրա երկու որդիների՝ Ռմիզդի ու Պերոզի միջև սկսվեցին գահակալական կռիվներ: Հանգամանքներից օգտվելով Վաչեն իրենից թոթափում է մոգությունը, դառնում է իր նախնյաց քրիստոնեական-լուսավորչական կրոնին և ապստամբության դրոշ բարձրացնում պարսիկների դեմ: Վաչեի քաջակորով մարտիկները սրընթաց հարվածներով կարճ ժամանակամիջոցում պարսիկներից ազատագրում են Արցախի և Ուտիքի բերդերը: Շուտով Պարսկաստանում գահակալական կռիվներից

հաղթող է դուրս գալիս Պերոզը: Սա Վաչեին հպատակեցնելու համար մեծաքանակ զորքով ներխուժեց Ուտիք և Արցախ: Վաչեն անցավ անդրկուրյան Աղվանք, դաշն կնքեց արբանական 11 ցեղերի հետ: Բարձրանալով հյուսիս, նա քանդեց Ճորա Պահակի ամրությունները և հյուսիսային Կովկասի ցեղերի բազմությունների հետ միասին հարձակվելով, ջարդեցին արքունի բանակը: Պերոզն ստիպված էր նամակներով և պատգամավորներով խաղաղություն առաջարկել Վաչեին: Սակայն ապստամբ արքան անդողվելի էր: Նա արքայից արքայի առաջարկներին պատասխանում էր հանդիմանությամբ՝ այն բոլոր չարագործությունների համար, որ պարսիկներն էին արել Հայոց դեմ: Վաչեն «հանդիմանում էր նրան (պարսիկներին, տվյալ դեպքում Պերոզին-Վ.Բ.) Հայաստանը գուր տեղը ավերելու համար, հիշեցնում էր նախարարների մահը, գերիների չարչարելը, որոնց հավատարմության և վաստակի համար կյանք շնորհելու փոխարեն արևից զրկում էք: Ես բարվոք եմ համարում տանջանքներով մեռնել, քան ուրացող լինելով ապրել»¹⁵¹:

Անկարող լինելով սեփական ուժերով հաշվեհարդար տեսնելու Վաչեի հետ, Պերոզը մեծ կաշառքով Աղվանքի վրա է ուղղում հյուսիսային խայլանդուրների* խաժամուժը: Վաչեի փոքրաքանակ զորքը մի ամբողջ տարի օրհասական մարտեր է մղում պարսիկների և հոների բազմաքանակ ուժերի դեմ:

Սպառվում են Վաչեի ուժերը, սակայն նա ետ չի կանգնում պարսիկների դեմ մինչև վերջ մարտնչելու վճռից: Դեռ ավելին, տեղ-տեղ հայերը փայլուն հաղթանակի են հասնում: «Շատերը կռվի մեջ ոչնչացան, շատերն էլ տանջալից հիվանդություններից հյուծվեցին: Պաշարման երկարելուց երկրի մեծ մասը ավերվեց, բայց ոչ ոք այնտեղից չհեռացավ»¹⁵²:

Պերոզն արդեն անկարող էր զսպել նրան: Այս անգամ նա փորձեց խաղալ Վաչեի զգացմունքների ելևջների վրա, նրան պահանջազիր ուղարկելով, թե՛ «հիմ քրոջը և քեռորդուս ուղարկիր, որովհետև նրանք ծագումով մոզորթյան էին պատկանում, բայց դու քրիստոնյա

*Հոների անվանումն է, որ ապրում են Կովկասում: Ըստ Մարկվարտի Խայլաղուրք կոչվում է հոների արքայական հորդան:

դարձրիր, իսկ քո երկիրը թող քեզ մնա»¹⁵³: Վաչեն հայրենի եզերքի ազատության նվիրակ լինելով այս անգամ էլ կատարեց Պերոզի պահանջը, զինավառ շարունակելով կենաց և մահու պայքարը:

Հետագայում դեպքերը զարգացման այլ ընթացք ունեցան: Հայոց Արևելից կողմերում սկսվող ներքին խլրտումների և Պերոզի անընդհատ ճնշումների հետևանքով Վաչեն լքվում է բոլորի կողմից, թողնում աշխարհիկ կյանքը և ավետարան առնելով գնում քարոզչության:

Սարգիս Ջալալյանցը հին մեղիքանիստ Ավետարանոց ավանում լսել է մի ավանդություն, ըստ որի Վաչե թագավորը ճգնել է հենց այստեղ¹⁵⁴: Ուրիշ ոչ մի տեղեկություն չկա Վաչեի կյանքի վերջին շրջանի մասին:

նական նահանգներում հայկական պետականության բացակայության պայմաններում Վաչագան Բարեպաշտի թագավորությունը հայահավասար կենտրոնի դեր էր կատարում:

Պետության հիմքերը անասան դարձնելու և երկրի հոգևոր կյանքը աշխուժացնելու համար Վաչագան թագավորը ձեռնամուխ եղավ եկեղեցաշինությանն ու նախանձախնդիր ջերմեռանդություն ցուցաբերեց հայ դպրության տարածման գործում:

Մովսես Կաղանկատվացին գրել է. «Բարեպաշտ Վաչագանը Արևելքում տարվա օրերի թվով եկեղեցիներ շինեց»¹⁵⁶:

Վաչագան թագավորը լավ էր հասկանում, որ Պարսկաստանի կողմից վարվող հայերի ուժացման քաղաքականությանը կարելի էր դիմակայել հայոց եկեղեցու հիմքերի ամրապնդմամբ և քրիստոնեական հավատքի տարածմամբ: Վաչագան Բարեպաշտը իր արմատներին հավատարիմ՝ հետևելով հայոց արքա Արտաշես Ա-ին Բարեպաշտի մեծագործություններին, սրբացման առարկա էր դարձնում ազգային եկեղեցու այնպիսի գործիչների, ինչպիսիք են Գրիգոր Լուսավորիչն ու նրա թոռ Գրիգորիսը, Պանդարեոն բժիշկն ու Դիզափայտի նահատակները, Մեսրոպ Մաշտոցն ու նրա աշակերտները: Նա միաժամանակ Արցախի Գարսիոզ գյուղն է բերում Մուրբ Գրիգորի ու Հռիփսիմե և Գայանե կույսերի նշխարները: Այս ամենի համար ժողովուրդը նրան տվեց Բարեպաշտ պատվատիտղոսը:

Վաչագան թագավորը ջերմեռանդ ձևով պայքարում էր հեթանոսական սովորությունների ու հոռի բարքերի դեմ, որոնք հակասում էին համամարդկային արժեքներին:

Սկզբնաղբյուրների վկայությամբ քրմերը բռնում էին մարդկանց և կապում սրբազան շոթաներով ու մի ամբողջ տարի կերակրում. այնուհետև նրան օծում էին իրրև գոհի և գոհաբերում մյուս մատաղացու կենդանիների հետ¹⁵⁷:

Մովսես Կաղանկատվացին շարունակելով Մտրաբոնին մանրամասնում է. «մատնահատների աղանդը ծիսական մարդասպանությունը կատարում էր հետևյալ խորհրդավոր պայմանների մեջ: Բռնվում էր մեկը սովորաբար պատանի հասակում, նրան տարածում էին գետնի վրա և նրա ձեռքերի ու ոտքերի չորս բույք մատները

կապում էին գետնի մեջ տնկված չորս ցիցերի: Այսպիսով կաշկանդվածին չէին խոցոտում և չէին սպանում, այլ նախ ողջ-ողջ քերթում էին նրա կաշին որոշված ձևով: Առաջ կտրում էին աջ թևի քթամատը և նրա հետ մի շերտ կաշի, որ քերթում էին կրծքի վրայով մինչև ձախ ձեռքի ճկույթը, որ նույնպես կտրվում էր: Այսպես էին վարվում գոհի ոտների հետ էլ: Հետո նրան սպանում էին, իսկ կաշին «կազմելով» դնում էին սապատի մեջ: ...Մարդասպանությունը հաճախ կատարվում էր ավելի մեծ չափերով: Քրմապետը հավաքված հավատացյալներին հրամայում էր բաժանվել երեք դասի և յուրաքանչյուր դասին-բռնել երեքական մարդ՝ մեր նկարագրած կերպով սպանելու համար»¹⁵⁸:

Վաչագան Բարեպաշտը իսպառ ջնջեց մատնահատների, խեղդողների, թունավորող-կուրացնողների աղանդները:

Քրմերի երեխաներին քրիստոնեական ոգի ներարկելու համար բացում է դպրոցներ, որտեղ դասավանդում էր նաև անձամբ ինքը՝ թագավորը:

Վաչագան Բարեպաշտի կառավարման ընթացքում երկիրը տնտեսական վերընթաց էր ապրում: Ծաղկում էին արհեստները: Մարտակերտի շրջանի Հակոբ Կամարի (Վարդնկաթաղ, Լյուլասագ, Կամարի) գյուղում եղել է գործատուն, որտեղ ընտիր կապույտ կտոր էին պատրաստում Վաչագանի արքունիքի համար: Այս գործատունը և բնակավայրը կոչվել են կապուտարար, այսինքն կապույտ կտոր արարողներ, կապույտ գործողներ¹⁵⁹:

Բարգավաճող երկրին անհրաժեշտ էր նաև շքեղաշուք մի մայրաքաղաք: Այդ նպատակով Վաչագան Բարեպաշտը մի ոստան է կառուցել Տրտու գետի ափին, Մարտակերտի շրջանի Թալիշ գյուղի մոտ: Մատենագիտական աղբյուրներում այդ բնակավայրը հիշատակվում է Գյուտական և Դյութական ձևերով¹⁶⁰:

Վաչագան արքայի անվան հետ է կապված նաև Մարտակերտի շրջանի Գաստակերտ գյուղը: Վաչագան թագավորը մի դուստր է ունեցել, որի մասին Մովսես Կաղանկատվացիին գրում է. «Թագավորը Խնչիկ անունով մի փոքրիկ դուստր ուներ, որին չափազանց սիրում էր նա և որի անունով կառուցել էր մի դաստակերտ»¹⁶¹:

Հայոց Արևելից կողմանց քաղաքական ու տնտեսական կյանքը

կանոնավորելու համար Վաչագան քազավորը Արցախի Աղվեն ամառանոցում (այժմյան Մարտակերտի շրջանում) 488թ. գումարեց հայ հոգևոր և աշխարհիկ տերերի մի ժողով, որտեղ քննարկվեցին և ընդունվեցին նորաստեղծ քազավորության օրենքներ:

Հայտնի է, որ մինչ Վաչագան Բարեպաշտի 21 կանոնների ընդունումը IV դարում Աշտիշատում և Շահապիվանում հայ Արշակունցի քազավորները ընդունել էին հոգևոր, քաղաքական և տնտեսական կյանքը կարգավորող օրենքներ: Սակայն բուն մայր երկրում հայկական պետականության կորստի պայմաններում անհրաժեշտ էր ստեղծել օրենքների մի հավաքածու, փաստելու նոր իրողությունը՝ հայոց երկրի մի անկյունում ստեղծված քազավորության գոյությունը, որը հետագա խռովահույզ դարերում խորհրդանիշ պիտի դառնար արցախահայության չընդհատվող պետականության համար:

«Մահմանադրութիւն կանոնական»-ը Հայոց Արևելից կողմանց սոցիալ-տնտեսական և քաղաքական հարաբերությունների ուսումնասիրման համար բացառիկ արժեք է ներկայացնում: Ըստ Աղվենի կանոնների պետական և եկեղեցական հարկերը պարտադիր էին հասարակության բոլոր խավերի համար՝ շինականներից մինչև ազնվական խավերի ներկայացուցիչները, նույնիսկ արքայական տոհմից սերվածները:

Հայ հասարակության բարոյական կերպը անխաթար պահելու համար ընդունված օրենքների համաձայն արգելվում էր մերձամուսնությունը, տղամարդու քմահաճ ամուսնալուծությունը, վիուկներին ու կախարդներին դիմելը, հոգևորականների (քահանայից մինչև եպիսկոպոս) վատ վարքը՝ սովորական գայքանքից(մոլորվել, սխալանք թույլ տալ) մինչև գողություն ու անբարոյականությունը: Թագավորի գերագույն իշխանությունը սրբազործելու համար «Մահմանադրութիւն կանոնական»-ը քազավորին էր վերապահում օրենքների սահմանումը և երկրի ներսում բոլոր ազատներն ու արքայագունները, հոգևորականներն ու աշխարհականները պարտավոր էին խոնարհաբար ենթարկվել արքունիքի ընդունած ամեն մի վճռին:

Աղվենի կանոնները պարտադիր նորմեր էր հասարակության

բոլոր խավերի համար: Այդ կանոնները վկայում են հայ հասարակության լիարյուն կենսագործունեության և օրենքի տառի ու ոգու գերակայության մասին:

Նկատենք, որ նմանատիպ օրենքներ եվրոպական երկրներում ընդունվեցին 10-12 դար հետո՝ ուշ միջնադարում: Ադվենի ժողովից հետո երկիրն ապրում էր խաղաղ ու բարգավաճ կյանքով:

Վաչագան թագավորը երկրի խաղաղ վերընթացը ապահովելու համար վարում էր նպատակապես ու հավասարակշիռ արտաքին քաղաքականություն՝ հարևան երկրների հետ պահելով ջերմ ու բարիդրացիական հարաբերություններ: Այդ նպատակով Վաչագան թագավորը իր աղջկան կնություն էր տվել Պարսից թագավորի եղբոր Արլ-Աբաս որդուն: Վերջինս քրիստոնեություն էր ընդունել և ապրում էր Մեծ Սյունյաց նահանգում, «երկրորդ Երուսաղեմ» կոչված վանքի մոտ¹⁶²: Ստեփանոս Օրբելյանը գրում է, որ Վաչագան թագավորն իր փեսայի հետ դավադրաբար սպանվել է Սյունիքի Բարգուշատ(Քաշունիք) գավառում¹⁶³: Նրա դիակը փոխադրվել և ամփոփվել է Մարտակերտի շրջանի Ջրվշտիկ կամ Եղիշե Առաքյալ վանքի կողքի մի մատուռում: Ամենայն հավանականությամբ հին դամբարանը չի պահպանվել: Երախտապարտ սերունդները հետագայում նրա դամբարանի տեղը մատուռ են կառուցել: 1286թ. Վաչագանի գերեզմանի վրա նոր տապանաքար են դրել, վրան փորագրել. «Այս է հանգիստ Վաչագան թագավորին Աստված ողորմի Հայրապետայ և ոյր ծնողացն, որ շինեց գեկեղեցիս առաջնորդութիւն տէր Միմոնի թիւ ՉԼԵ (1286) էր»¹⁶⁴ :

Վաչագան Բարեպաշտի կարճատև գահակալությունը մի ամբողջ դարակազմիկ շրջան է հանդիսացել միջնադարյան Հայաստանի տնտեսական, քաղաքական և մշակութային կյանքում:

Արցախի Առանշահիկների թագավորությունը Աղվանից մարզպանության կազմում ներառված էր հյուսիսային Քուստակի մեջ և իր տեղն ու դերն ուներ Մասանյան Պարսկաստանի ռազմավարչական հիերարխիկ համակարգում:

Դիշտ է նկատել հայտնի կովկասագետ Ս.Վ.Յուշկովը, որ Առանշահիկների ավատական իշխանությունը համարվում էր Հայոց երբեմնի մեծ ու հզոր պետության մի բեկորը, որը, թեկուզ և կախյալ վիճակում, ապրում էր պետական ինքնահատուկ կյանքով¹⁶⁷:

Հայոց երկիրը քաղաքական տեսանկյունից բաժան-բաժան անելուց զատ Մասանյան Պարսկաստանը ձգտում էր նրան տկարացնել նաև տնտեսական տեսանկյունից: Այդ նպատակով Խոսրով Ա Անուշիրվանի ժամանակ անց է կացվում աշխարհագիր՝ գրանցվում են ցանքատարածությունները, այգիներն ու պարտեզները, ինչպես և անասունների գլխաքանակը: Գլխահարկի քանակը պարզելու համար կազմակերպվել է ազգաբնակչության վիճակագրություն: Հարկը գանձվում էր տարեկան երեք անգամ: Հողահարկը վճարում էին ազգաբնակչության բոլոր խավերը, իսկ գլխահարկը՝ ստորին դասերը՝ շինականները և քաղաքացիները¹⁶⁸:

Նախկինում հողահարկը գանձվում էր բնատուրքի ձևով՝ պարգապես տրվում էր ստացված բերքի որոշ քանակը, այժմ հարկահավաքները պահանջում էին և բնատուրքով, և դրամով: Հարկային նոր համակարգը մեծ դժգոհություն հարուցեց բնակչության բոլոր խավերում: Դրա արտահայտությունը հանդիսացավ Հայոց Արևելից կողմանց իշխանների ապստամբությունը պարսից բռնատիրության դեմ: Մասանյաններին հաջողվեց ճնշել ապստամբությունը և մասնակիցներին ենթարկել դաժան պատժի: «Մեծամեծաց իշխանաց աշխարհին Աղուանից, որք ապստամբեցան յարքայեն Պարսից և կորեան անկան բագումք ի նոցանե՝ ոմանք ի սուր, ոմանք ի խեղութիւնս անդամոց և ոմանք տարագրեալք յաշխարհս հեռաւորս»¹⁶⁹ դառը կսկիծով պատմում է Մովսես Կաղանկատվացին:

Հայոց Արևելից կողմանց տերերի՝ Առանշահիկների իշխանապետության բեկորները պահպանելու և պարսից հայակործան քաղաքականությանը դիմակայելու նպատակով հայոց թվականության առաջին տարում(552թ.) հիմնադրվեց կաթողիկոսական աթոռ:

Աղվանից առաջին կաթողիկոսն է դառնում Մեծառանք գավառի եպիսկոպոս Աբասը: Կաթողիկոսանիստ կենտրոն դարձավ Պարտավ քաղաքը: Աղվանքի հայրապետությունը, բացառյալ տեղական նշանակության հարցերի, նվիրապետական տեսակետից ենթակա էր Հայոց կաթողիկոսությանը:

Նորաստեղծ կաթողիկոսությունը սկզբից ևեթ մեծ հեղինակություն ուներ նաև հարևան մահանգների հավատացյալների մեջ: Շուտով նրա գահերեցությունը ընդունեցին մինչև Գերբենդի դռները փռված մահանգները: ԵՎ պատահական չէր, որ հայաղվանքում հիմնադրված աթոռը կոչվում էր «Կաթողիկոսություն Աղվանքի, Լփնաց և Չողա»: Գրա մասին է վկայում նաև Ամենայն Հայոց կաթողիկոս Հովհաննես Բ Գաբելյանի Աբասին հղած բուրբը, որտեղ նա քվարկում է Աղվանից կաթողիկոսության մեջ մտնող քեմերն իրենց առաջնորդներով: Ահա դրանք. «Բարիներին, արդարամիտներին, աստվածասերներին, իմ սիրելի եղբորն ու աթոռակցին՝ Աղվանքի կաթողիկոս տեր Աբասին, Բաղախատի եպիսկոպոս Մովսեսին, Կապաղակի եպիսկոպոս Գրիգորին, Ամարասի եպիսկոպոս Հռոմիկին, Բաղասականի եպիսկոպոս Տիմոթեոսին, Շաքիի եպիսկոպոս Ամբակումին, Գարդմանքի եպիսկոպոս Հոհանիկին, Մեծ կողմանց եպիսկոպոս Ղևոնդին»¹⁷⁰:

6-րդ դարի երկրորդ կեսին Սյունիքի եպիսկոպոս Պետրոսն իր քեմը նույնպես միացրեց Աղվանքի աթոռին, որոշելով այդպես մնալ մինչև սուրբ Գրիգորի աթոռի միասնական դառնալը¹⁷¹:

Աբաս կաթողիկոսը իր աթոռակալության առաջին իսկ օրվանից անգիջում պայքար սկսեց աղանդավորության դեմ, անխաթար պահելով հայոց եկեղեցու միասնությունը:

ԱՐՑԱԽԵԸ ՈՐՊԵՍ «ՄԻՍԱԿԱՆ» ՇԱՀՐԻ ՄԻ ՀԱՏՎԱԾ: Հայոց կենտրոնածիզ պետության բացակայության պայմաններում պարսկական արքունիքը մշտապես ձգտում էր իրար դեմ լարել հայ նախարարական տներին և, խառնակ իրավիճակից օգտվելով, երկարածգել իր գերիշխանությունը Հայաստանում: 571թ. Սյունիքի իշխան Վահանը առանձնաճանալով մարգալանական Հայաստանից և իբրև առանձին շահր(վարչական միավոր-Վ.Բ.), անմիջականորեն ենթարկվեց Ատրպատականի մայրաքաղաք Գանձակում նստող

Քուստի-ի-Աապկոհի փոխարքային: Պարսից արքա Խոսրով Ա Անուշիրվանը մեծ գոհունակությամբ ընդունեց Վահան Սյունու այդ քայլը և Սյունիքին միացվեց սահմանակից Արցախ նահանգը, որի Հարանդ գավառը(հետագայում Վարանդա), դարձավ Վահանի կենտրոնատեղին և, ինչպես ցույց է տալիս Անանիա Շիրակացու «Աշխարհացոյցը», այնուհետև Հարանդ գավառը կոչվեց «Սիսական-ոստան», իսկ Սյունիքի և Արցախի միացյալ շահիր-իշխանությունը սասանյան պետությունում հայտնի էր «Սիսական» անունով¹⁷²: Առաջ անցնելով ասենք, որ Սերետուի Պատմության մեջ Թեոդորոս Ռշտունու և Մուավիայի միջև բանակցությունների մասին խոսելիս Հայաստանը(Հայքը) և Սյունիքն(Սյունիք ասելով հասկացվում է նաև Արցախը-Վ.Բ.) առանձին են հիշատակվում: Արարների արշավանքների մասին խոսելիս նույնպես պատմիչը նշում է, որ արարները կողոպտեցին Հայոց երկիրը, Աղվանքը և Սյունիքը: Պատահական չէր, որ հին հայկական աղբյուրներում Արցախը երբեմն հիշատակվում է «Փոքր Սյունիք», կամ «Սյունյաց երկրորդն» անուններով¹⁷³: Հայաստանի մնացյալ մասերից «Սիսական-ոստան»-ի անջատված վիճակը տևեց գրեթե 83 տարի(571-654թթ.): Սասանյան արքունիքում բարձր էր «Սիսական»-ի քաղաքական կշիռը: Վարչական այդ նոր միավորի իշխանի գերագույն հսկողության տակ էին գտնվում Ճորա պահակը և Գարբանդի ամրությունները: Նրա գորամասերը՝ «սիսականցիները», մեծ համարում ունեին սասանյան արքունիքում¹⁷⁴:

Արարական արշավանքների հետևանքով Առաջավոր Ասիայում քաղաքական ուժերի նոր վերախմբավորումների պայմաններում Համազասպ Մամիկոնյանի գլխավորությամբ մի կարճ ժամանակահատված(654-661թթ.) միավորվեցին Հայաստանի պարսկահպատակ և բյուզանդահպատակ հատվածները: Սերետու պատմիչը գրում է, որ Սասանյան Իրանի կործանումից հետո Սյունիքն ու Արցախը նորից միացան միացյալ Հայաստանին¹⁷⁵: Փաստորեն VII դարի երկրորդ կեսում Հայոց իշխանին ենթակա էին Մեծ Հայքի հիմնական նահանգները՝ Այրարատ, Սյունիք, Արցախ, Վասպուրական, Մոկք, Տուրուբերան, Տայք և Գուգարքի Տաշիր գավառը, ինչպես նաև Աղձնիք ու Կորճայք նահանգների լեռնային մասերը:

ՀՈՆԵՐԻ ԿԱՄԽԱԶԱՐՆԵՐԻ ԱՐՇԱՎԱՆՔՆԵՐԸ ԳԵՊԻ ԱՐՅԱՆ ԵՎ ԳՐԱ ՀԵՏԵՎԱՆՔՆԵՐԸ: VII դարը արցախահայությունը բերեց նոր անակրճակներ ու արհավիրքներ: VII դարի սկզբներից Կովկասյան լեռնաշղթայից հյուսիս բնակվող բազմաթիվ խառնամաղխ ցեղեր ճորա պահակով և Ալանաց դռներով Այսրկովկաս էին քափանցում և մահ ու ավեր սփռում շեն գյուղերում և քաղաքներում: Այդ ցեղերը մ.թ. առաջին դարից Այսրկովկասի ժողովուրդներին հայտնի էին մեկ ընդհանրական անունով՝ հոներ: VII դարի սկզբներին Այսրկովկասում նորից հայտնված այդ ցեղերին հայ մատենագիրները անվանում էին խազիր¹⁷⁶ կամ խազար:

VI դարի կեսերին խազարները առաջին անգամ մտան Այսրկովկաս և ավերեցին Կուրի աջափնյակը, մեծապես չոչափելիով հայկական նահանգների շահերը:

Խազարական արշավանքները դեպի Այսրկովկաս սաստկացան VII դարի սկզբներին, երբ նոր քափով սկսվեց պարսկա-բյուզանդական հակամարտությունը՝ տարածքաշրջանում առաջնության հասնելու համար:

Մավրիկիոս կայսեր սպանությունից հետո, օգտվելով Փոկասի դեմ բռնկված ապստամբություններից, Խոսրով Փարվեզը 602թ. պատերազմ է սկսում Բյուզանդիայի դեմ: Պատերազմական գործողությունները սկզբում ծավալվում են հյուսիսային Միջագետքում, ապա տեղափոխվում Հայաստանի կենտրոնական նահանգները:

Հայաստանում պարսկաբյուզանդական ճակատամարտերը հաջորդում էին մեկը-մյուսին, ոտքի կոխան դարձնելով բարեշեն գյուղերն ու քաղաքները:

608-616թթ. պարսկաբյուզանդական պատերազմական գործողությունների արդյունքն այն եղավ, որ Պարսից Խոսրով Փարվեզը Միջագետքում, Ասորիքում, Հայաստանում, Փոքր Ասիայում, Պաղեստինում և Եգիպտոսում տիրացավ ընդարձակ տարածքների¹⁷⁷:

Այս ժամանակ (610թ.) Բյուզանդիայում գահընկեց է արվում և սպանվում Փոկասը: Կայսերական գահն անցնում է Հերակլին (610-641թթ.): Վերջինս Բյուզանդական կայսրությունը փրկելու համար վերստեղծեց մարտունակ բանակ և 622թ. նոր քափով վերսկսեց պատերազմական գործողությունները:

Կայսերական գորքերը հետապնդելով Խոսրովին ավերում են Ատրպատականը: Այնուհետև Բյուզանդացիները հասան մինչև Ուտիք ու Արցախ և գրավեցին Պարտավը¹⁷⁸: Հայոց Արևելից նահանգների իշխանները բնակչության հետ միասին պատսպարվեցին լեռնային Արցախի ամուր տեղերում: Չմտնելու նպատակով բյուզանդական գորքը ճամբար է դնում Տրտու գետի ափին՝ Գյուտական գյուղի մոտ¹⁷⁹:

Խոսրովը որոշում է արցանի մեջ առնել բյուզանդացիներին և ջարդել: Խոսրովի հրամանով Շահր-Վարազ գորավարը գալով Պարսկաստանից, անցնում է Այրարատի ծայր հարավում գտնվող Շարուրի դաշտով, Սյունիքի՝ Վայոց ձոր, Գեղարքունի, Սողբ գավառներով, և այնուհետև Փառլիսու-Գարդմանով ու ճամբար դնում Ուտիքի Տիգրանակերտի, ինչպես Մերեոսն է ասում, «Միս Տիգրանակերտի» մոտ¹⁸⁰, նպատակ հետապնդելով չրոզնել բյուզանդացիներին մտնել Վրաստան և խորանալ Հայաստանի մեջ:

Սյուս կողմից թիկունքից հարվածելու նպատակով պարսկական մեկ այլ գորախումբ Շահենի գլխավորությամբ բանակ է դնում Կուր գետի ձախափնյա մասում Խաչենագետ և Կարկառ գետերի միջև գտնվող Արցախի Տիգրանակերտ ավանում¹⁸¹:

Նման պայմաններում Հերակլը կայացնում է ամենաճիշտ վճիռը: 621 թվականին կայսրը հանկարծակի հարձակվելով Շահենի գորքերի վրա, պարտության է մատնում նրան և Արցախի Բերդաձորի վրայով անցնում Սյունիք-Նախիջևան¹⁸²:

Արևմտյան Հայաստանի տարածքում մի շարք ջախջախիչ հարվածներից հետո բյուզանդացիները հեռանում են դեպի իրենց երկիրը:

Չնայած դրան ռազմական գործողությունները նոր թափով վերսկսվեցին 626 թվականին: Երկու կողմերն էլ փորձում էին ձեռք բերել դաշնակիցներ: Խոսրովը ավարների խաբանին համոզեց շարժվել դեպի Կ.Պոլիս, իսկ Հերակլը լեզու գտավ խազարների հետ: «Սաստիկ ամբոխիլ ելին խազիրք ասպատակել յաշխարհս մեր՝ հրամանաւ Հերակլի», ասում է Կաղանկատվացին¹⁸³: Այնուհետև պատմիչը նկարագրում է Չողից մինչև Ուտիք ու Արցախ խազարների կատարած սահմնկեցուցիչ ալան-թալանը: Խազարները գրավում են Պարտավը, Կաղանկատույք գրողի մոտ՝ լեռան ստորոտում, անխնա ջարդում անպաշտպան ժողովրդին: Ուտիքից փա-

խածների մի մասը փրկվում են Արցախի անմատչելի լեռներում ու բերդերում:

Քրիստոնյաների պաշտպան իրեն հռչակած Բյուզանդական կայսրը այս անգամ շտապում է Այսրկովկաս՝ միանալու Ջերուխանի խազարական հորդաներին, և իր ծարավը հագեցնելու քրիստոնյաների արյունով:

Մեծաքանակ այդ գործը պաշարեց Տփղիսը: Պաշտպանների խիզախության շնորհիվ այս անգամ վաճառաշահ ու գեղատեսիլ քաղաքը փրկվեց վերահաս աղետից: Մակայն հաջորդ տարին Հերակլն ու խազարական խաբանը վերստին պաշարում են Տփղիսը: Երկու ամսվա ծանր դիմադրությունից հետո ընկնում է քաղաքը: Հերակլն ու խաբանը վրիժառությանը կոտորում են անպաշտպան բնակչությանը, փորում վրաց մեծ իշխանի և պարսից կուսակալի աչքերը՝ ի պատասխան անցած տարվա դրում-ծաղրանկարի, որի վրա խաբանը կույր էր նկարված եղել: Իրենց սև գործը կատարելուց հետո դաշնակիցները նորից շարժվեցին դեպի Հայոց Արևելից գավառները: Արշավանքը գլխավորում էր Ջերուխանի որդին Շաքը, որին պատվիրված էր չինագանդվելու դեպքում կոտորել 15 տարեկանից բարձր տղամարդկանց և մանկահասակներին ու կանանց գերության քշել¹⁸⁴:

Այս ճակատագրական պահին պարսից մարզպանը ժողովրդին անպաշտպան թողնելով փախավ Պարսկաստան: Խազարները ամեն տեղ մահ ու ավեր են սփռում: «Յանկարծակի պատեաց մեզն և մառախտոն զամենայն երեսս երկրիս մերում առ հասարակ, ի տունս և յանցս ճանապարհայ բերան ամենեցուն կարդայր վա՛յ, վա՛յ: Գոչիւն բարբարոսայն ոչ լռէր և չէր՝ ուր ոչ ելանէր սատակիչ բարբառ չար թշնամեացն, և այն ի միում ալուր և ի միում ժամու: Քանզի բաժանեցին յառաջագոյն վիճակաւ ըստ գնդից զգավառս և զշէնս զհեղեղատս և զգետս, զաղբիւրս և զմօրս, զլերիմս և զղաշտս՝ յամենեսին միասլես ըստ ժամադրին սփռեալ զասպատակս աշխարհակալ և ի ծագաց մինչև ի ծագս դողացիւն սահմանք մեր... Ջի երեսաց սրոյն, որպէս յահեղ առիծէ ի մագիլ զիշաքարշ բեկանող արջոյն ի ժանիս սովոյն մատնէին. ի միասին լքեալք, յողալոյծք, սովարեկք, ակամայ դիմեալք ի գերութիւն՝ որպէս ի չարութենէ օձից ի յահէ տեսլեան դառնաշունչ թշնամոյն խաժանէին»¹⁸⁵:

Այս ճակատագրական պահին էլ հանդես է գալիս Պարսից դեմ հայ իշխանների կազմակերպած ապստամբության մասնակից, պարսից 25-ամյա զերուբյունից հենց նոր վերադարձած Աղվանից աշխարհի կաթողիկոս Վիրոն:

Կաթողիկոսը փորձեց բանակցությունների միջոցով ժամանակ շահել ու մեղմացնել խազարների դաժանությունները, սակայն անօգուտ: Այն ժամ, ուրիշ ելք չգտնելով, կաթողիկոսն Չարաբերդ-Ջրաբերդում հավաքված հոգևոր ու աշխարհիկ տերերին առաջարկեց յուրաքանչյուրն իր ունեցածից մի բան բաժին հանել և կաշտել Շաք խաքանորդուն: Վիրոն, հավաքված հարստությունը վերցրած, մեծամեծերից կազմված մի պատվիրակությամբ գնաց ներկայացավ Շաքին, որը բանակ էր դրել Պարտավից հյուսիս, Տրտու գետի ափին:

Նվերները ստանալուց հետո Շաք խաքանորդին չավերեց երկիրը: Վիրոյի միջնորդությամբ ազատվեցին գերյալները: Շաք խաքանորդին խոստանում է այլևս չհարձակվել Վիրոյի երկրի վրա, այլ բավարարվել միայն հարկեր վերցնելով: Չնայած դրան, խազարները դեպի Այսրկովկաս արշավեցին 630 թվականին, նոր արհավիրքներ բերելով ժողովրդին:

Տասնամյակներ շարունակ խազարների չընդհատվող արշավանքները քայքայեցին երկրի տնտեսությունը: Մի ժամանակվա արգավանդ դաշտերն ու այգիները մնացին անմշակ ու վերածվեցին անապատների: Մովն ու մահտարժամը պատել էր երկիրը:

Մարդիկ ստիպված են լինում ուտել ինչ-որ պատահի՝ սատկած անասունների միս, ծառերի ճյուղեր, հին կաշի, ծխաքակ կաշեպարկեր, կոշիկների հին կապիչներ, իսկ ով գտներ պտուղ ու կորիզ, կաղար ու կուտեր: Պատմիչի ասելով նույնիսկ մեռածների միս էին ուտում: Այսքանից հետո էլ մարդկանց վրա խելացնորություն եկավ, որով հիվանդները երկու ամիս անգգա ընկնում էին, սևանում, կորցնում մարդկային տեսք ու կերպարանք: Մակայն կատարվեց և դրանից ավելի վատթարը. գարնան առաջին կանաչի հետ կենդանի մնացածները դաշտ էին դուրս գալիս խոտով սնվելու: Եվ դրանից էլ բազմապատկվում էր մահացողների քիվը: Աշխարհն ասես համատարած գերեզմանոց էր անբաղ մեռելների¹⁸⁶:

7-րդ դարի սկզբներին Հայոց երկրի անդորրը խա-
 րաբեցին արաբական մահաափյուռ արշավանքները: Բյուզանդա-
 կան կայսրությունը լքել էր հայերին: Հզորության ուղին բռնած ար-
 աբական խալիֆայությանը դիմադրելը դառնում էր անհիմաստ:
 Քաղաքական ճիշտ կողմնորոշումն այդ ծանր պայմաններում ճա-
 կատագրական նշանակություն պիտի ունենար հայության համար:
 Հեռատես քաղաքական գործիչ Թեոդորոս Ռշտունին, հաշվի առնե-
 լով ստեղծված կացությունը, կողմնորոշվեց դեպի խալիֆայությու-
 նը: 652թ. Թեոդորոս Ռշտունին Ասորիքի և Վերին Սիջազետքի կա-
 ռավարիչ Մուավիայի հետ պայմանագիր ստորագրեց, որով Հա-
 յաստանը պահպանեց իր ներքին ինքնավարությունը:

**ԱՐՅԱՆԱՀԱՅՈՒԹՅԱՆ ՀԱԿԱՐԱԲԱԿԱՆ ԱՊՏԱՄԲՈՒ-
 ԹՅՈՒՆՆԵՐԸ:** 7-րդ դարի սկզբներին Հայոց երկրի անդորրը խա-
 րաբեցին արաբական մահաափյուռ արշավանքները: Բյուզանդա-
 կան կայսրությունը լքել էր հայերին: Հզորության ուղին բռնած ար-
 աբական խալիֆայությանը դիմադրելը դառնում էր անհիմաստ:
 Քաղաքական ճիշտ կողմնորոշումն այդ ծանր պայմաններում ճա-
 կատագրական նշանակություն պիտի ունենար հայության համար:
 Հեռատես քաղաքական գործիչ Թեոդորոս Ռշտունին, հաշվի առնե-
 լով ստեղծված կացությունը, կողմնորոշվեց դեպի խալիֆայությու-
 նը: 652թ. Թեոդորոս Ռշտունին Ասորիքի և Վերին Սիջազետքի կա-
 ռավարիչ Մուավիայի հետ պայմանագիր ստորագրեց, որով Հա-
 յաստանը պահպանեց իր ներքին ինքնավարությունը:

Մերեոսը այս բանակցությունների մասին խոսելիս Հայաստանը
 և Սյունիքը Արցախի հետ միասին առանձին է հիշատակում¹⁸⁷:

Իրավիճակը փոխվեց Թեոդորոս Ռշտունու մահվանից հետո,
 երբ Հայոց իշխան ընտրվեց նրա փեսա Համագասպ Մամիկոնյանը:
 Նրա իշխանության տարիները(651-661թթ.) խաղաղության և բար-
 գավաճման մի շրջան կազմեցին: Համագասպ Մամիկոնյանը իր իշ-
 խանության տակ վերցրեց Մեծ Հայքի համարյա բոլոր գավառները:
 Սյունյաց իշխանությունը Արցախի հետ նույնպես միացավ Հայաս-
 տանին¹⁸⁸:

Ջիվանշիրը ընդունում էր Համագասպ Մամիկոնյանի գերագույն
 իշխանությունը:

Հայոց իշխանին ենթակա էին Մեծ Հայքի հիմնական նահանգները՝ Այրարատ, Սյունիք, Արցախ, Վասպուրական, Մոկք, Տուրուբերան, Տայք և Գուգարքի Տաշիր գավառը, ինչպես նաև Աղձնիք և Կորճայք նահանգների լեռնային մասերը, իսկ Բարձր Հայքն ու Չորրորդ Հայքը արարներն իրենց ձեռքում էին պահում որպես ռազմաստրատեգիական տեսակետից կարևոր դիրք ունեցող վայրեր՝ Բյուզանդիայի դեմ մղված պայքարում¹⁸⁹:

Գեռ ավելին, Համազասպին հաջորդած Գրիգոր Մամիկոնյանի իշխանության տարիներին(661-686թթ.) Հայաստանը հրաժարվեց հարկ վճարել արարներին: Թվում էր, թե նորից պիտի վերածնվեր հայկական կորսյալ պետականությունը:

Հզորության ուղին բռնած խալիֆայությունը չէր կարող հանդուրժել հայկական պետականության վերականգնման փորձերը: Մերք ընդ մերք Հայաստանի սահմաններին երևում էին մահասփյուռ արարական բանակները:

Հայոց Արևելից գավառների հայությունը Ջիվանշիր թագավորի առաջնորդությամբ մի առ ժամանակ ինչպես զենքով, այնպես էլ դիվանագիտությամբ կարողացան դիմակայել արարների ճնշումներին: Ջիվանշիրը շարունակեց Հայոց մեծ սպարապետ Թեոդորոս Ռշտունու ճկուն քաղաքականությունը: Խալիֆի համակրանքը շահելու նպատակով Ջիվանշիրը մեկնեց Գամասկոս: Նրան արքայավայել ընդունեցին: Մուավիան Կուրից մինչև ճորա պահակը ընկած հողերի կառավարումը հանձնեց «Արևելքի իշխանին»՝ Ջիվանշիրին: Միաժամանակ նա դարձավ միջնորդ արարների և հյուսիսային Կովկասի ցեղերի՝ հոների, խազարների միջև բարեկամական հարաբերությունների ստեղծման գործում:

Այս ամենից հետո Ջիվանշիրին մեծամեծ նվերներով ճանապարհեցին երկիր: Վերադարձի ճանապարհին՝ Արուն ավանում, Հայոց մեծ իշխան Գրիգոր Մամիկոնյանը և Անաստաս կաթողիկոսը պատվով ընդունեցին Ջիվանշիրին, նախանշելով հետագա անելիքների համատեղ ծրագիրը:

Արարների վստահությունը լիովին շահելու նպատակով երկրորդ անգամ՝ 671թվականին Ջիվանշիրը գնաց արար խալիֆի մոտ¹⁹⁰: Մեծաշուք պատիվների արժանանալուց հետո,- գրում է

պատմիչը,- արքայավայել մեծարանքի ու սիրո խոսքերից հետո, խալիֆը Ջիվանշիրին անքանակ ու անզնահատելի նվերներ է տալիս, որոնց թվում էին երկու զարմանահրաշ բաներ՝ փիղ և թուրակ, ու առաջարկում միաժամանակ իշխել Ատրպատականում և նրանից արևելք ընկած Մյունեստանյաց երկրում¹⁹¹: Ջիվանշիրը մերժում է խալիֆի առաջարկը: Արցախահայության հակաարարական շարժումը նոր թափ ստացավ հետագա ժամանակներում:

Աղբյուրները վկայում են, որ 9-րդ դարի սկզբներին հյուսիս-արևելյան Հայաստանի հակաարարական շարժումը գլխավորում էր Մահլ Մմբատյան Առանշահիկը:

821թ. արաբները Պրատավից շարժվելով Արցախի խորքերը, ասպատակեցին Ամարասը, և մոտ հազար հոգի գերեվարելով, ամբացան Շիկաքար բերդում: «Այդ ժամանակ քաջ ու շքեղատեսք Մահլի Մմբատյան Եռանշահիկ իշխանը և իր քաջագոր եղբայրները իրենց գորքերով լուսադեմին վրա տվին, նրանց բոլորին միասին, դիաքավալ արին, ցիրուցան դարձրին և, ինչպես առյուծի ժանիքներից, գերիներին խլեցին»¹⁹²:

Հաջորդ անգամ 12 հազարանոց բանակի հետ ճակատամարտը տեղի ունեցավ Մուխանք դաշտում: Ժամանակագիրը վկայում է, թե «Այստեղ էլ Մահլ Մմբատյանը, որ Չարմիրակյան արքունի տոհմից էր, իրենց գործակից դարձնելով մեծ նահատակ Գեորգիոսին, թշնամիների վրա խոյացավ՝ որպես արծիվը տկար թռչունների վրա և, դաշտում այս ու այնտեղ կոտորելով, մնացորդներին փախուստի մատնեց»¹⁹³:

9-րդ դարի առաջին կեսին արարական խալիֆայության խառնակ վիճակը նպաստեց նրա տիրապետության տակ ընկած երկրների ներսում նոր խմորումների առաջացմանը, որոնք բոլորն էլ ինքնավարության էին ձգտում: Թուլացող տիեզերական կայսրության փոխարեն տեղերում հզորանում էին ընդիմադիր ուժերը: Հայաստանում առանձնապես վերելք էր ապրում Բագրատունյաց նախարարական տունը, որը 9-րդ դարի կեսերից սկսած հրաժարվում էր նույնիսկ հարկ վճարել արաբներին: Իսկ Հայաստանի հյուսիս-արևելյան նահանգներում սյունեցիները և Ուտիքի ու Արցախի նախարարական տները դարձել էին իրենց երկրամասերի լիիրավ

տերերը: Մուքավաքիլ խալիֆն(847-861թթ.) բիրտ միջոցների դիմեց Հայաստանի ներքին ինքնավարությանը վերջ տալու համար: 850թ. այդ նպատակով Հայաստան ուղարկվեց Աբու Սաիդ ոստիկանը, որն իր հարկահաններով երկիրը սկսեց կողոպտել: Նախկին ծանր ու անտանելի հարկերին ավելացվեց նաև «ջիզյա» կոչվող այլադավանության հարկը, որը գանձվում էր ոչ մահմեդականներից: Այս վիճակը երկար հանդուրժել չէր կարող հայ ժողովուրդը: Առաջինը ապստամբական դրոշ էին բարձրացրել Վասպուրականի Արծրունիներն ու Տարոնի Բագրատունիները: Ապստամբները Խուրեցի Հովնանի և Բագրատունյաց իշխանագույնների գլխավորությամբ Մշո դաշտում ջախջախում են հայկական շարժումները ճնշելու նպատակով եկած արաբական զորքերին: Արաբ ոստիկան Յուսուֆը հայ վրիժառուներից մագապործ քաքնվեց սուրբ Փրկիչ եկեղեցու գմբեթի ներսում, սակայն հենց տեղում հայ ռազմիկներից մեկը աշտեով սպանեց նրան: Արաբական խալիֆայությունը այսօրինակ խայտառակ պարտության վրեժն առնելու համար թուրք զորավար Բուղա Շարաբիի գլխավորությամբ 200 հազարանոց մի զորաբանակ ուղարկեց Հայաստան և Անդրկովկաս*: Բուղան արյան մեջ խեղդեց Սասունը, Վասպուրականը, Ռշտունիքն ու Մոկքը: Հայկական այս նահանգների բախտին արժանացավ նաև Արևելյան Վրաստանը Տփղիս մայրաքաղաքով: ԵՎ միայն Կովկասյան լեռնաշղթայի փեշերին՝ կախեթում բնակվող ծանարները սաստիկ ջարդ տվեցին Բուղային, որն ստիպված եղավ ամոթով փախչել պատերազմի դաշտից:

Կախեթից Բուղան ուղղվեց դեպի Գուգարաց դաշտը և իջավ Պարտավ քաղաքը, Կուրից հյուսիս մտավ Հայաստանի արևելյան կողմերը՝ Ուտիք-Արցախ լեռնաշխարհը: Ձերբակալվեցին Գարդմանի Կտրիճ իշխանը, Խաչենի Ատրներսեսեն իր հոր՝ Մահլ Սմբատյանի¹⁹⁴ հետ, լեռնային Ուտիքի Սևորդիների Ստեփանոս Կոն իշխանը¹⁹⁵: Բուղայի արնածարավ բանակի թափը կոտորվեց Գիզակում:

**Բուղան Մուքավաքիլ խալիֆի ստրուկներից մեկն է եղել, բայց ազատություն էր ստացել և իր հայրենակիցներից կազմված վարձկան զորքի շնորհիվ ամենակարող մարդն էր դարձել պետության մեջ:*

Հենվելով իր բերդերի անմատչելիության և առավելապես իր քաջ զինվորականության վրա, Գիզակի Աբու-Մուսե իշխանը վճռեց դիմադրություն ցույց տալ Բուղային: Լեռնային Քրիշ(Գտիշ)* ամրոցում հավաքվեցին Եսայի իշխանի ոչ միայն զորքը, այլև շրջակա գյուղերի ժողովուրդը: Եվ Եսայի Աբու Մուսեն սկսում է եռանդուն պատրաստություններ տեսնել: Բուղան հայ իշխանից պահանջում է գալ իր մոտ և հնազանդություն հայտնել: Եսայի Աբու Մուսեն պատասխանում է նրան մի նամակով, որի ամբողջ բովանդակությունը տոգորված է ջերմ հայրենասիրությամբ և որի մանրամասները մեզ է թողել Թովմա Արծրունին. «Աշխարհակալների սովորությունն է արքունի հոգածությամբ գնալ երկիրը, իբրև հնազանդների մոտ, վերցնել, թեթևացնել տառապյալների նեղությունները, իբրև խնամարկուներ, և ոչ թե ավազակաբար ավերել, սրածելով ու գերեվարությամբ ավերակ դարձնել երկիրը: Եվ եթե դու արքունիքից եկել էիր խաղաղությունը պահպանելու, շենություն պիտի պարզենիր սրանց և ոչ թե ավերանք ու խառնակություն: Եվ արդ թող հայտնի լինի, որ ինչքան բավականանա իմ զորությունը և քանի դեռ կենդանի եմ, կընդդիմակայեմ տեր աստծո ուժով ու զորությամբ և քեզ տեսնելու եմ ոչ թե սիրով ու խաղաղությամբ, այլ զենքով, աղեղով ու սրով, քաջ տղամարդկանցով և ընտիր երիվարներով: Եվ եթե դու ցանկանում ես ապրեցնել քեզ ու քո զորքը, արի ել այստեղից ու դուրս գնա իմ երկրի սահմաններից: Ապա թե ջանաս զրկվել այս կյանքից՝ քո զայրույթի, կատաղության պատճառով և ոսկորներդ ցրես անապատներում ու դառնաս երկրի գազանների, երկնքի թռչունների կերակուր, քո կամքը թող լինի, ես անպարտ եմ քո արյան համար, մանավանդ, որ մեծ բարեպաշտություն եմ համարում սպա-

**Անմատչելի բերդի մնացորդները առ այսօր պահպանվում են: Բերդը հյուսիսային կողմից բարձր ժայռի միջով գաղտնադիմ կաղորդակցվում է արտաքին աշխարհի հետ: Բերդաշինարարները հոգացել են նաև ջրի մասին, ժայռի մեջ ստեղծել բավականին ընդարձակ ու խոր »սառնարաններ«, որտեղ կուտակված ձյան պաշարները օգտագործվել են ամռան ամիսներին: Բացի այդ, բերդավանում ստեղծվել են կալաչափ մեծությամբ ջրամբարներ, որոնք միշտ լիքն են անձրևաջրով: Այս արհեստական լճակները պաշարված ամբողջ համար լրացուցիչ պահեստներ են եղել:*

Բերդի մասին տես՝ Շ.Սլյոտչյան, Լեռնային Դարարաղի պատմաճարտարապետական հուշարձանները, Եր., 1985, էջ 90-92:

նել աստծո քշնամիներին, ինչպես Մովսեսն Ամաղեկին, Հեսուն Քանանացիներին, Սամուելն Ազագին և Դավիթը Գողիաթին, նաև ինչպես իսրայելացիներն սպանեցին այլազգիներին: ԵՎ աստված սիրեց նրանց: Նույն կերպ կանենք քեզ և քո գորքի հետ: Արդ չեմ կամենում երկար խոսել քեզ հետ, քո ձեռքերում է խաղաղությունն ու խառնակությունը: Եթե, ինչպես ասացի, հեռանաս ինձանից, խաղաղություն կլինի, իսկ եթե ոչ՝ պատերազմ, կռիվ ու ճակատամարտ: Դու կդառնաս թիրախ, իսկ իմ աղեղը՝ խոցոտող, դու՝ ախոյան, իմ զինվորները՝ հաղթանակող, դու՝ ոսոխ, իսկ իմ գորքը քեզ դատապարտող, քո պատերազմը և մեր հաղթությունը, քո մարմինը և իմ նիզակը, քո պարանոցը և իմ սուրը, քո ստացվածքը՝ մենք նրա ժառանգորդ, քո ավարը՝ մենք ավարառուներ, դու ավագակ, մենք կողոպտիչներ, դու եղեգն, մենք դյուրավառ կրակ, դու հարդ, իսկ մենք դյուրությամբ փչող քամի, դու ծաղիկ, իսկ մենք թարշամեցնող խորշակ, դու պտղալից հանդ, մենք ապականող կարկուտ, դու շինվածք առանց հիման, իսկ ես հիմնիվեր տապալող հեղեղ, դու լեշ, իմ գորքը հոշոտող գազան, որ պատռոտում է քո սրտի առագաստը, դու խաղալիք, իսկ մենք մանուկներ, որ բռնելով քո գորությունը, խաղում, կատակում ենք քեզ հետ և քո այդ ողջ հպարտության ու անբարեհաճության հետ, դու վայրի երե, մենք՝ որսորդներ, դու թռչուն, իսկ մենք բարձրությունից ցած ենք իջեցնում և ձգում որոգայթի մեջ, դու ծովի վիշապ, մենք՝ կարթ, քո քիմքից վեր ենք ձգում քեզ անդունդների խորքից. դու իբրև եղջերու առանց եղջյուրների, մենք արծիվներ քո վերևում, քո աչքերը կուրացնողներ, որ քո լեշը գցում ենք մեր ձագերին և խորշերում բնակվող աղվեսներին: ԵՎ մինչև որ քեզ վրա չվերցնես այն, ինչ խոսեցի քո պատգամավորների հետ ու ավելի ջանաս վտանգել մեզ՝ դու կընդունես վտանգավորը»¹⁹⁶:

Աղբյուրները վկայում են, որ Եսային «երիցու (քահանայի) որդի» էր: Չնայած դրան, նա անվեհեր կովող էր և չի պարտվել ոչ մի պատերազմում: Բուղան պարզ ընկալելով լեռնցի իշխանի շիտակ խոսքը, լրջորեն նախապատրաստվեց բերդի գրավմանը՝ պատնեշներ կանգնեցրեց ամրոցի դեմ, քարակույտեր շինեց, տեղակայեց քարածիզ մեքենաներ: Բերդապահ զինվորականությունը և խաղաղ բնակչությունը հայտնվեց խուլ պաշարման օղակում: Աղյախտվ

պաշարումը տեղեց մոտ մեկ տարի: Այդ ընթացքում Բուդան 28 անգամ գրոհում է բերդի վրա և ամեն անգամ էլ խայտառակ պարտություն կրելով հետ է նահանջում: Պաշարումը երկարաձգվելով Բուդայի զորականները ամբողջի շրջակայքում իրենց համար վրանաբնակ մի բնակավայր կառուցեցին: Թովմա Արծրունին պատմում է, որ Բուդան այդ անհաջողություններից հուսալքված փակվեց իր վրանում և 10 օր ոչ ոքի չէր ընդունում: Սարսափելով լեռնցյների գրոհներից նա իր վրանը շրջապատել էր բազմաթիվ գորագնդերով: Բուդայի բանակում գտնվող դավաճան հայ նախարարներից մեկը՝ Սմբատ սպարապետը, սիրտ է անում մտնել հուսահատված հրամանատարի մոտ և սփոփել նրան: Խալիֆը Բուդայից պահանջում էր հաշվեհարդար տեսնել ամբողջի պաշտպանների նկատմամբ: Պատերազմական գործողությունները վերսկսվեցին նոր քափով: Վերջին այդ հարձակմանը մասնակցում էր արաբական ողջ զորքը: Եվ այդ ահեղ ընդհարումից ստեղծվեց մի ցնցող տեսարան և խոր տպավորություն գործեց Սմբատ սպարապետի որդի Մուշեղի վրա, որն էլ մի ոտանավոր գրեց և այդ օրը նմանեցրեց Քրիստոսի երկրորդ գալստյանն ու ահեղ դատաստանին¹⁹⁷ Աբու Մուսեի քաջավարժ զորքը առանց շտապելու հակահարձակման է անցնում և թշնամուն թշում բերդի պարիսպներից այն կողմ: Բուդան այս անգամ էլ պարտություն կրեց: Գտիչի պաշտպանները մեծաքանակ ավարով նորից վերադարձան իրենց ամբողջը: Ամենից զարմանալին ու հետաքրքիրն այն է, որ բերդի պաշտպանները նման դժոխքային պայմաններում Բուդային կործանած Գտչավանքի փոխարեն կառուցեցին նոր եկեղեցի: Քանի որ սրբավայրի կառուցումն ընթացել է ճակատամարտի թեժ պահին, ապա այդ իսկ պատճառով էլ այն կոչվել է Թեժ անունով*:

Նման պայմաններում իր ցեղակիցների գործելակերպին հատուկ՝ Բուդան դիմեց խարդավանքի: Մուրավաքիլից Եսայիի համար բերել տվեց մի թուղթ, որով նա հրավիրվում էր Բաղդադ՝ խալիֆի հետ խաղաղության բանակցություններ վարելու: Լեռնցի աս-

*Այսօր էլ անդունդի վրա կախված կառույցը հիացմունք ու զարմանք է պատճառում դիտողին: Եկեղեցին մի ավերող անգամ նորից վկայում է հայ մարդու պայքարող ոգու և շինարար քանքարի մասին:

պետ-գորավարը որքան խիզախ ու անպարտ էր, այնքան էլ միամիտ ու հավատավոր էր քշնամու խարդավանքների առաջ: Եսայի իշխանը գնաց արարական բանակը, ուր ընդունվեց մեծամեծ պատիվներով: Նրան նվիրեցին սուր, քանկազին հանդերձներ, նժույգներ, վրան: Ծանարների երկրում և Արցախում խայտառակ պարտություններ կրելուց հետո խալիֆը 855 թվականին Բուղային Հաստատանից ետ կանչեց: Գտիչից վերադառնալով Պարտավ, Բուղան Հայաստանի տարբեր վայրերից գերեվարած հայ իշխաններին շղթայակապ ուղարկեց խալիֆի մոտ: Գերյալների թվում էր նաև քշնամուն ծառայություններ մատուցած Սմբատ Բագրատունի սպարապետը: Գերվածների խմբից առանձին, ոչ իբրև գերի, արարական պահակի ուղեկցությամբ Բաղդադ գնաց Աբու-Մուսե Առանշահիկը: Այդպես էլ նա չվերադարձավ հայրենիք՝ նահատակվեց Բաղդադի բանտում:

Եսայի Աբու-Մուսեի և Գտիչի անանուն մյուս պաշտպանների մաքառումները հայ ժողովրդի ազգային ազատագրական շարժումների ամենանշանավոր էջերից մեկն է համարվում: Իրավացի է Լեոն. «Եսայի Աբու-Մուսեն իր գլխավորած պայքարով ամենախոշոր մխիթարական երևույթն էր կազմում հայոց աշխարհի այդ ժամանակվա արյունոտ նահատակումների մեջ»¹⁹⁸: Այնքան տպավորիչ էր այդ պայքարը, որ Արծրունիների տան պատմիչ Թովմա Արծրունին Եսայի Աբու-Մուսեին Արծրունի իշխաններից ավելի բարձր էր դասում: Այսօր էլ Գտիչի հողածածկ միջնաբերդի վիմահերձի գլխին դեռ կանգուն անտաշ քարով շինված եկեղեցին տեղացիները կոչում են Երիցու որդի:

Հայ ժողովրդի հակաարարական պայքարը, մանավանդ արցախահայության ընդվզումները անարդյունք վախճան չունեցան և հանգեցրին Հայաստանի անկախության վերականգնմանը:

ՊԱՐՄԻՑ ՄԵՀՐԱՆՅԱՆ ՏՈՀՄԻ ՊԱՅՔԱՐԸ ԱՌԱՆՇԱՀԻԿՆԵՐԻ ԳԵՄ ԵՎ ԳՐԱ ՀԵՏԵՎԱՆՔՆԵՐԸ: 7-րդ դարում ավարառու ցեղերի անընդհատ կրկնվող արշավանքները և պատմության թատերաբեմ ելած իսլամի նորահավատ՝ արաբների հայակործան դավերի հետևանքով քամվեց Հայոց Արևելից գավառների կենսատու հյութերն ու պարարտ հող նախապատրաստվեց պարսից Միհրա-

նյան տոհմի Արցախում և Ուտիքում հիմնավորվելու ու շուրջ երկու դար հայոց նահանգները խառնակ վիճակում պահելու համար:

7-րդ դարի սկզբներին պարսից Խոսրով Բ Փարվեզի տոհմակիցներից մեկը՝ Միհրանը արքայից արքայի վրեժխնդրությունից փախչելով(վերջինս մասնակցել էր արքայի հոր սպանությանը) 30 000 ընտանիք վերցրած հասնում է Գարդմանք և այնտեղ իշխող Առանշահիկներից տասներկու հոգու դավադրաբար կոտորում ու տեր դառնում գավառի մի մասին:

Միհրանին հաջորդում է որդին՝ Արամայելը, իսկ սրան էլ Վարդը, այնուհետև Քաջ Վարդանը: Ամբողջ երկրին տիրելու համար վերջինս խնջույքի է հրավիրում Առանշահիկ 60 իշխանագունների և, բացի իր փեսայի՝ Առմիհր Առանշահիկի, դավադրաբար բռնորդին կոտորել է տալիս: Նվաճելով ամբողջ երկիրը, նա, իր իշխանությունը ամրապնդելու համար, կառուցում է Գարդման քերդը:

Առանշահիկները Գարդմանից դուրս մղվելով, ամրանում են Արցախի լեռնային բավիղներում, շարունակելով պայքարը իրենց օրինական իշխանության պահպանման համար:

Չնայած տասնամյակներ տևած երկու տոհմերի միջև արյան վրեժին, երկրամասում արձանագրվել է մակ խաղաղ գոյակցության որոշ դրվագներ: Հայկական միջավայրն իր բարերար ազդեցությունն ունեցավ Գարդմանի նոր տերերի քաղաքական գործելակերպի և մշակութային արարումների վրա: Այդ գործընթացը ավելի խորացավ քաջ Վարդանի որդիներ, քրիստոնեություն ընդունած Վարազ Գրիգորի և Ջիվանշիրի կառավարման շրջանում:

Միհրանյան տոհմի ամենակարկառուն ներկայացուցիչը՝ Ջիվանշիրը(637-683թթ.) երկիրը ղեկավարում էր հայկական օրենքներով ու բարքերով: Պատահական չէ, որ նա իր համար կին առավ Միսական նահանգի իշխանի աղջկան: Ջիվանշիրը փորձում էր շրջակա երկրների նկատմամբ վարել հավասարակշռված արտաքին քաղաքականություն, անխաթար պահելով երկրի սահմաններն ու ներքին անդորրը: Ընդունելով պարսից արքայի գերագահությունը, իր գորքերի գլուխ անցած կռվում է շահնշահի թշնամիների դեմ և անպարտելի հերոսի անուն վաստակում: Քաջագործությունների համար Հագկերտը նրան հռչակում է ողջ Աղվանքի սպարապետ¹⁹⁹:

Վաչագան Բարեպաշտի քազավորության փառքն ու սահմանները վերականգնելուն ձգտող Ջիվանշիրի օրեցօր մեծացող հեղինակությունը սկսեց անհանգստացնել պարսից արքունիքին: Երկիրը մտած պարսկական գորքերին նա հաղթեց Պարտավի մոտերքում: Հետապնդելով պարսիկներին, Ջիվանշիրը անցնում է Կուր գետի ձախ ափը և Կամբեջան գավառում ջախջախում պարսիկներին ու ազատում գերյալ ծնողներին և եղբայրներին:

Ճկուն արտաքին քաղաքականության միջոցով Ջիվանշիրը մի առ ժամանակ բարեկամական հարաբերություններ պահպանեց բյուզանդացիների, արաբների, հոների և պարսիկների հետ:

Այդ նպատակով նա մեկնեց Վաղարշապատ՝ հանդիպեց Բյուզանդիայի կայսեր հետ և նրանից մեծամեծ պատիվներ ու ընծաներ ստացավ²⁰⁰: Ջիվանշիրը լեզու է գտնում նաև հոների խաքանի հետ: Երբ հոները մտան Այսրկովկաս և դեռ չէին հասել Ուտիքի ու Արցախի սահմաններին, նա առաջանցիկ քայլ կատարեց: Իր 17 բանագնացների հետ անցնում է Կուր գետը և խնդրում խաքանի աղջկա ձեռքը: Այս նոր ստեղծված բարեկամության շնորհիվ հետ է վերադարձվում 120 հազար ոչխար, 7 հազար ձի և արջառ, 1200 գերիներ²⁰¹, ինչպես նաև հոների օգնության շնորհիվ նա Այսրկովկասում հակակշռություն է ստեղծում: Ջիվանշիրը որպես շրջահայաց գործիչ, վարում էր նաև խելամիտ արտաքին քաղաքականություն: Երկրի տնտեսական վերելքը ապահովելու համար թեթևացրեց հարկերը: Պարսկական և արաբական ձուլարար քաղաքականությանը դիմակայելու նպատակով երկրում կառուցեց եկեղեցիներ, ծավալեց քրիստոնեական ու հայկական ազգային սրբությունների քարոզիչների շարժում: Մեծարվում է Մեսրոպ Մաշտոցը և Գիս ավանում նրա թողած սուրբ խաչը համաժողովրդական ցնծությամբ տեղափոխում են եկեղեցի²⁰²: Ջիվանշիրի ժամանակ Հայոց Աղվանքի մշակութային կյանքը մի նոր վերելք է ապրում:

Չնայած Միհրանյաններին հաջողվել էր Հայոց Արևելից գավառներում տեր ու տնօրինություն անելու և տանելի կացություն էր ստեղծվել Առանշահիկների հետ հարաբերություններում, բայց և այնպես Արցախի լեռնային գավառներում հայոց հիմնավորց այդ տոհմը, պահպանելով իր շառավիղները, մտմտում էր նորից վերա-

կանգնելու բռնազավթված իշխանությունը: Գլխարբունքից հետո, գիշերային մի գրոսանքի ժամանակ Պարտավի իր պարտեզում Ջիվանշիրին դաշունահարեց Առանշահիկ մի իշխանագուն: Ջիվանշիրին սպանողը Պարտավից փախչում է դեպի Արցախ: Հետապնդողները չկարողանալով բռնել նրան, կողոպտում են նրա հոր ունեցվածքը, հրդեհում տունը²⁰³:

Ջիվանշիրի սպանությունից հետո իշխանությունը անցնում է նրա եղբոր որդուն՝ Վարազ-Տրդատին:

Ջիվանշիրի սպանության վրեժն առնելու համար հոները նորից ասպատակում են երկիրը: Երկիրը վերահաս աղետից փրկելու նպատակով Վարազ-Տրդատը Եղիազար կաթողիկոսի գլխավորությամբ մի պատվիրակություն է ուղարկում հոների խաբանի մոտ, խոստանալով հարկ վճարել վերջինիս: Մյուս կողմից 705թ. Բյուզանդիայի Հուստինիանոս կայսրը փորձեց հարկատու դարձնել Հայոց Արևելից գավառների հայությանը: Այդ նպատակով բանակցությունների պատրվակով Վարազ-Տրդատին և նրա երկու որդիներին՝ Գագիկին ու Վարդանին հրավիրեց Կ.Պոլիս և բանտարկեց:

Հինգ տարի բանտարկության մեջ մնալուց հետո Վարազ-Տրդատին հաջողվեց համոզել կայսրին և վերադառնալ հայրենիք: Այլ ելք չգտնելով՝ Վարազ-Տրդատը հպատակություն հայտնեց արաբներին:

Հուստինիանոսը, լսելով Վարազ-Տրդատի այդ որոշումը, նրա երկու որդիներին փակում է միանգամայն անլույս մի բանտում²⁰⁴:

Հյուսիսային Կովկասի ցեղերի, բյուզանդացիների և արաբների անընդմեջ կրկնվող արշավանքների ու խարդավանքների հետևանքով 8-րդ դարում Միհրանյանների տոհմը թուլացավ: Բնիկ իշխանական տան Առանշահիկների համար գործունեության ասպարեզ բացվեց. 9-րդ դարի սկզբին Միհրանյան վերջին արու իշխանագունին՝ Մտեփանոսին սպանեցին Թարթառի հովտում, Գաղիվանքի մոտ: Մայրը կենդանի մնացած միակ դուստր Մայրամին փախցրեց Խաչենի բերդը, այնտեղ ամուսնացրեց Սահլ Սմբատյան մեծ իշխանի որդի Ատրներսեհի հետ:

Այսպիսով երկու տոհմերի միջև գոյություն ունեցած երկդարյա պայքարը ավարտվում է քաղաքակիրթ եղանակով: Առանշահիկները նորից դարձան Արցախի և Ուտիքի լիիրավ տերերը:

† † ° • † 𐌹 † † † 𐌹 †
†

Հայ ժողովրդի հակաարարական ընդվզումները անարդյունք վախճան չունեցան և հանգեցրին Հայաստանի անկախության վերականգնմանը: 885թ. արարական խալիֆայությունը ճանաչեց Աշոտ Ա Բագրատունու Մեծ Հայքի նահանգների գերագահ տիրակալ: Արցախամուր աշխարհը նորից հայտնվեց համահայկական պետության ուղեծրում:

9-10-րդ դարերին վերաբերող արար աղբյուրները վկայում են, որ Պարտավից Դվին տանող ճանապարհի բոլոր քաղաքները հայկական էին և պատկանում էին Աշոտ Բագրատունու թագավորությանը²⁰⁵: Ժամանակակից հայ մատենագիրները հավաստում են, որ Արցախի իշխանները ընդունում էին Աշոտի գերագահությունը²⁰⁶: Բագրատունյաց պետության կազմավորումից քիչ անց ասպարեզ են գալիս գավառային մի շարք թագավորություններ: Հայ պատմագրության մեջ տիրում է այն կարծիքը, որ դրանց ծնունդը պայմանավորված էր կենտրոնախույս ուժերի քայքայիչ գործունեությամբ: Լիովին չլիստելով այդօրինակ ուժերի գոյության փաստը, միաժամանակ դրանց չպետք է գերագնահատել:

Հայտնի է, որ Բագրատունյաց տոհմի ներկայացուցիչները, հայ ժողովրդի հակաարարական ընդվզումների շրջանից մշտապես փորձում էին առավելագույնս օգտագործել դիվանագիտության տրված ճկուն հնարավորությունը: Անցնելով պետության գլուխ, նրանք այս անգամ փորձեցին շահել հայ նախարարական տների համակրանքն ու ամրապնդել գավառային իշխանությունները, հատկապես ուշադրության կենտրոնում պահելով սահմանամերձ թագավորու-

թյունների հզորացման գործընթացը: Գրանով հանդերձ Բագրատունիները չէին մոռանում կենտրոնաձիգ իշխանության պահպանման անհրաժեշտությունը, որի առհավատչյան է հանդիսանում գավառային քաղաքությունների կողմից Բագրատունիների գերագահության ընդունման փաստը:

Փաստորեն Բագրատունիներին հաջողվեց ստեղծել կոնֆեդերատիվ բնույթի մի պետություն, որը տեղերին հնարավորություն ընձեռեց ստեղծել քաղաքական, տնտեսական և մշակութային կյանքը կարգավորող այնպիսի կառույցներ, որոնք պետք է դիմակայեին ապագա արհավիրքներին:

Նմանօրինակ կարգավիճակ ունեին նաև Արցախի իշխանապետությունները:

ԽԱՉԵՆԻ ԻՇԽԱՆՈՒԹՅՈՒՆԸ: 9-րդ դարի առաջին կեսերին Արցախի արևմտյան և հյուսիսային կողմերում ստեղծվում է Խաչենի իշխանությունը, կենտրոն ունենալով համանուն բերդը: Վերոհիշյալ ժամանակահատվածում Խաչենի իշխան Սահլ Սմբատյանը մի շարք հաղթանակներ տանելով արարների նկատմամբ, ամրապնդեց իշխանության դիրքերը՝ նոր հողերի տիրելով Սևանա լճի ավազանում: Նրա օրոք Խաչենի իշխանության սահմանները տարածվում էին Սևանի արևելյան ափերից մինչև Մուխանք դաշտը(Միլի տափաստանը-Վ.Բ.), (այժմյան ԼՂՀ Մարտակերտի, Շահունյանի, Քարավաճառի, Քաշաթաղի, Շուշու շրջանը, Մարտունու և Ասկերանի շրջանների մի մասը և ՀՀ Գեղարքունիքի մարզի արևելյան հատվածները):

Փաստորեն Խաչենի իշխանությունը, իր մեջ ներառելով Արցախի տարածքի գերակշիռ մասը, միջնադարում երբեմն իր անունը տարածում էր ողջ նահանգի վրա:

Սահլ Սմբատյանի կյանքի վերջին տարիներին երկիրը կառավարում էին նրա երկու որդիները՝ Հովհաննեսը և Ատրներսեհը: Հովհաննեսը տնօրինում էր Ներքին Խաչենի գավառներին՝ Թարթառի աջափնյակն ու Խաչենագետի ավազանը, իսկ Ատրներսեհը իշխում էր վերին Խաչենում²⁰⁷: Չնայած դրան ավագության կարգով կրտսեր եղբայրը ընդունում էր Հովհաննեսի գերագահությունը: Գրանմասին է վկայում սուրբ Հակոբա վանքում 853 թվականից պահ-

պանված, մինչև այժմ հայտնի հնագույն գիր-քվական ունեցող, մի արձանագրություն, որի մեջ Հովհաննեսը ներկայանում է որպես Հայադվանքի իշխան²⁰⁸:

Արաբական տիրապետության դեմ կազմակերպած ապստամբության պատճառով հայ մի շարք իշխանների, այդ քվում Մահլ Մմբատյանին և իր երկու որդիներին, 855 թվականին Բուղան քարտել է Արաբիա: Աքսորից տուն վերադարձավ միայն Ատրներսեիը և շարունակեց իշխել ինչպես Վերին, այնպես էլ Ներքին Խաչենում:

Խաչենի իշխանությունը առավել հզորացավ 9-րդ դարի վերջերին Ատրներսեի որդի Գրիգոր Առանշահիկի իշխանության տարիներին: Նա իր իշխանությունը տարածեց նաև Կուր գետից այն կողմ՝ Կամբեջան գավառի վրա²⁰⁹: Գրիգորի տիրույթներն այդ ժամանակաշրջանում հասնում էին արևմուտքում՝ մինչև Սևանի արևելյան ափերը, Մեծ Մազրա, Շողվազ կետերով, իսկ արևելքում՝ մինչև Պարսկաստանի մատույցները:

Արաբական աղբյուրներում Գրիգորը հիշատակվում է Համան անունով, որը հունարեն «Գրիգորի» արաբերեն թարգմանությունն է (երկուսն էլ նշանակում են «զգոն, արթուն, հոգատար»)՝²¹⁰: Փաստորեն աղբյուրներում հանդես եկող Համան Բարեպաշտը մույն Գրիգոր Առանշահիկն է:

Չնայած իր հզորությանը, Համան-Գրիգորը ճանաչում էր Բագրատունիների գերագահությունը:

Առանշահիկների իշխանական տունը շարունակում էր գլխավորել Խաչենի քաղաքական, տնտեսական ու մշակութային կյանքի առաջընթացը: Գրիգորը Թարթառի աջ ափին կառուցեց Հավթախաղաց բերդը, որը դարձավ արժանիստ կենտրոն: Առանշահիկների հովանավորությամբ Խաչենի տարբեր գավառներում կառուցվեցին անառիկ ամրոցներ՝ Կաչաղակարերդը, Խաչենարերդը, Խոխանարերդը, Լևոնարերդը, Ջրարերդը, հրաշագեղ խաչքարեր ու վանական համալիրներ: Այդ խաչքարերից մեկը գտնվել է Աղդամի շրջանի Մոֆուլու գյուղում և այսօր պահվում է Աղբրեջանի պատմության թանգարանում: Հայատառ այդ շիրիմաքարը աղբրեջանցիները համարում են իրենց ստեղծածը:

Քաղաքական կայունություն ունեցող և տնտեսական ու մշակու-

թալին վերընթաց ապրող Խաչենի իշխանության հետ սերտ հարաբերություններ ունեին ոչ միայն հայկական թագավորությունները, այլև հեռու և մոտիկ պետությունները: 10-րդ դարում Բյուզանդիայի Կոստանդին Ծիրանածին կայսրը վկայում է, որ իր երկիրը առնչություններ ուներ Արցախի հետ և նամակներ հղելիս այն հասցեագրում էր այսպես՝ «Հայաստան-Խաչենի իշխանին»²¹¹: Համամ Բարեպաշտը հեղինակություն էր նաև արաբական խալիֆայությունում: Երբ 893թ. արաբները գերում են հայոց կաթողիկոս Գևորգ Բ Գառնեցուն և հասցրել էին Պարտավ, Համամ-Գրիգորը նրան ազատեց «բազմաբաշխ զանձեր վճարելով, ապա նրան շքեղ մեծարանքներով, ողջ-առողջ ուղարկեց Հայաստան»²¹²:

9-րդ դարի վերջերին Համամ-Գրիգորի մահվանից հետո Խաչենի իշխանությունը տրոհվում է նրա որդիների միջև: Գրիգոր-Համամը ունեցել է հինգ արու զավակներ՝ Ապուլին, Ատրներսեհը, Սահակ Սևադան, Սմբատը և Վասակը: Ավագ որդին՝ Ապուլին սպանվել է եղբոր՝ Սմբատի կողմից: Գրա մասին է վկայում Աղղամի շրջանի Մոֆուլու գյուղում մնացած շիրիմաքարը²¹³:

Համամ Բարեպաշտի մյուս որդին Ատրներսեհը 910 թվականին Կուրի ձախափմյակում հիմնում է Կամբեճան-Շաքիի թագավորությունը²¹⁴: Այստեղ նա իշխեց մինչև 10-րդ դարի կեսերը: Նրան փոխարինեց որդին՝ Իշխանակը: Վերջինս տեղի տվեց իր մոր՝ վրաց իշխանաց իշխան Գուրգենի քրոջ, Գինարի խարդավանքներին գավառի հայության զգալի մասին դարձրեց քաղկեդոնական և մեկընդմիջտ կտրեց հայկական միջավայրից²¹⁵:

Այլ ընթացք ունեցան Սահակ Սևադայի, Սմբատի և Վասակի իշխանությունները, որոնց և նրանց հաջորդների հայրենանվեր գործունեության շնորհիվ, մաքառելով չարի ու թշնամու դեմ, երկար դարեր հայությունը պահպանեց իր ինքնությունը:

Սահակ Սևադան՝ Խաչենի իշխանական տան ամենաբաջ ու գրասեր ներկայացուցիչներից մեկը, քննարկվող ժամանակաշրջանում իշխում էր անմատչելի լեռնաստան Փառխուսում, ինչպես նաև Գարդմանում ու Ձորագետում²¹⁶: Հայոց կենտրոնական թագավորության և հարևան իշխանությունների հետ սերտ կապեր ստեղծելու նպատակով Սահակ Սևադան իր դստերը՝ Շահունդուխտին

կնության էր տվել Սյունյաց գահերեց իշխան Սմբատին, իսկ մյուսին Բագրատունի Աշոտ Բ Երկաթին: Ժամանակակից պատմիչ Հովհաննես կարողիկոսը նրան կոչում է «հոյակապ իշխան մեծ Սահակ», որ ուներ «գիմաստութիւնն իւր մեծ»²¹⁷:

Ամհանգիստ ու արդարամիտ խառնվածք ունեցող իշխանը չէր հանդուրժում հայ նահատակների նկատմամբ Աշոտ Բ Երկաթի կոչոյ դիրքորոշումը, որի հետևանքով գործը հասնում է պատերազմական ընդհարման: Ահեղ ճակատամարտում Սահակ Սևադան և նրա որդի Գրիգորը պարտվում են: Աշոտ Բ-ն այլ պատիժ չգտնելով կուրացնել է տալիս աներոջն ու նրա որդուն²¹⁸: Նման վերաբերմունքի հետևանքով Աշոտ Բ արքայից երես թեքեցին հայ իշխանները և նա արարների դեմ պայքարում մնաց միայնակ:

Սմբատն ու Վասակը իշխում էին երկրի ներքին գավառներում: Սմբատը տիրում էր Ներքին Խաչենում՝ Գանձասարի շրջակայքում, իսկ Վասակը՝ Վերին Խաչենում:

Համամ Բարեպաշտից սերված այս ճյուղերը հետագայում տվել են նոր ուստեր: 12 և 13-րդ դարերի իրողություններում հայտնի են Հաթերքի Վախտանգյանները, Խոխանաբերդի Վախտանգ Սակառյանները, Գեռաքարեցի իշխանագույնները, Գեսունյանները, Գլենյանները և Խաղրակյան-Պռոշյանները: Վերջիններս Զաքարյանների օրոք իշխում էին Սյունիքի և Այրարատի մի մասում և լուսավոր հետք քողեցին հայոց պատմության միջնադարյան ժամանակահատվածում:

ՓԱՌԻՍՈՍԻ ԹԱԳԱՎՈՐՈՒԹՅՈՒՆԸ: Բագրատունյաց թագավորության շրջանում Արցախում գործող պետական միավորներից իր նշանակությամբ և հզորությամբ հաջորդը կարելի է համարել Փառիսոսի թագավորությունը: Սահակ Սևադայի հիմնած իշխանության հիմքերի վրա 10-րդ դարի կեսերին նրա թոռան՝ Հովհաննես-Սենիքերիմի ջանքերով ստեղծվում է Փառիսոսի թագավորությունը: Վերոհիշյալ թագավորությունը տարածվում էր Շամքոր գետակի վերին ավազանում, Գարաբաղի լեռնաշղթայի փեշերով դեպի հյուսիս ու արևմուտք մինչև Շամքոր, հյուսիսում սահման ունենալով Կուր գետը: Հովհաննես-Սենիքերիմի իշխանությունը ճանաչեցին Գարդմանքի, Չորագետի և Ուտիքի ուրիշ հողերի տերերը²¹⁹: Փա-

ռիստոսի քազավորությանը ճանաչում են Պարսից արքունիքը և Բյուզանդիայի կայսրը: Սերտ կապեր հաստատելով Ատրպատականում նստող Սելիք-շահի հետ և ձեռք բերելով նրա վստահությունն ու հովանավորությունը՝ Հովհաննես-Սենիքերիմը ընդարձակեց քազավորության սահմանները, բարեկարգեց երկրամասը, կառուցեց վանքեր ու եկեղեցիներ, խթանեց մշակութային գործը: Թագավորանիստ քաղաքն էր Փառիսոսը: Գեռես 8-րդ դարի սկզբներին վրացական աղբյուրներում հիշատակվող այս քաղաքը²²⁰ Հովհաննես-Սենիքերիմը նորից կառուցապատեց, այն ամրացնելով անմատչելի պարիսպներով, աշտարակներով, դարձնելով անմատչելի բերդաքաղաք: Փառիսոս բերդաքաղաքը տեղադրվում է Շամքոր գետակի վրա, Կալաքենդ գյուղի մոտ և նրա շրջակայքում²²¹:

Հգորացող Փառիսոսի քազավորությունը անհանգստություն է առաջացնում հարևանների շրջանում՝ մանավանդ վրաց քազավորությանը, Անիի Բագրատունիներին և Գանձակի մահմեդական ամիրայությանը: 1003թ. մահացան Հովհաննես-Սենիքերիմը և նրա եղբայր Գրիգորը: Օգտվելով առիթից նույն 1003թ. Գագիկ Բագրատունին, դաշնակցած Գանձակի Փաղլուն ամիրայի հետ, փորձեցին իրենց միջև կիսել Փառիսոսի քազավորության տարածքները²²²: Մակայն այս ձեռնարկումը անհաջողության է մատնվում: Գահն անցնում է Գրիգորի որդի Փիլիպեին: Չնայած քազավորությունը շարունակում էր ապրել, բայց նրա դիրքերը երբեք էին: Գա հիմնականում պայմանավորված էր 10-րդ դարի 70-ական թվականներից Գանձակում հաստատված Փաղլունյան մահմեդական ամիրայության հետ, որը սերվել է իրանական-քրդական Շեղաղյաններից: Մա առաջին մահմեդական վարչական ինքնուրույն միավորն էր, որ խաթարեց Հայոց Արևելից կողմանց միասնությունը: Աղբյուրները վկայում են, որ Փաղլունյաններին օժանդակում էին հայ իշխանները²²³:

Հայրենադավ ուժերի վրա հենվելով Փաղլունյանները Արցախում և Ուտիքում իշխող Առանշահիկների տոհմի ներկայացուցիչներին դուրս են մղում երկրամասի դաշտավայրային շրջաններից:

Գանձակի Փաղլուն ամիրան ձեռնամուխ եղավ նաև Արցախի հյուսիսային գավառները նվաճելու գործին: Երկիրը վերահաս աղե-

տից փրկելու նպատակով Փիլիպեն բարեկամական այցով գնում է Փաղլունի մոտ: Վերջինս կալանավորում է Փիլիպեին: Ըստ Վարդան պատմիչի այս դեպքը տեղի է ունեցել 1044թ. հետո²²⁴:

Շուրջ մեկդարյա գոյությունից հետո կործանվեց նաև հայկական գավառային թագավորություններից մեկը:

Առանշահիկները ժողովրդի մի մասի հետ ստիպված են լինում ապաստանել Արցախի, Սյունիքի, Ուտիքի և Հայաստանի մյուս լեռնային քիչ թե շատ ապահով գավառներում:

Այդպիսիներից էր Ուտիքի Առանշահիկների տոհմի ներկայացուցիչ Օշինը, որը իշխում էր Գանձակի շրջակայքում գտնվող Մայրեացաջրում: Օշինը դարձավ Կիլիկիայի Լամբրոն բերդի և նրա շրջակայքի տերը:

Օշինի հաջորդներից էր Հեթում Ա-ը, որից էլ սկզբնավորվում է Կիլիկիայի Հեթումյանների թագավորական տունը²²⁵:

Չնայած կործանվեց Փառիսոսի թագավորությունը, բայց նրա ավանդները վախճան չունեցան: Գրանք արմատավորվեցին և տարածվեցին հայկական մյուս նահանգներում, ուր հիմնավորվել էին Առանշահիկների տոհմի վերընձյուղված ուսերը:

Հայտնի է, որ Սահակ Սևադայի դստերից մեկը՝ Շահանդուխտը հարս էր գնացել Բաղաց Կապան, իսկ Սենիքերիմի քույրը Կարսի Մուշեղ Բագրատունի թագավորի կինն էր: Նրանք, ինչպես նաև նրանցից սերվածները, մշակութային և հայրենամտեր այլ ձեռնարկումներ իրականացրին վերոհիշյալ թագավորություններում, շարունակելով Առանշահիկների կենսունակ ավանդները:

ԳԻՉԱԿԻ ԻՇԽԱՆՈՒԹՅՈՒՆԸ: 8-րդ դարի վերջին Արցախի հարավային գավառներում իշխում էր Առանշահիկների մեկ այլ ճյուղ: Գիզակի իշխանությունը վերընթացի ուղին բռնեց Եսայի Աբու Մուսեի կառավարման շրջանում (9-րդ դարի առաջին կես): Նրա իշխանությունը տարածված էր Գիզակ գավառի և Վարանդայի մի մասի վրա: Միաժամանակ տիրանալով Միհրանյանների կալվածքներին²²⁶ Եսայի իշխանը ստեղծեց տվյալ ժամանակաշրջանում Արցախում գործող իշխանություններից մեկը: Ունենալով ռազմական պատկառելի ուժ Եսայի իշխանը դիմակայեց արաբներին և դրսեկ մյուս թշնամիներին:

855թ. Եսայի իշխանին խարդավանքով Բաղդադ տանելուց հետո, որի մասին հանգամանալից խոսվեց վերևում, հոր գործը շարունակեց Մովսես իշխանը: Այս Մովսես իշխանի անունով էր Եսային կոչում Աբու Մուսն (Եսայի՝ հայր Մովսեսի):

Տվյալ ժամանակաշրջանում Արցախում գործող սովորության համաձայն երբեմն քաղավորական տան պայազատները իշխում էին երկրամասի տարբեր գավառներում՝ ընդունելով ավագի գերագահությունը: Նման կարգավիճակով Գիզակում իշխում էին Մովսեսի որդիները՝ Գագիկը և Վաչագանը:

Պատմագիրների հիշատակությունները և մեզ հասած հուշարձանները վկայում են, որ Գիզակի իշխանության կենտրոնն է եղել ներկայիս Հաղբուքի շրջանի Տումի գյուղը:

Իշխանանիստ Տումիի քիկունքում է գտնվում Գիզակի իշխանների գերեզմանոցը, որից քիչ վերև՝ մի առանձնացած սարահարթի վրա պահպանվում են շինության բեկորներ: Տեղացիները ավանդաբար դրան անվանում են Թագավորի պալատ: Վերոհիշյալ շինությունից քիչ հեռավորության վրա՝ բլրին գտնվում է ավերված մատուռ և մի տապանաքար՝ Թագավորի գերեզմանը: Մակար Բարխուդարյանի կարծիքով դա Գագիկ իշխանի գերեզմանոցն է²²⁷: Թագավորի պալատից հյուսիս՝ ձորում պահպանվում է սրբատաշ քարերով կառուցված Թագավորի աղբյուրը: Գյուղի հարավային կողմում կանգնած կիսավեր Կարմիր եկեղեցու լուսամուտի կամարին կար արձանագրություն. «Ի ՆԽԹ(1000) քվին Հայոց, ի քաղաւորութեանս տեառն Գագիկա՝ որդու Մուսէի, ես՝ Մովի, դուստր Մուսէի շինեցի տուն Աստուծո»: Արձանագրություն ունեցող քարը պահպանվում է Ստեփանակերտի պետական պատմաերկրագիտական թանգարանում:

Փաստորեն Գագիկի քույր Մովին նույնպես վկայում է Արցախի հարավային հատվածում գոյություն ունեցած քաղավորության մասին:

Գագիկի քաղավորական իշխանության մասին է վկայում նաև նրան վերաբերող մի այլ արձանագրություն՝ Վարանդայի Վերին Թաղավարդ գյուղի Ջոխտ-Պառավածառ եկեղեցու մի խաչքարի վրա, նրան ճանաչում էր իբրև «Աղուանից իշխանաց իշխանի»²²⁸:

Գիզակի քազավորության գլխավոր բերդը՝ Գ-տիչը(Քբիշ) գտնվում է Տունի և Տող գյուղերի միջև՝ Տողասարի վրա: Գ-ագիկի մահվանից հետո նրան հաջորդել է եղբայրը՝ Վաչագանը:

Արար մատենագիրները նրան ճանաչում էին որպես «Գորոզի տեր Վաչաղիա իրն Մուսա»²²⁹, այսինքն՝ Մովսեսի որդի: Վաչագանի իշխանությունը ընդունում էր նաև Ամենայն Հայոց հայրապետ՝ Անանիա Մոկացին:

Հարկ է նշել, որ Խաչենի, Փառիսոսի և Գիզակի իշխանությունները իրար հետ սերտ հարաբերություններ ունեին և համաարցախյան հարցերը լուծում էին համատեղ ջանքերով: Դրա մասին է վկայում նաև կաթողիկոս Անանիա Մոկացին: Երբ նա աղանդավորության դեմ պայքարելու համար 958թ. Արցախ է ժամանում, Գանձասարում Հայոց վեհապետին պատվով ընդունում են Գիզակի, Խաչենի և Փառիսոսի իշխանները²³⁰:

† † ° ☉ " " " - ' † † †

Արցախի իշխանությունների բարգավաճ կյանքը խաթարվեց սելջուկ-թուրքերի արշավանքների հետևանքով: 11-րդ դարում սելջուկ-թուրքերն իրենց ծավալուն աշխարհակալությամբ ստեղծեցին պատմական մի նոր իրադրություն, որից կախված էր նաև հայ ժողովրդի բախտը:

Թուրքական ցեղերի հայրենիք են համարվում Չինաստանից հյուսիս ընկած շրջանները: 10-րդ դարի երկրորդ կեսին թուրքախոս ցեղերին միավորելով՝ նրանց առաջնորդ Սելջուկը հիմք դրեց աշխարհակալ մի կայսրության:

11-րդ դարի 40-ական թվականներից սկսվեցին սելջուկյան ծավալուն արշավանքները դեպի Իրան, Իրաք, Այսրկովկաս և Փոքր Ասիա, այդ թվում՝ Հայաստան:

Տուղրիլ բեկի (1025-1063թթ.) կառավարման շրջանում սելջուկ-թուրքերը ավերեցին Հայաստանի կենտրոնական, արևմտյան և հարավային շրջանները, դեռևս չշոշափելով Հայոց Արևելից գավառների հայության շահերը:

1064թ. սելջուկ-թուրքերի մեծաքանակ զորքերը նոր սուլթան Ալփասլանի գլխավորությամբ անցան Արաքս գետը և մտան Նախիջևան: Նա իր որդու՝ Սելիքշահի առաջնորդությամբ մի մեծ զորաբանակ Նախիջևանի վրայով ուղարկեց Հայաստանի կենտրոնական շրջանները նվաճելու, իսկ ինքը ուղղվեց դեպի Վրաստան²³¹:

Ճանապարհին Ալփասլանը սրի ու գերության մատնեց Արցախն ու Ուտիքը, այնուհետև ողջ բուն Աղվանքը և մտավ Վրաստան²³²: Ալփասլանի կառավարման տարիներին (1036-1072թթ.) արդեն նվաճ-

ված էր ամբողջ Հայաստանը և Փոքր Ասիայի տարածքների զգալի մասը: Այն իր ավարտին հասցվեց Ալփապանի հաջորդ Մելիքշահի սուլթանության տարիներին (1072-1092թթ.):

Սելջուկ-թուրքերի արշավանքների հետևանքով Հայաստանի և Փոքր Ասիայի մեծագույն մասը ավերվեց: Ժամանակակից հայ և օտարազգի մատենագիրները ահով ու սարսափով են գրել սելջուկ-թուրքերի չլաված չարագործությունների մասին:

Ժամանակակիցը վկայում է, որ Ալփապանը Անին գրավելուց հետո բնակչության մեջ սարսափ տարածելու նպատակով ժողովրդի ներկայությամբ լողանում է գերիների արյան մեջ²³³:

Մելիքշահի ժամանակ սելջուկ-թուրքերը հիմնավորվելով Փոքր Ասիայում, հսկայածավալ կայսրության դատարկ գանձարանը լցնելու նպատակով հնարավորություն տվեցին նվաճված ժողովուրդներին՝ մասամբ վերականգնելու իրենց քայքայված երկրներն ու տնտեսությունը:

Մելիքշահը բարիացական վերաբերմունք ուներ Արևելյան Հայաստանի բնիկ իշխանությունների և առանձնապես Բաղաց թագավոր Մենիքերիմի ու նրա տոհմակիցների՝ Խաչենի իշխանների նկատմամբ²³⁴: Այս կապերի շնորհիվ որոշ չափով վերաշինվեցին Հայաստանի հյուսիս-արևելյան նահանգների ավերված գյուղերն ու քաղաքները, թեթևացվեցին հարկերը, կառուցվեցին նոր շինություններ:

Մելիքշահի մահից հետո նրա որդիների, եղբայրների ու սելջուկյան տան մյուս անդամների միջև սկսվեցին գահակալական արյունահեղ կռիվներ, որի հետևանքով վերավոլվեց սելջուկյան կայսրության քաղաքական քարտեզը: Հսկայածավալ տերությունը տրոհվեց բազմաթիվ մեծ ու փոքր իշխանությունների և ամիրայությունների:

Հայոց երկիրը բաժան-բաժան էր եղել սելջուկներին ենթակա տեղական մի քանի մանր իշխանությունների և ավելի մեծ թվով նոր առաջացած սելջուկ-թուրքական ամիրայությունների միջև:

Մեծ Հայքին սահմանակից սելջուկ ամիրայություններից ամենագորեղը Ատրպատականի Ելտկուզյանների իշխանությունն էր: Նրանք աստիճանաբար թուրքացրին Ատրպատականը և հիմնավորվեցին այնտեղ: Նրանց մայրաքաղաքը սկզբում Եկբատանն (Համադան) էր, իսկ հետո Դավրեժը (Թավրիզը): Բացի Ատրպատականից,

Ելտկուզյաններին էր ենթարկվում նաև Ուտիքը՝ Պարտավ, Բայլական և Գանձակ քաղաքներով:

Ելտկուզյանները խել էին Նախիջևանը և հաստատվել այնտեղ, իսկ Սյունիքն ու Արցախը, ինչպես նաև Դվինը, Անին, ենթարկվում էին նրանց հաճախակի ասպատակություններին²³⁵:

Սելջուկյան արշավանքների հետևանքով զգալիորեն փոխվեց Առաջավոր Ասիայի ցեղային կազմը՝ Արևելքի հին ժողովուրդների՝ հույների, հայերի, պարսիկների, ասորիների և ուրիշների հաշվին Փոքր Ասիայի մի շարք երկրներ քայլ առ քայլ ենթարկվեցին թուրքացման:

11-րդ դարի վերջերին Ուտիքը նվաճելուց հետո սելջուկ-թուրքերը անընդհատ կրկնվող գրոհներով փորձում էին տիրանալ Արցախի լեռնային գավառներին: Նման պայմաններում Սյունիք է տեղափոխվում Աղվանից կաթողիկոս Տեր Ստեփանոսը²³⁶:

Այս ամենին գումարվեց 1139թ. սեպտեմբերի 30-ի ահավոր երկրաշարժը: Մխիթար Գոշի վկայությամբ. «Երկրաշարժից բազում ավերածություններ էին եղել Փառիստսի ու Խաչենի բազմաթիվ վայրերում, դաշտերում լեռներում: Ընդ որում Գանձակ մայրաքաղաքն առհասարակ անդունդի մեջ է խորտակվել՝ խորասույգ անելով իր բնակիչներին, քանի որ չորս կողմերի ամեն ինչ առել էր իր ծոցը: Եվ լեռնային մասում շատ դղյակներ ու գյուղեր տապալվեցին, վանքերի ու եկեղեցիների հետ միասին, որոնք էլ փլվել էին իրենց բնակիչների գլխերին»²³⁷:

«Երկրաշարժից փլվեց նաև Ալիարակ լեռը և փակեց իր միջով անցնող ձորակը, և գոյացավ ծովակ (խոսքը այժմյան Գյոյ-գյոլ կամ Կոպույտ լճին է վերաբերվում-Վ.Բ.), որ կա մինչև այսօր»²³⁸, -պատմում է Կիրակոս Գանձակեցին:

Բնական աղետին հաջորդեցին սելջուկ ամիրանների արշավանքները դեպի Խաչեն:

1142թ. Գանձակի ամիրան ասպատակեց Թարթառի հովտի բնակավայրերը: 1143թ. Պարսկաստանի կողմերից Չոլի ամիրայի գլխավորությամբ մի մեծ զորաբանակ, մտնելով Խաչեն նվաճեց գավառի ամրոցները, քանդեց եկեղեցիները, կոտորեց բնակչությանը և մեծաքանակ գերիներով ու ավարով հեռացավ Պարսկաստան²³⁹: Չնայած դրան Արցախի իշխանները արագ վերականգնելով կորցրածը չհալա-

տակվեցին սելջուկ ամիրային:

Երկու տարի անց(1145-1146թթ.) Չոլին կրկին գալիս է Խաչենի վրա, բայց այս անգամ չկարողանալով գրավել բերդերը, բավարարվում է անպաշտպան բնակավայրերի թալանով ու եկեղեցիների ավերումով: Այրվում է նաև Գաղի վանքը²⁴⁰: Արշավանքները դեպի Արցախ և Սյունիք ավելի սաստկացան, երբ 12-րդ դարի կեսին Գանձակի կուսակալությանը տիրացավ Ատրպատականի Ելտկուզյան կամ Փահլավանյան տոհմը:

Սյունյաց Գրիգոր թագավորը, որ արու ժառանգներ չուներ, իր դստերը՝ Կատային ամուսնացնում է Խաչենի Հասան Գեղաքարեցի իշխանի հետ և նրան դարձնում թագաժառանգ²⁴¹: Վերջինս փորձում էր համագործակցել վրացիների հետ և փրկել թագավորությունը: Սակայն օրավոր աճող ճնշմանը անհնարին էր դիմակայել: 1170թ. սելջուկները պաշարեցին թագավորության վերջին հենակետը՝ Բաղարերդը: Չնայած դիմադրությանը, Բաղարերդի վիճակը դարձավ օրհասական: Հասան Գեղաքարեցին ստիպված իր ընտանիքի հետ գիշերով հեռանում է Խաչեն՝ դեպի իր հայրենական կալվածքը: Գրանից շատ չանցած սելջուկները խաբեությամբ տիրացան բերդին և հիմնավեր արին: Բերդում պահվում էին մեծարժեք իրեր, մեծ քվով սրբություններ, եկեղեցական թանկարժեք սպասներ, մասնավորապես Տաթևի եպիսկոպոսական աթոռի մասունքները, ոսկե և արծաթե գոհարազարդ իրերը և շուրջ 10000-ի հասնող ձեռագրեր²⁴², մոտավորապես այնքան, որքան այսօր պահվում է Մատենադարանում: Կողոպտվեց ողջ հարստությունը և ոչնչացվեց վերոհիշյալ ձեռագրերի մեծագույն մասը:

Սյունյաց թագավորության անկումից հետո մնաց Խաչենի իշխանությունը: Այս ժամանակաշրջանում այն արդեն վերջնականապես բաժանված էր երեք ճյուղերի, որոնցից մեկի իշխանանիստն էր Խոխանաբերդը՝ Գանձասարի վանքի մոտ, մյուսինը՝ Հաթերք ամրոցը Թարթառի ձախ սպին, երրորդինը՝ Հանդաբերդը Ծար գավառում: Նման քաղաքական կացություն էր տիրում Արցախում, երբ Չաքարյանները հայ-վրացական գորքերի գլուխ անցած սկսեցին ազատագրել Հայաստանի հյուսիս-արևելյան նահանգները:

ների գլխավորությամբ, որոնք բերեցին ռազմական նշանակալից հաղթանակներ. ազատագրվեց Հայաստանի զգալի մասը:

1196թ. Չաքարե ամիրսպասալարը և Իվանեն, ջախջախելով Գանձակի ամիրայության ռազմական ուժերը, Արագածոտն գավառում նվաճեցին անառիկ ամրոց Ամբերդը, որից հետո մեկը մյուսի հետևից ազատագրեցին հյուսիս-արևելյան Հայաստանի գավառները:

Այդ հաջողությունից անհանգստացած Ատրպատականի ու Գանձակի աթաբեկ Արու Բաքրը փորձեց կանգնեցնել երկու եղբայրների հաղթարշավը: Վճռական ճակատամարտը տեղի ունեցավ Շամքորի և Գանձակի միջև, որտեղ վրաց-հայկական միացյալ ուժերը հաղթանակի հասան: Չաքարեի և Իվանեի զորքերը գրավեցին Շամքորն ու Գանձակը: Այդ հաղթանակները դյուրացրին Արցախի, Ուտիքի, Սյունիքի, Շիրակի և Արարատյան դաշտի ազատագրումը:

Գանձակի ամիրայի պարտությունը և թուլացումը հեշտացրեց Արցախի և Ուտիքի հողերի ազատագրումը: Հայոց Արևելից գավառներում ջանադրությամբ էր գործում Չաքարյանների Վահրամյան ճյուղը: Չաքարեի և Իվանեի հորեղբայր Վահրամը և նրա որդիները կալվածքներ ունեին Չորոփոր կամ Կայեն գավառում(այժմ՝ Գազախ): Հետագայում Թամար թագուհու ռուս ամուսնու՝ Գեորգիի ապստամբության ժամանակ Կայեն գավառը և հարակից շրջանները հարել էին ապստամբներին, բացի Չաքարյան Վահրամի Չաքարե որդուց: Սա հավատարիմ էր մնացել թագուհուն, դրա համար էլ Թամար թագուհուց իբրև պարգև ստացավ Գագը և բազում այլ բերդեր ու ավաններ²⁴⁴:

Հայ-վրացական միացյալ ուժերը ազատագրեցին Գարդմանը, Քարահերձը, Երզնկանքը, Տավուշը, Կածարեթը, Տերունականը, Գագը, Շամքորը²⁴⁵:

Գաշնակիցները մինչ այդ ազատագրել էին Գեղարքունիքը: Մելջուկներից մաքրվում է նաև Ծար գավառի զգալի մասը:

Հայ-վրացական միացյալ ուժերի հաջող գործողությունները ոգևորեցին Ներքին Խաչենի տերերին, որոնք էլ սեփական ուժերով ազատագրեցին իրենց երկրամասը: Այդ պայքարի շնորհիվ ազա-

տագրվեցին Ուտիքի և Արցախի գերյալ տարածքները: Ազատագրված գավառների լիիրավ տերերն էին դարձել կամ հին իշխանական տների ներկայացուցիչները, կամ էլ այդ պայքարում առավել աչքի ընկած գորավարները: Արցախի իշխանական տներից մեկի ներկայացուցիչ Վասակ Խաղբակյանը և նրա երեք խիզախ գավակները իրենց քաջագործությունների համար, որպես «արեանգինք», Չաքարյաններից ստացան մի նոր ընդարձակ տիրույթ Վայոց ձորում²⁴⁶: Նրանք տարածքներ ունեին նաև Շահապունիքի, Վարաժնունիքի, Կոտայքի շրջանում, մի մասն էլ Այրարատի նահանգում: Խաղբակյանների իշխանության կենտրոններն էին Սրկղունքը(ներկայումս՝ Վերնաշեն) և Բողորաբերդը: Վասակին 1223թ. փոխարինել է Պռոշ որդին, որն այդ քվականից մինչև 1284թ. վարել է Չաքարյանների բանակի սպարապետի պաշտոնը, արի ու հմուտ գորավար է եղել, պետական ու ռազմական ականավոր գործիչ: Պռոշի անունով իշխանական այդ տունը հետագայում կոչվել է Պռոշյան:

Խաղբակյանները կամ Պռոշյանները հայրենաշեն գործունեություն ծավալեցին Վայոց ձորում և հարակից շրջաններում: Նրանց հովանավորությամբ կառուցվեցին հոյակերտ շինություններ, եկեղեցիներ, որոնցից արժանահիշատակ է Գեղարդի վանական համալիրը:

Խաղբակյան-Պռոշյան իշխանական տան որոշ շառավիղներ մնացին Արցախում: Խաղբակի որդի Դլենը, թեև կալվածքներ ուներ Մյունյաց աշխարհում կամ Բաղաց թագավորության մեջ, բայց ժառանգորդների հիմնական նստավայրը Արցախում էր²⁴⁷:

Չաքարյաններին չհաջողվեց ստեղծել միաձույլ կենտրոնաձիգ պետություն: Սակայն հայոց միասնությունը անխաբար պահելու համար Չաքարյան իշխանները խնամիական կապեր ստեղծեցին գավառային հզոր իշխանական տների հետ:

Ներքին Խաչենի տեր Վախրանգ-Տանգիկի կինն էր վրաց-հայկական միացյալ զորքերի հրամանատար Սարգիս Չաքարյան մեծ իշխանի դուստր Խորիշահը, սրանց որդին էլ՝ Հասան-Ջալալ Գոլան: Այս Հասանի անունով էլ նրանց շառավիղները սկսեցին հետագա դարերում կոչվել Հասան-Ջալալյաններ: Վերին Խաչենի կամ Ծարի Հասան իշխանը ամուսնացել էր Չաքարեի և Իվանեի մյուս

քրոջ՝ Գոփի հետ: Վերջինս չափազանց լայնախոհ, եռանդուն մի գործիչ էր, որի հայրենանվեր գործունեությունը իրավունք վերապահեց այդ տոհմը կոչել նրա անունով՝ Գոփյան: Գոփյանների իշխանության մեջ ներառված էին նաև Սևանա լճի արևելյան և հարավային ափերը՝ մինչև Շողվազ, այսինքն Գեղարքունիքի մեծագույն մասը: Գոփյանների իշխանանիստ կենտրոնն էր Ծար գյուղաքաղաքը(ներկայիս Քարվաճառի շրջանի Չառ գյուղի տեղում):

Գոփյանների և Վախթանգյանների տիրույթների մեջտեղում, Հաթերքի շրջանում իշխում էր Վախթանգ իշխանը, Կյուրիկե Բ-ի դուստր Մամբանի որդին: Վախթանգի կինն էր Արծրունյաց տոհմի հռչակավոր քուրդ իշխանի դուստր Արգու խաթունը: Քուրդը Տփղիսի ամիրապետ-քաղաքագուխն էր, Կայեն ու Մահկանաբերդ գավառների տերը և նրա քույրն էլ Սարգիս Չաքարյանի կինն էր եղել, այսինքն՝ Չաքարեի և Իվանեի մայրը:

Խաչենը և նրա զինվորական ուժեղ ազնվականությունը խոշոր և խիստ կարևոր դեր են կատարել Չաքարյանների տիրապետության ժամանակաշրջանում: Խաչենի իշխանական տոհմերը ոչ միայն իրենց ձեռքում ունեին Խաղբակյան, Գոփյան, Վախթանգյան և Հասան-Չալալյան մեծ իշխանությունները, այլև Իվանե արքայի մոտ բարձր պաշտոնյաններ կամ գործակալներ էին, հեջուր կամ կառավարիչ և նրա որդու խնամակալներ²⁴⁸:

Սարգիս Չաքարյանի դստերից՝ Նանան Լոռու Կյուրիկյան Աբասի կինն էր, իսկ Նրջիսը հարս էր գնացել Գսեղի Մամիկոնյանների տունը²⁴⁹:

Իր այս վերաբերմունքով Միջնադարյան Հայաստանի կյանքում Չաքարյանների իշխանական տոհմը մեծապես խթանեց ազգահավաքման հույժ կարևոր գործին, ազգային ինքնությունություն ձեռք բերելու գաղափարին և ամուր հող ստեղծեցին երկրի քաղաքական, տնտեսական ու մշակութային վերելքի համար:

Քննարկվող ժամանակաշրջանում Արցախում գտնվող երեք իշխանությունները (Ներքին Խաչեն, Հաթերք և Վերին Խաչեն) տարբեր հարաբերություններ ունեին Չաքարյանների հետ:

Վերին Խաչենը կամ Ծարա իշխանությունը, որն ազատագրվել էր Չաքարյանների օժանդակությամբ, ընդունում էին Չաքարյան-

ների գերագահությունը: Ձաքարյանների իշխանապետության տարիներին Վերին Խաչենում տիրություն էր անում Հասան իշխանը: Նրա վաղաժամ մահվանից հետո երկրամասում իշխում էր նրա կինը՝ Գոփին: Եթե նրանց իշխանանիստ կենտրոնն էր Ծար գյուղաքաղաքը, ապա տոհմական գերեզմանատուն էին դարձրել Վաղուհասի Մայրաքաղաք ու Խաղա վանքերը: Վերջինս կառուցվել է Հասանի եղբայր Հովհաննես կրոնավորի ջանքերով:

Գոփը եռանդուն գործունեություն է ծավալում Վերին Խաչենի իշխանության ամրապնդման, հարևանների հաշվին իր տարածքների ընդլայնման, վանական համալիրների կառուցման ուղղությամբ: Գոփի որդին՝ Գրիգորը, չափահաս դառնալուց հետո, իշխանությունը բողոնում է նրան և եկեղեցի գնում՝ կրոնավորելու: Գոփը վախճանվել է Հաղբատում և նրա դին սփոփել են գլխավոր տաճարի գավիթում, որտեղ առայսօր պահպանվում է նրա գերեզմանաքարը:

12-րդ դարի երկրորդ կեսի և 13-րդ դարի սկզբների իրողություններում հիշատակության արժանի է Միջին Խաչենի կամ, ավելի ճիշտ, Հաթերքի Առանշահիկ ծագում ունեցող վախճանգյանների իշխանական տան գործունեությունը: 1142-1182 թվականներին Հաթերքի իշխանության գահակալն էր Հասան իշխանաց իշխանը: Նա բազմաթիվ հաղթանակներ տանելով իր թշնամիների նկատմամբ, խաղաղությամբ իշխում էր Հաթերքի, Հանդարերդի, Խաչենարերդի և Հավրախաղացի շրջակայքում²⁵⁰:

Նշված ժամանակահատվածում Արցախում գործող մի սովորության համաձայն, տեղի իշխանները իրենց առաքելությունը ավարտված համարելով, կրոնավոր էին դառնում՝ մտնելով եկեղեցի և իրենց կյանքի վերջին տարիները նվիրում աստվածահաճ գործունեության: Նմանօրինակ ձևով վարվեցին նաև Հաթերքի Հասան իշխանաց իշխանը և նրա կին Մամբանը՝ Բագրատունի Կյուրիկե քաղավորի դուստրը:

Հասանի և Մամբանի 6 որդիներից իշխանությունը անցավ ավագին՝ Վախճանգին: Նրա օրոք Հաթերքի իշխանությունը ավելի փառքամացավ ու գորեղացավ: Պատահական չէր, որ նրան ակամատես մատենագիրները հիշում են «գլխաւոր այլոց իշխանաց»²⁵¹

ձևով: Վախսանգի գորքերը քաջաբար կոչում էին հարևան սելջուկյան ամիրայությունների դեմ, օգնում հարևան հայկական իշխանություններին՝ թուրք ասպատակիչների դեմ մարտերում:

Վախսանգ իշխանաց իշխանը հովանավորում էր գիտության և արվեստի մարդկանց: Հաթերքում էր ասպատանել առակագիր և մեծ իրավագետ Մխիթար Գռչը: Այնուհետև նա իր եղբայրների հետ հիմնովին վերանորոգում են երկրաշարժից ավերված Նոր գետիկի վանքը, հովանավորում նշանավոր հոգևոր կենտրոնների գործունեությունը:

1214թ. վախճանվեց իշխանաց իշխան Վախսանգը: Դրանից առաջ մահացել էին նրա երկու զավակները, ավագը՝ Հասանը նահատակվել էր սելջուկ թուրքերի դեմ կռվելիս, կրտսերը՝ Գրիգորը, մահացել էր երիտասարդ հասակում: Եվ իշխանական արքոնը մնացել էր առանց օրինական ժառանգի:

Նման պայմաններում Հաթերքի իշխանական տան մնացած անդամների համաձայնությամբ իրենց տիրույթների արևմտյան մեծագույն մասը տրվեց Ծարի Դոփյաններին, իսկ Դադի վանքից արևելք ընկած ամբողջ տարածքը Ներքին Խաչենի Հասան-Ջալալյաններին: Ներքին Խաչենի իշխանական տան ներկայացուցիչները Արցախի սյուս գահերեցների համեմատ առավել մեծ ինքնուրույնություն ունեին: Ներքին Խաչենի իշխանությունը իր վերելքի ուղին բռնեց 12-րդ դարի 60-ական թվականներից, երբ երկրամասում իշխում էր Վախսանգ Ա-ն: Նրան փոխարինած որդին՝ Հասան մեծը շարունակեց հոր գործը: Վերջինիս 1174թ. և 1181թ. թողած արձանագրությամբ խաչքարերը պահպանվում են Գանձասարում: Հասան մեծից հետո Ներքին Խաչենում գահերեցի իրավունքով իշխեց Վախսանգ-Տանգիկը: Նա ամուսնացած էր վրաց-հայկական միացյալ գորքերի գերագույն հրամանատար(ամիրապասալար) Սարգիս Չաքարյանի դուստր Խորիշահի հետ: Վախսանգ-Տանգիկը մեծ հեղինակություն ուներ վրացական արքունիքում և հովանավորվում էր Չաքարյանների կողմից: Վախսանգ-Տանգիկը մահացել է 1214 թվականին²⁵²:

Ներքին Խաչենի իշխանությունը անցավ Վախսանգ-Տանգիկի ավագ որդուն՝ Հասան-Ջալալ Դավլային: Ներքին Խաչենի տիրոջ

անունը արարական ծագում ունի: Հասան նշանակում է գեղեցիկ, Ջալալ՝ փառք, մեծություն, իսկ Գավլա՝ հարստություն, պետություն:

Ամենայն հավանականությամբ Ներքին Խաչենի տերը այլ անուն է ունեցել: Պարզապես նրա հայրենաչեն, խելամիտ գործունեության հետևանքով են նրան տվել վերոհիշյալ մականունները, որոնք համապատասխանում են նրա արած-քողածին:

Հասան-Ջալալի կառավարման շրջանում Ներքին Խաչենը տնտեսական և մշակութային աննախադեպ վերելք ապրեց: Նմանօրինակ զարգացումը բույլ տվեց, որ երկրամասը ունենա նաև քաղաքական անկախություն: Հասան Ջալալը «բնակաւոր ինքնակալ» էր Ներքին Խաչենում, իրեն համարում էր «թագաւոր բարձր և մեծ Արցախական աշխարհի»²⁵³: Հասան-Ջալալի քաղաքական այս կարգավիճակը ընդունում էին նույնիսկ Վրաց թագավորները²⁵⁴:

Սակայն Արցախի իշխանություններին վիճակված չէր երկարատև խաղաղություն: Պատմական ասպարեզ իջած մոնղոլ-թաթարները իրենց հորդաներով նոր արհավիրքներ բերին հայ ժողովրդին:

† † ° " † † † † † "

 ~ † † † † † †

ՄՈՆԴՈԼԱԿԱՆ ԱՌԱՋԻՆ ԱՐՇԱՎԱՆՔՆԵՐԸ ԱՅՍՐ-ԿՈՎԿԱՍ ԵՎ ՀԱՅ ԺՈՂՈՎՐԳԻ ԳԻՄԱԳՐՈՒԹՅՈՒՆԸ: 13-րդ դարի սկզբին կենտրոնական Ասիայում մոնղոլական ցեղերը, միավորվելով իրենց առաջնորդ Տեմուչինի(վերջինս ստացավ Չինգիզ խան պատվատիտղոսը, որը նշանակում է ծովերի թագավոր), շուրջը ստեղծեցին մի պետություն, որը բախտորոշ դեր խաղաց ինչպես Ասիայի, այնպես էլ արևելյան Եվրոպայի պատմության մեջ:

Աշխարհակալ նվաճումները մոնղոլները սկսեցին 1209թ.: Սկզբում Չինգիզ խանը գրավեց Չինաստանի մի զգալի մասը, 1217-20 թվականներին՝ Արևելյան Թուրքեստանը, Խորեզմի պետությունը և Իրանի մի հատվածը:

Նվաճելով Միջին Ասիան և Իրանի մի մասը, մոնղոլների տրամադրության տակ դրվեց նյութական անբավ միջոցներ, որը նպաստեց նրանց առաջխաղացմանը դեպի արևմուտք: 1220թ. ամռանը Խորեզմի շահ Ալա ադ-Գին Մուհամմադին հետապնդելու, Իրանն ու Այսրկովկասը հետախուզելու նպատակով Չինգիզ խանը Միջին Ասիայում առանձնացրեց 30000-ոց մի բանակ՝ Ջեբե նոյինի և Սուբադայ Բահաաուրի գլխավորությամբ²⁵⁵:

Մոնղոլական այդ զորամիավորումը գրավում է մի շարք քաղաքներ Խորասանում ու պարսկական Իրաքում և սպա շարժվում Ատրպատական: Անցնելով Երասխը՝ մոնղոլները հասան Մուղան, որտեղից էլ շարժվեցին դեպի Պարտավ-Գանձակ-Շամքոր-Տփղիս ռազմաստրատեգիական կարևոր նշանակություն ունեցող ճանապարհով: Գրավելով Շամքորը, նրանք առաջ շարժվելով, ընդհար-

վեցին հայ-վրացական 10 000-ոց բանակի հետ: Վերջիններս, պարտություն կրելով, նահանջում են: Ճակատամարտից հետո մոնղոլները Գուգարքից մտնում են Վրաստան, ընդհուպ մոտենալով Տփղիսին: Սակայն բավականաչափ ուժեր չունենալով և ճանապարհների վտանգավոր լինելը մոնղոլներին ստիպեց վերադառնալ և բանակ դնել Պարտավի ու Բայլականի միջև ընկած դաշտում՝ Բեղամեջի շրջանում: Վրաց արքունիքը մոնղոլներին դիմադրելու նպատակով փորձեց հարևան երկրների հետ դաշնակցել և մեկ ընդհանուր ճակատ ստեղծել: Սակայն մոնղոլները նախաձեռնությունը իրենց ձեռքից չտալու համար, չսպասելով զարման բացվելուն, կրկին շարժվեցին դեպի Վրաստան: Հայ-վրացական միացյալ ուժերը Գեորգի Լաշայի և Իվանե արքայի գլխավորությամբ շարժվեցին մոնղոլներին ընդառաջ: Ճակատամարտը տեղի ունեցավ 1221թ. հունվարին Կոտման(այժմյան Թոուզ գետի մոտ):

Հայ-վրացական միացյալ ուժերը պարտություն կրեցին:

Այնուհետև մոնղոլները, ասպատակելով Հայաստանի հյուսիսային և Վրաստանի հարավ-արևելյան շրջանները, վերադառնում են Ուտիք և 1221թ. զարմանը ավերածության են մատնում Մարաղա, Համադան, Խոյ, Սալմաստ, Նախճավան, Արդաբիլ, Սարաբ քաղաքներն ու նրանց շրջանները: Մոնղոլներին համառ դիմադրություն ցույց տվեց Ուտիքի Բայլական քաղաքի բնակչությունը: Չնայած բնակչության հերոսությանը, մոնղոլները մեկ ամսից հետո գրոհով գրավեցին քաղաքը: Բայլականի գրավումից հետո մոնղոլները շարժվում են դեպի Գանձակ: Մոնղոլները, իմանալով քաղաքի անառիկության, ինչպես նաև բնակչության քաջության մասին, ստանալով իրենց պահանջած դրամն ու զգեստները, հեռանում են այնտեղից²⁵⁶:

Գանձակից մոնղոլական զորաբանակը շարժվեց դեպի Հյուսիսային Հայաստան՝ նույն Գանձակ-Շամքոր-Տփղիս ուղղությամբ և նորից բախվեց հայ-վրացական ուժերի հետ: Ճակատամարտը տեղի է ունենում 1222թ. հունվարին Կուրի ափին, Խունանի դաշտում:

Չնայած աջ թևում Վահրամ Գագեցին իր քաջարի ջոկատով կոտորելով մոնղոլներին, զգալի հաջողությունների են հասնում, բայց և այնպես հայ-վրացական միացյալ զորքերը Գեորգի Լաշայի և Ի-

վանե արթաբեկի գլխավորությամբ սաստիկ պարտություն են կրում:
Չնայած դրան հայ-վրացական միացյալ ուժերը հետ են քաշ-վում Տփղիս և նախապատրաստվում թշնամուն հակահարված տալու:

Մոնղոլները տեղեկանալով դրա մասին, խուսափեցին ընդհարումից և հյուսիս-արևելյան Հայաստանից շարժվեցին դեպի Շիրվան, պաշարեցին Շամախին ու գրավեցին այն:

Գրանից հետո իրենց գործն Այսրկովկասում ավարտված համարելով՝ մոնղոլները շրջանցելով Գերբենդը, լեռնային դժվարանցանելի վայրերով հասան Հյուսիսային Կովկաս:

Գրանով ավարտվում է մոնղոլների առաջին արշավանքը դեպի Այսրկովկաս: Այն ուներ հետախուզական նպատակ:

Գեռ նոր էին հեռացել մոնղոլները, երբ դփչաղները Հյուսիսային Կովկասից մեծաքանակ ուժերով ներխուժեցին Այսրկովկաս: Նրանք Գանձակի ամիրայի հետ համագործակցելով մահ ու ավեր էին սփռում Հայաստանի և Վրաստանի բնակավայրերում:

Իվանե արթաբեկը վրացական բանակի ուժերով Գանձակի մոտ հարձակվում է նրանց վրա, սակայն պարտություն է կրում:

Ճակատամարտում զոհվում են նաև Խաչենցի Խաղրակ իշխանի որդի Գրիգորը և թոռ Պապաբը: 1223թ. միայն վրացական, հայկական միացյալ ուժերին է հաջողվում ջախջախել դփչաղներին և նրանց դուրս քշել Այսրկովկասից:

Մոնղոլների հետախուզական արշավանքից և դփչաղների ասպատակություններից հետո դրությունը Այսրկովկասում շարունակվում էր մնալ լարված:

Խորեզմի շահ Մուհամմադի որդին՝ Ջալալ ադ-Գինը, նպատակ ունենալով նախ կանխել իր գլխավոր թշնամի մոնղոլների առաջխաղացումը, ապա վերականգնել Խորեզմի պետության վաղեմի դիրքերը, որոշում է ամրանալ Իրանի հյուսիս-արևմտյան մասում և Այսրկովկասում: Փոխանակ ռազմական մի դաշնակցություն ստեղծելու մոնղոլների դեմ մղվող պայքարում, Ջալալ ադ-Գինը սկսեց ասպատակել տարածքաշրջանի երկրները, անհանդուրժողական վերաբերմունք ցուցաբերեց քրիստոնյաների նկատմամբ, դրանով իսկ փորելով իր գերեզմանը:

Ջալալ ադ-Գինի յոթնամյա արշավանքները(1225-31թթ.) չափազանց ծանր հետևանքներ ունեցան հայ ժողովրդի համար: Ավերվեցին ծաղկուն քաղաքներն ու գյուղերը: Թուլացավ երկրի տնտեսական և ռազմական կարողությունները: Երկրում սկսեց թագավորել սովն ու համաճարակը, ժողովուրդը թողնված էր բախտի քմահաճույքին:

Չնայած դրան, այդ արշավանքների ժամանակ Ջալալ ադ-Գինը համարյա ոչնչով չշոշափեց Արցախի իշխանությունների շահերը: Խորեզմի շահի գորբերը ավերեցին Ուտիքի դաշտավայրային շրջանները, հատկապես Գանձակի շրջակայքը:

Մոնղոլները ուշի ուշով հետևում էին Այսրկովկասում տեղի ունեցող անցքերին, նպատակ ունենալով հարմար պահին ջախջախելու Ջալալ ադ-Գինին և վերջնականապես տիրելու նրա տիրապետության տակ գտնվող երկրներին:

Մոնղոլները հետապնդելով Ջալալ ադ-Գինին վերջնականապես 1231թ. հաղթանակի հասան նրա նկատմամբ: Ջալալ ադ-Գինին հետապնդող մոնղոլները ավերեցին Պարսկաստանը և հասան մինչև Եդեսիա ու Սամոսատ, ապա մարտերով առաջացան մինչև Եփրատ, ավեր ու սպանդ գործելով արշավեցին Գիարբեքի և Ջազիրա²⁵⁷: Այնուհետև նրանք վերադարձան Ատրպատական:

Մոնղոլները, անցնելով Երասխը, հաստատվեցին Մուղանի բարերեր դաշտում²⁵⁸: 1232թ. վաղ գարնանը նրանք շարժվեցին դեպի հյուսիս-արևմուտք, պաշարեցին Գանձակը: Քաղաքի բնակչության դիմադրությունը ավելի բորբոքեց մոնղոլներին: Նրանք թափանցելով քաղաք՝ արյան բաղանիք սարքեցին, արի քաշեցին ողջ բնակչությանը, չխնայելով անգամ կանանց ու երեխաներին²⁵⁹: Այս անգամ էլ մոնղոլները չհիմնավորվեցին գրավված տարածքներում և մեծաքանակ ավարով ու գերիներով հեռացան Պարսկաստանի խորքերը:

ՄՈՆԳՈԼՆԵՐԻ ԵՐԿՐՈՐԳ ԱՐՇԱՎԱՆՔԸ ՀԱՅԱՍՏԱՆ ԵՎ ԱՐՅԱԽԻ ԳՐԱՎՈՒՄԸ: 1235թ. Չինգիզ խանի հաջորդ, նրա կրտսեր որդի Ուղեգեյի կողմից հրավիրված համամոնղոլական դուռուլքայր որոշեց նոր արշավանքներ սկսել և գրավել Ռուսաստանը, Արևելյան Եվրոպայի և Այսրկովկասի երկրները:

1236թ. ռազմական գործողություններ են սկսվում մի կողմից՝ դե-

պի Ռուսաստան, Բաթուի գլխավորությամբ, մյուս կողմից՝ դեպի Այսրկովկաս, Չարմադանի գլխավորությամբ:

Այսրկովկասում մոնղոլներին դիմակայող միակ իրական ուժը՝ վրացական քազավորությունը, Ռուսուդան քազուիու որդի Դավթի և գահի օրինական ժառանգի՝ Գեորգի Լաշայի որդի Դավթի միջև իշխանության համար սղվող պայքարում արդեն կազմալուծվել էր: Ներխուժելով Այսրկովկաս, Չարմադանը բանակ է դնում Մուդանի դաշտում, որը դառնում է մոնղոլական ուժերի հավաքատեղի: Մոնղոլ զորավարները վիճակահանությամբ Հայոց, Վրաց և Ադվանից երկրների տարբեր իշխանությունները միմյանց միջև բաժանելով, սկսեցին իրենց ավերիչ ասպատակությունները²⁶⁰:

Մոլար Նոյինին բաժին հասավ Հայաստանի հյուսիս-արևելյան գավառները: Նա պաշարեց Շամքոր քաղաքը: Մոնղոլները զգալի կորուստների գնով իրենց ձեռքն են գցում Շամքորը և ավերում: Դրանից հետո, համարյա առանց դիմադրության, մոնղոլները գրավում են Քութայիս հեռացած Վահրամ Գագեցու տիրույթի մյուս բերդերն ու ամրոցները:

Տավուշ բերդի հարավային կողմում՝ Լորուտ գյուղի դիմաց, մոնղոլները գերեվարում են Վանական վարդապետին և նրա աշակերտներին, այդ թվում Կիրակոս Գանձակեցուն:

Վանական վարդապետին հետագայում հայերը փրկագնով ազատեցին, իսկ Կիրակոսին հաջողվեց գիշերով փախչել և վերադառնալ թշնամու կողմից մինչ այդ ավերված ու հրդեհված Գետիկի վանքը²⁶¹:

Գրավելով հյուսիս-արևելյան Հայաստանի բնակավայրերը մոնղոլները տակնուվրա արին նաև Վրաստանը: «Թաքարներն այնպիսի զարհուրանքներ արին, որ շատ վրացիք թողնում էին բերդերն ու ամրությունները և Կովկասյան լեռները փախչում»-լալահառաչ գրում է վրաց ժամանակագիրը²⁶²:

Հայ ֆեոդալների մի մասը իրենց տիրույթներից չգրկվելու և արյունահեղությունից խուսափելու համար որոշում են հպատակվել մոնղոլներին:

Նմանօրինակ առաջին փորձը կատարեց Իվանեի որդի Ավագ Չաքարյանը: Մոնղոլները պաշարեցին Կայեն բերդը, որտեղ

պատասպարվել էր Ավագ Չաքարյանը: Համոզված լինելով, որ երկար չի կարող դիմանալ, Ավագն իր տան վերակացու Գրիգոր Տղա Խաչենցուն ուղարկում է Սևանա լճի ափերին բանակած մոնղոլական զորքերի հրամանատար Չարմաղանի մոտ: Այնուհետև ինքը՝ անձամբ Ավագ Չաքարյանը ներկայացավ մոնղոլ զորավարին և հնազանդություն հայտնեց նրան և մնաց իր տիրույթի իշխանը:

Սևանա լճի առափնյա շրջաններին և Սյունիքին տիրելուց հետո մոնղոլական մեկ այլ զորախումբ Ջուրբուղա Նոյինի գլխավորությամբ ձեռնամուխ եղավ Խաչենի նվաճմանը:

Ներքին Խաչենի հայության մի մասը պատասպարվեց Հավքախաղաց բերդում: Չնայած խաչենցիների ցուցաբերած համառ դիմադրությանը, մոնղոլներին այնումեճայնիվ հաջողվեց գաղտագողի մտնել բերդ և սրախողող անել պաշտպաններին:

Մոնղոլները արցախահայության կամքը կոտրելու համար ամենադաժան ու վայրենի ձևով հաշվեհարդար տեսան խաղաղ բնակչության հետ: Կիրակոս Գանձակեցու վկայությամբ Հավքախաղացի բնակչության մի մասին սրի քաշեցին, իսկ մնացածներին բերդից գահավեժ արեցին:

Արյունը առու դարձած ջրի պես գնում էր: Շատ ժամանակ անց չքաղված նահատակների ոսկորները քարե կույտերի տեսք ունեին²⁶³: Ապա մոնղոլները շարժվեցին Ներքին Խաչենի տիրակալ Հասան-Չալալի վրա, որը ամրացել էր Գանձասարի հանդիպահայաց անառիկ Խոխանաբերդում: Մոնղոլները երկար ժամանակ չէին կարողանում գրավել բերդը: Տեսնելով, որ կռվով անհնար է գրավել այն, դիմեցին արդեն իրենց փորձված մեթոդին. հնազանդության կոչեցին Հասան Չալալին, խոստանալով նրան թողնել իր երկիրը: Ներքին Խաչենի տերը դրսից օգնության հույս չունենալով և երկիրն ավելորդ ավերից ու կոտորածներից փրկելու նպատակով ընդունեց մոնղոլների առաջարկը:

Չնայած Հասան-Չալալը հնազանդվեց մոնղոլներին, բայց և այնպես ամբողջ Խաչենի նվաճումը բավական դանդաղ ընթացավ, որովհետև ժողովուրդը համառորեն դիմադրում էր: Պայքարը շարունակվեց 1238թ. ներառյալ²⁶⁴:

Մոնղոլները, նվաճելով Պարսկաստանը, Այսրկովկասը և Փոքր

Ասիայի արևելյան շրջանները, ստեղծեցին վարչական նոր միավորներ: Վրաստանը, Հայաստանը, Առանը, Շիրվանն ու Ատրպատականը կազմեցին մեկ կուսակալություն, որի կառավարիչն էր Չարմաղանը: Այս կուսակալության կազմում էլ Վրաստանն ու Հայաստանի իշխանությունները կազմեցին վարչական մեկ ինքնուրույն միավոր, որը մոնղոլները անվանեցին Գյուրջիստանի վիլայեթ:

Մոնղոլական կայսրության մեծ խան Ուղեգեյը Չարմաղանին հանձնարարել էր մնալ տեղում և ամեն տարի մայրաքաղաք ուղարկել մեծ քանակությամբ ոսկի և քանկարժեք այլ ապրանքներ²⁶⁵: Մոնղոլները դաժան հարկապահանջությամբ քամում էին նվաճված երկրների կենսատու ավիչը: Դրանով չբավարարվելով, մոնղոլները հպատակ երկրների ազատագրական շարժումները կանխելու և դիմադրական ուժից զրկելու համար կռվելու ընդունակ բնակչությանը զանգվածաբար ոչնչացնում էին կամ էլ այդ ուժերը օգտագործում էին նոր նվաճումների համար, նրանց մոնղոլական զորքերի առաջին շարքերում՝ ստիպելով կռվել յուրայինների դեմ:

«Անկասկած է,- գրում է Համադալլահ Ղազվինին,- որ եթե հազար տարվա ընթացքում որևէ այլ աղետ չլինի, մոնղոլական արշավանքների ու տիրապետության հետևանքները ուղղել հնարավոր չէ...»²⁶⁶:

Հպատակություն հայտնած Արցախի իշխանները նույնպես մասնակցեցին մոնղոլների կազմակերպած արշավանքներին: Կարինի գրավմանը մասնակցում էր նաև Հասան-Ջալալը: Իսկ Տիգրանակերտի գրոհման ժամանակ գոհվեց Վերին Խաչենի իշխան Գրիգորի որդին՝ Սևադան:

Ներքին Խաչենի տիրոջ Հասան-Ջալալի ճկուն քաղաքականության և մոնղոլ զորապետների նկատմամբ առատաձեռնության շնորհիվ Խաչենի հայությունը մի առ ժամանակ զերծ մնաց մոնղոլների վարյագություններից: Մոնղոլները առավել բարյացակամ դարձան Հասան-Ջալալի նկատմամբ, երբ Չարմաղանի որդի Բորանոյինը ամուսնացավ հայ իշխանի աղջկա՝ Ռուզուբանի հետ:

Հասան-Ջալալի միջնորդությամբ քիչ թե շատ ապահով և տանելի վիճակ ստեղծվեց հայկական մյուս գավառների համար: Գերությունից և անխուսափելի վախճանից փրկվեցին հարյուրավոր հա-

յեր: Խաչենի լայնախոտ տիրոջ շնորհիվ Կիլիկիայի Հեթում Ա քազավորի և մոնղոլների միջև կնքվեց դաշնակցության պայմանագիր, որի շնորհիվ երկիրը փրկվեց վերահաս աղետից:

Շուտով իրավիճակը փոխվեց ի վնաս Հասան-Ջալալի և խաչենցիների: 1242թ. սկզբներին Հայաստանում գտնվող մոնղոլական կուսակալ ամրացած Չարմաղանին փոխարինում է Բաշու գորավարը: Վերջինս առավել մեծ չափերով էր օգտագործում հայերի զինական ուժը արևմտյան և հարավային Հայաստանը վերջնականապես նվաճելու համար:

Մշտապես կրկնվող պատերազմների ծախսերը փակելու նպատակով մոնղոլները ավելի սաստկացրին հպատակ ժողովուրդների հարկապահանջության գործը: 1246թ. արևմտյան երկրներից կայսրության հասանելիք հարկերը հավաքելու նպատակով Գույուկ խաքանը Արդունի և Բուղայի գլխավորությամբ մեծ հանձնախումբ ուղարկեց Իրան և Այսրկովկաս: «...Այս Բուղան,- պատմում է Կիրակոս Գանձակեցին,- որ եկավ քաթարական գորքերի մոտ, մտնում էր ավազանու տները և իրեն ինչ դուր է գալիս անխնա առնում էր, ոչ ոք չէր համարձակվում որևէ բան ասել նրան...»²⁶⁷:

«Եվ բոլորից պահանջում էին խստագույն հարկեր ավելի քան մարդը կարող էր տալ, սկսեցին աղքատացնել և նեղել անհնարին չարչարանքներով և տանջանքներով և մամլակներով: Եվ քաքնվողին բռնում և սպանում էին, և ով չէր կարող հարկը վճարել նրանց երեխաներին էին վերցնում պարտքի դիմաց...»²⁶⁸:

Մոնղոլների վարած դաժան կեղեքման, բռնությունների և անարեկման քաղաքականությունը շուտով առաջ բերեց խորը ատելություն նվաճված երկրներում:

Գաժան հարկահանության դեմ մեծ դժգոհություն առաջացավ նաև Խաչենում: Ապստամբները պատսպարվել էին անառիկ Խոխանաբերդում, որի դեմ մոնղոլները ռխ ունեին դեռևս 30-ական թվականներից: Բուղան մեծաքանակ գորքով շարժվեց այնտեղ, քարուքանդ արեց Խոխանաբերդը, այնուհետև Դեղը, Ծիրանաքարը և այլ ամրոցներ: Նա Հասան-Ջալալին ավազանու առջև պատիժների ենթարկեց: Միայն հայ իշխանը շատ ոսկի ու արծաթ տալով հազիվ փրկվեց մահից²⁶⁹:

Մոնղոլների կամայականություններին վերջ տալու նպատակով, այս դեպքերից հետո Հասան-Ջալալը և Խաչենի իշխանական տան ներկայացուցիչներից մեկը՝ Իվանն Ջաբարյանի տան կառավարիչ Գրիգոր տղան(հեջուր Գրիգորը) մի պատվիրակության գլուխ անցած Բաթու խանի որդի քրիստոնյա Սարթախի միջնորդությամբ և ուղեկցությամբ մեկնում են Բաթուի նստավայր, այժմյան Աստրախանի տեղում գոյություն ունեցած Իթիլ քաղաքը: Բաթու խանը մեծ պատվով ընդունեց հայ իշխաններին, նրանց վերադարձրեց հայրենի բոլոր տիրույթները և տեղի մոնղոլ կուսակալներին հրահանգեց բարյացակամ վերաբերվել Խաչենի բնակչությանը²⁷⁰:

Վերադառնալով հայրենիք այս անգամ Հասան Ջալալի դեմ բռնություններ սկսեց գործադրել մեծ լիազորություններ ունեցող հարկահան Արդունը:

Այլ ելք չտեսնելով, Հասան Ջալալը նույն Սարթախի ուղեկցությամբ 1255թ., կնոջ՝ Մամբանի և միակ տղա Աբարակի հետ մեկնում է Մոնղոլիա՝ մեծ խանին իր գանգատները ներկայացնելու: Դանապարհորդությունը տևում է 5 տարի: Մանգու խանը բավարարում է Հասան Ջալալի պահանջները, նրան վերադարձնելով գերագահ իրավունքը: Չնայած դրան, Արդունի դավերը Հասան-Ջալալի նկատմամբ շարունակվեցին: Չնայած մոնղոլ խաները առ երես բարյացակամ էին վերաբերվում հայ իշխանների նկատմամբ այնքան ժամանակ, որքան հնարավոր էր լինում դրանով շորթել նրանց հարստությունը: Իսկ իրականում իրենց պաշտոնյաներին դրդում էին հնարավորին չափ շատ շահագործելու հայ հպատակներին:

Քոչվոր ազնվականության ու պաշտոնեության անկաշկանդ կամայականություններն ու բռնությունները 50-ական թվականների վերջերից պատճառ դարձավ Հայաստանում և Վրաստանում ապստամբական շարժումներին:

1260թ. բռնկված ապստամբությունը գլխավորում էր վրաց թագավոր Ուլու Դավիթը: Հասան Ջալալը նույնպես միացավ ապստամբներին: Արդունի գորքը պարտություն կրեց ապստամբներից: Շարժման թափը կոտրելու նպատակով Արդունի դրդմամբ ձերբակալվեցին վրաց Գոնցա թագուհին, նրա Խոշաք դուստրը, Ջաբարյան Շահնշահը, Հասան Ջալալը և շատ ուրիշ իշխաններ: Կալա-

նավորվածները բազում գանձ տալու միջոցով հազիվ կարողանում են մահից փրկվել²⁷¹:

Այստամբների և մոնղոլների միջև պատերազմական գործողությունները շարունակվեցին մինչև 1261թ.: Ուժերի անհավասարության պատճառով վրաց Ուլու Գավիթ թագավորը նորից հպատակություն է հայտնում մոնղոլներին:

Այստամբության ճնշումից հետո Արղունը նորից կախնավորում է շարժման կազմակերպիչներին՝ հայ և վրաց իշխաններին, այդ թվում Հասան Ջալալին: Նրանց տեղափոխում են Ղազվին:

Հասան Ջալալի դուստր Ռուզուքանը փորձում է Հուլավուի կնոջ՝ Տողուս–խաթունի միջոցով փրկել հորը: Արղունը դրա մասին իմանալով դահիճներին հանձնարարում է հողակոտոր անելով սպանել Հասան Ջալալին²⁷²:

Աթաբակը նահատակված հոր մասունքները տեղափոխում և թաղում է Ներքին Խաչենի իշխանական տոհմի տապանատանը՝ Գանձասարի վանքի գավիթում:

Այնքան ակնհայտ էր Հասան Ջալալի տեղն ու դերը Խաչենի Առանշահիկ իշխանական տան ներկայացուցիչների շարքում, որ հետագա դարերում այդ ճյուղը սկսեց անվանվել նահատակ իշխանի անունով՝ Հասան Ջալալյաններ, որոնց մեծագործություններին բազմաթիվ սերունդներ պիտի ականջալուր և ականատես լինեին:

Այսպես էին կոչվում նաև հոգևոր այն նվիրապետները, որոնք ներկայացնում էին նույն իշխանական տոհմը և արդեն ժառանգական իրավունքով 13-րդ դարի երկրորդ կեսից տնօրինում էին նահանգի եպիսկոպոսությունը, իսկ 15-րդ դարից նաև ամբողջ Հայոց Արևելից կողմանց կաթողիկոսական աթոռը: Հասան-Ջալալի թափուր գահը ժառանգեց միակ արու գավակը Իվանեն կամ Աթաբակը(1261-1287): Նրա կառավարման շրջանում Ներքին Խաչենի իշխանությունը համեմատաբար խաղաղ մի շրջան ապրեց: Դա հնարավորություն տվեց Աթաբակին զբաղվելու շինարարական ու մշակութային գործունեությամբ: Նա ավարտեց Հասան Ջալալի կիսատ թողած Գանձասարի վանքի գավթի շինարարությունը:

Նման կացություն էր ստեղծվել նաև Վերին Խաչենում: 1220-ական թվականներից այստեղ տերություն էր անում Հասանի և Դովի

որդի Գրիգորը: Ինչպես մյուս հպատակ հայ իշխանները, Գրիգորը նույնպես մասնակցում է մոնղոլների կազմակերպած արշավանքներին, որի ընթացքում Հայոց Արևելից գավառների իշխանները մեծ փրկագներով ազատում էին արևմտյան Հայաստանի հայ գերյալներին և մշակութային արժեքները, մանավանդ ձեռագիր մատյանները: Վերին Խաչենում 1250-ական թվականներից Գրիգոր իշխանին փոխարինեց որդին՝ Հասան Բ-ն: Աղբյուրները այս Հասանին պատվում են «արիակամ», «քաջ» և «հաղթող զորական» ու նման այլ մակդիրներով²⁷³: Հասան Բ-ն բարիդրացիական հարաբերություններ ունենալով մոնղոլների հետ խաղաղ կյանք ապահովեց Վերին Խաչենի հայության համար: Հասան Բ-ն վախճանվել է 1287թ.: Ինչով էր բացատրվում 13-րդ դարին երկրորդ կեսի համեմատաբար խաղաղ կացությունը:

Ներքին Խաչենի տեր Աթաբեկի և Վերին Խաչենի իշխան Հասան Բ-ի իշխանությունը համընկավ մոնղոլական կենտրոնական իշխանության թուլացման հետ: Մոնղոլ-քաթարական ավազանին նվաճված ժողովուրդների հաշվին անբավ հարստություն դիզելով այս անգամ կռվում էին միմյանց դեմ՝ գերագահության հասնելու համար:

1256թ. Հուլավու խանը հաղթանակի հասնելով Իրանի, Ատրապատականի, Արևելյան Վրաստանի, Հայաստանի, Ռումի, Քրդստանի, Իրաքի մոնղոլ կուսակալների նկատմամբ, ինչպես նաև վերջնականապես հնազանդեցնելով տեղական հնագույն ֆեոդալական տներին, փաստորեն հիմք դրեց Հուլավյան մոնղոլա-իրանական պետությանը, որը և պատմության մեջ մտավ «իլխանություն» անունով (իլխան-ժողովրդի տեր):

Հուլավուի և նրան հաջորդած Աբաղա խանի(1265-1282թթ) կառավարման տարիներին երկրում տիրում էր հարաբերական խաղաղություն: Հուլավյանք մոնղոլական կենտրոնական իշխանության և հարևան երկրների ցեղակից տերերի դեմ պայքարելու նպատակով հավատարիմ դաշնակիցներ էին փնտրում տեղի իշխանական տների շրջանում: Եվ պատահական չէ, որ նրանք հնարավորություն էին տալիս, որպեսզի այդ իշխանությունները հզորանան և կարգավորեն իրենց ներքին տնտեսական ու մշակութային կյանքը:

Մակայն հանգիստ քաղաքական կացությունը երկար չտևեց: 1282թ.՝ Աբաղայի մահից հետո, նրա եղբայր Թագուդարը, հենվելով իր համախոհների վրա, դավադրաբար տիրացավ գահին: Իշխաններից առաջինն էր նա, որ ընդունեց մահմեդականություն և կոչվեց Ահմադ: Նորից քրիստոնեապաշտ հայության համար սկսվեց անլուր տառապանքների մի շրջան: Թաքար-մոնղոլական բռնակալները նվաճված երկրներում պարբերաբար կրկնվող կողոպուտի ու ավերածությունների և անասելի ծանր հարկերի միջոցով ժողովրդին դատապարտել էին ծայր աղքատության և հուսահատության: 14-րդ դարի սկզբներից սկսած մոնղոլական ծավալապաշտ կայսրությունը գնաց քայքայման ուղիով: Մոնղոլ կուսակալներն ու գորապետները, հաճախ գժտվելով միմյանց հետ կամ ըմբոստանալով կենտրոնական իշխանության դեմ, դարձել էին իրենց կառավարած երկրամասի անկախ և ինքիշխան տիրակալներ, իսկ հայատակ ժողովուրդների համար՝ դահիճներ: Հայ բնակչության վիճակը դարձավ ողբերգական և Ռազան խանի ժամանակ մոնղոլները պաշտոնապես ընդունեցին մահմեդականությունը: Ազգային ու սոցիալական ճնշումներին գոմարվեց կրոնական հավաճանքը: Հայաստանի շատ մահանգներում ծայր են առնում արտագաղթն ու փախուստը: Վանքերում ու եկեղեցիներում այլևս չկար նախկին խլրտուն մշակութային կյանքը: Նախկին շեն բնակավայրերը սկսում են դատարկվել:

Մակայն Արցախի հայությունը, ապավինած իր լեռնաշխարհին, տեղի չտվեց նաև այդ փորձության առաջ:

† † ° " † , - ' † " † † - .
 " † - . " ' † † " †
 † † † † † " †

ԼԱՆԿ-ԹԱՄՈՒՐԻ ԱՐՇԱՎԱՆՔՆԵՐԸ ԳԵՊԻ ԱՐՅԱԽ: Հայության արնածոր վերքերը դեռ չէին սպիացել, երբ 14-րդ դարի 80-ական թվականներին Այսրկովկաս խուժեցին ոսկե հորդայի արյունարբու հորդաները: Կոտորածների ու ավերածությունների ենթարկվեցին հատկապես հյուսիս-արևելյան Հայաստանի գավառները այդ թվում Ծարն ու շրջակաները:

Այդ իրավիճակում 14-րդ դարի վերջերին հայ ժողովրդի գլխին պայթեց չարիքներից մեծագույնը. սկսվեցին Լանկ-Թամուրի մահասփյուռ արշավանքները:

Մոնղոլական Բարլաս ցեղից սերված Թարաղայի որդի Թամուրը, Լանկ(կաղ) մականունով, լինելով խիզախ գորահրամանատար ու խորամանկ քաղաքագետ, իր շուրջը համախմբելով համախոհներին 1370թ. Միջին Ասիայում Սամարղանդ կենտրոնով ստեղծեց մոնղոլա-թուրքական ռազմա-ֆեոդալական պետություն:

Ստեղծելով հզոր ու մարտունակ բանակ Ոսկե Հորդայի, Ռուսաստանի, Հնդկաստանի, Իրանի, Այսրկովկասի ու Փոքր Ասիայի երկրները դարձան Լանկ-Թամուրի հորդաների ոտքի կոխան:

1386թ. գարնանը նա գրավում է Թավրիզը, անցնելով Արաքսը, մտնում Մյունիք: Նրա զորքերը տարբեր ուղղություններով արշավելով և կոտրելով կազմակերպված դիմադրությունը, կարճ ժամանակարնթացքում հասնում են մինչև Կարբի, Բջնի, Գառնի, Սուրմարի և Կողր:

Այնուհետև Լանկ-Թամուրի գորքերը ներխուժում են Արցախ, գրավում Վերին Խաչենը: Ծարի Գոփյան իշխանական տան ներկայացուցիչ Հասանը կնոջ՝ Խոնձայի և վեց որդիների՝ Գրիգորի, Սարգսի, Շանշիի, Ջհանշիի, Ադրուդայի և Շիրվանի, ինչպես նաև իշխան Սադունի հետ, անհավասար պայքարում նահատակվում են²⁷⁴: Փրկվում է միայն Հասանի Վահրամ որդին: Ավերվում են Խաչենի բարգավաճ բնակավայրերը: Ժողովրդին գլխատելու, հետագա ապստամբություններից խուսափելու և թիկունքի ապահովության համար թամուրյանները կոտորում էին ոչ միայն տեղական իշխանավորներին, այլ նաև գյուղական այնպիսի պաշտոնյաներին, ինչպիսիք էին տանուտերերն ու ձեռնավորները²⁷⁵:

Այս նվաճումներից հետո Թամուրի գորքերը մտնում են Վրաստան և 1386թ. նոյեմբերի 21-ին գրավում ու կողոպտում Տփղիզը:

Զմեռման համար Այսրկովկասում Լանկ-Թամուրը բանակատեղի ընտրեց հատկապես տարվա այդ եղանակին մեղմ կլիմա ունեցող Մուխանք գավառը, որը կոչվում էր նաև Ղարաբաղի դաշտ: Հարկ է նշել, որ Ղարաբաղ անունը պատմական սկզբնաղբյուրներում առաջին անգամ արձանագրվում է 14-րդ դարի վերջին «Վրացական ժամանակագրության» և պարսիկ պատմագիր Համադալի Ղազվինիի մոտ²⁷⁶:

1394թ. սկսվեց Լանկ-Թամուրի երկրորդ արշավանքը դեպի Հայաստան: Այս անգամ Լանկ-Թամուրի գորքերը Հյուսիսային Միջագետքից անցան Արևմտյան Հայաստան, դաժանորեն հաշվեհարդար տեսան տեղի բնակչության հետ և հասան Այրարատ:

Լանկ-Թամուրը ստիպված էր շտապ հեռանալ դեպի Աղվանք՝ հակահարված տալու Ոսկե Հորդայի խան Թողթամիշին, որը ներխուժել էր Շիրվան²⁷⁷: Թողթամիշը խույս տվեց ընդհարումից և հեռացավ Ոսկե Հորդա, իսկ Լանկ-Թամուրի գորքը ձմեռեց Մուղանի դաշտում՝ ասպատակելով շրջակա Արցախի և Ուտիքի բնակավայրերը:

1399 թվականին Լանկ-Թամուրը երրորդ անգամ հայտնվեց Այսրկովկասում: Մտնելով Իրանի հյուսիսային նահանգները, նա անցավ Արաքսը, մտավ Մուղան, 7 ամիս շարունակ գերեց ու կողոպտեց Վրաստանի և Հայաստանի հյուսիս-արևելյան շրջանները:

Շատ բնակավայրեր վերածվեցին ավերակների ու անբնակ դարձան:

1399-1403թթ. սլատերազմական գործողությունների արդյունքում Լանկ-Թամուրը դարձավ ողջ Այսրկովկասի, Փոքր Ասիայի, Միջագետքի ու Միջիսյի տիրակալը: Նրա գերագույն իշխանությունը ճանաչեց նաև Եգիպտոսի սուլթանը:

1403-1404թթ. Լանկ-Թամուրն իր բանակով ձմեռեց Գարաբաղի դաշտային մասում, իսկ գարնանը մեծ ավարով ու գերիներով վերադարձավ Մամարդանդ:

Ժամանակակից աղբյուրները սրտաճնլիկ նկարագրություններ են պահպանել Լանկ-Թամուրի գործած ավերածությունների, բնակչության սրածության, գերեվարության, նյութական ու հոգևոր արժեքների կողոպուտի ու ոչնչացման մասին: Պատերազմական գործողությունների պատճառով շատ վայրեր անմշակ էին մնացել, որի հետևանքով եղավ անբերրիություն և սաստիկ սով: 1407թ. այդ ամենին զումարվեց ահավոր «մահտարժամ»-ը: Գաժան համաճարակին գոհ գնացին հազարավոր մարդիկ: Երկիրը մեծ մասամբ մնացել էր անտեղձ՝ գրկված իր տեղաբնիկ հայազուն իշխանություններից: Արցախի դաշտային գավառները, հատկապես Մուխանքը կտրվում է հայկական միջավայրից և կորցնում իր ազգագրական ամբողջությունը:

Այդ ամենով հանդերձ Արցախի Առանչահիկ նախարարական տան շառավիղները, դիմակայելով օտար բռնավորների դժնդակ տիրապետության մղձավանջները, ավելի մանրացած, կառչեցին լեռնաստանի անմատչելի գավառներին, լիահույս սպասելով նոր բարենպաստ օրերի գալստյանը:

ԱՐՅԱԽԸ ԿԱՐԱ-ԿՈՅՈՒՆԼՈՒ ՈՒ ԱԳ-ԿՈՅՈՒՆԼՈՒ ԹՈՒՐՔՍԵՆՆԵՐԻ ՏԻՐԱՊԵՏՈՒԹՅԱՆ ՇՐՋԱՆՈՒՄ: Լանկ-Թամուրի մահվանից հետո նրա հսկայածավալ պետությունը, որ ստեղծվել ու գոյատևում էր բռնությամբ ու ահաբեկումով, սկսվեց արագությամբ քայքայվել:

Օգտվելով երկրում տիրող խառնակ վիճակից թուրքմենական ցեղերից մեկի առաջնորդ Կարա-Յուսուֆը 1407թ. գրավում է Թավրիզը և մինչև 1410 թվականը նվաճում է Ատրպատականը, Հայաս-

տանը և ողջ Միջագետքը: Այսպիսով, կարակոյունլու թուրքմենական ցեղերը տիրելով Առաջավոր Ասիայի երկրներին, ստեղծում են աշխարհակալ մի պետություն (1410-1468թթ.):

Նոր տերերը քաջ գիտակցելով իրենց տիրապետության տակ ընկած երկրների քայքայված տնտեսության վերականգնման և պետական գանձարանը լցնելու կարևորությունը, համեմատաբար մեղմ քաղաքականություն էին վարում հայ իշխող վերնախավի նկատմամբ: Կարակոյունլու տիրակալները պետական բարձր պաշտոնների էին առաջ քաշում հայ նախարարական անվանի տների որոշ ներկայացուցիչների և շատերին դարձնում իրենց նախկին տիրույթների տնօրեններ ու լիիրավ իշխաններ:

Նման իրավիճակում էր գտնվում նաև երկիրը ադ-կոյունլու թուրքմենների տիրապետության շրջանում (1468-1502թթ.):

Նորից վերականգնվեցին Ներքին Խաչենի Հասան-Ջալալյան և Վերին Խաչենի Գոփյան իշխանական տների ներկայացուցիչների իրավունքները:

1287թ. Իվանե-Աթաբեկի մահվանից հետո Ներքին Խաչենում տիրում էր Ջալալ Ա-ն, որն սկզբնաղբյուրներում ներկայացվում է որպես շինարար և եկեղեցապաշտ իշխան: Ջալալ Ա-ին փոխարինել է որդին՝ Իվանե Մեծը: Նրա գերագահությունը ճանաչում էին ոչ միայն Ներքին Խաչենի, այլ նաև Վերին Խաչենի ու Հաթերքի իշխանները:

Արդեն 15-րդ դարի իրողություններում հիշատակվում է Իվանեի որդի Ջալալ Բ-ն, Ջազան, Աղբաստը, Սայտուն, Վելիջանը: Պահպանված վավերագրերը վկայում են նրանց հայրենաշեն գործունեության մասին: Առանձնապես հետաքրքիր տեղեկություններ են հաղորդում Գանձասարի վիմագիր արձանագրությունները:

Նշված ժամանակահատվածում կատարվեց նաև արժանահիշատակ մի իրադարձություն: 1470 թվականին Աղվանից Հովհաննես կաթողիկոսի մահվանից հետո կաթողիկոսական արքոռք Քոլատակ գյուղի մոտ գտնվող սուրբ Հակոբա վանքից փոխադրվեց Գանձասար: Հասան-Ջալալյան մեծագույն տոհմի հայրապետները բազում դարեր իրենց օրինյալ խաչով ու հարկ եղած դեպքում մերկացրած սրով անսասան պահեցին Արցախի սահմանները:

Նշված ժամանակահատվածում Վերին Խաչենում շարունակում էին իշխել Գոփյան իշխանական տան ներկայացուցիչները: Դիշտ է, նրանք չունեին նախկին փառքն ու հզորությունը, բայց հին օրերի նախկին կարգի համաձայն տնօրինում էին գավառի հայությունը կյանքը:

14-րդ դարի 80-ական թվականներին Վերին Խաչենը ասպատակվեց Ոսկե Հորդայի խան Թոխթամիշի գորբերի կողմից: Գոփյան իշխանական տունը ավելի թուլացավ և, ի տարբերություն Ներքին Խաչենի Հասան-Ջալալյանների, 15-րդ դարի վերջերին և 16-րդ դարի սկզբներին բաժանվեց 3 ճյուղի՝ Շահանշենք, Աղբուղենք, Ջհանշենք: Նրանցից էլ հետագայում սերվեց Մելիք-Շահնագարյան հայտնի գերդաստանը, որն իր գործունեությունը ծավալեց Վարանդա գավառում:

Հայ նախարարական տների զգալի մասը 14-15-րդ դարերում իրենց քաղաքական և տնտեսական դիրքերը զիջեցին Հայաստանին տեր դարձած քոչվոր ցեղերի ավազանուն: Չնայած դրան Արցախի լեռնային գավառներում Առանշահիկների իշխանական տների առանձին ճյուղեր կարողացան դիմակայել եկվորների ճնշումներին և չնայած թուլացած ու տկարացած, բայց և այնպես կարողացան պահպանել դարեր շարունակ երկրամասում գոյություն ունեցած պետական ինստիտուտների կենսունակ բեկորները:

Պահպանվել է կարա-կոյունլու Ջհանշահի (1437-1467թթ.) հրովարտակը, որով ճանաչվում է լեռնային Արցախի տեր մելիքների իշխանությունը: Այս ժամանակից սկսած էլ հայկական աղբյուրներում մելիքներ են կոչվում Արևելյան Հայաստանի գավառական իշխաններ*։ «Մելիքը տեր էր, տիրապետող, այն էլ ինքնագլուխ ու միահեծան, ոչ ոք իրավունք չուներ ընկերանալ նրա իշխանությանը: Ամենուրեք պիտի հնազանդվեին մելիքին, կատարեին նրա հրամանները, որովհետև մելիքը բարձր իշխանության կողմից նշանակված իշխանավոր էր: Իր կողմից մելիքը պարտավոր էր լինել արդարադատ, պիտի հոգ տաներ իր երկրի բարօրության մասին.»²⁷⁸: Չնայած Արցախի մելիքները իրենց տիրույթներում ունեին

*«Մելիք» սեմական ծագում ունեցող բառ է, որ նշանակում է իշխանավոր, տիրակալ, քաղավոր:

անսահմանափակ իշխանություն, բայց և այնպես միջնադարյան խավարի ու հետամնացության պայմաններում լեռնաստանում գործում էին նաև ժողովրդավարական սկզբունքներ, որոնք հարիր են ժամանակակից քաղաքակրթությանը, այն էլ շատ դեպքում՝ եվրոպականին: Այսպես, մելիքներին սովորաբար փոխարինում էր նրանց ավագ որդին: Սակայն նրանք իրենց պարտականություններն ու իրավունքները ստանձնում էին ժողովրդի համախոսական-համաձայնությունից հետո²⁷⁹: Ահա Արցախում ժողովրդի և իշխանության այս միասնությունը դարձավ ազգային ինքնորոշման պահանջան հիմնական գրավականը: Եվ այդ միասնական կենարար ուժը հզոր ազդակ հանդիսացավ երկրի ազատության գործին: Արցախի լեռներում հետագա դարերում ծնվեց հայրենիքի՝ Մեծ Հայաստանի ազատագրության գաղափարը:

դական ուժերը:

16-րդ դարի քուրք պատմագիր Փեչևին որպես ականատես նկարագրում է այն ավերածությունները, որ կատարեց օսմանյան բանակը Երևանի նահանգում, Նախիջևանում, Սյունիքում և Ղարաբաղում. »Նրանք Երևանում-գրում է Փեչևին,-շահի որդու և մի շարք անվանի խաների ու սուլթանների հոյակապ և գեղազարդ պալատները, պարտեզներն ու այգիները, հատկապես «Մուլթանական բաղ» անունով հայտնի դրախտանման այգիները, բոլորը հրի մատնեցին, այրեցին ու հողին հավասարեցրին: Այնուհետև մտան Ղարաբաղ կոչված երկիրը, որն իր լեռներով և հարուստ այգիներով շատ հայտնի մի գավառ է Աջեմի (Պարսկաստանի-Վ.Բ.) երկրում: Անսպասելի կերպով երկիրը մի այնպիսի փոշով ծածկվեց, որ մարդը մարդուց չէր կարելի ջոկել, լուսավոր ցերեկը մութ գիշերվա վերածվեց: Այս գավառի բնակչությունն այնպես էր ցրվել ու ոչնչացվել, որ մարդու հետք անգամ չէրևաց: Սակայն գտնվեցին որոշ տեղերում պահված և քարայրներում քաքցված զանձեր ու զանազան ապրանքներ: Բանակն անսահման հարստություն ու ավար ձեռք բերեց, իսկ հարստությունների մի մասը, որ տանելու հնարավորություն չկար, կրակ տվին ու այրեցին»²⁸⁰:

Այս ամենին եթե ավելացնենք նաև ժամանակակից Հովհաննես Ծարեցու նկարագրությունը համատարած մահտարածամի մասին, որ առաջացավ երկրում պատերազմի ժամանակ կամ հետագայում տեղի ունեցած նախնիրներից, ավերումներից ու ավարառումներից հետո²⁸¹ պատկերը ամբողջական կլինի:

1552թ. Շահ-Թամազը արշավում է դեպի Արևմտյան Հայաստան: Թուրքերի հակահարձակման հետևանքով Շահ-Թամազը հետ է նահանջում՝ իր հետ բռնագաղթեցնելով հազարավոր հայերի: Տեղահանված հայերի մի մասը գերադասեցին ապաստանել համեմատաբար ապահով Ծարա իշխանության սահմաններում²⁸²:

1555թ. պատերազմող կողմերը Ամասիայում հաշտություն կնքեցին: Այսրկովկասը անցավ Պարսկաստանի գերիշխանության տակ:

Հայ և այսրկովկասի մյուս ժողովուրդների ազատագրական պայքարի հետագա հնարավորությունները խափանելու նպատա-

կով 16-րդ դարում պարսկահպատակ տարածքներում ստեղծվեցին ռազմա-վարչական 3 միավորներ՝ Շիրվանի, Չուխուր Սադի (Երևան և Նախիջևան) և Ղարաբաղն բեկլարբեկությունները²⁸³:

Ամասիայի հաշտության պայմանագրից հետո Այսրկովկասով անցնող երկու տերությունների բաժանարար գիծը չէր բավարարում Թուրքիային և Պարսկաստանին:

1578թ. Պարսկաստանում գահին տիրացած Մուհամեդ Խուդաբանդայի դեմ պայքար սկսեցին կրզղըբաշ ընդդիմադիր ցեղապետերն ու ավագանին: Քաղաքացիական պատերազմի ասպարեզ դարձան Խորասանի, Համադանի, Առանի և Ղարաբաղի երկրամասերը:

Ստեղծված խառնակ վիճակից օգտվելով Թուրքիան ծավալուն պատերազմական գործողություններ սկսեց Պարսկաստանի դեմ:

1578թ. քուրք գորավար Մուստաֆա Լալա-փաշայի գորքերը մտնելով Այսրկովկաս, գրավեցին Շիրվանը: Երկու տարի անց նրանք խուժեցին Ղարաբաղ, այնուհետև ավերեցին Երևանն ու հասան Գեղարքունիք:

Թուրքական մահաբեր Յաթաղանին ուղեկցում էր սովն ու մահ-տարածամը:

Պատմիչի վկայությամբ մարդիկ սնունդ հայթհայթելիս այլևս չէին տարբերվում զազաններից: Մարդիկ ուտում էին ինչ պատահեր, երբեմն էլ հարձակվում էին անպաշտպան անասունների վրա, միսը հում-հում ուտում: Իսկ ուժասպառ եղածները փողոցներից հավաքում էին ոսկորները և բերանները առնելով մռնչում էին: Հին տրեխները և կաշե փոկերը եփում ուտում էին: Գարնան բացվելուն պես սևացած մաշկով մարդկանց հոտը քափառում էր դաշտերում՝ սնվելով վայրի խոտաբույսերով: Մարդկանց մեծ մասը ուռչելով մահանում էր: Տասնյակ դիակներ անթաղ մնացին: Այս կամ այն գյուղերում քաղցից խելագար մարդիկ իրար միս էին ուտում: Անթաղ դիակներ ուտելով՝ վայրենացել էին շները: Գայլերի ռհմակները, մտնելով գյուղերը, խժռում էին անպաշտպան մարդկանց²⁸⁴:

Թուրքերը չբավարարվելով դրանով, մի քանի տարի անց Օսման Յուզղենի գորավարի գլխավորությամբ Գրիմի քաթարները և հյուսիսային Կովկասի խառնամրոխ ցեղերը, անցնելով Կուր գետը,

ասպատակեցին Գանձակը, Պարտավը, Ջրաբերդը, Խաչենը, Վարանդան, Գիգակը՝ մահ ու ավեր սփռելով մինչև Երասխ գետը²⁸⁵: Այս ավառարությունից ժամանակավորապես փրկվեց միայն Արցախի Ծար գավառի բնակչությունը: 1582թ. թուրքական մեկ այլ գորարբանակ, գավթելով Սևանա լճի ավազանի գավառները, մտան Ծար և տեղի բնակչությանը հավածեցին մինչև Գանձակ²⁸⁶:

1580-ական թվականներին թուրքերի անընդմեջ կրկնվող արշավանքների հետևանքով պարսիկները դուրս մղվեցին Հայաստանից, Վրաստանից և Ատրպատականից: Օսմանցիները տիրացան Թավրիզ քաղաքին: Այդ ժամանակ Սեֆևյանները իրենց իշխանությունը լիակատար կործանումից փրկելու համար նրանց ներկայացուցիչ և պարսից գահին տիրացած շահ Աբբասը (1587-1629թթ.), բանակցելով թուրքերի հետ, 1590թ. մարտին պարսիկների համար շատ քանկ գնով հաշտություն կնքեց: Նրանք ստիպված եղան թուրքերին զիջել Հայաստանը, Վրաստանը, Աղվանքը և Ատրպատականը՝ Թավրիզ քաղաքով:

Հայ ժողովրդի համար ստեղծվեց առավել ծանր մղձավանջային վիճակ: Առանձնապես ժողովրդի համար սոսկալի չարիք դարձավ մանկահավաքը: Սուլթան Սուլեյման 1-ը, իր ենիչերական զորամասերը համարելու նպատակով, կարգադրեց երկուսից-հինգ տարեկան տղաներին հավաքել, առանձնացնել և զորանոցային պայմաններում նրանց վարժեցնել զինվորական գործին:

Նման պայմաններում հայ ժողովուրդը ընտրեց չարիքներից փոքրագույնը՝ փորձելով համագործակցել պարսիկների հետ և ազատվել թուրքական անագորոյուն լծից:

Հայերից, վրացիներից, քրդերից ներկայացուցիչներ գնացին Շահ-Աբասի մոտ և նրան խնդրեցին, որ նա ազատագրի Հայաստանը, Վրաստանը, Ատրպատականը օսմանյան թուրքերի լծից:

Արցախից՝ Մարուխան բեկը և իր եղբայր Նազարը Ոսկանապատ գյուղից, Օղլան քեչիչը և իր եղբայր Գալարեկին՝ Հաթերքից, Ջալալ բեկն իր եղբոր որդիներով Խաչենից, մելիք Սուջումը՝ Գիգակից, մելիք Փաշիկը՝ Քոչեզ գյուղից, մելիք Բարան՝ Բրիտաս գյուղից, Մելիքսեթ եպիսկոպոսը՝ Վերին Չակամից՝ Մելիքգատա գյուղից, մելիք Հայկազը՝ Քշտաղսի գավառի Խանաձախ գյուղից: Իսկ Գիգա-

կի գավառի չորս գյուղերի բնակիչներ միանգամից բողեցին իրենց բնակավայրերը և գնացին Պարսկաստան: Շահը սրանց բնակեցրեց Սպահան քաղաքում^{С287}:

Թուրքիայի դեմ պատերազմելու համար երկարատև նախապատրաստությունից հետո 1603թ. շահ Աբբասը անցավ Արաքսը և խանդավառ ընդունելություն գտավ մեծահարուստ Ջուղայի հայ խոջաների կողմից: Արաքսի ափից մինչև խոջա-Խաչիկի ապարանքը փռված էին գորգեր: Շահ Աբբասին հաջողվեց գրավել նաև Երևանի բերդը: Թուրքերը կենտրոնացնելով իրենց ուժերը անցան հակահարձակման: Շահ Աբբասը, վարելով այրված հողի տակտիկան, հրամայում է իր զորքին հետ նահանջել, ամայացնելով թուրքերի հարձակման ուղղությամբ ընկած շրջանները, իսկ բնակչությանը քշել դեպի խորը քիկունք, քշմամուն գրկելով հանգրվանի և պաշար ձեռք բերելու հնարավորությունից:

Արարատյան դաշտավայրը դարձավ հարևան գավառներից հավաքագրված գաղթականության հավաքատեղի: Բռնագաղթի ենթարկվեցին նաև Սևանա լճի ափամերձ շրջանները, այդ թվում նաև Ծարի բնակչության մի մասը:

Հայոց պատմության մեջ իր չափերով նախընթացը չունեցող այս ահռելի գաղթաշարժը կործանարար եղավ հայ ժողովրդի համար: Պարսկաստանի խորքերը քշվեցին շուրջ 300 հազար հայեր: Հայոց հողի վրա թուրք-պարսկական բախումները շարունակվեցին մինչև 1639թ.: Այն ավարտվում է Կոստանդնուպոլսում կնքված հաշտությամբ: Պարսկաստանին անցան Հայաստանի արևելյան նահանգները՝ Գուգարքը, Շիրակը, Արշարունիքի մի մասը, Արարատյան դաշտը, Սյունիքն ու Արցախը և Վասպուրականի արևելյան հատվածը: Չնայած Շահ Աբբասը և նրա հաջորդները հայության նկատմամբ կատարեցին դաժանություններ, բայց և այնպես Իրանի խորամանկ տիրակալը, լավ ծանոթ լինելով հայ զինվորների քաջությանը, փորձեց Արցախի մելիքների ուժը օգտագործել թուրքիայի ծավալապաշտության դեմ: Այդ նպատակով նա խրախուսեց մելիքական կարգը, օրինականացրեց նրանց իրավունքներն ու պարտականությունները:

Առանձին ծառայությունների համար շահերը մելիքներին գյու-

ղեր էին նվիրում, նրանց իրավունք էր վերապահվում պահել մշտական գորք: Մելիքները պարտավոր էին պաշտպանել երկրի սահմանները, շահին հարկեր վճարել, մասնակցել նրա արշավանքներին:

Չնայած Արցախի մելիքությունները պարսից տերության կազմում օգտվում էին միայն ներքին ինքնավարության կարգավիճակից, բայց և այնպես հայկական այդ մանր իշխանությունների տերերի ճկունության, քաջության և անձնական բազմաթիվ այլ բարեմասնությունների շնորհիվ դարձան հայության ինքնության պահպանման երաշխիք, նպաստեցին հայկական ինքնատիպ մշակույթի զարգացմանը և դարձան ապագա ազատագրական պայքարի գաղափարախոսներն ու առաջնորդները:

Արցախի մելիքների մի մասը իրենց անձնական կապերի շնորհիվ մեծ հեղինակություն ունեին պարսից արքունիքում:

Աղբյուրների վկայությամբ Գեղարքունիքի տեր մելիք-Շահնագար Ա-ն (1570-ական թվականներ-1606թ.) վայելել է պարսից արքունիքի հովանավորությունը:

Մելիք-Շահնագար Ա-ին հաջողվեց իր որդու՝ Յավրի բեկի հետ միասին թուրք ասպատակիչներին հալածել Գեղարքունիքից:

Այդ ժառանգության համար Շահ-Արքասը հրովարտակով վավերացրեց սերնդե-սերունդ իրենց գավառում իշխելու Մելիք-Շահնագարյանների մելիքական իրավունքը²⁸⁸:

1606թ. շահ Արքասը դեպի Թիֆլիս կատարած ռազմերթից վերադառնալու ժամանակ Մազրայում հյուրընկալվեց Մելիք-Շահնագար Ա-ի որդիներ Յավրի և Քամալ բեկերին: Վերջիններիս շահը թանկագին նվերներով պատվեց, դաստակերտեր ու գյուղեր տվեց և թագավորական կնիքով հաստատեց նրանց իրավունքները Գեղարքունիքի վրա²⁸⁹:

Շահի արքունիքում մեծ հեղինակություն ուներ նաև Քաշաթաղ գավառի մելիք-Հայկազը²⁹⁰, որի ապարանքը առայսօր պահպանվում է Աղավնագետի հովտի գյուղերից մեկում նախկին Լաչինի շրջանի Սուլթանքյանդում: «Իբրև խոշոր կալվածատերեր և արևելյան վասալներ՝ մելիքները մեծ հարստություն էին դիզում և ապրում էին ճոխության մեջ, հետևելով, իհարկե, պարսկական ճաշակին և

բարձրաստիճան ավագանու նիստ ու կացին, բայց մնալով միաժամանակ կատարյալ ժողովրդական մարդիկ, ժողովրդի մեջ ապրող և ժողովրդի հետ շփվող՝ առօրյա կյանքի բոլոր մանրամասնությունների մեջ: Նրանք ունենին շատ խոշոր տնտեսություն և ծառաների հոծ բազմություն»²⁹¹:

Երկրամասի անդորրը պահպանելու համար Արցախի մելիքները լեռնային անմատչելի ծերպերում ժամանակի ընթացքում կառուցել էին տասնյակ ամրոցներ, որոնք բազմիցս դիմակայել են ահարկու թշնամու գերագանցող ուժերին:

Շահ-Աբրաար մի կողմից խրախուսելով Արցախի մելիքներին և մյուս կողմից էլ նրանց միասնության մեջ վտանգ տեսնելով, հետագա բարդություններից խուսափելու նպատակով Պարսկաստանի խորքերից քրդական ցեղեր տեղափոխեց և բնակեցրեց Սյունիքի ու Արցախի մելիքությունների միջև՝ Արաքսի փիղի մինչև Մոռվի փեշերը: Այդ ժամանակներում տեղի էին ունենում նաև լեզվական ներթափանցումներ: Եվ այսպես էր, որ Արցախի Բերդաձոր գավառը դարձավ Լաչին, Քարվաճառը՝ Քելրաջար, Ծարը՝ Չառի, Լեռնաբերդը՝ Լեհ, Մոզը՝ Մոզքյանդի, Ջերմաջուրը՝ Իստիսու և այլն:

Տնվորի կեցվածքով եկվորները անմիջապես չկարողացան տեր դառնալ հայկական երկրամասին: Դրա մասին է վկայում Քարավաճառի(Քելրաջարի) և Քաշաքաղի(Լաչին) շրջաններում ներկայումս պահպանվող 17-18-րդ դարերում կառուցված եկեղեցիների, մատուռների մնացորդները:

Չնայած դժնդակ ժամանակներին, Արցախի մելիքական տները, սպավինած լեռնաստանի անմատչելի բարձունքներին, չնայած տկար, բայց և այնպես շարունակեցին պահպանել հայկական պետականության բեկորները: 17-րդ դարի երկրորդ կեսի և 18-րդ դարի սկզբների Արցախի մելիքությունների պատմության վերաբերյալ գրավոր սակավ տեղեկություններ են պահպանվել: Դրան հակառակ՝ պահպանված եկեղեցիների, խաչքարերի, հասարակական նշանակության կառույցների՝ կամուրջների, աղբյուրների վիմագրերը լույս են սփռում վերոհիշյալ ժամանակաշրջանի պատմության մութ կողմերի վրա:

Վավերագրերից ու վիմագրերից հայտնի են այդ շրջանի մի շարք մելիքների անունները:

Սողքի մելիք Քամալին հաջորդել է նրա ավագ որդի Աստվածապովր: Սրան էլ հաջորդել է իր որդի Մելիք-բեկը՝ հիշատակված մինչև դարի 17-րդ դարի 70-ական թվականների վերջը, որին էլ փոխարինել է Շահնագար Բ-ն²⁹²:

Սրանց հետ միասին հիշվում են մելիքների Ճարա ճյուղի այլ ներկայացուցիչներ՝ Ջհանգիր բեկը (հիշ. – 1676 թ.)²⁹³, Մելիք Միրզախանը (հիշ. - 1684թ.²⁹⁴ - 1701թ.)²⁹⁵,

Մելիք Բեկը (հիշ.-1717թ.)²⁹⁶:

Այդ շրջանից մեզ հասած հիշատակարաններից մեկում Ճարը ներկայացվում է Փոքր Սյունիք ձևով²⁹⁷, որտեղ մինչև 18-րդ դարի 30-ական թվականները բնակվում էին բացառապես հայեր: Ընդհուպ մինչև 18-րդ դարի առաջին քառորդի վերջերը, շրջանի (ներկայիս Քարավաճառի) տարածքում գոյություն են ունեցել շուրջ 140 մեծ ու փոքր գյուղեր²⁹⁸: Արցախահայության խռովահույզ կյանքը բեկբեկումներով հասավ 18-րդ դարի սկզբների ազատագրական պայքարի շրջանը:

դին յայտնի Միպտակ երեցը, որ նրանց երկար խօսք ու գրույցը կտրում է հետեւեալով.- ամենից լաւ հնարն է, վեր կացէք գիշեր ժամանակ ձեր տներում քնոտած շուն-լէզգիներին կոտորեցէք, որ միանգամ աչքները վախենայ, մեր երկիրը ոտք չկոխեն: Այս պատուէրը իսկութեամբ կատարեց մեծ մասը, բացի մի քանի վախկոտներից: Լէզգիներին կոտորելու լուրը հասաւ Գաղստան, անթիւ անհամար լէզգիք թափուեցին Խոթայ վանքի մօտերը, ժողովուրդն իր ընտանիքն առած խոր ծնակներն ապաւինեց, իսկ նրանց թողած տներն ու իրերը կրակի բոցերին մատնուեց»²⁹⁹:

Պարբերաբար կրկնվող ավերիչ արշավանքների առաջն առնելու նպատակով անջատ-անջատ գործող Արցախի մելիքները, ապավինած իրենց անառիկ բերդերին, ստեղծեցին զինական միասնություն, որը պատմությանը հայտնի է սղնախներ անունով: «Սըղնախ»-«սըղմախ» թուրքական բառ է, որ նշանակում է «սեղմել»-«ամրացնել»: Ռուսական վավերագրերում «սղնախի» փոխարեն գործ էր անվում «армянское собрание», որը պետք է թարգմանվի «հայկական հավաքատեղի կամ հավաքույթ»: Ջենքի վարպետներն օգտագործում էին տեղում եղած երկաթի, պղնձի, արճնի, արծաթի հանքերը, վառող պատրաստելու պարագաները՝ աղբորակ և ծծումբ: Բազմաքանակ էր նաև սղնախականների զինական ուժը: Կարիքի դեպքում հայ գորքերի և զինապարտների թվաքանակը մի քանի հազարից երբեմն հասնում էր երեք-չորս տասնյակ հազարի, իրենց շարքերում հաշվելով 30 հազար ձիավոր և 10 հազար հետևակ³⁰⁰:

1722թ. գարունը բացվելուն պես Գաղստանի լեռնականների մեծաքանակ գորքերը անցնելով Դորա Պահակը ավերեցին վաճառաշահ Շամախի քաղաքը ու հայտնվեցին Արցախում³⁰¹: Այս անգամ լեզգիների առաջ երկիրը անպաշտպան ու անպատրաստ չէր: Լեռներում ամրացած կանոնավոր և վարժված գորքը Ջրաբերդի շրջակայքում արժանի հակահարված հասցրեց թշնամուն:

Գրա մասին է վկայում նաև Գարաբաղի չորս մելիքների նամակը Պետրոս Մեծին «Մեկ տարի է, որ երկիրս Ադուանից գերի է ձեռքս լազգոց, նոքայ կոտորէյին և եսիրն տանէյին, ես մնացածն տեղոյս բռնակալաց թուրքերն այրելով, խորովելով հարկս բահանջէին

ամենն քախտու քալան յափշտակեյին: Եվ մերումս անճար մնալով ծեռս տվար միմեանց, ես ծառայից ծառայ Եսայիս և այր ոմն Շրվան անուն, ևս Սարգիս անուն, որ այս երկուքս ի Չարայայերթու (Ջրաբերդ) են, ևս Եսայի Պարտայու և մելիք Յովսէփ ի գանճայու, միմեանց ծեռ արկար Ժ(10) և ԺԲՌ-(12000) մարդ ժողովեցանք, պատերազմ մտանք կամ թե լազկոյ հետ կամ թե տանս Աղուանից թուրքաց հետ. ամուր ծայրս քարանց սրղնաղ կապեցինք ի մեծի թագաւորիդ սուրդ աղօթին շատ կոտորումն և յաղթութիւն ենք առեալ ի վերայ թուրքաց...»³⁰²:

Վերոհիշյալ չորս մելիքների ներկայացրած զինվորականությունը կենտրոնացված էր Ջրաբերդ և Գյուլիստան գավառներում, Մռովի ստորոտում: Այն հայտնի է նաև Մեծ սղնախ անունով: Ի սկզբանե Մեծ սղնախի զինվորականության ղեկավարն ու ոգեշնչողը Գանձասարի կաթողիկոս Եսայի Հասան-Ջալալյանն էր: Հայոց զորքի մի մասը տեղակայված էր Քիրսի ստորոտում՝ Վարանդայի Ավետարանոց և Սղնախ գյուղերի տարածքում, ինչպես նաև ներկայիս Շուշի քաղաքի շրջակայքում: Մինչև այժմ էլ Շուշիի հարավարևելյան հանդիպակած ձորի անմատչելի ծերպերում պահպանվում են պաշտպանական կառույցների մնացորդները: Փոքր սղնախը գլխավորում էր Ավան հարյուրապետը, որը մինչև 1717թ. Շամախու խանական զորքերի մեջ ծառայող հայ զինվորականներից էր:

Գրանցից բացի դեպի լեռնային երկրամասի խորքերը տանող հանգույցակետերում դեռևս վաղ միջնադարից գոյություն ունեցող բերդամրոցներն ու պատնեշները վերանորոգվում և կառուցվում էին նորերը: Այդ տեղերում նույնպես ստեղծվում են սղնախներ: Փաստորեն Գյուլիստանի, Ջրաբերդի, Ավետարանոցի, Սղնախի և Շուշիի սղնախներից բացի սղնախներ են եղել նաև Բաղարա գյուղի մոտակայքում, Հերիեր ու Ծովատեղ գյուղերի քիկունքում՝ Քոչիգում, Տոդ և Տումի գյուղերում: Արցախի տարբեր գավառներում, այդ թվում Ծառում ստեղծվում են նաև տեղական բնույթի մանր զորակայաններ:

Հայոց զորքերի կողմից ջախջախված ավարառու լեռնականները նահանջեցին դեպի Կուրի ձախափնյակը և այլևս չհամարձակվեցին երևալ Գարաբաղի կողմերում:

Անարգ թշնամու դեմ միակամ էին դարձել լեռնաստանի մելիք-

ներն ու սոցիալական մյուս խավերը: Մինչև անգամ մի խոսքի եկան Գանձասարի Եսայի կաթողիկոսն ու նրան թշնամի Երից Մանկանց վանքի հակաաթոռ կաթողիկոս Ներսեսը*:

Հյուսիսային լեռնականների դեմ ինքնապաշտպանության գործը տարերայնորեն վեր է ամփում պարսկական իշխանության դեմ ուղղված ժողովրդա-ազատագրական շարժման: Այդ շարժման ղեկավարները ժամանակին այս երևույթի մեջ նշմարում էին հայոց ազգային հանգամ իշխանության «նոր նորոգում»³⁰³:

Հայկական ինքնավարության տեղական մարմիններն իրենց ուժերը լարում էին լեռնահայաստանում պարսկական իշխանության մնացուկները վերացնելու համար: 1722թ. Գյուլիստանի, Ջրաբերդի և Գանձակի հայ զինված ուժերը ջանքեր էին գործ դնում պաշտպանելու Լեռնային Ղարաբաղի մատույցները և փակելու Գանձակի ու Թիֆլիսի ճանապարհները պարսիկ և նրանց հարող այն խաների առաջ, որոնք հարկեր էին պահանջում նրանցից կամ հարկահանության պատրվակով ավերում ու թալանում էին հայկական գյուղերը: Նման զինաբախումներ տեղի էին ունենում նաև հարևան շրջաններում: 1723թ. հոկտեմբերին Գիզակի մահալում (Հաղրուքի մոտ), հայկական զինված ջոկատները խանական հեծյալների հետ ունեցան զինաբախում, որի ժամանակ վերջիններս կորցրին 2000 մարդ³⁰⁴:

Արցախահայությունը ոչ միայն թոթափում է պարսկական լուծը, այլև Ավան հարյուրապետի գլխավորությամբ 1724թ. օգնության հասավ Սյունիքի ծանր մարտերում խիզախող Գավիթ-Բեկի գործերին: Սղնախների գործի Գափան գնալը տեղի է ունեցել արտակարգ իրադրության մեջ: Գափանից գրություն է ստացվել, որ Բարգուշատի սուլթանը և Նախիջևանի պարսիկ խանը՝ Պարսկաստանի դրածո ֆեոդալները, հարձակվել են Սյունիքի վրա, չորս-հինգ հազար տղամարդ կոտորել և կանայք գերի տարել³⁰⁵: Համատեղ ուժերով թշնամուն հալածում են Սյունիքից:

* 1691թ. Ջրաբերդ գավառի Մեծ -Շեն գյուղի Սարգիս քահանայի որդի Սիմեոն եպիսկոպոսը Չոպլ լեռան անտառապատ մի խոր ձորի վրա շինեց Երից Մանկանց վանքը, հաստատվեց այնտեղ և ապա, ինքնագլուխ կաթողիկոս դառնալով, սկիզբ դրեց Գանձասարի դեմ ուղղած հակաաթոռության:

Արցախի հայկական ինքնավարության տեղական մարմինների ազատագրական ոգորումները համընկան Պետրոս Մեծի հայտնի Կասպիական արշավանքի հետ: Ռուսաստանը հետամուտ էր իրանական մետաքսի ամբողջ արտահանությունը Թուրքիայի ցամաքային ճանապարհներից շրջելու Գ-նեայրի, Կասպից ծովի և Վոլգայի ջրուղին և գրավելու Պարսկաստանի ծովափնյա նահանգները: Այդ նպատակի իրագործումը հնարավոր դարձավ, երբ Հյուսիսային պատերազմը մոտեցավ իր ավարտին: Այս բանը դարձավ հրամայական, քանի որ օսմանյան Թուրքիան, օգտագործելով Իրանի ծանր դրությունը, իրեն հայտարարում էր Այսրկովկասի և Ատրպատականի «օրինավոր ժառանգորդը», սպառնալով զինակալել Սեֆյանների տիրազրկված երկրամասերը:

Այսպես նախորդ փուլերում սկզբնավորված և ամրապնդված հայ-վրաց-ռուսական ռազմաքաղաքական դաշինքը դիվանագիտական ոլորտից անցավ կոնկրետ գործողությունների ասպարեզ, նպատակ ունենալով Այսրկովկասն ազատել Պարսկաստանի, ապա Թուրքիայի տիրապետությունից և Ռուսաստանի հովանավորության տակ ստեղծել հայ-վրացական միացյալ պետություն:

Համաձայն Պետրոս Մեծի հանձնարարականի հայ-վրացական միացյալ ուժերը ռուսների հետ հանդիպելու էին Շիրվանում, որ շարժվում էին ռուսական զորքն ու նավատորմիդը: Հայ և վրաց ռազմական ուժերի հանդիպումը տեղի ունեցավ Գանձակի մոտ՝ Չոլակ գյուղում 1722թ. սեպտեմբերի 22-ին: Հայկական 10 հազարանոց ընտիր զորքին գլխավորում էին Եսայի կաթողիկոսը և Ավան, Շրվան, Շահնի ու Մարուխան հարյուրապետերը: Եսայի կաթողիկոսը հայտարարեց, որ հայերը իրենց հոգիները, զավակներին և ունեցվածքը ի սպաս են դնում սկսած գործին ³⁰⁶: Բայց ռուսական ու վրաց-հայկական զորքերի նախատեսված հանդիպումն ու միավորումը չիրականացավ: Մի կողմից միջազգային դրության լարվածության ուժեղացումը, մյուս կողմից ռուսական նավերի խորտակվելն ու վնասվելը, պարենի ու զինամթերքի հսկայական կորուստը, հիվանդություններն ու մարդկային զոհերը դժվարացրին արշավանքի ողջ ծրագրի կենսագործումը:

Այսրկովկասում դեպքերը զարգացան ի վնաս հայ-վրացական

զինակցության: Շահը Վաղթանգ 6-ին գրկեց Քարթլիի Վալիի և գո-րահրամանատարի պաշտոնից ու մեղադրեց «ղավաճանության» մեջ: Նրա փոխարեն շահը իրեն դրածո էր դարձրել Կախեթի քազա-վոր Կոստանդինին, որն ընդունել էր մահմեդականությունը (Մահ-մուդ-Գուլի անունով) հայտարարվել նաև Երևանի, Գանձակի ու Գարաբաղի բեկլարբեկ և հրաման ստացել՝ պարսից զորքով գնալ Վախթանգի դեմ ու գրավել Թբիլիսին: Թողնելով Վրաստանի մայ-րաքաղաքը, Վախթանգը ստիպված եղավ անցնել Ռուսաստան:

Արտաքին աշխարհից մեկուսացված հայ զինվորականությունը միայնակ կանգնեց պարսիկների, թուրքերի և լեզգիների դեմ: Մա-կայն, այս վիճակում իսկ, լիակատար հուսահատության չմատնվե-լով, սղնախականները լարում էին իրենց ամբողջ կարողություննե-րը՝ երկրի ինքնապաշտպանությունն ապահովելու համար:

Ստանձնելով այսքան բացառիկ մի դեր, հայ զինվորականու-թյունը դառնում է երկրի գերագույն տերն ու տնօրենը, կենտրոնաց-նում իր ամբողջ իշխանությունը, և այնուհետև բանակցություններն ու դիմումներն առանձին անհատների անունից չէին վարվում, այլ հայոց սղնախների անունից: Ամեն տեղ բորբոքվեց տեղային մանր, լեռնական պատերազմը:

1723 թվականին Արցախի սղնախականների համար սկսվեց փորձության մի նոր շրջան: Այս անգամ լեռնաստանի հայությանը վիճակված էր դիմակայելու ավելի վայրագ ու ահեղ թշնամու՝ թուր-քերին, որոնք համառորեն փորձում էին հասնել Կասպից ծովի ափե-րը: Թբիլիսին գրավելուց հետո 1723թ. հոկտեմբերին թուրքական 80 հազարանոց զորքը Իբրահիմ փաշայի զլխավորությամբ շարժվե-ցին դեպի Գանձակ: Քաղաքի պաշտպանությանը մասնակցում էին նաև սղնախների մարտական ուժերի մի մասը: Թուրքական զորքը պարտություն կրեց և նահանջեց, Գանձակի պատերի տակ թողնե-լով հազարավոր սպանվածներ: Դեռ ավելին, հայ զինվորականու-թյան պահանջով Իբրահիմ փաշան ազատ արձակեց քաղաքի շր-ջակա գյուղերից գերեվարված հայերին: Ականատես լինելով հայ-կական բանակի մարտունակությանը, Իբրահիմ փաշան Ավան հա-րյուրապետին հակապարսկական և հակառուսական ճակատ ստեղծելու առաջարկություն արեց: Հայերը մերժեցին:

Իր հերթին Պետրոս Մեծը հակաթուրքական ճակատ ստեղծելու և սղնախների հետագա անելիքները պարզելու նպատակով Այսրկովկաս է ուղարկում դեսպանորդ Իվան Կարապետին: Նույն թվականի դեկտեմբերի վերջին Իվան Կարապետը հասնում է Վարաբադ, իր հետ բերելով Պետրոս Մեծի հրովարտակը:

Հուշագրում նշվում է, որ Պետրոսը հայերին վերցնում է իր պաշտպանության տակ, հուսադրում, որ կօգնի նրանց ազատվելու, սակայն մինչ այդ Ռուսաստանը պետք է ամրապնդի իր դիրքերը մերձկասպյան շրջաններում և նախապատրաստվի Հայաստանին օգնելու՝ համալրելով Գիլանում, Բաքվում ամրացված գորամասերը: Հայերին կոչ է արվում չթուլացնել իրենց դիմադրությունը, իսկ մեծ վտանգի դեպքում տեղափոխվել և բնակվել ռուսաց կողմից նոր նվաճված Կասպիականի ափերին³⁰⁷:

Ըստ էության Պյոտրի խոստումները անորոշ էին: Դեռ ավելին 1724թ. հուլիսի 12-ին Կ.Պոլսում ռուսական դեսպան Նեպլյունը Թուրքիայի հետ կնքեց պայմանագիր, որի համաձայն թուրքերը ճանաչեցին Ռուսաստանի տիրապետությունը՝ Գերբենդից մինչև Մազանդարան ընկած Կասպից ծովի առափնյա շրջաններում: Փոխադարձաբար ռուսները ճանաչեցին թուրքերի իրավունքները Իրանի այսրկովկասյան տիրույթների նկատմամբ, ներառյալ Թիֆլիս, Գանձակ, Նախիջևան քաղաքները, Վարաբադի ու Վափանի մարզերը, ինչպես նաև նրանց տիրապետությունը Արդեբիլ-Թավրիզ գծից դեպի հյուսիս և Թավրիզ-Քերմանշահ գծից դեպի արևմուտք ընկած իրանական հողերի վրա³⁰⁸:

Կոստանդնուպոլսի ռուս-թուրքական պայմանագրով չէր կարելի միջամտել կողմերի գրաված երկրամասերի գործերին, ուստի ռուսական արքունիքը պարբերաբար խուսափողական պատասխաններ էր տալիս օգնություն խնդրող հայերի նամակներին, միաժամանակ զգուշացնելով վրաց և հայ գործիչներին՝ չգրգռել թուրքերին: Մղնախների ղեկավարները ոչ միայն մերժեցին արտագաղթի ծրագիրը, այլև լարեցին իրենց վերջին ուժերը թշնամուն դիմադրելու համար:

Ստեղծված պայմաններում սղնախների առաջնորդները, շարունակելով բանակցությունները ռուսական իշխանությունների

հետ, միաժամանակ դաշնակիցներ էին որոնում մոտավորապես ժամանակներում քուրքական ագրեսիան կանխելու համար: Գլխավորապես առաջնության աղյուսակները նախապատրաստեց իրանական իշխանությունների, իրանական կողմնորոշում ունեցող վրաց ու մահմեդական ֆեոդալների և հայկական սղնախների միջև 1724թ. մարտի 24-ի Գանձակի պայմանագրի կնքումը: Հայկական կողմից պայմանագրի տակ ստորագրեցին Գանձասարի Եսայի կաթողիկոսը, Երից Մանկանց Ներսես կաթողիկոսը, Ավան, Միրզա, Թարխան, Բաղի, Մարգիս, Աբրահամ հարյուրապետերը և Թամբազ, Բաղի, Գրիգոր, Եզան և Գանիել մելիքները: Վերջիններս պարտավորվում էին հրաժարվել Գանձակի շիա մուսուլմանների դեմ իրենց ունեցած ապստամբական դիրքորոշումից և խոստանում օգնության գալ քաղաքի ազգաբնակչությանը՝ քուրքերի կամ լեզգիների կողմից հարձակում լինելու դեպքում: Գանձակի կառավարիչները փոխադարձաբար խոստանում էին՝ մեղապարտ ճանաչել ու պատժել դաջարներին կամ քաղաքացիներին, եթե նրանք փորձեն կողոպտել սղնախներին ու Ղարաբաղի քրիստոնյաներին կամ օգնության չզան նրանց քուրքերից և եղիներից պաշտպանելու համար: Գանձակի մուսուլմաններն ու Ղարաբաղի սղնախականները 1725թ. 200 հոգուց բաղկացած պատվիրակություն են հղում շահ Թահմազի մոտ՝ տեղեկացնելու ստորագրված պայմանագրի մասին: Շահի մոտ պատվիրակություն գնաց նաև Գավիթ-Բեկի ղեկավարությամբ քուրքերի դեմ պայքարող դափանցիների կողմից: Պատվիրակները վերադարձան Ղարաբաղի և Ղափանի սղնախների ղեկավարներին շահի հղած խաղաղություն:

Այսպիսով, Գանձակի պայմանագրի ստորագրումից հետո, հայերի դիմադրական պայքարը շրջվելով քուրքական հարձակումների դեմ՝ ժամանակավորապես կորցնում է իր հակաիրանական բնույթը: 1724թ. Կոստանդնուպոլսի ռուս-քուրքական պայմանագրի ստորագրումից հետո քուրքական հրամանատարության առաջնահերթ խնդիրն էր՝ վերացնել Ռուսաստանի և Թուրքիայի արանքում գոյություն ունեցող հայկական սեպը: Այդ խնդիրը լուծելու համար 1724թ. հունիսին քուրքական գործը Գլուխի վրայով մտավ Արարատյան դաշտը, այնուհետև գրավեցին Նախիջևանն ու Օրդուրա-

ղը, ապա թափանցեցին Գողթն, իսկ հարավում նվաճեցին Համաղանը: Չորս կողմից արցանի մեջ առվեց Երևանը: Չնայած քաղաքի հերոսական պաշտպանությանը, սեպտեմբերի 26-ին պաշարված Երևանը անձնատուր եղավ: Երևանի անկումից հետո թուրքական բանակը առաջ շարժվեց և գրավեց Թրիխսին, Ղազախը, Լոռին և մոտեցավ Գանձակին:

Երևանը գրաված թուրքական հրամանատարությունը հարկադրեց Էջմիածնի Աստվածատուր կաթողիկոսին՝ նամակ գրել Գանձասարի Եսայի կաթողիկոսին և խորհուրդ տալ նրան, որ նա համոզի Արցախի մելիքներին՝ պատգամավորներ ուղարկել թուրքական հրամանատարության մոտ և իրենց հպատակությունը հայտնել, այլապես նա սպառնում է մտնել Ղարաբաղ և կոտորել հայերին:

Ղարաբաղի քաղաքական շրջանները որոշել էին մինչև վերջ կռվել թուրքական բանակի դեմ, ուստի և մերժեցին թուրքերի առաջարկը: Թուրքական 4700 հոգուց բաղկացած զորքը Շահին, Սալահ և Ալի փաշաների գլխավորությամբ Գանձակի կողմերից մտան Վարանդա, տեղավորվելով գավառի 33 գյուղերում: Տեղացիները զգալով, որ չեն կարող դիմադրել թվով գերակշռող թշնամուն, առերես ընդունեցին նրանց հպատակությունը և կեր ու խումից հետո Դիզակի մելիք Եգանի և Վարանդայի մելիքի աղջկա Գայանեի գլխավորությամբ, մի գիշերվա մեջ նախօրոք դրված պայմանով կոտորում են թուրքերին: Գայանեն անձամբ դեկավարում է գործողությունը Ավետարանոցում և ինքն էլ սպանում է իրեն հետապնդող Սուլեյման բեկին: Եսայի Հասան-Ջալալյանի տեղեկությունների համաձայն միայն 150 ասկյարի հաջողվեց փախչել: Ղարաբաղցիները ազատեցին 200 գերիների և իրենց հերթին գերեցին Սալահ փաշային:

Թուրքերի դեմ մղվող պայքարում Արցախի հայության անկոտրում կամքի մասին է վկայում նաև Մարտիրոս եպիսկոպոսի 1726թ. հունվարին Գերբենդի պարետին ուղղված հետևյալ տեղեկությունը. «Թուրքական փաշան Գանձակից գրել է Մղնախների հայերին, որպեսզի նրանք ուղարկեն 5 տարվա հարկը, առաջարկելով՝ եթե դրամը ձեզ մոտ պատրաստ է, ուղարկեցեք, իսկ եթե պատրաստ չէ, ապա հաճեցեք պատրաստել բոլոր տարիների համար: Իսկ եթե չուղարկեք, այն ժամանակ մենք կգանք և ուժով ձեզանից կվերցնենք:

Եվ նրանք՝ Սղնախների հայերը պատասխանել են նրան քե՛ մեզ մոտ դրամ չկա, բայց միայն ամեն մի մարդու մոտ մի հրացան է և մի սուր. եթե ցանկանում էք գալ եկե՛ք, մենք աստծու օգնությամբ պատրաստ ենք ձեզ դիմավորելու և ձեզանից չենք վախենում»³⁰⁹:

Սղնախականները շարունակում էին կռվել թուրքերի դեմ, միաժամանակ Եսայի կաթողիկոսն ու մելիքները, գորապետերն ու ռուսաց արքունիքի բանագնացներն անդադար նամակներ էին հղում ցարին ու նրա ազդեցիկ ներկայացուցիչներին՝ խնդրելով նրա խոստացած օգնությունն ու հովանավորությունը: Հյուսիսից ակրնկալվող օգնությանը հետամոտ լեռնաստանի զինավառ հայությունը մինչև վերջ վճռականորեն էր լցված հայրենիքի սահմանները անխաբար պահելու գործում: Այս մասին Իվան Կարապետը հայտնում է կանցլեր Գ.Ի.Գոլովիին. «Էսպես կռվարար խալդ, որ էստեղ կայ, ո՛չ ինչ ղեղ չկայ: Գլլայաշի երկրում (այսինքն՝ պարսկահայատակ Հայաստանում) էսօր ԺԲՌ(12000) մարդ ձիով ողջ չախմախով թուփանկ, ողջ թուրով հազիր են: ՈՒ առանց ձիով էլ յենչաք, որ աստուած ա խալար ու ողջին էլ թուփանկ կայ: Ամեն օր Ժ(10) թուփանկ այ շինում ու չախմախայ շինում: Էստեղ բան ան գտել արջիջի, էրկարքի ու պղնձի...»³¹⁰:

Գաժան մարտերը թուրքական բանակի դեմ շարունակվեց ամբողջ 1726թ. ընթացքում: 1726թ. հունիսի 15-ի նամակով Եսայի կաթողիկոսը, Ի. Կարապետը, Ավան, Արբահամ, Թարխան և մյուս յուզբաշինները Վանխքանգ 6-ին հայտնում են, որ հունիսի 10-ին Գանձակից թուրքական զորքը Խաչենի վրա է հարձակվել, ավերել Գազանչի, Գապրթու, Չանկաթաղ գյուղերը, թալանել ու գերեվարել բնակչությանը, բայց սղնախից գնացած հայկական զորքերը վրա են հասել, կոտորել թշնամուն, ազատել գերիներին ու վերադարձրել ավարը³¹¹:

1726թ. օգոստոսի 1-ին գեներալ Լևաշովը հայտնում է, որ սղնախների հայերը ետ են շարտել թուրքական մեծ ուժերի չորս խոշոր հարձակումները և մինչև այժմ էլ համառորեն կռվում են³¹²:

Հերթական ճակատամարտերից մեկի մասին հետաքրքրական տեղեկություն է պարունակում 1726թ. նոյեմբերի 15-ին Ավան և Օհան հարյուրապետերի արքունիքին հղած մի գրություն: Այս հարյուրապետերը, առանց ամսաթիվը նշելու հայտնում են, որ մի նոր

կռիվ է եղել իրենց բերդի մոտ և նրանք կոտորել են թուրքերից 800 հոգի, որոնց թվում երկու հրամանատարների:

Թուրքերը, ծանր հակահարված ստանալով, հետ են դարձել Գանձակ³¹³: Այս կռիվի մասին ռուսաց արքունիքին մանրամասն տեղեկություն է հաղորդել Իվան Կարապետը: Ըստ պատվիրակի տեղեկության, օսմանյան 40 հազարանոց բանակը լեզգիների օժանդակ ուժերի հետ միասին Սարը Մուստաֆա փաշայի գլխավորությամբ 1726թ. աշնանը խորացել էր Ղարաբաղի մեջ: Առաջին ճակատամարտը տեղի է ունեցել Շուշի բերդի շրջակայքում: Թուրքական բանակի ճնշման տակ հայ զինվորականությունը Ավան հարյուրապետի գլխավորությամբ ամրացան շրջակա բերդերում: Ներքին Սղնախների բնակչությունը պատսպարվում է Վերին Սղնախներում: Այնուհետև պատերազմական գործողությունների քառերաբեմը տեղափոխվեց Սիմեոն և Օհան հարյուրապետերի սղնախների շրջակայքը: Չորս օրվա համառ մարտերից հետո հայերը հաղթանակի հասան: Այս կռվում սպանվեցին թուրքական բանակի երկու հրամանատարներ: Ղրխչեշմե աղասին և Ենկիչար աղասին, իսկ Սարը Մուստաֆա փաշան փախուստի է դիմել³¹⁴:

Հայ-թուրքական պատերազմը օրեց-օր դառնում է ավելի կատաղի ու անխնա: Արյունահեղ կռիվները, ինչպես գրում էր Մինաս վարդապետը, տեղի էին ունենում համարյա ամեն օր³¹⁵: Ուշագրավ է գեներալ Գոլգորուկովի 1727թ. մայիսի 11-ին իր կառավարությանը հայտնած այն զարմանքը, թե ինչպես են հայերը դիմանում ստեղծված դրությանը. «Միայն աստված էր պահպանում հայերին, թե չէ՝ մարդկային խելքից բարձր է հասկանալ, թե դեռ ինչպես են նրանք պահվում այդքան գորեղ թշնամու առաջ»³¹⁶: Այնուհետև ռուս գեներալը 1727թ. հուլիսի 26-ին գրում է. «Երբորդ օրն է, որ Սղնախներից այստեղ է եկել հայ Հակոբը, նամակով, որ ուղարկել են ինձ Ներսես կաթողիկոսը, Աբրահամը, Սարգիսը, Ներսեսը և Պետրոսը: Նամակի մեջ նրանք գրում են ինձ, որ աստծո օգնությամբ, մեծ թվով թուրքեր են ջարդել, որի համար ես առաջիկայում ևս ամեն տեսակ բարիքներ եմ աստծուց մաղթում նրանց...»³¹⁷:

Արցախի հարավային սահմաններում անհաջողության մատնված թուրքերը այս անգամ էլ փորձեցին խոցել երկրամասի հյուսի-

սային դարպասները: Հայ զինվորականության հենակետներն էին դարձել Գյուլիստանն ու Ջրաբերդը: Հայերը ոչ միայն դիմադրում էին, այլև հաղթական մարտերից հետո թշնամուն հարկադրում են նահանջել Գանձակ:

Չկարողանալով կոտրել սղնախների հայության համառ դիմադրությունը, թուրքերը փորձում էին երկպառակտություն առաջացնել ազատագրական շարժման առաջնորդների միջև, նույնիսկ կաշառքներ էին առաջարկում Եսայի կաթողիկոսին:

Ազատագրական մարառումների ամենաթեժ պահին՝ 1728թ. վախճանվեց Եսայի Հասան-Ջալալյանը:

Կաթողիկոսի մահից հետո ռուսական կառավարության սին խոստումներից հոգնած և հետագա դիմադրությունը անհուսալի համարելով Ավան հարյուրապետն իր համախոհներով 1729թ. անցավ Ռուսաստան, ծառայության մտնելով ցարի բանակում: Նրան հետևելով, 1730թ. օգոստոսի 18-ին սղնախցիներից Գերբենդ են անցել 137 հայեր՝ հարյուրապետ Արբահամի, Ալավերդիի, Բաղիբի, Միմեռնի, եպիսկոպոս Պետրոսի և գնդապետ Գրիգորի հետ³¹⁸: Սղնախների առաջնորդների նման քայրը կորստաբեր եղավ լեռնաստանի հայության համար, բաց անելով աղետալի գաղթականության ճանապարհը, որն այնուհետև երկար ժամանակ դուրս էր ծծում երկրի կենսական հյութերը, թուլացնում և ուժասպառ անում նրան: Հայաթափումն աննախադեպ ու մասսայական չափեր ընդունեց հատկապես Ծար գավառից: Մի քանի տասնամյակների ընթացքում հայաշունչ այս գավառը գրեթե ամբողջովին հայաթափվեց: Արտագաղթածների մի մասը հանգրվանեցին Վրաստանում: Չիրքին գյուղի հայերը վերաբնակվել էին Տփղիսում, յանշաղցիները՝ Տփղիսից ոչ հեռու Տաբախմեղիք(այժմ՝ Տաբախմեղա գյուղը Գարդաբանի շրջանում) գյուղում, խութավանքցիների մի մասը՝ Շուլավերում: Արդեն 1760-ական թվականներին շրջանի տարածքը գրեթե լիովին հայաթափ էր, բացառությամբ Խութավան գյուղի և երբեմնի եպիսկոպոսանիստ ու թեմական կենտրոն Գաղի վանքի³¹⁹:

Ծարի լեռնային արոտավայրերը դեպի իրեն է ձգում Կուր-Արաքսյան տափաստանում ծվարած մահմեդական քոչվոր խաշնարած ցեղերին:

Արտագաղթի ճանապարհին էր բռնել նաև Արցախի մյուս գավառների հայ բնակչությունը: Գյուլիստանի սելիքների մի մասը հանգրվանել էր Կախեթի Թելավ քաղաքում և Վրաստանի կազմում գտնվող Գուգարքի Բողնոփոր գավառում (Բոլնիս): Արտագաղթածների մի մասը բնակություն են հաստատել Քարթլիի բազմաթիվ վրացական գյուղերում: Միայն շուրջ հարյուր գյուղ էին հիմնադրել արցախահայերը Շաքի և Շիրվան գավառներում³²⁰: Այս ճանապարհով Արցախի հայությունը Հյուսիսային Կովկասում հիմնեց ինը գյուղ³²¹:

Չնայած դրան սղնախների պայքարը շարունակվեց նաև հետագայում: 1729թ. գեներալ Գոլգորուկոզվը ցարին հղած մի դիմումի մեջ հավաստիացնում է, որ սղնախներում հազարավոր զինվորներ պահում են իրենց դիրքերը և ոչ մեկը նրանցից անձնատուր չի լինում թշնամուն³²²:

1729-1731թթ. հայ դիմադրական շարժման գլխավոր օջախը դարձավ Գյուլիստանի բերդը, որի հրամանատարը հայկական աղբյուրի համաձայն կոչվում է «Աբրահամ սպարապետ», իսկ սուլթանական ֆերմաններում քանիցս հիշվում է «Գյավուր Աբրահամ» անունով, որում նկատի է առնված ոչ միայն հայ ազգությունը, այլ երևի նրա ռազմավարության կատաղի բնույթը³²³: Ուշագրավ է, որ Գյուլիստանում ծավալված այս դիմադրական պայքարին մասնակցեցին 1722թ. Հայաստանից Լեհաստան փախած և 1728թ. Վարաբաղ վերադարձած հայ այն մարտիկները, որոնց զլուխ էր կանգնած Յուզբաշի Գրիգոր Ստեփանյանը³²⁴:

Ազատագրական շարժման նոր թափը կոտրելու համար սուլթանը «սրբազան պատերազմ» հայտարարեց հայերին և հատուկ ֆարմանով հրամայեց Երևանի Իբրահիմ փաշային, Բայազետում նստող Մահմուդ փաշային, քուրդ ամիրաներին և Գաղստանում, Շիրվանում ու Գանձակում տեղակայված իր զորքերին համատեղ ուժերով հիմնահատակ քանդել հայերի բնակատեղիներն ու ամրությունները³²⁵:

Սղնախների ազատագրական պայքարի ավանդները վախճան չունեցան: 1732թ. Ներսես կաթողիկոսը մամակով դիմեց գեներալ Վ.Լևաշովին թուրքական լուծը տապալելու գործում Արցախին ա-

ջակցելու խնդրանքով³²⁶: 1733թ. սեպտեմբերի 14-ին Այսրկովկասում Ռուսաստանի քաղաքական ծրագրերի մասին առաջարկություններով իր կառավարության առջև հանդես եկավ Պ.Շամֆիրովը. «Մղնախաների հայերի միջոցով այս քաղաքը (իմա՝ Շամախին-Վ.Բ.) վերցնելու դեպքում կարելի է ամբողջ փոքր Հայաստանը (իմա՝ Արցախը-Վ.Բ.) կամ ինչպես այժմ են անվանում՝ հայկական սղնախաները գրավել, որոնց բոլոր տարածքները հայ քաջ քրիստոնյաներով են բնակեցված և նրանք իրենք ինքնուրույն մի քանի տարի պաշտպանվում էին ինչպես թուրքերից, այնպես էլ պարսիկներից...»³²⁷:

Մղնախաների հայերի սխրանքները համընկնում էին թուրք նվաճողների դեմ ոտքի ելած իրանական ժողովուրդների համաշավիղ ընթացքին, որի գլուխ կանգնեց Պարսկաստանի նոր տիրակալ՝ Նադիր շահը: Պարսկաստանում կատարվող փոփոխություններին զուգահեռ Արցախում սղնախաների հիմքերի վրա ծնվեց վարչաքաղաքական նոր միավոր՝ Խամսայի մելիքությունները, որոնք մոտակա տասնամյակներում դարձան հայ ազգային ազատագրական շարժման նոր հանգրվաններ:

° † ☩ † ~ " " ~ † ' "

Շահ Արասից հետո, նրա հաջորդների ժամանակ, քեև Պարսկաստանը ապրեց առերևույթ խաղաղության մեջ, սակայն սկսվել էր նրա տնտեսական քայքայումը և քաղաքական անկումը:

Շահ-Հուսեինի օրոք աֆղանները՝ Մահմուդի ղեկավարությամբ, գրավելով հարավային Պարսկաստանը, ոչնչացնելով Սեֆյան տոհմի ներկայացուցիչների մեծ մասին, ժամանակավորապես իշխանությունը վերցրին իրենց ձեռքը:

Անիշխանության մատնված երկրամասերը ենթակա էին ամենասանձարձակ ահաբեկման և հարստահարության: Այդ ամենին գումարվեցին քուրքերի կողմից գործադրվող բռնությունները: 1727թ. հոկտեմբերին աֆղանները Թուրքիայի հետ կնքված պայմանագրով նրանց զիջեցին Այսրկովկասը, Քուրդիստանի, Խուզիստանի և Կենտրոնական Իրանի մի քանի նահանգներ:

Շահ-Հուսեինի որդին՝ Շահքամազը, որ փախել և գտնվում էր Մազանդարանում, լսելով հոր գահընկեցությունը, իրեն հռչակում է Պարսկաստանի տիրակալ և զորք գումարելով գալիս Թավրիզ: Համաժողովրդական պայքար է սկսվում ինչպես քուրքական, այնպես էլ աֆղանական բռնակալության դեմ:

Հանդես գալով Խորասանում և գլխավորելով կրզըրբաշ ցեղերի ապստամբական ելույթները, ինչպես նաև կարճ ժամանակում մի քանի վճռական հաղթանակներ տանելուց հետո, մեծ համբավ վաստակեց Աֆշար ցեղի Կրրկլու ցեղախմբի նախկին շարքային ռազմիկ Նադիրկուլի խանը:

Նա իր քաջությամբ գրավում է Շահ-Թահմազի համակրանքն ու վստահությունը, մտնում նրա մոտ ծառայության և նշանակվում

գորքերի հրամանատար՝ վերանվանելով նրան Թահմազկուլի խան(Թահմազի ծառա): Թահմազկուլին մաքրում է Պարսկաստանը աֆղաններից և ամրացնում պարսկական իշխանությունը Իրանում: Նա իր քաջագործություններով մեծ հեղինակություն էր վայելում բանակի և ժողովրդի մեջ: Այնուհետև Թահմազկուլին հաղթական պատերազմներ է մղում օսմանցիների նկատմամբ:

Արցախի սղնախներում, Սյունիքում և Այրարատում զինավառ հայությունը, թուրքերի դեմ մղվող իրենց հերոսական պայքարով ինքնըստիքյան, հանդես էին գալիս որպես Նաղիիրի դաշնակիցներ:

Նաղիիրի բանակում գործող հայկական զորախմբերը համալրվեցին հատկապես 1735թ. Գանձակի պաշարման ամիսներին, իսկ երբ նա շարժվեց դեպի Կարս, Արցախի և Սյունյաց հայ զինվորականությունը մելիքների գլխավորությամբ ուղեկցում էր նրան ամենուրեք: Գեղարքունիքից անցնելիս Նաղիիր մեծ պատիվներ տվեց Մելիք-Շահնագարյաններին³²⁸:

Կարսի շրջանը ասպատակության ենթարկելուց հետո, Նաղիիրն իր գորքով նորից անցավ Ախուրյանը և բանակ դրեց Եղվարդի շրջակայքում:

Այդ օրերին Նաղիիրի մոտ էին գտնվում Արևելյան Հայաստանի համարյա բոլոր հայ մեծամեծերը. Գիզակի Մելիք-Եզանը, Գեղարքունյաց Մելիքջան Մելիք-Շահնագարյանը, Երևանի Մելիք-Սկրտունմն ու Մելիք-Հակոբջանը և շատ ուրիշներ:

Իրանի ապագա խորամանկ տիրակալը լավ էր հասկանում հայերի հակաթուրքական տրամադրվածությունը և օսմանցիների դեմ մղվող վճռական գոտեմարտում հայ մելիքների վրա նայում էր որպես հուսալի դաշնակցի: Առանձնապես Նաղիիրը ջերմ հարաբերություններ ուներ Գիզակի մելիք Եզանի հետ: Նաղիիրի պալատական պատմիչ Մուհամմադ-Քյազիմը բազմիցս հիշատակում է նրան, որպես նուրբ քաղաքագետին հատուկ արտակարգ ընդունակություններով օժտված իմաստուն մի գործչի, որը Նաղիիրի կողմից մեծ սիրո և վստահության էր արժանացել³²⁹:

Մելիք Եզանը անհամար նվերներ մատուցելով և հորդորելով Նաղիիրին, վերջինս այցելում է Էջմիածին և նոր հրովարտակներով հաստատում կաթողիկոսի և հոգևորականության իրավունքները³³⁰:

Ըստ Մուհամմադ-Բյազիմի, նա վանքի վերանորոգումը հանձնարարում է հնուտ վարպետների՝ հատկացնելով հազար թուման, տաճարը զարդարում 15կգ. կշռող ոսկե ջահով և կարգադրում Քիրմանի նահանգային սարքարարությանը ամենաընտիր գորգերը նվիրել Էջմիածնին³³¹:

Հայ մելիքները ոչ միայն գորքերով էին մասնակցում թուրքերի դեմ մղվող կռիվներին, այլև միաժամանակ հայթայթում էին պարսից բանակի համար անհրաժեշտ պարենն ու հանդերձանքը: Թուրք տարեգիրը վկայում է, թե մելիք Եզանն էր կերակրում շահական ամբողջ բանակը, որքան ժամանակ որ նա մնաց Մուղանում³³²:

Հայերին սիրաշահելուց հետո, նրանց օգնությամբ 1735թ. հուլիսի 8-ին Եղվարդի մոտ, Նադիրը ջախջախիչ հաղթանակ տարավ թուրքերի նկատմամբ: Այս հաղթանակից հետո Նադիրը ասպատակեց Կարսից մինչև Կարին և Բայազետ ընկած հարյուրավոր գյուղեր ու քաղաքներ: Օսմանյան կառավարությունը ի վիճակի չէր պատերազմը շարունակելու հզոր հակառակորդի դեմ: Նա հարկադրվում է Նադիրի հետ Էրզրումում 1736թ. հաշտություն կնքել, որի համաձայն թուրքերը հանձնում են պարսիկներին Արևելյան Հայաստանը (Երևանը, Նախիջևանը, Ղարաբաղը), Վրաստանի մի մասը, Գանձակը, Շամախին և Ատրպատականը:

Թահմազկուլին պատերազմական այս հաջողություններով նախապայմաններ է ստեղծում իրեն հռչակելու Իրանի շահ: Նրա կարգադրությամբ սպանվում է շահ Թահմազը, այնուհետև մանուկ Աբասը:

Գահը թափուր տեսնելով, Թահմազ կուլին 1736թ. ձմռանը Մուղանի դաշտն է հրավիրում Իրանի և հպատակ երկրների հոգևոր ու աշխարհիկ մեծամեծերին և առաջարկում տերության շահ ընտրել: Մուղանի «կուրուլթայ» միաձայն Իրանի շահ ճանաչեց Թահմազկուլուն՝ Նադիր-Շահ անվամբ: Թագադրության հանդեսից հետո Նադիրը բարձր պաշտոններով և նոր ավատներով վարձատրեց մարտերում աչքի ընկած և հավատարմությամբ վստահության արժանացած ամիրներին, խաներին և հայ մելիքներին:

Նադիրը քաջ գիտակցելով Ղարաբաղի հայերի ռուսասեր քաղաքականությունը և ժողովրդի ու հայ մելիքների այդ տրամադրու-

թյուններին վերջ տալու, նրանց սիրաշահելու և ռազմական կարողությունը օգտագործելու նպատակով, ոչ միայն մելիքներին հաստատում է իրենց իշխանության մեջ, այլև ընդգծված կարգավիճակ է շնորհում՝ ծնունդ տալով նոր վարչական միավորի՝ Խամաս(արաբերեն հնգյակ), Խամասյի երկիր, Խամասյի մելիքություններին: Նաղիքը փաստորեն վավերացրեց այն, ինչ հերոսական պայքարի շնորհիվ ձեռք էր բերել Արցախի ազատատենչ հայությունը:

Տվյալ ժամանակաշրջանում Նաղիքը ճանաչեց միայն Արցախի տարածքում գոյություն ունեցած մելիքություններից միայն հինգի իրավունքները: Իսկ մնացածները, ինչպես օրինակ մի ժամանակվա հզոր Ծարի իշխանությունը թուլացել և ենթարկվում էին Խամասյի մելիքներին:

Ըստ Լուրջյանի ու Նիջնադարում Մեծ Հայքի ծայր հյուսիս-արևելյան մի հատվածում վերածնվեց հայկական մի նոր ձույլ պետական միավոր՝ ֆեդերատիվ կառուցվածքով: Գանձակի բեկլարբեկությունից անկախ հինգ մելիքություններից կազմված մահանգը, կենտրոն ունենալով Տող ավանը, Գիզակի Մելիք-Եզանի գլխավորությամբ ճանաչվեց որպես հայկական ինքնավար մի երկիր, որի սահմանները ձգվում էին Գանձակի

մատույցներից մինչև Արաքս գետը:

Արցախի հյուսիսային հատվածներում տարածված էր Գյուլիստանի մելիքությունը՝ Կուրակ և Թարթառ գետերի միջև: Այստեղ իշխում էին մելիք Բեգլարյանները, որոնց նստավայրն էր Թալիշ ավանը, և ռազմական հենակետը՝ Գյուլիստանի անառիկ ամրոցը: Մրանից հարավ Ջրաբերդի մելիքությունն էր, որը ընդգրկում էր Թարթառից մինչև Խաչենագետ ընկած տարածքը: Գավառի տերերը մելիք Իսրայելյաններն էին, որոնց նստավայրը Ջրաբերդ ամրոցն էր: Խաչենի մելիքությունը տարածված էր Խաչենագետից մինչև Կարկառ ընկած հողերը: Այստեղ էլ բուն Հասան-Ջալալյաններն էին իշխում և նստում էին Խոխանաբերդում, իսկ հետագայում՝ Խնձրիստանում: Գավառի բերդերից հայտնի էին Կաչաղակաբերդը, Քարագլուխը, Ուլուպապա բերդը: Վարանդայի մելիքությունը բռնում էր Կարկառ գետից մինչև Մեծ Քիրսի հարավային փեշերը ընկած տարածքը: Մրա տեր մելիք Շահնագարյանների նստա-

վայրն էր Ավետարանոց բերդավանը: Վտանգի ժամանակ մելիքության հպատակները պատասխարվում էին Շուշվա բերդում և Հերիերու ճովատեղ գյուղերի միջև ընկած Քոչիզ ամրոցում, Աղջկարեղում, Գիշու Գլեն խութ բերդում: Գիզակի տեր մելիք Եզանյան-Ավանյանների տիրույթները ձգվում էին Գիզափայտ-Քիրս լեռնագոտուց մինչև Արաքս գետի հովիտները: Մելիքները նստում էին Տող ավանում: Քննարկվող ժամանակաընթացքում գավառի նշանավոր բերդերը գտնվում էին Յոր գյուղում և Վնեսա սարում:

Մելիք-Եզանը Նաղիիրից խանական տիտղոս ստանալով, մինչև 1744 թվականը գլխավորեց Խամսայի մելիքությունները: Նա հարևան Շիրվանի, Գանձակի, Երևանի բեկլարբեկիների նման ուղղակի ենթարկվում էր Նաղիիրի եղբոր, սիփահսապար Իբրահիմ խանին, որը նստում էր Ատրպատականի կենտրոն, փոխարքայանիստ Թավրիզ քաղաքում:

Պատմական բախտորոշ այս ժամանակաշրջանում Մելիք-Եզանի նման տաղանդավոր պետական-քաղաքական գործիչը, օգտագործելով Նաղիիրի հետ ունեցած իր ջերմ հարաբերությունները, հոգում էր ողջ Արևելյան Հայաստանի հայության հոգսերը: Գրամասին է վկայում Տողի մելիքական ապարանքի ճակատին Մելիք-Եզանի թողած վիմագիրը. «Ես թողեցի ոչ Հայաստանաս եսիր տալու»³³³:

Օտար և հայ հեղինակները վկայում են, թե Նաղիիր շահր հոր տեղ էր ընդունում մելիք-Եզանին, առաջնորդվում նրա խորհուրդներով³³⁴: Մելիք-Եզանի հայրենամեր գործունեությունը ամփոփ ձևով ներկայացված է Տողի մատուռ-դամբարանում պահպանված շիրմաքարի չափածո տապանագրի մեջ.

Այս է տապան քաջ իշխանին
Եկան անուն մեծ Մելիքին,
Որ է որդի բարեպաշտին
Դուկաս անուն վարդապետին.
Եղեւ սիրեցեալ ամենայնին
Նատիր անուն թագաորին:
Տիրապետեաց սայ ի երկրին
Ի Աղուանից ի նահանգին

Յոյժ պատուեցաւ Պարսից ազգէն

Քան զիշխանս Հայոց երկրին... ՌճԳԳ(1741թ.)³³⁵:

Մելիք Եգանի արժանավոր ժառանգորդները դարձան նրա որդիներ Արամը (1744-1745թթ.) և մելիք Եսային: Հատկապես տպավորիչ էր մելիք Եսայու գործունեությունը: Նա տաղանդավոր գորական էր, անկոտրում կամքի տեր անձնավորություն: Նրան հաջողվեց ստեղծել քաջավարժ կանոնավոր բանակ: Նաղիք շահի համակրանքն էր վայելում նաև Ջրաբերդի մելիք Ալլահ-Ղուլին: Վերջինիս թուրքերի դեմ տարած փայլուն հաղթանակների շնորհիվ Նաղիքը նրան տվեց «սուլթան» տիտղոսը:

Խամսայի մելիքությունները, որպես հայոց պետականության մի ձույլ միավոր, գոտեպնդելով լեռնաշխարհի զինավառ հայությանը, մոտակա տասնամյակներում դարձան հայ ազգային ազատագրական շարժման նոր հանգրվաններ, ամրացնելով հավատքը միասնության և հաղթանակի նկատմամբ:

† † • † ~ ° † † †... †
 † † ° ~ † † " " † †

ՂԱՐԱԲԱԳԻ ԽԱՆՈՒԹՅԱՆ ԿԱԶՄԱՎՈՐՈՒՄԸ: Խամսայի մեկիքությունների կարգավիճակը շատ բանով կախված էր Իրանում տեղի ունեցող քաղաքական անցուղարձեռից:

Նաղիր շահի վարած ծանր հարկային քաղաքականությունը, անհաջող պատերազմները Գաղստանի և օսմանցիների դեմ, ավելի են բարձրացնում ժողովրդական ցասման ալիքը բռնակալի դեմ: Նման պայմաններում 1747թ. դավադրաբար վերջ են տալիս Նաղիրի խռովահույզ կյանքին: Նրա սպանությունից հետո երկրում սկսվում է անիշխանության մի շրջան: Ինչպիսի արագությամբ Իրանը իր հզորությանը հասավ Նաղիրի օրոք, նույնպիսի արագությամբ նա դիմեց իր անկմանը նրա մահից հետո:

Կենտրոնական իշխանության բացակայության և գահի համար մղվող պայքարի հետևանքով Պարսկաստանի տարբեր մարզերի շատ իշխողներ անկախություն ձեռք բերեցին: Ստեղծված խառնակ վիճակից օգտվեցին նաև շիա աղանդի քոչվոր այն թուրքերը, որոնք ժամանակին ընկճվել էին Նաղիրի կողմից և արտաքսվել Խորասան: Այժմ, օգտվելով Նաղիրի մահից և Իրանում ստեղծված անիշխանությունից, այդ ցեղերը նորից վերահաստատվեցին Այսրկովկասում, հատկապես Կուր-Արաքսյան միջագետքում և անհանգիստ կացություն ստեղծեցին Խամսայի սահմանով մեկ: Կուր-Արաքսյան միջագետքում թափառող ավազակաբարո թուրքախոս ցեղերը միավորվեցին Ջիվանշիր ցեղի Սարուջալլու տոհմի առաջնորդ Փանահի շուրջը:

Վերջինս Նաղիքի կենդանության ժամանակ նրա մունետիկն էր, որ փողոցներում բարձր հայտարարում էր կառավարության որոշումները: Հետագայում Փանահը հեռանում է արքունիքից և աստանդական կյանք վարում Ղարաբաղի դաշտային հատվածներում: Պարսից կառավարությունը բազմիցս փորձել է ձերբակալել Փանահին: Սակայն նա, ստանալով Ջրաբերդի մելիք Ալլահ-Ռուլի սուլթանի հովանավորությունը, խույս տվեց դրանից: Փանահը յուրովի վարձահատույց եղավ. բարեկամությանը թույն խառնելով դառնալով իր իսկ հովանավորների գերեզմանավորը:

Նաղիքի սպանությունից հետո, դեպքերը զարգացան ի նպաստ Փանահի: Իրեն ենթարկելով դաշտավայրի բոլոր քոչվոր ցեղերին՝ հարձակումներ է գործում շրջակա բնակավայրերի վրա: Կողոպտված ավարը նա բաժանում էր իր կողմնակիցներին, դրա փոխարեն նրանից հավաքագրելով զինվորական նոր ուժեր³³⁶: Դեռ ավելին, խարդախ ճանապարհով նրան հաջողվում է Ադիլ շահից ստանալ խանի տիտղոս, առավել սանձարձակ ասպատակություններ սփռելով շրջակա տարածքների վրա: Փանահը, հեռուն գնացող նպատակներ հետապնդելով, փորձեց անցնել մատակցության: Կուր գետի ափին կառուցեց Բայաթ ամրոցը: Փանահի հակառակորդ Շիրվանի Հաջի Չելեբի խանը փորձեց գրավել բերդը, բայց անհաջողության մատնվեց: Այս հաղթանակը ավելի ոգևորեց Փանահին: Նրա հիմնական նպատակն էր տեր դառնալ լեռնային Արցախին, իր բազմահազար ոչխարների հոտերի համար ձեռք բերելով հարուստ արոտավայրեր:

Փանահը ամրացրեց Արցախի հյուսիս արևելքում գտնվող Տիգրանակերտ բերդամրոցը, որը այդ ժամանակներում կոչվում էր Շահբուլաղ և այստեղից հարձակումներ էր գործում Խաչենի և Ջրաբերդի մելիքությունների վրա: Խամսայի մելիքները, չհանդուրժելով նորարոյս խանի համարձակ քայլերը, Խաչենի մելիք Ալլահվերդու զլխավորությամբ գրավեցին Տիգրանակերտը՝ Փանահին հալածելով Արցախի լեռնային հատվածներից:

Ահա այս հակամարտությունների պայմաններում Ղարաբաղում տեղի են ունենում այնպիսի իրադարձություններ, որոնք համահունչ պետք է լինեին Փանահի նկրտումներին:

Իրանում ստեղծված անիշխանության պայմաններում Խամսան արագորեն գահավիժում էր և առիք էր պետք ուշ միջնադարյան հայկական այս պետականության վերջին բեկորին վերջ տալու համար:

Առիքը հայ մելիքների ներքին գծադրություններն էին: 1751թ. Վարանդայի մելիքանիստ Ավետարանոցում տեղի ունեցավ մի ընտանեական սպանդ, ինչը հեղաբեկիչ դեր պետք է ունենար Ղարաբաղի հետագա ողջ անցքերի վրա և ճակատագրական կղաճնար արցախահայության համար:

Վարանդայի մելիք Հուսեինի մահվանից հետո, հին սովորության համաձայն, իշխանությունը անցավ ավագ որդուն՝ Հովսեփին: Վերջինիս կրտսեր եղբայր Շահնազարը, որը փառասեր անձնավորություն էր, չհանդուրժելով մելիք Հովսեփի իշխանությունը դավադրաբար իր ձեռքով սպանեց եղբորը, չխնայելով նրա ընտանիքի անդամներին: Շահնազարի մեջ խոսեց բուրբի պիղծ արյանը, որը տակնուվրա արեց Խամսայի մելիքների կուռ միությունը: Ավանդության համաձայն Հովսեփը մելիք Հուսեինի առաջին կնոջ՝ Աննայի որդին էր, որը Գիզակի մելիք Ավանի քույրն էր, իսկ Շահնազարը ծնվել էր Նախիջևանի խանի դուստր Ջոհրա խանումից:

Այսպիսով, Շահնազարը դավադրաբար դառնալով Վարանդայի մելիքը, կործանաբար դերակատարություն ունեցավ արցախահայության համար:

Այս եղեռնագործությունը Շահնազարի դեմ հանեց Խամսայի ավանդապահ մելիքներին և վերջիններս միաբանվեցին նրանից վրեժխնդիր լինելու համար: Գրան նպաստեց նաև այն հանգամանքը, որ Մելիք Շահնազարյանները խնամիական կապեր ունեին Խաչենի և Ջրաբերդի մելիքների հետ: Գյուլիստանի Մելիք-Բեգլարյան մելիք Հովսեփը, Ջրաբերդի Մելիք-Իսրայելյան Ալլահ-Ղուլի սուլթանը, Խաչենի մելիք-Ալլահվերդի Հասան Ջալալյանը և Գիզակի Մելիք-Ավանյան մելիք Եսային պաշարեցին Ավետարանոցը, սակայն մելիք Շահնազարը տեղի չտվեց և բերդը չգրավեց:

Ժամանակն ու իրավիճակը գործում էին եղբայրասպան մելիքի օգտին: Ուխտապահ մելիքներից հալածված Շահնազարը օգնության դիմեց Փանահին: Նենգադավ քոչվորին հանգստություն չէին տալիս հայ մե-

լիքների փառքը, տիրական դիրքը և Արցախի դրախտային հողն ու ջուրը:

Մելիք Շահնագարը, լավ իմանալով Փանահի նկրտումները օգտագործեց նրան և որպես վարձատրություն վերջինիս նվիրաբերեց Շուշի անմատչելի հին բերդը: Վարանդայի տիրոջ այս նոր դավաճանական քայլը ավելի սաստկացրեց Արցախի ներքաղաքական կացությունը: Ընդհարումները դարձան ավելի համառ ու դաժան: Մելիք Շահնագարն ու Փանահը հայ մելիքներին դիմագրավելու համար սկսեցին վերակառուցել ու ավելի ամրացնել բերդը: Մելիք Շահնագարը իր ձեռքով դրեց նրա առաջին քարը, որը «իր և ամբողջ Ղարաբաղի մելիքությունների գերեզմանը դարձավ»³³⁷: Իսկ Շուշիի դիրքը ավելի քան հարմար էր լինելով Արցախի սրտում. «Բնությունը երեք կողմից բարձրաբերձ, սեպացած ժայռերով շրջապատել էր այդ տեղը, դարձնելով նրան այդ կողմից միանգամայն անմատչելի: Միայն մի կողմից էր, որ բերդն ուներ մուտքի տեղեր, թեև դարձյալ շատ դժվարակոխ: Այդ չորրորդ կողմը Փանահ խանն ամրացրեց արհեստական պատվարներով, պարիսպներ քաշելով և աշտարակներ բարձրացնելով»³³⁸:

Փաստորեն Փանահը հաստատվեց Ղարաբաղի կենտրոնում՝ Շուշիում, որի վերակառուցման աշխատանքները կատարվեցին 1752-54 թվականներին: Սկզբում քաղաք-ամրոցը հորջորջվեց Փանահաբաղ, բայց տոհմիկ հայությունը դա չընդունեց և շարունակեց այդ բնակավայրին անվանել Շուշի, երբեմն Շուշվա դալա(Շուշիի բերդ):

Մելիք Շահնագարի այս դավաճանական քայլով պատմության մեջ առաջին անգամ թուրքը փորձեց բնավորվել Ղարաբաղում: Սակայն այնքան օտար էր Արցախի համար նորեկ բռնավորը, որ անգամ իր համար տոհմային գերեզմանատուն ընտրեց Խաչենի իշխանից գնաց Աղղամը:

Հայկական, վրացական, պարսկական և ռուսական աղբյուրները միաբերան վկայում են, որ մինչև 18-րդ դարի կեսերը Լեռնային Ղարաբաղում թաթարներ և այլազգի մուսուլմաններ չեն եղել³³⁹:

Փանահը իր դիրքերն ամրացնելու և էթնիկական հենարան ստեղծելու համար Վրաստանից և Միլ-Մուղանի տափաստանում վխտող կարաչարի, ջինլի, դամիրչի-հասանլի, դըզլը-հաջիլի, սա-

ֆի-բյուրդ, քոյահմեղի, սահաթլի, քենգերլի և այլ շատ քափառական ցեղերի փոխադրեց Ղարաբաղ: Գրանց բնակեցրեց Շուշիի շրջակայքում և դաշտային Ղարաբաղի Շուշի տանող ճանապարհների երկայնքով: Ստեղծվեցին համանուն թուրքաբնակ գյուղեր: Միաժամանակ Շուշիում ստեղծվեց թուրքաբնակ թաղամաս: Տիրելով Ղարաբաղի սրտին՝ Շուշիին, Փանահը ձգտում էր ունենալ քաղաքային կենցաղ: Ահա թե ինչու փորձեց Ղարաբաղի գյուղական բնակչությանը տեղափոխել Շուշի: Սակայն գյուղական ապրելակերպ դավանող պահպանողական դարաբաղցին չտեղափոխվեց Շուշի:

Գրանից հետո Փանահը ասպատակեց դեպի Շահակերտ, Ագուլիս, Հին Ջուղա, Մեղրի և այստեղից հայերին տեղափոխեց Շուշի: Գրանով Փանահը Շուշիում քաղաքային միկրոմիջավայր ստեղծելուց բացի, լուծեց նաև մի քանի այլ խնդիրներ.

ա) բերդաքաղաքում բնակեցրեց համեմատաբար իրեն հնազանդ հայերով, դրանց անհրաժեշտության դեպքում երբեմն հակադրելով իր ցեղակիցներին,

բ) վերոհիշյալ բնակավայրերի հայությունը ուներ քաղաքային ապրելակերպ և հմուտ էր արհեստների ու առևտրի մեջ:

Եկվորները ունեին տարբեր սովորույթներ և բառբառներ, որի հետևանքով բավականին երկար ժամանակ ապրում էին առանձին թաղերով: Այսպես առաջացան տեղաբնիկ հայերի՝ դարաբաղցոց, ինչպես նաև դազանչեցոց (Շահակերտ), ագուլեցոց և մեղրեցոց թաղերը: Ամեն մեկը կառավարվում էր առանձին քյանդլխտղաների միջոցով: Նրանք ունեին իրենց եկեղեցիները և ուսումնական մշակութային հաստատությունները:

Այսպիսով, Շուշին մի կողմից ուներ թուրքական թաղամաս, իսկ մյուս կողմից հայկական իրար կից չորս թաղամասեր:

Ժամանակի ընթացքում արցախյան հոծ միջավայրում և քաղաքային կյանքին հատուկ օրինաչափություններով եկվոր հայերը ընդունեցին տեղացիների բարքերն ու

սովորությունները, ինչպես նաև դարաբաղյան հյութեղ համով ու հոտով բարբառը:

Շուտով Փանահը իրեն հռչակեց Ղարաբաղի խան և Պարսից

շահի միջոցով հայ մելիքներին ստիպեց ընդունել նրա գերագահությունը: Նորաստեղծ խանությունը ուներ խիստ ռազմավարական դիրք և Իրանի հետ Անդրկովկասը կապող ամենահիմնական օղակն էր: Պատահական չէր, որ Պարսից արքունիքը Ղարաբաղի խանության նկատմամբ վարում էր մտրակի և մեղրաբլիթի քաղաքականություն, մերթ խաներին կոշտ մեթոդներով իրենց էին ենթարկեցնում, երբեմն էլ տրվում էր հավելյալ առանձնաշնորհներ՝ հարևան խաներին ենթարկեցնելով վերջիններին:

ԽԱՄՍԱՆ ՂԱՐԱԲԱՂԻ ԽԱՆՈՒԹՅԱՆ ԿԱԶՄՈՒՄ: Փանահ խանը հիմնավորվելով Շուշիում, Վարանդայի մելիք Շահնագարին դարձրեց իր կատարածուն: Փաստորեն դրանով Ղարաբաղը երկատվեց, նրա հարավային թևը՝ Դիզակը կտրվեց Խաչենից, Ջրաբերդից և Գյուլիստանից: Բնականաբար Խամսան թուլացավ և գահավեժ կործանման էր գնում:

Փանահը վարպետորեն օգտագործեց իր համար ստեղծված բարենպաստ պայմանները: Փանահ խանը իր ողջ ուժով հարձակվեց Խաչենի մելիքության վրա: Վարանդայի սպանված մելիք Հովսեփը Խաչենի մելիք Ալլահվերդու փեսան էր, որի մոտ էր գտնվում մելիք Շահնագարի եղեռնագործությունից միակ փրկված թոռը: Վերջինս համարվում էր Վարանդայի մելիքության օրինական տերը: Ահա թե ինչու օրախնդիր էր դառնում Խաչենի մելիքության վերացումը: Մելիք Ալլահվերդուն հաջողվեց ջարդել Փանահի հրոսակներին: Մակայն դաշտավայրում հետապնդելով թշնամուն անհաջողություն ունեցավ և պատասպարվեց Ուլուպալ բերդում: Այստեղ էլ խաչենցիները նորից հաղթանակի հասան: Դեռ ավելին հակառակորդը հուժկու հարվածների տակ փախուստի մատնվեց: Հետապնդելով նահանջող թշնամուն ճակատամարտի վայր դարձավ հետագայի Խոջալլուի տարածքը: Դարանակալ թշնամին պարտության մատնեց մելիք Ալլահվերդու զորքերին: Այս պարտությունը կործանարար եղավ հայության և Հասան-Ջալալյանների համար: Փանահ խանը մելիքությունը նրանցից խլեց և հանձնեց Խնձրստան գյուղի գյուղապետ Միրզախանին: Դրանով Փանահը հայերի շրջանից ավելացրեց իր դաշնակիցների թիվը:

Հաջորդ գոհր դարձավ Ջրաբերդի մելիքությունը: Փանահ խանը

հարձակվեց Ջրաբերդի վրա: Մելիք Ալլահ -Ղուլի սուլթանը հետ մղեց քշնամուն: Փանահ խանը տեսնելով, որ հայ մելիքին ուժով ընկճելը անհնարին է, դիմեց խարդավանքի: Մելիք Ալլահ-Ղուլու զգոնությունը քմրեցնելու նպատակով Փանահը »բարեկամության«
ձեռք մեկնեց նրան: Մելիք Շահնագարի խորհուրդով Փանահի հետ հանդիպումներից մեկի ժամանակ հայ մելիքը ձերբակալվեց և մահախեղդ արվեց Շուշիի բանտում³⁴⁰:

Նահատակ մելիքին հաջորդում է եղբայրը՝ Հաթամը (Աղամ):

Պատերազմական գործողությունները նոր ընթացք ու քափ ստացան: Անհավասար զոտեմարտում ուժերը խնայելու և հետագա պայքարը շարունակելու նկատառումով մելիք Աղամը նահանջում է Գյուլիստան և միանում իր դաշնակից մելիք Հովսեփին: Արյունահեղ պատերազմական գործողությունները տեղափոխվեցին Գյուլիստանի մելիքության սահմանները: Այն ընդհանում էր փոփոխական հաջողություններով, որը շարունակվեց նաև Փանահի հաջորդ Իբրահիմ խանի ժամանակ:

Ջրաբերդի և Գյուլիստանի մելիքություններին մահացու հարվածներ հասցնելուց հետո Փանահը ամբողջ ուժով նետվեց Դիզակի մելիքության վրա: Փանահը իր դաշնակցի՝ մելիք Շահնագարի հետ մեկտեղ, մի քանի անգամ պաշարեց մելիք Եսայու Տող բերդավանը, բայց խայտառակ պարտություն կրելով հետ է նահանջում: Ճակատամարտերից մեկի ժամանակ Փանահ խանը վիրավորվեց բայց չընկճվեց: Փանահ խանի օրեցօր աճող ու զորեղացող ուժի պայմաններում մելիք Եսային գերադասեց հաշտություն առաջարկել: Պատերազմական գործողությունները դադար առան: Մելիք Եսային շարունակեց իշխել մինչև իր մահը 1781 թվականը:

Փանահի հայակործան քաղաքականությունը շարունակեց նրա ժառանգ ու հետնորդ Իբրահիմ խանը: Փանահի մահից հետո խանության համար պայքար սկսվեց Իբրահիմ և Միհրալի եղբայրների միջև: Իբրահիմը դաշնակցեց Ավարիայի Օմար խանի, իսկ Միհրալին՝ Ղուրայի Ֆաթալի խանի հետ: Ժառանգության համար ծագած վեճը, որը ներքին ուժեղ պատերազմներ էր պատրաստում, լուծվեց Իբրահիմ խանի օգտին: Շուտով Միհրալին սպանվեց չքացահայտված հանգամանքներում: Այնուհետև 1763թ. Իբրահիմը դարձավ

Ղարաբաղի խանության միահեծան տերը:

Օգտագործելով հարևան խանությունների միջև հակամարտությունը և Պարսկաստանի ներքին անկայուն կացությունը, Իբրահիմը ընդլայնեց խանության սահմանները: Անգամ մի կարճ ժամանակահատված իրեն ենթարկեցրեց Շաքիի, Շիրվանի խանությունները, գրավեց Ռեշտն ու Թավրիզը³⁴¹:

Գրանից հետո Իբրահիմ խանը իր գործողություններին ավելի ազատություն տվեց :

Անսանձ բռնություններից մելիքների վիճակն այնքան էր ծանրացել, որ Գյուլիստանի ու Ջրաբերդի տերերը աստանդական էին դարձել և իրենց հպատակների հետ միասին հանգրվանել էին Գանձակի խանությունում ու Վրաստանում: Շուրջ 8 հազար հայ ընտանիքներ նոր բնակավայրեր ստեղծեցին Լոռու Շուլավերի կողմերում, որտեղ առաջօր պահպանվում է դարաբաղյան բարբառը և բազմաթիվ բարքեր ու սովորություններ: Պետք է նշել նաև, որ կատարվածը բացասական հետևանք ունեցավ արցախահայության ազգագրական պատկերի վրա: Այս ամենի հետևանքով արագ հայաթափվեց հյուսիսային Ղարաբաղը: Ստեղծված պարապը լցվում էր մահմեդական խառնամբոխով: Սակայն այս աղետաբեր արտագաղթից հետո էլ Ղարաբաղը գերազանցապես հայաբնակ էր: Կովկասում ռուսական զորքերի հրամանատար Յիցիանովի արքունիքին հղած գեկուցագրերից մեկում նշում է, որ 18-րդ դարի վերջերին Ղարաբաղում ապրում էր 40-ից 60 հազար հայ ընտանիք: Եթե հաշվի առնենք, որ ամեն մի ընտանիքում կամ գերդաստանում ապրում էր 10-15 մարդ, ապա արցախահայերի թիվը կհասնի կես միլիոնի:

Ջրաբերդի և Գյուլիստանի տարագիր մելիքները Գանձակի խանությունում անգործության մատնված չմնացին: Նրանք, դաշնակցելով մերթ Ուրմիայի Ֆաթալի խանի, մերթ էլ Գանձակի Շահվերդի խանի հետ, հարձակումներ էին գործում Ղարաբաղի Իբրահիմ խանի տիրույթների վրա: Այս հանգամանքը անհանգստացնում էր Իբրահիմ խանին: Մյուս կողմից էլ հայաթափելով գավառները Ղարաբաղի խանը գրկվում էր իր գանձարանը լցնելու հնարավոր տարբերակից:

Նման պայմաններում Իբրահիմը համոզեց հայ մելիքներին՝ վե-

քաղառնալ իրենց տիրույթները: Մելիք Հաթանի և մելիք Հովսեփի վերադարձը Ջրաբերդ և Գյուլիստան որոշ չափով կայունացրին Խամսայի մելիքությունների քաղաքական կացությունը: Սակայն այս անգամ էլ Իբրահիմ խանը փորձեց խաթարել մելիքների միաբանությունը Գանձասարի թափուր կաթողիկոսական արքունի նոր թեքնածուխ ընտրության հարցում: Իբրահիմը մերթ հովանավորում էր օրինական կաթողիկոսին՝ Հովհաննեսին, մերթ էլ հակաաթոռ Գանձակում նստող և հետագայում Արցախ տեղափոխված Իսրայելին, ավելի էր խճճում Խամսայի մելիքների առանց այն էլ ոչ սովորական հարաբերությունները:

Գժվարին այս ժամանակաշրջանում Գարաբաղ է գալիս Հովսեփ Էմինը: Նա մեծ հույսեր էր կապում Արցախի մելիքների հետ, նրանց մեջ տեսնելով ապագա հայկական պետականության հիմնաքարը: Իր ինքնակենսագրության մեջ նա ասել է. «Ես կարծում եմ, որ եթե լինեմ եվրոպական գինվորի նման, կգնամ իմ երկիրը, Լեռնային Հայաստանի հայերի մոտ, որոնք, լսել եմ, որ միշտ անհաղթ են ու քաջ և եթե ես նրանց կարողանամ սովորեցնել պատերազմի արվեստը, դա շատ մեծ օգուտ կտա»³⁴²: Հովսեփ Էմինը ականատես եղավ Արցախի հայերի քաջագործությանը: 1767թ. Գանձակի Շահվերդի խանը փորձեց պատժել Գյուլիստան վերադառնալու մտադրություն ունեցող մելիք Հովսեփին: Նա հանկարծակի հարձակվեց Գետաշենի վրա: Հանկարծակի եկած գետաշենցիները մելիք Հովսեփի որդի Բեգլարի գլխավորությամբ 40 հոգով լեռնային կռիվներով հաղթեցին 4500 հոգուց բաղկացած հակառակորդի ուժերին: Մի քանի օրից հետո պատերազմական գործողությունները նոր թափով շարունակվեցին: Հայերին հաջողվեց ոչ միայն պաշտպանել Գետաշենը, այլ հավաքելով թշնամուն, պաշարեցին Գանձակը: Շահվերդի խանի խնդրանքով վրաց Հերակլ թագավորի միջնորդությամբ հակամարտությունը հարթվեց:

Հովսեփ Էմինը, հյուրընկալվելով Գյուլիստանի մելիք Հովսեփի մոտ, փորձեց միավորել մելիքների ուժերը, կազմել միասնական բանակ: Այդ նպատակով նա հանդիպումներ ունեցավ մելիքների և Գանձասարի կաթողիկոսի հետ: Սակայն շուտով կաթողիկոս Միմոն Երևանցու հրահրանքով, մելիքները Էմինին հեռացնում են

Ղարաբաղից: Հետագայում նա Ղարաբաղի մասին գրել է հետևյալը. «Աշխարհում եղած ամեն բան ունի Ղարաբաղը, բացի մեկից, որը բոլորի թագուհին է՝ խոհեմ ղեկավարություն, որն ասես հրաժեշտ է տվել Ղարաբաղի բնակիչներին»³⁴³:

Հովսեփ Էմինի գործունեությունը անհետևանք չանցավ: Նրա ռուսամետ գաղափարները նոր ծիլեր արձակեցին՝ ոգևորելով ունայնության գիրկը մատնված մելիքներին ու Գանձասարի կաթողիկոսին:

Հայ մելիքների և Գանձասարի կաթողիկոսի ռուսամետ քաղաքականությունը մտահոգիչ էր Իբրահիմ խանի համար: 1787թ. նա Շուշիի բանտում սպանել տվեց Հովհաննես կաթողիկոսին: Մինչ այդ, 1781թ. վախճանվել է Գիզակի մելիք Եսային, իսկ 1783թ. իրենց մահկանացուն կնքեցին Ջրաբերդի մելիք Հաթամն ու Գյուլիստանի մելիք Հովսեփը:

Գիզակի տեր դարձավ մելիք Եսայու որդի մելիք Բախտամը: Մելիք Հաթամին հաջորդեց մելիք Մեժումը, իսկ մելիք Հովսեփին՝ մելիք Արովը: Նրանց և Իբրահիմ խանի միջև պայքարը առավել կատաղի բնույթ ստացավ: Իբրահիմ խանին հաջողվեց 1780-ական թվականներին մուսուլմանության դարձնել Գիզակի Մելիք-Ավանյանների տոհմակիցների մի մասին: Ըստ էության Տողի նախկին աղբրեջանցիների մի մասը ուժացված հայեր էին:

Չնայած այդ դաժանություններին, Ջրաբերդի մելիք Մեժումին և Գյուլիստանի մելիք Արովին հաջողվեց ազատագրական պայքարը նոր ուղեծրի մեջ դնել: Վերստին բացվեց ու աննախադեպ աշխուժացավ Ռուսաստանի հետ կապող դիվանագիտական ճանապարհը:

1466թ. Շիրվանշահ Ֆառուխ Յասարը դեսպան Հասան Բեկին ուղարկեց Մոսկվա՝ Իվան Գ-ի հետ բարեկամական հարաբերություններ հաստատելու: 1467թ. իր հերթին ռուսական դեսպանությունը Վասիլի Պանինի գլխավորությամբ եկավ Շամախի: Նրա կազմում էին մի քանի վաճառականներ, որոնց թվում նաև տվերցի հայտնի ճանապարհորդ-վաճառական Աֆանասի Նիկիտինը³⁴⁷:

Փաստորեն այս կամ այն առիթով ռուսների Այսրկովկասում հայտնվելը հնարավորություն է ստեղծում երկուստեք ծանոթանալու և պատկերացում կազմելու միմյանց մասին:

Ռուսաստանի և ռուսների մասին տեղեկություններ է հաղորդում նաև Կիրակոս Գանձակեցիին³⁴⁸:

ԱՐՅԱԽ-ՌՈՒՍԱՍՏԱՆ ԳԻՎԱՆԱԳԻՏԱԿԱՆ ԿԱՊԵՐԻ ՍՏԵՂԾՍԱՆ ՆԱԽԱՊԱՏՍՈՒԹՅՈՒՆԸ: 15-րդ դարի երկրորդ կեսին և 16-ի սկզբներին, Մոսկովյան պետության հզորացմանը զուգընթաց, ցարական կառավարությունը սկսեց հետաքրքրություն ցուցաբերել Այսրկովկասի նկատմամբ: Ռուսաստանը, լինելով քրիստոնյա երկիր, շահագրգռվածություն էր հանդես բերում Այսրկովկասի քրիստոնյա ժողովուրդների ազատագրման գործում: Իհարկե, ցարիզմը իրականում հետամուտ է եղել իր ռազմա-քաղաքական նպատակներին: Այս պարագայում էլ հայ ժողովուրդի քաղաքական նկրտումները համապատասխանում էին Ռուսաստանի շահերին և ազատագրման հույսը մարմին է առնում, դառնում շոշափելի: Մակայն այդ բաղձանքներն ու տրամադրությունները քաղաքական անշեղ ճանապարհի վրա դնելու, երկու ժողովուրդների բարեկամական փոխհարաբերություններն ու գործակցությունը կանոնավոր դիվանագիտական հունի մեջ առնելու համար ռուսական արքունիքի հետ քաղաքական լեզվով խոսող լիազոր վարչական մարմին էր պետք:

Բուն մայր երկրում չկար քաղաքական որևէ գործոն կամ սոցիալական ներքին որևէ ուժ, որը գորավիզ լիներ կամ ձգտում ու հնարավորություն ունենար օգնելու, միավորելու հայ ժողովրդի ջանքերը, նպատակ ու ընթացք տալու ազատագրական մղումներին: Նման պայմաններում ռուսական արքունիքի հետ հարաբերությունները վարում էին Արցախի մեկիքները, որոնց մոտ վառ էին մնացել հայ-

կական պետության գաղափարները, և «գլխավորապես Գանձասարի կաթողիկոսները, որոնք բավականին անկախ էին պարսկական իշխանություններից»³⁴⁹: «Արցախի հայ ֆեոդալները,- կարողում ենք 1532թ. հիշատակարաններից մեկում,- համարվում են մեր ժողովրդի և ամբողջ քրիստոնյաների պարծանքը»³⁵⁰:

Տակավին 14-րդ դարի սկզբներից Կիլիկիայի հայկական պետության ճգնաժամի պայմաններում հայ քաղաքական գործիչները արևմտակրոնական տերությունների օգնության մեջ հայ ժողովրդի ազատագրության երաշխիքներ էին ակնկալում: Հայ իրականության ազատագրական ձգտումները կողմնորոշվում էին դեպի Արևմուտքի քրիստոնյա տերությունները: Հռոմի պապի և Եվրոպական միապետների հետ շուրջ երեք դարյա անպտուղ բանակցություններից հետո 17-րդ դարի երկրորդ կեսին հայ քաղաքական միտքը հակվում է դեպի Ռուսաստան: Դա բացատրվում է հետևյալ պատճառներով.

1. նախ և առաջ հայ գործիչները համոզվեցին, որ Եվրոպական տերությունները լիովին հակված են դեպի Պարսկաստանն ու Թուրքիան:

2.17-րդ դարի երկրորդ կեսին Ռուսաստանը դուրս եկավ միջագային ասպարեզ:

3.Տվյալ ժամանակահատվածում Ռուսաստանը, ընդարձակելով իր պետական սահմանները, մոտեցել էր Այսրկովկասին և ձգտում էր իր ազդեցությունը տարածելով այդ երկրամասի վրա՝ կայսրության համար ճանապարհի հարթել դեպի Հնդկաստան: Իսկ այս պայմաններում կամա թե ակամա Ռուսաստանի շահերը պետք է բախվեին Թուրքիայի, Պարսկաստանի, միաժամանակ նրանց հովանավորող Եվրոպական տերությունների հետ:

4.Այսրկովկասում Ռուսաստանին անհրաժեշտ էր քաղաքական մի ուժ, որի վրա հենվելով պիտի իրականացնի իր արևելյան քաղաքականությունը: Որպես այդպիսի ուժ Այսրկովկասում հանդես էին գալիս Վրաստանը, Սյունիքի և Արցախի մելիքությունները:

5.Չպիտի թերագնահատել նաև ցարական իշխանությունների, մանավանդ Պետրոս Առաջինի հակաթուրքական տրամադրությունը: Տակավին ինստուկական թվականների վերջին, ուղևորվելով

Արևմուտք, Պետրոս ցարը հայտարարում էր, որ մշակութային նպատակներից զատ, իրեն գրավում է. «Տիրոջ խաչի բշնամիների, քուրբաց սուլթանի, Ղրիմի խանի և բոլոր մուսուլմանական հորդանների թուլացումը»³⁵¹:

Հետաքրքիր է այն փաստը, որ ի տարբերություն Հայաստանի մյուս նահանգների քաղաքական գործիչների, Ղարաբաղի աշխարհիկ և հոգևոր տերերը ի սկզբանե իրենց երկրի ազատագրությունը կապեցին ոչ թե Եվրոպայի, այլ Ռուսաստանի հետ: Նման գործ առաջին անգամ նախաձեռնվեց 1670-ական թվականներին:

1670-1671 թվականներին Գանձասարի Պետրոս կաթողիկոսը հատուկ ուղերձով դիմում է ռուսական ցարին՝ հայերին իր հովանավորության տակ վերցնելու խնդրանքով³⁵²: 1677թ. կաթողիկոս Հակոբ Ջուղայեցու գլխավորությամբ Էջմիածնում հրավիրված գաղտնի ժողովին մասնակցել էին Սյունյաց ու Արցախի հայ մելիքների ներկայացուցիչները: Նույն այդ նպատակով Հակոբ Ջուղայեցին Գանձասարի կաթողիկոսի հետ գործակցության մեջ է մտել³⁵³:

Գանձասարի կաթողիկոսի հորդորանքով Հակոբ Ջուղայեցին, նախ գնում է Վրաստան և վրաց գործիչների հետ բանակցելով, փոխադարձ համաձայնությամբ որոշվում է, որ հայերը դիմեն Արևմտյան Եվրոպայի պետություններին, իսկ վրացիները՝ Ռուսաստանին:

Ռուս-արցախյան քաղաքական կապերի զարգացմանը նպաստում էր Պետրոս Առաջինի բարյացակամ վերաբերմունքը: Պետրոս Առաջինի ժամանակ ռուսաց կառավարության հարաբերությունները հիմնականում Գանձասարի հետ էին³⁵⁴:

17-րդ դարի վերջին 18-րդ դարի սկզբին հայ ժողովրդի ազատագրական շարժումը թևակոխեց նոր փուլ: Երևան եկան այդ շարժման գաղափարախոսները, որոնք հանդես էին գալիս քաղաքական որոշակի ծրագրով: Նրանցից մեկն էր իր ժամանակի հայ մեծագույն գործիչ Իսրայել Օրին: Սյունիքի մելիքական տների հայրենասիրական ավանդույթներով դաստիարակված գործիչը շուտով համոզվեց, որ անհրաժեշտ է շեշտակի շրջադարձ մտցնել Հայաստանի մինչև այդ որդեգրված կողմնորոշման մեջ: Նրա այդ ձեռնարկման առաջին քայլը հանդիսացավ 1699թ. ապրիլի 29-ի Անգե-

ղակոթի հայ մելիքների գաղտնի խորհրդակցությունը:

Ընդունելի է Բագրատ Ուլուբարյանի այն կարծիքը, ըստ որի Անգեղակոթի ժողովին հրավիրված են եղել նաև Ղարաբաղի մելիքները³⁵⁵:

Պատահական չէ, որ առաջին 1699թ. քրթի տակ ժողովատեղ էր հիշատակված Անգեղակոթը, իսկ վերջին բոլոր քրթերի գրության տեղ է նշված Աղվանք գավառը, որ նշանակում է Արցախ: Վերոհիշյալ կարծիքի օգտին է խոսում նաև մեկ այլ փաստ: Հայտնի է, որ Անգեղակոթի ժողովից հետո Օրին, վերադառնալով Ղ-յուսելոորֆ՝ Կյուրֆուրատին հանձնած զեկուցագրում Իրանի դեմ մղվելիք առաջիկա պատերազմում 2-3 հարյուր հազարի էր հասցնում ռազմունակ հայերի թիվը, թեև փաստորեն միայն 5000 մարտիկներով էր նրանց մասնակցությունը խոստանում Երևանի առնան համար մղվելիք մարտերին: Ըստ երևույթին, Օրին ի նկատի ուներ Խամսայի 5 մելիքների հազարական զինական ուժը:

Անգեղակոթի ժողովը որոշում կայացրեց հատուկ նամակ ուղարկել Պետրոս առաջինին՝ խնդրելով աջակցել հայերին ազատվելու անհավատների ծանր լծից³⁵⁶: Այս նամակում ասվում է. «մեր մտադրությունն է, որպեսզի մենք և մեր բոլոր ժողովուրդները, մեծ թե փոքր, հանձնվենք ձերդ մեծության իշխանությանն ու կառավարմանը... և խոստանում ենք մեր կյանքն ու մեր ամբողջ ունեցվածքը ի ծառայություն ձերդ մեծության և այս գործի»³⁵⁷: Հայ ժողովուրդը վստահ է, այնուհետև ասվում էր նամակում, որ գալու է. «Մոսկվայի տնից ոմն իշխան, Ալեքսանդր Մեծից էլ քաջ մեկը. որը վերցնելու է Հայոց թագավորությունը և ազատելու է քրիստոնյաներին»³⁵⁸:

Իսրայել Օրին մեծ ակնկալիքներ ուներ Արցախի մելիքներից:

1701թ. Մոսկվայում իշխան Գ-ոլովինի հետ ունեցած գրույցում ակնարկում է, որ Մեծ Հայքում կա հինգ նահանգապետ, որոնք ռուսական զորքերի մոտենալու դեպքում «24 ժամ էլ չի անցնի, որ նրանք կքշեն անհավատներին և 15 օր էլ չանցած, կտիրեն ամբողջ երկրին»³⁵⁹: Անգեղակոթի ժողովը լիազորագիր և մելիքների կողմից ստորագրված, բայց չգրված թուղթ տվեց Իսրայել Օրուն, նրան լիազորելով իրենց անունից դիմումներ գրել: Հետագայում, Մոսկվայում Օրին այդ իրավասու թղթերը օգտագործում է: Այս առթիվ Ա.Հով-

հաննեսյանը գրել է. «1703թ. խմբագրած նրանց դիմումներն անմիջականորեն համընկնում էին եթե ոչ Ղափանի մելիքների, զեթ Ղարաբաղի մելիքների և մանավանդ սրանց քաղաքական ղեկավարի՝ Գանձասարի Եսայի Հասան-Ջալալյան կաթողիկոսի տրամադրությանը»³⁶⁰:

Հայաստանում տեղի ունեցած հետագա դեպքերն արդարացրին Բսրայել Օրու վարգագիծը: Թե՛ մելիքները, թե՛ Գանձասարի կաթողիկոս Եսայի Հասան-Ջալալյանը, որ կաթողիկոս ընտրվելու օրից՝ 1703 թվականից սկսած դարձավ ազատագրական պայքարի անխոնջ մարտիկներից մեկը, նորանոր դիմումներ հղեցին ռուսական պետությանը՝ հայերին օգնելու և Հայաստանն ազատագրելու խնդրանքով:

Մեզ են հասել մելիքների անունից կազմված գրություններ, որոնք 1703թ. ներկայացված են եղել Մոսկվայի դեսպանական պրիկազին և հաստատում են հայ մելիքներին Օրիի արած այն հավաստիացումը, թե ցարը բարեհաճ տրամադրություն է հայտնել՝ շվեդական պատերազմից հետո իր ձեռքն առնելու Հայաստանի ազատագրման գործը³⁶¹: Վերոհիշյալ գրություններին նախորդել է Բսրայել Օրու և Մինաս վարդապետի բանակցությունների արդյունքների հաղորդումը հայ մելիքներին, Գանձասարի ու Էջմիածնի կաթողիկոսներին: Այդ առաքելությանը 1702թ. Գանձասարում և Էջմիածնում եղավ Մոսկվայում ապրող մի հայ կապիտան Միրոն Վասիկը:

Նամակներում Օրին կաթողիկոսներին և մելիքներին հորդորում էր, որ նրանք նախապատրաստվեն մասնակցելու ազատագրական պայքարին և իրենց կողմից դիմումներ հղեն ռուսական պետությանը:

Գալիք պարսկական արշավանքի մանրամասները նախապատրաստելու համար Պետրոս առաջինը անհրաժեշտ գտավ հետախուզել ապագա ռազմական գործողությունների թատերաբեմը և պարզել Այսրկովկասի ժողովուրդների տրամադրությունները՝ Ռուսաստանի հանդեպ: Օրին պատրաստակամություն հայտնեց մասնակցելու հետախուզական այդ աշխատանքներին: Նա առիթը փորձում էր օգտագործել, մանավանդ, հայ մելիքների հետ իր կա-

պերն ամրապնդելու համար: Արքունիքը նպատակահարմար գտավ, որ ղեսպանությունը գլխավորի հենց ինքը՝ Օրին: Իր առաքելության ընթացքում Օրին հանդիպումներ ունեցավ Գանձասարի Եսայի կաթողիկոսի և Արցախի մելիքների հետ: Ժամանակի ամենալուսավորյալ անհատներից մեկը՝ Եսայի Հասան-Ջալալյանը սերված լինելով Առանշահիկների հինավուրց նախարարական տոհմից, արտահայտում էր ոչ միայն հայ հոգևոր և աշխարհիկ, այլև բովանդակ արցախահայության ձգտումներն ու տրամադրությունները: Ռուսաստանի և Ուկրաինայի հայ եկեղեցական համայնքները Գանձասարի կաթողիկոսությանը ենթարկելու նպատակին հետամուտ՝ Եսային քաղաքական շեշտված հակում ուներ ղեպի Ռուսաստանը: Հայ իշխող դասի ներկայացուցիչների մեջ առաջիններից մեկն էր նա, որ ի սկզբանե հակված էր ղեպի Օրինի մոսկովյան ծրագիրը և հետագայում հանդես եկավ որպես այդ ծրագրի կենսագործման եռանդուն պրոպագանդող և կազմակերպիչ: Այդ հանդիպումը առավել կարևորվում է, որովհետև Արցախի հայ տերերը սերտ կապեր և ազդեցություն ունեին ոչ միայն հայկական ողջ լեռնաստանի, այլև հայաշատ վայրերի վրա: Օրինի Արցախի մելիքների հետ հանդիպման մասին է վկայում հայ գործիչների 1721թ. մամակը՝ հասցեագրված Պետրոս Առաջինին: Նամակի հեղինակները վկայում են, որ Օրին տեղեկացել է իրենց երկրի բոլոր եկամտների, ճանապարհների, մետաքսի արտադրության և Պարսկական գորարանակի մասին: Եսայի կաթողիկոսից և Ղարաբաղի չորս վանահայրերից զատ, այդ նամակի տակ կա Ջրաբերդի Մելիք-Եսայու ստորագրությունը ³⁶²:

Հայ ժողովրդի բաղձանքները անձամբ Պետրոս Առաջինին հաղորդելու համար, 1710թ. Եսայի կաթողիկոսը Պարսկաստանից վերադարձող Օրու ղեսպանությանը միացավ և ուղևորվեց ղեպի Ռուսաստան: 1711թ. Աստրախանում չպարզված հանգամանքներում Օրին մահացավ: Նրա գործը շարունակեցին Եսայի Հասան-Ջալալյանը, Արցախի մելիքները, Մինաս Վարդապետ Տիգրանյանը: 1716թ. Գանձասարում Մինաս վարդապետը հանդիպեց Եսայի Հասան-Ջալալյանի հետ, նպատակ ունենալով ճշգրտելու հետագա գործողությունների ծրագիրը: Նույն թվականին Եսայի Հասան-Ջա-

լալյանը Ղարաբաղի մելիքների անունից դիմեց Պետրոս Առաջինին՝ խնդրելով նրանց վերցնել Ռուսաստանի հովանավորության տակ «...Յառաջ քան գալս առաքեալ ի քումսն է քազավորութեն Իսրայէլ Օրի դեսպանն եկն երկիրս Հայոց և զհամբավ բարեյաղթութեանրդ սփռեալ տարածեաց ի լսելիս մեր ամենեցուն...: Իսկ այժմ կրկին առաքեալ ի մեծէ քազավորութենեդ եղբայրս մեր գՄինաս վարդապետս, որ ի յազգէ մերմէ, եկն եհաս երկիրս մեր և առ մեզ և զբարի և աստուահաճոյ մեզ, և մեր լսելով զուարճացաք և ցնծուցաք ի հոգի և ի մարմին և յօժար սրտիվ կամիմք ընդ հովանեալ թևոց քոց լինիլ... մեք պատրաստք ենք ընդ առաջ քո ըստ իմուն կարողութեանս և մեր նահանգիս մելիքովս և մեծամեծովք և փոքումբք և յորժամ կամեսցի հզօր և մեծ քազավորդ յաճապարել այսր կամօքն աստուծոյ...»³⁶³:

Այսպիսով, երկարատև փնտրտուքից հետո 17-րդ դարի երկրորդ կեսին և 18-րդ դարի սկզբներին Գանձասարի կաթողիկոսների և Արցախի մելիքների ջանքերի շնորհիվ հայ իրականության մեջ առաջացած ազատագրական ձգտումները կողմնորոշվում էին Ռուսաստանից հայ ժողովրդի ունեցած ակնկալությունների օգտին:

ՌՈՒՄԱԿԱՆ ԱՐՔՈՒՆԻՔԻ ՔԱՂԱՔԱԿԱՆՈՒԹՅՈՒՆԸ ԱՅՍՐԿՈՎԿԱՍՈՒՄ ԵՎ ԱՐՅԱԽ-ՌՈՒՄԱՍՏԱՆ ԳԻՎԱՆԱԳԻՏԱԿԱՆ ԿԱՊԵՐԻ ՀԵՏԱԳԱ ԸՆԳԼԱՅՆՈՒՄԸ: 18-րդ դարի երկրորդ կեսին Ռուսաստանի օգնությամբ Հայաստանի ազատագրության հարցը դարձավ հայկական դիվանագիտության առանցքը: Հայտնի է, որ դրա արդյունքն է նաև 1722-30թթ. Գավիթ Բեկի, Մխիթար Մպարապետի, Ավան հարյուրապետի և Եսայի Հասան-Ջալալյանի գլխավորած ազատամարտը Մյունիխում և Արցախում:

Վերոհիշյալ ժամանակահատվածում Այսրկովկասը Ռուսաստանին միացնելու հարցը ռուսական դիվանագիտության համար ձեռք բերեց հատուկ նշանակություն: Այս ընթացքում կառավարական շրջանակներում առաջ էին քաշվում դեռևս Պետրոս Առաջինի օրոք կազմված մերձկասպյան արշավանքների ծրագրերի իրագործման նախագծերը, որտեղ նորից առաջնային դերակատարություն էր վերապահվում Արցախի մելիքներին: Իբրահիմ խանից հալածական մելիքների մոտ դեռևս կենսունակ էր հյուսիսի մեծ

հարևանի օգնությամբ երկրի փրկության ծրագիրը: Նրանք ճիգերի վերջին լարումով իմի բերելով երկրամասի տնտեսական և ռազմական կարողությունները նորից լծվեցին հայկական պետականության վերակերտման գաղափարին:

1769թ. հունիսին Հերակլ Երկրորդի կազմած և Ռուսաստան առաքած «Լրաստանին կից երկրների նկարագրությունից» գրության մեջ ասված է. «Խամսան մի երկիր է, որտեղ կան յոթ մելիքություններ: Նրանք բոլորը քրիստոնյաներ են, դավանանքով՝ հայեր, և սրանք ևս պարսից թագավորի արքունիքին հարկատու են եղել: Երբ քայքայվեց Պարսից թագավորությունը, այնտեղի քոչվոր ցեղերից մեկի առաջնորդը, որ մահմեդական էր տոհմով՝ ջոանշեր, հզորացավ և այս Խամսայի կենտրոնում կա հնուց ի վեր ամուր բերդ, խաբեությամբ գրավեց այն: Մի քանի անգամ մեր և այս ջոանշերի միջև տարաձայնություններ եղան և զօրությամբն աստծու մեզանից և մեր գորբերից պարտվեցին և ավերվեցին, ո՛չ այն քրիստոնյա հայերը, ո՛չ, այլ միա՛յն այն ջոանշերները: Այժմ այնպիսի պատճառներ ծագեցին, որ մեր և նրանց միջև խաղաղություն է տիրում: Խամսան ունի մեծ ամրություն, շատ լեռներ՝ անտառապատ ու ժայռաշատ և դաշտեր ունի ջրառատ, հույժ բերքատու: Իր երկրում ջոանշերը կարող է հավաքել երկու հազար հինգ հարյուր զինվոր, իսկ հայերը հանդես կգան չորս հազար հինգ հարյուր: Այս երկիրը գտնվում է հարավ արևելյան մասում և տիրում են սրանք մինչև Ղարաբաղի և Գանձակի սահմանները և գտնվում են Շիրվանի, Նախիջևանի, Գանձակի ու Ղարաղաղի միջև: Այս Խամսայի բնակիչները շատ քաջ են, պատերազմող և խիզախ, և այս մելիքների միջև վրեժխնդրության և թշնամության ծագումը ջոանշերների ձեռքը գցեց այս հայերին»³⁶⁴:

Գեպի Այսրկովկաս կատարվելիք արշավանքը ռուսական կառավարությունը մտադիր էր իրականացնելու նշանավոր գործավար Ա.Սուվորովի հրամանատարությամբ: Սուվորովը ապագա արշավանքի հաջողությունը կապում էր Արցախի մելիքների եռանդուն գործունեության հետ: Մելիքների և Սուվորովի կապը իրականացվում էր Հ.Արդությանի և Հովհ.Լազարյանի միջոցով: 1780թ. Սուվորովը Հովհ.Լազարյանից զեկուցագիր է ստանում Հայաստանի քա-

ղաքական դրության մասին, որտեղ նշվում է, որ «Հայաստանը ամայացած է, քնակչության մեծ մասը ստիպված է քնակություն հաստատել տարբեր տեղերում, սակայն հայ մելիքները Ղարաբաղում դեռևս պահպանում են իրենց անկախությունը և անհրաժեշտ դեպքում կարող են հանել իրենց զորքերը, որպեսզի վերականգնեն հայկական պետությունը, միայն թե անհրաժեշտ է Ռուսաստանի ռազմական և տնտեսական օգնությունը...»³⁶⁵: Մուվորովը ցանկություն է հայտնում ժամանել Ղարաբաղ և տեղում ծանոթանալ գործերի վիճակին, նույնիսկ կազմում է Հայաստանի քարտեզը, որը ներառում էր գլխավորապես Ղարաբաղի մելիքությունները: Ղարաբաղի մելիքները նաև ուղղակի նամակներ էին հղում ռուսական կառավարությանը, որի մեջ հայտնում են իրենց հպատակությունը և խնդրում օգնել ազատագրելու իրենց երկիրը: Այդ նամակներում մելիք Բեգլարը և մելիք Հաթանը իրենց համարում էին «Հայոց թագաւորաց ազնի զինվորաց մնացեալ ժառանգը»³⁶⁶:

Մուվորովը, որի մայրը ծագումով արցախցի էր, մեծ հռչակ ուներ Ղարաբաղի հայերի մեջ և մելիքները ձգտում էին ապագա արշավանքը գլխավորի մեծ գորավարը: «Խնդրում ենք,- գրում են մելիքները, - մինչև 10 հազար հետևակ և զոհ կլինենք, եթե դա իրականացվի զեներալ պորուչիկ Մուվորովի գլխավորությամբ»³⁶⁷:

Սակայն շուտով Մուվորովին տեղափոխում են Կազան և նրան այլևս չվիճակվեց զբաղվելու Այսրկովկասի հարցերով: Ռուսական կառավարության հանձնարարությամբ այդ հարցով զբաղվում էր Գ.Ա. Պոտյոմկինի ամենավստահելի բարեկամներից մեկը՝ նրա ազգական զեներալ պորուչիկ Պ.Ս. Պոտյոմկինը: Իր նախորդների պես նա ակտիվ շփումներ ունեցավ հայ երևելի գործիչների, հատկապես Հ.Արղոթյանի և Հովհ.Լազարյանի հետ: Պ.Պոտյոմկինը մանրամասն տեղեկություններ էր հավաքում Այսրկովկասում ստեղծված քաղաքական և տնտեսական կացության մասին:

18-րդ դարի 80-ականների սկզբին ռուսական արքունիքում նոր եռանդով սկսեցին քննարկել Հայաստանի ազատագրության հարցը: Այդ ծրագրերում ամենասուր ուշադրություն էր դարձվել իրական ուժի՝ Արցախի մելիքների վրա: 1783թ. ապրիլի 25-ին Գրիգորի Պոտյոմկինին հասցեագրված իր նամակում Էջմիածնի Դուկաս

կաթողիկոսը հիշեցնում էր, քե «առանձնապես ջանադիր են մելիքները, առավել ևս Արցախի մելիքները՝ լինելով անկախ, ինքնիշխան, ունեին բավական քվով զորք և պարենի տեսակետից էլ, հավատացած են, ձերդ վսեմ գերագանցությանն են հասցրել»³⁶⁸: Ռուսական արքունիքը փորձում էր Արցախի մելիքությունները ապագա Հայաստանի քաղաքական հիմքը դարձնել, իսկ մելիքներից մեկին կարգել հայոց պետության քազավոր: Այդ առթիվ 1783թ. ապրիլի 6-ին Գ.Ա.Պոտյոմկինը հրահանգ է տալիս Պ.Ս.Պոտյոմկինին. «Շուշիի Իբրահիմ խանին պետք է հեռացնել, որովհետև դրանից հետո Ղարաբաղը կկազմի բացի Ռուսաստանից ոչ ոքից կախյալ հայկական նահանգ: Գուք այդտեղ օգտագործեք ամեն ջանք, որպեսզի այս նոր նահանգը կազմակերպի ժողովրդի համար առավել նպատակահարմար ձևով: Գրանով հայկական այլ խոշոր նահանգներ ևս կհետևեն նրա օրինակին կամ մեծ քանակությամբ կզան Ղարաբաղ»³⁶⁹:

Չարգացնելով և կարևորելով այս գաղափարը Գ.Ա. Պոտյոմկինը 1783թ. մայիսի 19-ին Եկատերինա 2-րդին ուղղված գեկուցագրում ասում է. «Չունենալով դեռևս ձերդ կայսերական մեծության հրամանը ես կարգադրություն եմ արել գեներալ պորուչիկ Պ. Պոտյոմկինին Շուշիի Իբրահիմ խանի մասին, որը կմոտեցնի նրա հնազանդությունը: Այստեղ հարկ է նախատեսել, որպեսզի հարմար առիթով նրա նահանգը, որը բաղկացած է հայ ժողովուրդից տրվի ազգային կառավարման և դրանով իսկ վերականգնվի Ասիայում քրիստոնեական պետություն, ձեր գերագույն կայսերական մեծության խոստումների համաձայն՝ տրված իմ միջոցով հայ մելիքներին»³⁷⁰:

Գեպրեթի հետագա զարգացումը, ապացուցեցին, որ ռուսական արքունիքը ըստ էության, ոչ մի նպատակ չունեի Խամսայի մելիքությունների հիմքերի վրա վերականգնել հայկական պետականությունը: Պարզապես երկդիմի քաղաքականությամբ փորձում էր ստանալ հայերի համակրանքն ու առանց պատերազմի իրեն ենթարկեցնել Իբրահիմ խանին:

Ռուս բարձրաստիճան պաշտոնյաները լավ էին հասկանում, որ առաջ քաշելով անկախ Ղարաբաղի գաղափարը, այդ ճանապարհ

հով կատիպեն Իբրահիմին ընդունել իրենց հպատակությունը: Իսկ հայերի հարցում, նրանք վատահ էին, որ սիրաշահելու միջոցով մշտապես կվայելեն նրանց համակրանքը: Մի առիթով Եկատերինա 2-րդը ասել է. «...միայն զենքի ուժով չէ, որ հաղթում են ժողովուրդներին... այլ պետք է նվաճել նրանց վատահությունը... նվաճել սրտերը..., որի համար պետք է ամեն կերպ սիրաշահել և մեր կողմը գրավել ժողովուրդի լավագույն մարդկանց»³⁷¹:

Հայոց ազատագրության ամենավճռական պահին Իբրահիմ խանը հերթական անգամ ցույց է տալիս իր դիվանագիտական ճկունությունը և հպատակություն է հայտնում Ռուսաստանին: Այդ առթիվ Գ-րիգորի Պոտյոմկինը զեկույց ներկայացրեց Եկատերինա 2-րդին, որտեղ հարցնում է, թե հարմար չի լինի արդյոք «այս անգամ շոյենք Իբրահիմին, որպեսզի անհրաժեշտության դեպքում նա մեր բռի մեջ լինի»³⁷²: Եվ այդպես էլ կատարվում է:

1783թ. նույն մայիսի 19-ին Գ-րիգորի Պոտյոմկինը հրահանգ է տալիս Պավել Պոտյոմկինին. «...Շուշիի Իբրահիմ խանի հնազանդության և հպատակության մասին նրա խնդրանքը ավելորդ են դարձնում նրա հեռացումը: Ձերդ գերագանցություն, առանց իրականացնելու նախորդ հրահանգը նրա տապալման մասին, հաղորդեք նրան միայն, որ հարկը, որը ռուսական թագուհին կրարեհաճի հարգել, հավատարմությունն է: Եվ, այդպես, եթե նա աներեր կմնա դաշինքի մեջ և մշտապես պատրաստ կատարելու գերագույն հրամանները, ապա այդպիսի պայմաններում կարող է հուսալ հպատակության մեջ ընդունումը»: Իսկ Արցախի հայերին սիրաշահելու համար հրահանգ է տալիս « ...աշխատեք փաղաքշել հայերին և ներարկել նրանց մեջ բարի կամեցողություն դեպի Ռուսաստանը, որպեսզի նրանց միշտ ջանադիր և պատրաստ ունենալ օգտագործելու այն ձեռնարկումների համար, որոնք հանգամանքներն ու մեր գործերի շահերը կպահանջեն»³⁷³:

Գ. Պոտյոմկինը արդեն սկսում է հովանավորել Իբրահիմին և քայլեր է կատարում, որոնք հետին պլան էին մղում հայոց ազատագրության հարցը: Այդ էլ այն դեպքում, երբ Իբրահիմի բանագնացները լորճնաշորթն հավատարմագրերով միաժամանակ քակում էին ռուսական, թուրքական և պարսկական արքունիքների դա-

ները: Թուրքական սուլթանին ուղղված խնդրագրում նա ասում է. «Ամենապայծառափայլ բարձրյալիդ զեկուցում եմ, որ պատվիրակն եմ դարձնում ինձ վսեմագույն Դռան, որտեղ հենց հրեշտակներն են ապրում և նրանից են հորդում առատություններն անձայր, քան ծովը, ամբողջ իմ կյանքը, կարողությունը, հողերն ու ժողովուրդները ոտքի փոշին են փոխանորդի մեր մեծ մարգարեի: Ողորմագուր տեր, ...քեզանից օգնություն եմ սպասում և եթե զորացնենք մեզ, ապա մեր օրենքի թշնամիներին մենք գլխիվայր գղենք»³⁷⁴: Չմոռանալով Պավել Պոտյոմկինին հայտնել, թե ինքը վաղուց ի վեր ցանկություն է ունեցել դառնալու «ամենամեծաշուք Ռուսական գահի և անապառ առատածեռնությամբ գահակալող կայսրուհու հավատարիմ ու հաճակատար ստրուկը»³⁷⁵:

Գլխանագիտական քայլերի հետ միաժամանակ Իբրահիմ խանը եռանդուն նախապատրաստվում է Ռուսաստանի հնարավոր առաջ-խաղացումը կանխելու համար: Այդ նպատակով նա հիմնում է Ասկերանի բերդը, միաժամանակ մելիքներից աշխատուժ պահանջում Շուշի բերդաքաղաքի պարիսպները անմատչելի դարձնելու համար:

Ռուսական արքունիքի քաղաքական վայրիվերումներն ու հակասական դիրքորոշումը ողբերգական է դառնում Արցախի հայության համար:

Որերորդ անգամ ռուսական օգնության խոստումներից խրախուսված, նրանք ըմբոստանում են խանի դեմ: Խանն էլ առերես հպատակություն հայտնելու ճանապարհով, նույն ռուսական իշխանություններից իրեն ապահովագրած, դաժանորեն ճնշում, կողոպտում էր հայերին, քայքայում մելիքների ուժերը:

Արցախահայությունը ապրում էր նմանօրինակ տագնապալից օրեր, երբ սկսվեց Աղա Մուհամմադ խանի արշավանքը:

ՔԱՂԱՔԱԿԱՆ ԿԱՅՈՒԹՅՈՒՆԸ ԱՐՅԱԽՈՒՄ 18-ՐԳ ԳԱՐԻ ՎԵՐՋԵՐԻՆ: 18-րդ դարի վերջերին գահին տիրելու համար Իրանում նորից պայքար սկսվեց: 1794թ. թուրքական ծագում ունեցող Կաջարների ներկայացուցիչ ներքինի Աղա Մուհամադ խանը իրեն շահ է հռչակում, որից հետո եռանդուն գործունեություն ծավալում Իրանի տիրապետությունը Այսրկովկասի վրա վերահաստատելու և ռուսների առաջխաղացումը կանխելու համար: Շուտով նա պահանջ ներկա-

յացրեց վրաց Հեարակլ 2-րդ արքային՝ խզել իր կապերը Ռուսաստանի հետ և անվերապահորեն ենթարկվել Իրանին: Նա հպատակություն էր պահանջում նաև Այսրկովկասի տարածքում եղած խանություններից: Սակայն Հեարակլ 2-րդ արքան, որն ապավինել էր Ռուսաստանի հովանավորությանը, մերժեց այդ պահանջը: Աղա Մուհամադ խանը մերժում ստացավ նաև Ղարաբաղի Իբրահիմ խանից:

Աղա Մուհամադ խանին առավել շատ անհանգստացնում էին ռուսական կողմնորոշում ունեցող Արցախի մելիքները: Այդ էր պատճառը, որ նա խոստացավ մելիքներին հաստատել իրենց իշխանություններում և տապալել Իբրահիմ խանին, եթե նրանք ենթարկվեն պարսից շահին: Սակայն Արցախի մելիքները վճռակամությամբ մերժեցին սպառնալիքներով ուղեկցվող այդ պահանջը: Դեռ ավելին, նրան դիմակայելու համար անգամ դաշնակցեցին Իբրահիմ խանի հետ: Միայն շրջահայացություն ցուցաբերեց Ջրաբերդի մելիք Մեժլումը՝ միանալով Աղա Մուհամադ խանին՝ Իբրահիմ խանին տապալելու համար: Արցախի անհնազանդ տերերին պատժելու նպատակով 1794թ. ամռանը Մուլեյման Շահգադեի զորքերը մտնում են Արցախ և խայտառակ պարտություն կրում³⁷⁶:

Արցախում կրած պարտությունը կատաղեցնում է Աղա Մուհամադ խանին և նա դաժանությամբ պատժում է ողջ վերադարձած զորապետներին:

Եվ ահա, 1795թ. պարսկական 80000-անոց խառնիճաղանջ բանակը, անձամբ Աղա Մուհամադ խանի գլխավորությամբ անցնում է Արաքս գետը, մտնում Արցախ և պաշարում Շուշի ամրոցը: Աղա Մուհամադ շահը չի կարողանում կտրել Շուշիի պաշտպանների դիմադրությունը: Արցախցի մի ծերունու պատմածի հիման վրա Վարդան Օձնեցին նկարագրում է, թե ինչպիսի խիզախություն են դրսևորել Շուշի ամրոցը պաշտպանելիս 60 հայ քաջորդիներ, որոնք ծածուկ դուրս գալով ամրոցից՝ հանկարծակի հարձակում են գործել թշնամու վրա, խուճապի մատնել և մեծ կորուստներ պատճառել նրանց³⁷⁷:

Քիչ նեղություն չէին կրում շահի զորքերը նաև այն 12 հազար հայ ընտանիքներից, որոնք ամրացել էին Շուշին շրջապատող կիրճերի մեջ և շարունակ քիկունքից հարվածում էին պաշարողներին³⁷⁸: Շուշիի ամրոցի պարիսպների տակ կրած պարտության հա-

մար, Աղա Մուհամմադ խանի հրոսակները վրեժխնդիր են լինում անգեն ժողովրդից: Պարսից շահը առանձնակի դաժանություն էր ցուցաբերում գերի ընկած բերդապահ հայերի նկատմամբ: Նա հրամայեց ձիերը պայտել այնպես, որ պայտերը լինեն սմբակների երեսին, իսկ մեխերը դուրս ցցված լինեն սմբակների տակից: Ապա փռել տվեց գերիներին գետնի վրա և այդպես պայտած ձիերով կոխկրտել տվեց նրանց: Սմբակներից դուրս ցցված մեխերը կատարելապես հոշոտեցին, մսի և արյան զանգված դարձրին այդ թշվառներին³⁷⁹:

Չկարողանալով գրավել Շուշին, Աղա Մուհամմադ խանը, ասպատակելով Շուշիի շրջակայքում գտնվող հայկական բնակավայրերը, շարժվում է դեպի Թիֆլիս: Քաղաքի բնակիչների մի մասը սրի է քաշվում, իսկ մնացածները տարվում են գերի:

Յոթ օր քաղաքը թալանելուց, ավերելուց հետո, շահի զորքերը՝ հարուստ ավարով և հազարավոր գերիներով ծանրաբեռնված շարժվում են Մուղանի դաշտ՝ այնտեղ ձմեռելու: Մինչև այդ շահը փորձեց հնազանդեցնել Շամախու և Նուխու խաներին: Բայց նրա զորքերը պարտություն կրեցին: Կատաղած շահը իր թույնը թափեց Թիֆլիսից բերած գերիների վրա: Ավելի բարբարոսական պատիժ շահը պատրաստել էր Արցախից բերված 52 հայ գյուղապետների համար, որոնք ձերբակալվել էին Շուշու պաշարման ժամանակ: Նրա հրամանով շինվեց մի քարակիր պատ 52 նեղիկ ծակերով, որոնց մեջ մտցրին գյուղապետների գլուխները: Ապա պատի մյուս կողմից նրանց պարանոցներին անց կացրին հաստ պարաններ, որոնց ծայրերը կապեցին ամեհի ջորիների գավակներին ու հարվածներով ստիպեցին անասուններին քաշել այդ պարանները և նրանք այնքան քաշեցին, որ թշվառների գլուխները պոկվեցին:³⁸⁰

Աղա Մուհամմադ շահի հաջողությունները Այսրկովկասում թուլացրեց Ռուսաստանի հեղինակությունը տարածքաշրջանում: Այն վերականգնելու համար ցարական իշխանությունները անհապաղ միջոցառումներ ձեռնարկեցին: Սկզբում՝ ռուսական կառավարության որոշմամբ 1795թ. դեկտեմբերին Թիֆլիս է ժամանում 2000 հոգուց բաղկացած ռուսական մի ջոկատ՝ Վրաստանը Աղա Մուհամմադ շահի նոր ռտնձգություններից պաշտպանելու համար:

Օգտվելով առիթից, որ Խորասանում բռնկված խարտումները ճնշելու համար Պարսկաստան է ճանապարհվել Աղա Մուհամմադը, 1796թ. գարնանը ռուսական արքունիքը գործնականորեն նախապատրաստվում է արշավանքի: Ռուսական էքսպեդիցիոն կորպուսը գլխավորելու էր կոմս Վալերիան Ջուրովը: Վերջինիս Եկատերինա կայսրուհու խնդրանքով ուղեկցում էր արքեպիսկոպոս Հովսեփ Արղուքյանը, որը քաջատեղյակ էր Այսրկովկասում և Պարսկաստանում տիրող քաղաքական կացությանը:

1796թ. մայիսի 10-ին ռուսները գրավում են Գերբենդը: Ռուսական զենքի համար արշավանքը սկզբից ևեք բարեհաջող էր:

Շուտով ռուսներին են հանձնվում նաև Գուրան, Շամախին ու Բաքուն³⁸¹: Ռուսական զորքերի այս հաջողությունները պայմանավորված էին նաև այդ վայրերի հայերի աջակցությամբ: Հովսեփ Արղուքյանի կոչով ամենուր ստեղծվում են կամավորական ջոկատներ: Ռուսական իշխանությունները Այսրկովկասի քրիստոնյաներին ոգևորելու նպատակով հայտարարվել է, որ պատերազմական ձեռնարկության ամենագլխավոր նպատակն էր՝ «վերականգնել Հեռակլի իշխանությունն իր կալվածքներում, հայ մելիքներին և նրանց հպատակ Գարաբաղի բնակիչներին դնել միմիայն Ռուսաստանից կախված դրության մեջ»³⁸²:

1796թ. աշնանը կոմս Վ.Ջուրովը համալրում է ստանում և հոկտեմբեր ամսին մի գորաջոկատ՝ զեներալ Ս.Մ.Ռիմսկի-Տորսակովի հրամանատարությամբ ուղարկում Գանձակի վրա: Քաղաքը գրավելուց հետո նրանք պետք է միանային ռուսական հիմնական ուժերին և հասնեին Կուր ու Արաքս գետերի խառնվելու վայրը: Հովսեփ Արղուքյանը այնուհետև խորհուրդ է տալիս «անցնել Կուր գետը և, կանգ առնելով Մուղանի դաշտում, հրաման տալ Շուշու Իբրահիմ խանին, որ նա ինքը գա ձեռք պայծառափայլության մոտ կամ զոհն ուղարկի իր ավագ որդուն հայ մելիքների հետ: Չերդ պայծառափայլության այդ հրամանի կատարումը կդառնա Իբրահիմի դեպի Ռուսաստանն ունեցած հավատարմության և ջերմեռանդության ապացույց: Այնտեղ բոլոր կարևոր գործերը վերջացնելուց հետո կարելի է անարգել գնալ Թավրիզի կամ Արդեբիլի վրա, ուր որ ավելի հարմար կդիտվի: Իսկ հիշյալ Իբրահիմ խանից անհրաժեշտ է պա-

հանջել նրա որդուն հազար զինվորների հետ և հինգ հայ մելիքներին՝ նրանց հինգ հազար զորքերի հետ, զանազան գործողությունների համար, մասնավորապես իբրև առաջապահ զնդեր, որովհետև նրանց խորթ չի պատերազմական ոգին: Իսկ եթե Շուշու խանը ձեր հրամանը կատարել չկամենա, այդ կլինի նրա անհավատարմության և խորամանակ խաբեության բացարձակ ապացույց: Այս դեպքում կարելի է գործադրել հայ մելիքներին, որոնք հարմար զենք կդառնան նրան պաշտոնագուրկ անելու և բարձր աստիճանից ու բերդից զրկելու համար, իսկ այնուհետև ամբողջ Ատրպատականը կարելի է հնազանդության մեջ պահել առանց զենքի: Հայ գորքի քիվը, ի մեծ օգուտ Ռուսաստանի, կբազմապատկվի և կհասնի մեծ քանակության, և բոլոր ձեռնադրությունները վերջիվերջո կհանգեն բարեհաջող վախճանի: Շուշու խանը, իր կարծիքով, իր բերդերը համարում է անառիկ, բայց այդ կարծիքի վերաբերմամբ կարող է հեշտությամբ խարված լինել, որովհետև նրա բերդը և ուժն առավելապես հայերն են կազմում, որոնք թեև կտրիճ ու քաջ են, բայց ճշմարտապես անձնատուր եղած լինելով ռուսաց զահին, ոչ միայն զենք չեն վերցնի ռուսների դեմ, այլև ամեն կարգ կաջակցեն Իբրահիմի կորուստյան, եթե նա ուխտադրուժ կհանդիսանա: Պետք է միայն հայ մելիքներին զաղտնարար հուսադրել նորին մեծության ողորմությամբ և հովանավորությամբ»³⁸³: Իբրահիմ խանը կեղծավորաբար ջերմ հարաբերություններ պահպանելով Ջուրովի հետ, միաժամանակ ռուսների դեմ դիվային ծրագրեր էր մտմտում: Իբրահիմ խանն իր մոտ կանչեց Վարանդայի մելիք Շահնազարի որդի մելիք Ջումշուդին և մահ սպառնաց նրան, եթե հայերի մեջ ռուսամետ շարժում նկատի: Միաժամանակ նա Նուխու և Շամախու խաների հետ հակառուսական դաշինք կնքեց: Գրանից հետո Իբրահիմ խանը դավադրություն կազմակերպեց Ջուրովի դեմ, բայց հաջողություն չունեցավ:

Որերորդ անգամ Այսրկովկասի քրիստոնյա բնակչության ոգևորությունը մթազնեց Ռուսաստանից ստացված վատ լուրով: Սուրհանդակը ռուսական զորքերին էտ դառնալու հրաման բերեց: 1796թ. նոյեմբերի 6-ին մահացել էր Եկատերինա II-ը և նոր կայսր Պավել I-ը, կամենալով իր ուշադրությունը նվիրել եվրոպական գոր-

ծերին, միաժամանակ լինելով իր մոր քաղաքական ծրագրերի հակառակորդը, չէր ցանկանում շարունակել այդ արշավանքը: Ռուսական զորքերի հեռանալը ծանր հարված էր հայության համար: Ժողովուրդն ապրում էր տագնապալից օրեր: Մշտապես կրկնվող պատերազմական գործողությունների հետևանքով Արցախի, Սյունիքի և Գանձակի շրջաններում սովն ու մահտարժամը սովորական երևույթներ էին: Հայության մի մասը ստիպված լքում էր իր հայրենիքը, հեռանալով Վրաստան և Ռուսաստան:

Աղա Մուհամմադ շահը, ճնշելով Խորասանում ծագած ապստամբությունը, սկսեց եռանդով նախապատրաստվել Այսրկովկաս ներխուժելու համար: Ռուսական զորքերի հեռանալուց հետո, 1797թ. գարնանը Աղա Մուհամմադ շահը նոր արշավանք սկսեց դեպի այսրկովկասյան երկրները: Շահն Խուդափերիմի կամուրջով, անցնելով Արաքսը, շարժվում է դեպի Շուշի: Գարաբաղի Իբրահիմ խանն իր մերձավորներով լքում է ամրոցի պաշտպաններին և ապաստանում Գաղստանի Ումմա խանի մոտ: Այս անգամ Աղա Մուհամմադ շահը գրավում է Շուշին և ավերում այն, սրի անցկացնում բնակչությանը: Շահի դաժանություններից գերծ չէին մնում նաև իր իսկ անմիջական սպասավորները: Եվ նրանցից մեկը՝ Սաֆար Ալին, գիշերով մտնում է շահի ննջարանը ու դաշույնի հարվածներով վերջ դնում բռնակալի ոճրաշատ կյանքին³⁸⁴: Գրանից հետո պարսից զորքը խառնիճադանջ խմբերով հեռանում է դեպի Իրան, ուր պայքար էր սկսվել իշխանության համար:

ԱՐՅԱԽԻ ՄԻԱՅՈՒՄԸ ՌՈՒՍԱՍՏԱՆԻՆ: 18-րդ դարի վերջերին և 19-րդ դարի սկզբներին սկսվում է արցախահայության ազատագրական պայքարի և Ռուսաստանին միացման եզրափակիչ փուլը:

Արցախահայությունը ապրում էր թերևս իր պատմության ամենատագնապալից ու մղձավանջային օրերը: Աղա Մուհամմադ շահի և Հյուսիսային Կովկասի խառնամբոխ ցեղերի պարբերաբար կրկնվող ասպատակությունները, Իբրահիմ խանի խարդավանքներն ու հայաջինջ քաղաքականությունը քամել էին Արցախի կենսատու ուժերը: Այս ամենին գումարվեց երաշտն ու բնական մյուս աղետները: Երկրամասում մոլեգնում էին սովն ու համաճարակ հիվանդություն-

ները: Ավանդությունները պատմում են, որ մարդիկ գերեզմաններից հանում էին նոր քաղած մեռելներին և ուտում, հարձակումներ գործում գերիներ խլելու և մորթելու համար, երեխաներից մի քանիսին մորթում էին՝ մյուսներին հանգստացնելու համար³⁸⁵: Գաղթականների հոծ զանգվածներ տեղափոխվելով Վրաստան մի կտոր հացի համար վաճառում էին իրենց երեխաներին³⁸⁶:

Չնայած Իբրահիմ խանի դեմ անհավասար պայքարում մելիքների ուժերը հատվել էին, բայց պայքարը դադար չունեցավ:

Վարանդայի մելիք Ջումշուդը և նրա քրոջ որդի Գյուլիստանի մելիք Ֆրեյդունը, 1797թ. մեկնեցին Աստրախան՝ նպատակ հետապնդելով Հովսեփ Արղությանի միջնորդությամբ հանդիպել Պավել կայսրի հետ: Միաժամանակ Ղուկաս Կարնեցի կաթողիկոսը հատուկ ուղերձով դիմեց կայսրին՝ հովանավորության տակ առնելու հայ ժողովրդին: 1798թ. փետրվարի 26-ի կայսերական հրովարտական իր նախորդների՝ Պետրոս I-ի, Եկատերինա I-ի և Եկատերինա II-ի նման հայոց կաթողիկոսին, հայ մելիքներին, յուզբաշիներին ու կառավարիչներին, ողջ հայ ժողովրդին և առանձնապես Ռուսական կայսրության սահմաններում բնակվող հայերին, վերցնում է իր կայսերական ողորմածության ու պաշտպանության ներքո³⁸⁷: Չնայած այդ հավաստիացումներին, Պավել I-ը, ըստ էության, հրաժարվել էր Այսրկովկասում հայկական դուստր պետության ստեղծման գաղափարից, նպատակ հետապնդելով բռնագավթել երկրամասը:

Աստանդական դարձած մելիքները Աստրախանում երկար սպասելուց հետո 1799թ. մեկնեցին Պետերբուրգ և Հ.Արղությանի միջնորդությամբ ներկայացրին կայսրին իրենց աղերսագրերը:

Պավել կայսրը ընդունեց երկու մելիքներին ռուսաց հպատակության տակ: Մելիք Ֆրեյդունը ստացավ Բորչալուի մի մասը, իսկ մելիք Ջումշուդը՝ Լոռին: Գյուլիստանի մելիք Աբովը հաստատվեց Բոլնիսում: Այս ճանապարհով Ռուսաստանը պիտի կորցներ արցախահայ պետության ստեղծման վերջին հնարավորությունը:

Բարեբախտաբար արցախահայությունը տուրք չտվեց իր մելիքների ցանկություններին՝ տեղափոխվել նոր տիրույթները: Ժողովուրդը ամուր կառչած իր հողին շարունակեց պայքարը ազատության համար:

Աղա Մուհամադ շահի սպանությունից հետո նրա եղբորորդին՝ Ֆաթալի շահը, անցնելով իշխանության գլուխ, փորձեց Պարսկաստանի գերիշխանությունը նորից վերահաստատել Այրևկովկասում: Առանձնակի եռանդ էր այս հարցում ցուցաբերում թագաժառանգ Աբրաս-Միրզան: 1800թ. գարնանը նրա զորքերը մտան Արարատյան դաշտավայր և պաշարեցին Երևանը: Բերդաբաղաբը գրավել նրանց չհաջողվեց:

Գեպքերի զարգացման ընթացքը ի նպաստ Ռուսաստանին դարձնելու համար Հերակլ թագավորի որդի Գիորգի XII-ի մահվանից մեկ տարի հետո՝ 1801թ. սեպտեմբերի 12-ին Ալեքսանդր I-ի հրովարտակով վերացվեց վրաց թագավորությունը և Վրաստանը միացվեց Ռուսաստանին: Ալեքսանդր I-ի մանիֆեստով Ռուսաստանին միացվեց նաև հայկական Լոռին, Փամբակը, Շամշադինը և Հայաստանի հյուսիսային մի քանի այլ շրջաններ:

1804թ. հունվարին Գյանջայի գրավումով այստեղ բնակվող հայերը նույնպես անցան ռուսական հպատակության ներքո: Այնուհետև ռուսական հրամանատարությունը սկսում է եռանդուն նախապատրաստություն տեսնել՝ գրավելու ռազմավարական կարևոր նշանակություն ունեցող Երևանի ու Նախիջևանի խանությունները և Շիրակը:

Ռուս-պարսկական խորացվող հակասությունները շուտով վերաճեցին 1804-1813թթ. պատերազմի:

Հակառակորդների միջև առաջին լուրջ ճակատամարտը տեղի ունեցավ 1804թ. հունիսի 10-ին Փոքր Ղարաբաղի խա(Ազատան) գյուղի մոտ: Ռուսական կորպուսի առաջապահ ուժերը զենքավաճառ Տուչկովի հրամանատարությամբ հաղթանակ տարան: Իր հերթին զենքավաճառ Յիգիանովը հունիսի 30-ին Քանաքեռում ջախջախում է Աբաս-Միրզայի զորքերին և պաշարում Երևանը: Ուժեղ տոթը, ռազմամթերքի ու պարենի խիստ պակասը, ինչպես նաև Վրաստանում տիրող խռովահույժ վիճակը Յիգիանովին հարկադրեցին սեպտեմբերի 3-ին դադարեցնել Երևանի պաշարումը և վերադառնալ Թիֆլիս:

Ռուսների վերջին հաջողություններից անհանգստացած Ղարաբաղի Իբրահիմ խանը որոշեց հարաբերություններ հաստատել նրանց հետ: Պարսկաստանն էլ, Ղարաբաղը կորցնելու հեռանկարից խուսափելու նպատակով, 1805թ. հունվարին մեծաքանակ մի

գորագունդ է ուղարկում Ղարաբաղ: Գեռես Շուշի չհասած, Գիգակուն հայ կամավորները խայտառակ պարտության են մատնում պարսիկներին:

Իբրահիմ խանի վրա ճնշումն ուժեղացնելու նպատակով Շուշի է ուղարկվում մայրը Լիսանկիչի գլխավորությամբ ռուսական մի ջոկատ:

Իբրահիմ խանը ստիպված գնաց զիջումների: 1805թ. մայիսի 14-ին, Գանձակից 30 վերստ հեռավորության վրա, Քյուրակչայ գետի մոտ, գեներալ Յիցիանովը և Իբրահիմ խանը ստորագրեցին պայմանագիր: Որպես շահագրգիռ կողմ հայերից ներկա էին Թիֆլիսի և Գանձակի առաջնորդ Հովհաննես արքեպիսկոպոս Գեղարդակիրը և Վարանդայի մելիք Ջումշուդ Մելիք-Շահնազարյանը: Պայմանագրով Ղարաբաղը ընդունում է Ռուսաստանի հովանավորությունը, Շուշիում տեղակայվելու են ռուսական զորքեր, ռուս սատիճանավորների հսկողության տակ Ղարաբաղը ղեկավարվելու էր խանի կողմից: Պայմանագրի առաջին հոդվածում ասված է. «Ես՝ Շուշու և Ղարաբաղի Իբրահիմ խանս, իմ, իմ ժառանգների և հաջորդների անունից հանդիսավորապես ընդմիշտ հրաժարվում եմ Պարսկաստանից կամ այլ պետությունից վասալական կամ առհասարակ ուրիշ որևէ տիտղոս ունեցող որևէ կախում ունենալուց և սրանով հայտարարում եմ ամբողջ աշխարհի առաջ, որ ես ինձ և իմ հաջորդների վրա չեմ ճանաչում ուրիշ մի ինքնակալություն, բացի նորին կայսերական մեծության համառուսական մեծ թագավոր կայսրին և նրա բարձր ժառանգների և համառուսաստանյան կայսերական գահի ժառանգների գերագույն իշխանությունը՝ խոստանալով նույն գահին հավատարմություն, ինչպես նրա հավատարիմ ստրուկը, որի համար և պիտի երդվեմ սուրբ Դուրանի վրա»: Յարական կողմն իր հերթին խոստանում է, որ ցարի ու «նրա հաջորդների անունից շնորհն ու բարեխնամությունը Շուշու և Ղարաբաղի Իբրահիմ խանից ու նրա ժառանգներից, ինչպես և իրեն հավատարիմ հպատակից երբեք չեն խլվի...», նորին բարձրաստիճանության ու նրա ժառանգների ներկա կավաժների ամբողջականությունը պահպանված կլինի»³⁸⁸:

Փաստորեն այդ դաշնագրով ցարական Ռուսաստանը անսրող

ցույց տվեց մերկապարանոց, շահախնդիր արտաքին քաղաքականության էությունը, հարագատ մնալով ծավալապաշտական նկրտումներին, անտեսելով մինչև վերջ իրեն հավատարիմ մի ամբողջ ժողովրդի իր հայրենիքում ազատ ապրելու խնդրանքը, ամենակուպիտ ձևով ոտնահարելով Ղարաբաղի մելիքների հայրենասիրական իրավունքները: Այս նույն ձեռագիրն ուներ նաև 1921թ. մարտի 16-ի ռուս-թուրքական պայմանագիրը, 1921թ. հուլիսի 5-ի Կովկասյան բյուրոյի հայտնի որոշումը և «վերակառուցված» Ռուսաստանի ծնունդ Գորբաչովյան հայատյացությունը:

1805թ. գարնանը Աբաս-Միրզան մեծ բանակով անցնելով Արաքսը, մտնելով Ղարաբաղ՝ պաշարեց Շուշին: Ռուսական կայսգորը Լիսանևիչի գլխավորությամբ և տեղի հայ կամավորների օժանդակությամբ համար դիմադրություն ցույց տվեց թշնամուն:

Իբրահիմ խանը չնայած իր երդմանը, որոշեց միանալ Աբաս Միրզայի գործին, իր ընտանիքով գիշերը լքելով բերդը: Լիսանևիչը և մելիք Ջումշուդը, իմանալով դրա մասին, հետապնդում են խանին և Խանեն բաղ կոչվող տարածքում՝ հասնելով սպանում են Իբրահիմ խանին և նրա ընտանիքի մյուս տղամարդկանց:

Շուշիի պաշտպաններին օգնելու համար Գանձակից գնդապետ Կարյազինի հրամանատարությամբ ուղարկվում է 500 հոգանոց մի ջոկատ՝ երկու հրանոթով: Ասկերանի մոտ ռուսական զորքերին շրջապատում են պարսկական Փիր-Ղուլի խանի 10 հազարանոց բանակը: Պարսից առաջապահ զորքերին օգնության է հասնում Աբաս Միրզայի 30 հազարանոց բանակը: Գումարտակի ծանր վիճակի մասին Շուշիի կայսգորին տեղյակ է պահում կուսապատցի Վանի Աթաբեկյանը: Նրա օգնությամբ Կարյազինի գումարտակը Ասկերանից գաղտնի հեռանում և ամրանում է Շահ-Բուլաղ բերդում: Աբաս-Միրզան փորձում է պաշտպաններին սովի մատնելով՝ հարկադրել անձնատուր լինել: Մտեղծված կացության մասին Վանի Աթաբեկյանը իր եղբոր՝ Հակոբի միջոցով նամակ է ուղարկում Ելիզավետապոլ գեներալ Յիցիանովին, իսկ ինքը հաց և այլ սննդամթերքներ հասցնում սովի մատնված զինվորներին:

Հույսը կտրելով օժանդակ ուժեր ստանալուց, հուլիսի 7-ին գիշերը, Վանի Աթաբեկյանի ուղեկցությամբ, Կարյազինի գումարտակը

թշնամուց աննկատ հասնում է Մոխրաբաղ գյուղը: Կուսապատում հոր տանը գտնվող այլուրի պաշարները հանձնելով ռուս զինվորներին, նրանց բարեհաջող հասցնում է ռուսական հիմնական ուժերին: Այս քաջագործությունների համար Յիցիանովը Վանի Աթաբեկյանին նվիրեց իր արծաթե ժամացույցը³⁸⁹:

Հետագայում Վանի Աթաբեկյանը 60 հայ կամավորների գլուխ անցած կռվում է ռուս-պարսկական ճակատի ամենաթեժ կետերում: Արցախի հայությունը, նրա մեղիքական ուժերը, երկիրը ազատագրելու նպատակով կռվում էին ոչ միայն հայրենի եզերքներում, այլև ուր անհրաժեշտ լիներ, ուր որ ռուսական հրամանատարությունը հարմար գտներ:

Երևանի 1804թ. պաշարման ժամանակ ռուսական զորքերին մեծ օգնություն ցույց տվեց Գյուլիստանի Մելիք-Աբովի որդի՝ Ռոստոմ բեկի գլխավորած հայկական հեծյալ ջոկատը:

Ռոստոմ բեկը անձնագոհության հրաշալի օրինակներ ցույց տվեց Բոլնիսում, Փամբակի ու Ապարանի մարտերում: Անհավասար մարտերում ընկան Ռոստոմ բեկի ջոկատի մարտիկներից շատերը, իսկ ինքը՝ հրամանատարը, վիրավոր վիճակում գերվեց և շղթայակապ ուղարկվեց Թավրիզի բանտը, որտեղ և դաժան խոշատանգումներից հետո սպանվեց³⁹⁰:

Ճերունի Մելիք Աբովը որդու հերոսական նահատակությունից հետո, գլխավորեց հայկական ջոկատը և արիության բազում օրինակներ ցույց տվեց:

1806թ. Ղարաբաղում պարսկական զորքերի դեմ մղվող մարտերում աչքի ընկավ Մելիք-Ջումշուղ Շահնազարյանի հեծյալ ջոկատը: Ֆելդմարշալ Գուդովիչը, բարձր գնահատելով հայորդու ցուցաբերած ծառայություններն ու հմտությունը, գլխավոր շտաբ էր ներկայացրել՝ Մելիք-Ջումշուղ Շահնազարյանին փոխգնդապետի աստիճան շնորհելու համար: 1806 թվականից մինչև 1809 թվականը ռուս-պարսկական ճակատում հանգստություն էր տիրում: Խրախուսվելով Անգլիայի և Ֆրանսիայի կողմից, 1809թ. Պարսկաստանը նոր ռազմական գործողություններ սկսեց: Թուրքիայի և Պարսկաստանի դեմ երկու ճակատով կռվելուց խուսափելու նպատակով 1810թ. փետրվարին՝ Թավրիզում և ապրիլին՝ Ասկերանում Ռուսաս-

տանը Պարսկաստանի հետ բանակցություններ սկսեց: Սակայն Պարսկաստանը, ակնկալելով մեծ տերությունների աջակցությունը, ընդհատեց բանակցությունները և վերսկսեց պատերազմական գործողությունները:

1810թ. ամռանը գնդապետ Պ.Կոտլյարևսկու գորագունդը գրավեց Մեդրին, սպա, հանկարծակի գրոհելով Արաս-Միրզայի ճամբարը, նրան պարտության մատնեց և հարկադրեց գորքերը դուրս բերել Ղարաբաղից:

Անհաջողության մատնվեց նաև 1811թ. ամռանը Արաս-Միրզայի կողմից դեսպի Ղարաբաղ կազմակերպված արշավանքը:

1812թ. հայրենական պատերազմի ծանր շրջանում պարսկական զորքերը հարձակման անցնելով՝ ցանկանում էին վերստին գրավել իրենց կորցրած տարածքները: Ասլանդուզի և Լենքորանի ճակատամարտերում պարսկական զորքերի կրած ծանր պարտությունները Ֆաթ-Ալի շահին հարկադրում են հաշտություն խնդրել:

Հայ ժողովրդի ջանադիր մասնակցությամբ ռուսական զենքի հաղթանակները ամբողջականացվեցին 1813թ հոկտեմբերի 12-ին Գյուլիստանի հաշտության պայմանագրով: Այն ստորագրում են լիազոր՝ Ռ-տիշչևը և Պարսկաստանի ներկայացուցիչ՝ Միրզա Աբդուլ Հասան խանը³⁹¹: Պարսկաստանը ճանաչեց Գաղստանի ու Արևելյան Վրաստանի, ինչպես և Գյուլիստանի, Ղարաբաղի, Շաքիի, Շիրվանի, Գեղբենդի, Գուրայի, Բաքվի, Թալիշի խանությունների միացումը Ռուսաստանին³⁹²: Ըստ պայմանագրի երկրորդ կետի այս տարածքների հետ Պարսկաստանը հրաժարվում էր նաև Արևելյան Հայաստանի՝ Ղարաբաղի, Լոռու, Փամբակի, Շամշադինի, Չանգեզուրի և Շորագայի գավառներից: Պարսկաստանը գրկվում է Կասպից ծովում նավատորմ ունենալու իրավունքից³⁹³:

Անկախ նրանից, թե ցարական իշխանությունները Այսրկովկասում ինչ նպատակներ էին հետապնդում, այն համապատասխանում էր Ղարաբաղի հայության ազատագրական ձգտումներին:

Գյուլիստանի պայմանագիրը մեր ժողովրդի համար պատմական անանցանելի իրողություն է: Այն մի ավելորդ անգամ նորից վկայում է, որ Ղարաբաղը առանձին ազգային-պետական միավորի կարգավիճակով է անցել Ռուսաստանի տիրապետության տակ:

Հետևաբար, ներկայիս Ադրբեջանը կազմող տարածքները, Ղաղստանը, Վրաստանը, այնպես էլ Ղարաբաղը Ռուսաստանին են անցել հավասար իրավասուրյեկային կարգավիճակով: Ուրեմն, եթե խորհրդային կայսրության փլուզումից հետո վերոհիշյալները իրենց իրավունք են վերապահում ստեղծելու ազգային պետականություն, այդ նույնից օգտվում է նաև Ղարաբաղը: Գյուլիստանի պայմանագիրը կարող է քաղաքական ուղենիշ հանդիսանալ ԼՂՀ արդեն ձևավորվող արտաքին քաղաքականության և դիվանագիտության սկզբունքների մշակման համար: Այն, բացի քաղաքական պատճառաբանություններից, ունի նաև իրավական ամբողջացված դաշտ՝ մեր օրերի թելադրած տեսակետի առումով: ԼՂՀ ճանաչման իրավական կողմի առաջնային քայլը անպայման պետք է կապել Գյուլիստանի պայմանագրի հետ:

Այստեղ Ադրբեջանը հանդես է գալիս որպես երկրորդական դեմք: Հիմնական կնճիռը Ղարաբաղ-Ռուսաստան կապի վրա է, որովհետև կամա թե ակամա Ռուսաստանը ինքը եթե հիմա կանգնած է իր պետականության կայացման ճանապարհին և այն փորձում է իրականացնել քաղաքակիրթ չափանիշներով, չի կարող խուսափել իր պատմության իրավա-պայմանագրային հիմունքներից: Այսինքն՝ հաշվի նստելով այդպիսի հիմունքներից մեկի՝ Գյուլիստանի պայմանագրի հետ, Ռուսաստանը պիտի կողմնորոշվի ստացած ժառանգության նկատմամբ: Իսկ պետա-իրավական ժառանգությունը դա ոչ թե հպանցիկ երևույթ է, այլ տվյալ տերության գոյության ընթացքում մշակված պետական շահերի ամբողջություն: Հետևաբար, եթե Գյուլիստանի պայմանագրով Ղարաբաղը ինչ-որ չափով ինքնուրույնացված միավոր է Հայաստանի համար, ապա Ադրբեջանի մասին խոսք անգամ լինել չի կարող:

Գյուլիստանի պայմանագրի քաղաքական-իրավական ուժի արտահայտություններից մեկն էլ այն է, որ այդ պայմանագիրը պաշտպանության կարիք չունի: Խուսափումը նրանից նրան առընչվող ցանկացած պետության կողմից ուղղված է հենց խուսափողի դեմ: Որովհետև կիսատ-սյռատ ուժեղ-մշտական պետություն չի լինում, այլ լինում է ուժեղ պետություն, որի կառուցման հիմքում դրվում է քաղաքակրթության կողմից մշակված պետական-քաղաքա-

կան սկզբունքները ամբողջությամբ:

Յարական Ռուսաստանը հայերի օգնությամբ տիրանալով Ղարաբաղին, ձեռնամուխ եղավ իր գաղութատիրական քաղաքականության իրականացմանը: Յարական կառավարության հրամանով վերացվեց մելիքական կարգը: Նման քաղաքականության հիմքը պետք է փնտրել այն ինքնավարական ձգտումների մեջ, որոնց համար մարտնչել են Արցախի մելիքները:

Գրա փոխարեն պահպանվեցին թաթար խաների և րեկերի իրավունքները: Քննարկվող ժամանակաշրջանում Կովկասի ազնվականների 41,53%-ը վրացիներ էին, ռուսները՝ 16,4%, թաթարները՝ 27,50%-ը, իսկ հայերը ընդամենը 5,46%-ը³⁹⁴: Այս գործում իր բացասական դերն է կատարել վրացական ծագում ունեցող հայաստյաց Յիցիանովը:

Իբրահիմ խանի սպանությունից հետո, ռուսաց կայսեր անունից խանի հետնորդ հայտարարվեց նրա ավագ որդի Մեհտի-Ղուլի խանը: Վերջինս, չնայած իր հավատարմության երդումներին, նոր տերերի նկատմամբ նույնպես այնքան էլ բարեհամբեր չգտնվեց: 1822թ. Մեհտի Ղուլի խանի և նրա մերձավորների Պարսկաստան փախչելուց հետո, Ղարաբաղի խանությունը գեներալ Մաղաթովի հրահանգով լուծարվեց և վերակազմվեց Ղարաբաղի նահանգի, որն անմիջապես կառավարվում էր ռուսական կառավարության կողմից: Նահանգն իր հերթին բաժանվեց մահալների: Վարչական պաշտոններից հեռացվեցին խանական շրջանի նախկին պաշտոնյաները, իսկ մահալների կառավարիչներ նշանակվեցին ռուս աստիճանավորներ:

Քաղաքական այս գործընթացներով սկսվեց Ղարաբաղի պատմության նոր շրջանը:

† † ° ~ ~ † , † † † .
(IV - XVIII „ † æ»æ)

Գրերի գյուտը հայոց բազմադարյան պատմության մի նոր դարաշրջանի սկիզբ հանդիսացավ: Մերոպ Մաշտոցը իրական հնարավորություն ընձեռնեց հայ ժողովրդին մշակույթի համաշխարհային գանձարանը մուծել իր հանճարի գոհարները:

Հայերեն նշանագրեր ստեղծելուց հետո Մերոպ Մաշտոցը, ինչպես ասում է Խորենացին, «բոլոր գավառներում դպրոցներ հիմնեց»³⁹⁵:

Գիտակցելով այդ մեծ գործի նշանակությունը, Մաշտոցը թողնելով Վաղարշապատը, հեռանում է երկրի առավել խուլ և հետամնաց շրջանները գրագիտություն տարածելու:

Սկզբնական շրջանում Մաշտոցը լայն գործունեություն է ծավալում Գողթան գավառում, Մյունիքում, ապա տեղափոխվում է Արցախ: Հայտնի է, որ նա 5-րդ դարի սկզբներին Հաբանդ գավառի Ամարաս վանքում բացել է Արցախի առաջին դպրոցը, որը կարևոր դեր է խաղացել Հայոց Արևելից կողմերում հայ գրերի տարածման գործում:

Այնուհետև Մաշտոցը անցնում է Գիգակի Յոր բնակավայրը, այստեղից ավանդական Պանդալեոն բժշկի ուխտատեղու վրայով տեղափոխվում երկրամասի արևմտյան մասում գտնվող Մեծառանք և Մեծկվենք գավառները: Այստեղից իր աշակերտների հետ միասին իջնում է Արցախի դաշտային մասը, իրենց քարոզչական, լուսավորչական առաքելությամբ հասնում Ուտիքի Գիս ավանը, որը Հայոց Արևելից կողմերի երկրորդ նշանավոր սրբավայրն է :

Հարկ է նկատել, որ բազում դարերի ընթացքում Ամարասը ավերիչ ասպատակությունների է ենթարկվել: Չնայած դրան այստեղ երկար ժամանակ անընդմեջ գործել է դպրոց: Հետագա ժամանակներում Արցախում լուսավորական, դպրոցական կյանքը աշխույժ

վերելք է ունենում Վաչագան Բարեպաշտի քազավորության ժամանակաշրջանում: Անցնելով իշխանության գլուխ Վաչագանը քաջ գիտակցեց, որ օտարի տիրապետության տակ գտնվող հայության ինքնության պահպանության հիմնական միջոցը մայրենի դպրության տարածումն է:

Նախ և առաջ նա վերացրեց երկրի անմատչելի վայրերում բուն դրած մոլի աղանդները, քրիստոնեական հավատքին վերադարձնելով բոլոր նրանց, ովքեր բռնի մոգություն էին ընդունել: Մովսես Կաղանկատվացին ասում է, որ նա առաջին հերթին դպրոցներ էր բացում այն երեխաների համար, որոնց ծնողները նախկինում աղանդավորներ են եղել: Պատմիչը վկայում է, որ Վաչագանը երբ որևէ գյուղ էր գնում, անպայման մտնում էր դպրոցատունը, իր շուրջն էր հավաքում մանկաց, առաջարկում բարձրաձայն կարդալ: Եվ նրանց առաջադիմությամբ ուրախանում էր ավելի, քան եթե մեծագույն հարստություն գտներ: Նա դպրոցում իր շուրջն է հավաքում երեխաներին և մեկի ձեռքը զիրք տալով, մյուսին պնակիտ (զիր գրելու կամ նկարելու տախտակ), առաջարկում է միասին, միաբան ու բարձրաձայն կարդալ: Երեխաները իրենց անարատ շուրթերով հեզում են ոսկեղենիկ հայերենը, եւ նրանց ինքնավստահ ու մեծաձայն ընթերցանությունն արձագանք է տալիս Արցախամայր աշխարհի բոլոր անկյուններում՝ հնավանդ լեռնաստանը լցնելով արդեն գրի ու դպրության փոխված մայրենի հզոր ելևէջներով³⁹⁶:

Վաչագան Բարեպաշտի օրոք եկեղեցիներին կից դպրատներից բացի, գոյություն ունեին գյուղական դպրոցներ, որոնց ուսուցիչները վարձատրվում էին: Ուսումնասիրությունները ցույց են տալիս, որ տվյալ ժամանակահատվածում ինչպես Հայաստանի մյուս հատվածներում, այնպես էլ Արցախում գործում էին հասարակական տիպի դպրոցներ: Դրանք հիմնականում պահվում էին ժողովրդի միջոցով:

Խոշոր եկեղեցիներին ու վանքերին կից գործում էին հոգևոր - եկեղեցական դպրոցներ, որտեղ դասավանդում էին մայրենի լեզու, փիլիսոփայություն, կրոնական առարկաներ, երաժշտություն: Առավել բարձր ու պատրաստված գործիչներ ունենալու համար պահանջվում էր ավելի խոր ու ավելի բարձր կրթություն, «արտաքին»

գիտությունների՝ փիլիսոփայական ու իմաստասիրական գիտելիքների և գրականության իմացում, անհրաժեշտ էր տիրապետել քաղաքակրթության նվաճումներին: Այդ նպատակով Արցախի հոգևոր և աշխարհիկ իշխանավորներն իրենց զավակներին ուսման էին ուղարկում Ատրիք, Հունաստան, Պարսկաստան, Հռոմ, հետագայում՝ Վաղարշապատ, Գլաճորի համալսարան: Արցախի երիտասարդները կրթություն են ստացել նաև Անանիա Շիրակացու հիմնադրած մաթեմատիկական-բնագիտական դպրոցում: Ավարտելուց հետո լուսավորչական գործնեություն են ծավալել Սյունյաց նահանգում, ինչպես նաև Ամարասի, Դաղիվանքի դպրոցներում³⁹⁷:

Արաբական արշավանքների ժամանակաշրջանում մեծապես տուժեց հայ ժողովրդի ոչ միայն նյութական, այլև հոգևոր մշակույթը: Սկսած IX դարի վերջից հայկական պետականության վերածնունդը, սոցիալ-տնտեսական կյանքի աշխուժացումը նոր պայմաններ ստեղծեցին հայ մշակույթի՝ առաջին հերթին դպրոցի, կրթական գործի զարգացման համար:

Բացվում են տարբեր տեսակի ու բնույթի դպրոցներ: Հատկապես նշանավոր են Ամարասի Գ-տշավանքի, Դաղիվանքի դպրոցները:

Հանդես են գալիս անվանի ուսուցիչներ և ուսուցչապետեր, որոնց ջանքերով վարդապետարաններն ու համալսարանները վերածում են գիտության կաճառների: Այդ անունների շարքում առանձնակի փայլ ունի փիլիսոփա, տոմարագետ, մաթեմատիկոս, գրող Հովհաննես սարկավազ Իմաստասերը: Ծնվել է 1045 թ. Արցախի նահանգի Փառչոս գավառի Փառախոնիս գյուղում, քահանայի ընտանիքում: Մահացել է 1129 թ. և թաղվել Հաղբատի վանքում: Նրա գերեզմանի վրա գրված է ընդամենը երկու տող.

Արձանս այս սեմական է

Սոփեստոսի Մարկավազին³⁹⁸:

Երկար տարիներ աշխատել է Սյունիքում, Արցախում՝ Ամարասի, Դաղիվանքի դպրոցներում քարեկարգելով ուսումնադաստիարակչական աշխատանքների կազմակերպման գործը:

Առավել տպավորիչ էր նրա գործունեությունը Անիի վարդապետարանում: Հաջողությամբ ավարտելով Հաղբատի դպրոցը Հով-

հաննեսը մեկնում է Անի քաղաքը, այնտեղ բացում դպրոց, որտեղ կրոնական առարկաներից բացի դասավանդվել են երկրաչափություն, փիլիսոփայություն, տոմարագիտություն, տիեզերագիտություն և բնագիտական այլ առարկաներ:

Հովհաննեսի դպրոցի և նրա անխոնջ տնօրենի հռչակը շատ արագ տարածվում է Հայաստանում և նրա սահմաններից դուրս: Վրաց Դավիթ թագավորը, հայտնում է պատմիչը, «սիրում էր հայ ժողովրդին, (հայկական) եկեղեցիները, և Հաղբատի հռետոր մի վարդապետի, որի անունն էր Սարկավագ, նրան էր խոստովանում իր հանցանքները և խոնարհելով իր պատվական գլուխը, ստանում էր նրա օրհնությունը»³⁹⁹:

Հովհաննես Իմաստասերը, մանկավարժական աշխատանքին զուգընթաց, գիտական հետազոտություններ է կատարել տոմարի(ներառյալ նաև ներքին հետ է կապված հայկական շարժական տոմարը անշարժ դարձնելու իրողությունը), տիեզերագիտության, փիլիսոփայության, պատմության վերաբերյալ, գրել է բանաստեղծություններ, հմտացել է նաև երաժշտական հնչակարգի հարցերում: Հովհաննես Իմաստասերը գիտությունը հարստացրեց երևույթների և իրողությունների հետազոտման՝ փորձաքննական մեթոդով: Միաժամանակ նա եկավ այն եզրակացության, ըստ որի բավական չէ նվաճումների յուրացումը, պետք է կարողանալ զարգացնել դրանք: Դա, ըստ էության, գիտությունը առաջ մղող նոր մեթոդի առաջադրումն էր:

XII-XIIIդդ ծաղկում էր ապրում Նոր Գետիկի կամ Գոշավանքի վարդապետարանը: Դա կապված էր խոշոր իրավաբան, մատենագիր և ուսուցչապետ Մխիթար Գոշի անվան հետ: Սկզբում նա դպրոց է բացում Կարինում, Գանձակում, այնուհետև Հաթերքի Վախթանգ իշխանի հովանավորությամբ՝ Խաչենում: Այստեղից տեղափոխվում է Գետիկ վանքը, որը 1191 թ. երկրաշարժի պատճառով ավերվում է: Չաքարե իշխանի օժանդակությամբ Մխիթար Գոշը մերձակա Տանձուտ ձորում հիմնադրում է նոր Գետիկի վանքն ու վարդապետարանը: Այստեղ են ուսում ստացել հայ մշակույթի կարկառուն ներկայացուցիչներ Վանականը, Կիրակոս Գանձակեցին և ուրիշներ:

Մոնղոլական արշավանքների հետևանքով մշակութային կյան-

քի վերելքը ընդհատվեց: Առանձնապես իրավիճակը անմխիթարական էր թուրքմենական ցեղերի տիրապետության և թուրք-պարսկական պատերազմների շրջանում: Այդ ամենը առանձնապես ծանր անդրադարձավ դպրոցական կյանքի վրա: Նախորդ դարերում հռչակ ձեռք բերած դպրոցները փակվեցին:

XVII դ. առաջին կեսից սկսած, երբ երկրում համեմատաբար խաղաղ իրադրություն ստեղծվեց, արցախահայությունը նորից ձեռնամուխ եղավ դպրոցների բացման գործին:

XVII-XVIII դդ. Արցախում, երբեմն որոշ ընդհատումներով շարունակել են գործել Գ-անձասարի, Գ-աղի վանքի, Գ-տիչ, Ս. Հակոբի, Երից Մանկանց վանքի, Շուշիի եկեղեցու և այլ վանքերի եկեղեցիներին կից դպրոցները⁴⁰⁰:

Միջնադարի ողջ ժամանակահատվածում եկեղեցիներին, վանքերին կից դպրոցների հետ միասին գործում էին նաև մատենադարաններ: Հայերեն ձեռագրեր են գրվել հազարից ավելի գրչության կենտրոններում, Մեծ Հայքի բոլոր 15 աշխարհներում, Փոքր Հայքում, Կիլիկիայում, հայ գաղթավայրերում: Գրանց մեծ մասը օտար նվաճողների կողմից ալան-բալանի է ենթարկվել: Գրերի բազում փորձությունների միջով մեր օրերն են հասել շուրջ 300000 հայերեն ձեռագրեր՝ իրենց մեջ ներառելով պատմագիտական, փիլիսոփայական, աստվածաբանական, գրական բնույթի բազմաթիվ ու բազմաբնույթ ստեղծագործություններ, մշակույթի զանազան ոլորտներին վերաբերող հարուստ նյութեր, թարգմանական ճոխ գրականություն, բարձրատիպ և ինքնատիպ մանրանկարչություն: Արցախի և Ուտիքի գրչակենտրոններում ստեղծվել են հարյուրից ավելի մատյաններ⁴⁰¹:

Ձեռագիր մատյանների ընդօրինակման ու պատկերագրողման աշխատանքները սկզբնավորվել է դեռևս վաղ միջնադարում: Հայոց Արևելից կողմերի պատմիչը վկայում է, որ աղանդավորության դեմ պայքարի ընթացքում VII դարում բազմաթիվ գրքեր թափել են Տրտու գետը⁴⁰²:

Գրչության նշանավոր կենտրոններից մեկը Գ-անձասարն էր: Լեռի կարծիքով այստեղ գործում էր լավ մատենադարան⁴⁰³:

Հմուտ ձեռագրագետ Օ. Եզանյանը դրան ավելացնելով գրում

է. «Որպէս կաթողիկոսական նստավայր և գրչութեան արվեստի կենտրոն, Գանձասարի վանքը ժամանակին ունեցել է նաև իր գրչատունն ու գրչակիր մատյանների հավաքածուն»⁴⁰⁴:

Գեռես 989թ. հիմնադրված Թարգմանչաց վանքը ունեցել է իր գրչութեան կենտրոնը, որտեղ 1232 թ. ընդօրինակվել է Գրիգոր Ծաղկողի հայտնի «Թարգմանչաց» Ավետարանը:

XIII-XVIIդդ. ճոխ և բազմարժանողական ձեռագրեր են ստեղծվել Վանական վարդապետի հիմնադրած Խորանաշատի գրչութեան կենտրոնում, Երից Մանկաց վանքում, Գոշավանքում, Ծարի ս. Աստվածածնի կամ Գետամեջի վանքում: Գոշավանքի համալիրի մեջ կա նաև երկհարկանի գրատուն:

Խոշոր գրչակենտրոններ են եղել նաև Գանձակում, Շուշիում, Շամախում, Գոշավանքում, Ամարասում, Թաղասեռում: Շուշիից մեջ է հասել 20, Զակամա երկրից՝ 35, Շամախուց՝ 15 ձեռագրեր⁴⁰⁵:

Հետաքրքիր է այն փաստը, որ XVII-XVIIIդդ հայոց երկրի տարրեր հատվածներում մշակութային կյանքի միապաղատության պայմաններում Քաշունիքի, Քաշաթաղի, Քարվաճառի անմատչելի վայրերում մի ժամանակվա հզոր իշխանական տների կենսունակ շառավիղների հոգատար հայացքի ներքո ստեղծվեցին տասնյակ ձեռագիր մատյաններ: Հիշատակության արժանի է Մաշտոցի անվան Մատենադարանում 2067 համարի տակ պահպանվող 1684թ. Ծարի «Քարոզգիրք»-ը (գրիչ՝ Վառվառե), 1652թ. Ապահեն գյուղի «Շարակնոց»-ը (կազմող՝ Մովսես), 1653-54թթ. Մոսի «Ավետարանը» (գրիչ՝ Մարտիրոս Խնձորեկցի, ծաղկող-կազմող՝ Մովսես Երեց), 1666թ. Հարար գյուղի «Մաշտոց ձեռագ»-ի հիշատակարանը (գրիչ՝ Պաղտասար դպիր, պատվիրող՝ Մարտիրոս քահանա): Նույն Պաղտասար դպիրի ձեռքով Հարար գյուղում 1671թ. գրված մեկ այլ ձեռագիր հիշատակարան պահվում է Լոնդոնի «Վելթոն» ինստիտուտի գրադարանում⁴⁰⁶:

Արցախում հայկական պետականության բեկորների պահպանության շնորհիվ ոչ միայն ընդօրինակվել են ձեռագրերը, այլև հայոց տարրեր նահանգներից հավաքվել և այստեղ պահպանվել են հայ ձեռագրական մշակույթի համար անզնահատելի արժեք ներկայացնող մի շարք գործեր: Մոնղոլները իրենց համար եկամտի

մեծ աղբյուր էին դարձրել նվաճված վայրերում հափշտակված ձեռագիր մատյանները մեծ գումարներով հայ իշխաններին վաճառելու գործը⁴⁰⁷:

Կիրակոս Գանձակեցին՝ ի քիվս այլոց, հիշատակում է իշխան Գրիգոր Ծարեցուն⁴⁰⁸:

XIII–XIV դդ Արցախ բերվել և պահպանվել են Մեծ շեն գյուղի 909թ Կարմիր Ավետարանը (Մատ. N 6202, այն Մլբե քազուհու և Լազարյան Ավետարաններից հետո իր հնությամբ հայերեն երրորդ քվակիր մատյանն է), Գիզակի Յոր գյուղի 1040թ Ավետարանը (Մատ. N 1252), «Բեգյունց» կոչվող 11-րդ դ. Ավետարանը (Մատ. N 10090), Հռոմկլայի 1166թ. Ավետարանը (Մատ. 7347), Սկևռայում ընդօրինակված 1283թ. Ավետարանը (Մատ. N 6764), Գրազարկի 1294թ. Ավետարանը (Մատ. N.2588), «Հաղպատի» 1211թ. Ավետարանը (Մատ. N 6288)⁴⁰⁹:

V դարում սկզբնավորվում է հայ ինքնուրույն գեղարվեստական խոսքը: Հայ առաջին հեղինակների երկերը իրենց բովանդակությամբ խիստ ազգային էին, կապված իրենց միջավայրի և դարաշրջանի իրական պայմանների ու որոշակի պահանջների հետ: Սկզբնական շրջանում գրականությունը տոգորված է եղել քրիստոնեական-կրոնոկան ոգով ու գաղափարախոսությամբ:

Այդ ընդհանուր ֆոնի վրա VII դարում գրված Գավթակ Քերթողի «Ողբք ի մահն Ջևանշեքի մեծի իշխանին» ստեղծագործությունը հայ գրականության աշխարհականացման ճանապարհին մեծ հայտնություն էր: Գավթակ Քերթողի «Ողբը» գրված է հունական ճարտասանական արվեստի կանոններով:

Գավթակի ստեղծագործության մեջ ներկայացված է Գարդմանքի իշխան Ջևանշեքի գովքն ու նրա սպանության հետ կապված իրողությունը: Մանուկ Աբեղյանի կարծիքով «Ողբը» գրված է բանաստեղծական զգացումով, քնարական տխուր, երբեմն բուռն գեղումներով, պատկերավոր կենդանի ոճով, բովանդակությանը համապատասխանող տաղաչափական ձևերի օգտագործմամբ⁴¹⁰:

Գավթակը Հայոց Արևելից գավառների ծնունդ է եղել: Նա Ջուանշեքի համերկրացին էր և նրա կորուստը բանաստեղծը համարում էր իր երկրի և ժողովրդի մեծ կորուստը⁴¹¹:

Գավթակի բանաստեղծությունը հետագայում քարգմանվել է ռուսերեն, անգլերեն, ֆրանսերեն, գերմաներեն, իսպաներեն և լեհերեն լեզուներով:

Հայոց Արևելից կողմանց գեղարվեստական գրականության աշխարհականացման հաջորդ շրջանը կապված է IX դարում Բուդայի դեմ պայքարում հերոսացած Գտիչ բերդի պաշտպանության կազմակերպիչ Եսայի Աբու Մուսե իշխանի անվան հետ: Այդ ճակատամարտում, ի պատասխան Բուդայի սպառնալիքների Եսայի իշխանը գրեց իր «Թուղթը», որտեղ հայ իշխանը բանաստեղծական ոճով ներկայացնում է լեռնականի խիզախ ոգին և հաղթանակի հասնելու անկոտրում կամքը:

IX դարում ապրել և ստեղծագործել է Համան Արևելցի թագավորի ժամանակակից Համան Վարդապետ Արևելցի բանաստեղծն ու երաժիշտը: Նրա թողած գրական ժառանգության մեջ հայտնի են բանաստեղծություններ, աստվածաշնչային մեկնություններ, քերականության ձեռնարկ և այլ ստեղծագործություններ: IX-XII դդ ապրել է Անանուն շարականագիրը, որն իր ստեղծագործությունների մեջ ներկայացնում է բողոք օտար նվաճողների դեմ:

XII դարի երկրորդ կեսին գեղարվեստական արձակի մեջ ձևավորվում է մի նոր ուղղություն: Դրա հիմնադիրը դարձավ Մխիթար Գոշը: Ժողովրդական լայն զանգվածներին դաստիարակելու, համախմբելու և լուսավորելու քաղաքացիական մեծ պարտքի զգացման արդյունքն է 190 առակ պարունակող նրա ժողովածուն⁴¹²:

Գոշի առակների նյութը հասարակական և կենցաղային խնդիրներն են, դասակարգերի, դասերի ու խավերի, անհատների փոխհարաբերությունների հարցերը: Առակներում հատուկ ուշադրություն է նվիրված Հայոց պետականության ազգապահապան դերին և նրա ուժեղացման գաղափարին: Այս տեսանկյունից Գոշի առակները նրա «Դատաստանագրքի» տրամաբանական շարունակությունն է համարվում:

XIV-XVIII դդ. հայոց տարբեր նահանգներում ստեղծվում են Տաղարան կոչված ժողովածուները: Նրանցում մեծ տեղ են գրավում քաղաքական-հայրենասիրական ստեղծագործությունները: Քիչ չեն նաև մեռածներին կամ էլ առանձին անձանց տխուր ճակատագ-

րերին նվիրված ընդհանուր բնույթի ողբերը, որոնք հատուկ տեղ ունեն «Մաշտոց» կոչվող ժողովածուներում: Նման ստեղծագործությունները պահպանվել են Արցախի վանքերում գրված ձեռագրերի մեջ:

V-XVIIIդդ Հայոց Արևելից նահանգներում, չնայած տարափոխիկ հանգամանքներին, հայ պատմագիտական միտքը, վայրիվերումներով հանդերձ, մնաց պատշաճ աստիճանի:

Մովսես Կաղանկատվացին VII դարի հեղինակ է: Լինելով Հայոց Արևելից

նահանգների թագավորական տան պատմիչը, նա իր երկրամասի պատմության շարադրանքը սկսում է Առանից: «Պատմություն Աղուանից աշխարհի» գիրքը կազմված է երեք հատորից: Առաջինն ու երկրորդը շարադրվել են VIIդ. վերջին, Մովսես Կաղանկատվացու կողմից: Ջղ. երրորդ հատորը գրել է Մովսես Գասխտրանցին՝ ամբողջացնելով Արցախի և Ուտիքի (I-Xդդ.) մեկ հազարամյակի պատմությունը: «Պատմության» մեջ հստակ ձևով ներկայացված է հայ Աղվանքի աշխարհագրական սահմանները: Երկու հեղինակների շնորհիվ մեզ հաջողվում է պատկերացում կազմել օտար բռնավորների դեմ արցախահայության հերոսական պայքարի, Առանշահիկների թագավորական տան գործունեության մասին: Ականատես պատմիչն ամենայն մանրամասնությամբ գրում է բոլոր այն փորձությունների մասին, որ ենթարկվեց իր հայրենիքը: «Պատմության» շնորհիվ մեզ է հասել հայոց առաջին քնարական պոեմը՝ Գավթակ Քերթողի «Ողբը»: Մովսես Կաղանկատվացուն ենք պարտական այն անգնահատելի տեղեկությունների մասին, որ տալիս է Աղվանքի, Վրաստանի և հատկապես խազարների մասին:

Մովսես Գասխտրանցուն պատկանում են պատմության այն հատվածները, որոնք ընդգրկում են արարական տիրապետության շրջանը, Ջղ. արցախահայության պետականության վերականգնումը: Պատմության վերջում կցված է մի գլուխ՝ «Անունք հայրապետացն Աղուանից, ամք և գործք նոցին» վերնագրով, որը Աղվանից կաթողիկոսների շարքը սկզբից հասցնում է մինչև 998թ.: Գրքում հանգամանորեն խոսվում է նաև Արցախի և Ուտիքի հայության հոգևոր արժեքների մասին:

Առանց փաստերի և իրողությունների մեկնաբանության աղբրեջանցի «գիտնականները» վերոհիշյալ երկու պատմիչին էլ վերագրում են աղվան ծագում, իսկ նրանց երկը համարում Աղբրեջանի պատմության շարադրանք:

Արցախում և Ուտիքում հայ պատմագրությունը նոր փայլով ու որակով հանդես եկավ: Հանդես եկան պատմիչների մի բույլ, որոնք հարցերին ինքնատիպ և բազմաբովանդակ մոտեցմամբ ու ընդգրկումով գերազանցում էին նախորդ շրջանի պատմիչներին:

Վանական վարդապետը իր ժամանակաշրջանի հայ պատմագրական դպրոցի հիմնադիրն է: Ծնվել է 1181-ին Ուտիքի Տավուշ գավառում: Նրա հիմնած Խորանաշատի դպրոցում ուսանել են Կիրակոս Գանձակեցին, Վարդան Արևելցին, Գրիգոր Ակներցին:

1236թ. Վանական Վարդապետը իր աշակերտների հետ միասին գերվում է մոնղոլների կողմից, հետո Գագ բերդի բնակիչների հանգանակած միջոցներով փրկագնվում և շարունակում է իր գիտալուսավորչական գործունեությունը: Վարդան Արևելցու և Կիրակոս Գանձակեցու վկայությամբ Վանականը գրել է իր ապրած օրերի և հատկապես մոնղոլական նվաճումների պատմությունը, որ դժբախտաբար մեզ չի հասել:

Վանական Վարդապետը գրել է և պահպանվում են աստվածաբանական բազմաթիվ գործեր՝ «Մեկնութիւն Յորայ», «Բացատրութիւն աղօթից Ամբակունայ մարգարէի», «Համեմատութիւն Հին կտակարանաց ի Նորս», «Խրատ դավանութեան», որոնցում պաշտպանում է Հայոց եկեղեցու սկզբունքները:

Նրա «Հարցմունք և պատասխանիք» ժողովածուն, միջնադարյան Հայաստանի դպրոցներում օգտագործվում էր որպես ուսումնական ծրագիր:

Վանական Վարդապետը վախճանվել է 1251թ. մարտի 18-ին իր կտակի համաձայն՝ թաղվել Խորանաշատի մերձակայքում եղած չքավորների գերեզմանոցում:

Կիրակոս Գանձակեցին հայ պատմագրության փայլուն ներկայացուցիչներից է: Նա դեռևս իր ժամանակակիցների կողմից գնահատվել է որպես ռաբունապետ:

Կիրակոս վարդապետը ծնվել է 1202 կամ 1203թ. Գանձակում:

Սկզբում աշակերտել է Մխիթար Գոշի Նոր Գետիկի դպրոցում, այնուհետև Վանական Վարդապետի մոտ: 1236թ. մոնղոլ Մոլար Նուինի հրոսակները հասնում են մինչև Տավուշ, գրավում այն և կողոպտում քարայր-դպրոցը, գերեվարում աշակերտներին, այդ թվում՝ Կիրակոսին: Սակայն ապագա մեծ պատմիչին հաջողվում է փախչել գերությունից և վերստին հաստատվել Նոր Գետիկում: Նա մինչև իր կյանքի վերջը զբաղվել է մատենագրական աշխատանքներով, միաժամանակ հեռու չմնալով հայ հասարակական, կրոնա-վարչական և մշակութային կյանքից: Կիրակոս Գանձակեցին վախճանվել է 1271թ. և թաղվել Նոր Գետիկի վանքում:

Նրա «Պատմութիւն Հայոց» երկը սկսվում է IV դարից և հասնում մինչև 1265թ.: Առաջարանը նվիրված է Պատմության շարադրման հանգամանքներին: Գրքի առաջին մասը սկսվում է Գրիգոր Լուսավորչի, Տրդատի և հիմնականում նրանց անունների հետ կապված, քրիստոնեությունը Հայաստանում պաշտոնական կրոն դառնալու կապակցությամբ տեղի ունեցած իրադարձությունների նկարագրությամբ: Այստեղ հեղինակը, օգտվելով նախորդ շրջանի գրավոր աղբյուրներից, ամփոփել է մինչև XIIդ. վերջին տասնամյակները կատարված անցողարձերը, ներառյալ Կիլիկիայի համապատասխան ժամանակահատվածի պատմությունը:

Աշխատության երկրորդ մասը սկսվում է 1197թ. և ավարտվում 1265թ. դեպքերով: Այն շարադրված է իրադարձություններին ականջալուր և ականատես հեղինակի մոտեցումով, ուստի այն ավելի արժեքավոր է: Նա հանգամանորեն պատմում է XIIդ. վերջին տասնամյակներում Վրաստանի ռազմական ու քաղաքական հզորացման և հայ – վրացական միասնության, Չաքարյանների ժամանակ Հայաստանի՝ սելջուկների լծից ազատագրման, քաղաքական, սոցիալ–տնտեսական ու մշակութային կյանքի աշխուժացման մասին:

Կիրակոս Գանձակեցու երկը չափազանց կարևոր է մանավանդ Հայաստանում ու Մերձավոր Արևելքում մոնղոլների տիրապետության շրջանի պատմության լուսարանման համար: Նա ընթերցողին մատուցում է ոչ միայն մոնղոլների հաղթական արշավանքների, ավարառության, համատարած կոտորածի պատկերը, այլև նկարագրում է նրանց ցույց տրված հերոսական դիմադրությունը:

Գանձակեցին բավականին լայն տեղ է հատկացրել հայ ժողովրդի՝ այդ ժամանակաշրջանի սոցիալ-տնտեսական, իրավա- հասարակական պայմաններին և հոգևոր-մշակութային երևույթներին:

Իր պատմությունը շարադրելիս Գանձակեցին շատ ու բազմազան աղբյուրներ է օգտագործել: Գրեթե առանց բացառության դիմել է բոլոր նախորդ հայ մատենագիրներին, լայնորեն օգտվել է անցյալի և իր ժամանակի վիմագրական աղբյուրներից, հայ թարգմանական գրականությունից, ինչպես նաև հայ բանահյուսությունից ու բանավոր-ժողովրդական գրույցներից և ականատեսների վկայություններից: Այդ ամենը նա անց է կացրել քննական իր մաղով: Պատահական չէ, որ նրան համարել են «Մովսես Խորենացու հետևորդն ու Ստեփաննոս Օրբելյանի նախորդը»⁴¹³:

Կիրակոս Գանձակեցու երկը ժամանակաշրջանի պատմության ստուգապատում սկզբնաղբյուր է ոչ միայն հայագիտության, այլև ընդհանրապես կովկասագիտության ու արևելագիտության համար:

Մատենագիր, փիլիսոփա, աշխարհագրագետ, գրող, թարգմանիչ, մանկավարժ և ազգային-հասարակական գործիչ Վարդան Արևելցին ծնվել է XII դ. վերջերին Գանձակի կողմերում:

Նա սկզբում ուսանել է Մխիթար Գոշի մոտ Նոր Գետիկ վանքում, այնուհետև հիմնարար կրթություն է ստացել Խորանաշատ վանքում՝ ուսուցչապետ ունենալով Վանական Վարդապետին: Փայլուն գիտելիքներ ստանալուց հետո նա Կայենաբերդի ս.Անդրեյի վանքում հիմնել է դպրոց: Մանկավարժական լայն գործունեություն է ծավալել Հաղբատի վանքում: Կոստանդին Բարձրաբերդցի կաթողիկոսի հորդորանքով մի ժամանակամիջոց ապրել է Կիլիկիայում: Այստեղ նա մասնակցել է հայոց եկեղեցու գաղափարական հիմքերի ամրապնդմանը, պայքարելով Բյուզանդիայի և Հռոմի հայակույ բաղաքականության դեմ:

Վարդան Արևելցին կյանքի վերջին մեկ և կես տասնամյակը անց է կացրել Խոր Վիրապի վանքում, որտեղ հիմնել է միջնադարյան բարձրագույն դպրոցներից մեկը: Վարդան Արևելցուն տարբեր վայրերում աշակերտել են հայ մշակույթի ականավոր գործիչներ Հովհաննես Պրուզ Երզնկացին, Գևորգ Սկևռացին, Ներսես Մշեցին, Եսայի Նչեցին, Գրիգոր Բջնեցին:

Վարդան Արևելցին սերտ հարաբերություններ ուներ Հուլավու խանի հետ և նրա միջոցով շատ քե քիչ կարողացել է մեղմել իր հայրենակիցների ծանր վիճակը:

Վարդան Արևելցին մեզ է թողել ծավալուն մեկնաբանական աշխատություններ՝ «Մեկնութիւն Սաղմոսաց», «Մեկնութիւն երկոտասան մարգարեիցն», «Մեկնութիւն երգոց երգոյն Գրիգոր Նարեկացոյ», «Մեկնութիւն Գանիելի», «Մեկնութիւն Հնգամատենին», որոնց մեջ արտացոլված են աստվածաշնչային գաղափարներ, բնափիլիսոփայական, սոցիալ-տնտեսական բնույթի հիմնահարցեր, մշակութային կյանքին առնչվող խնդիրներ:

Վարդան Արևելցին հեղինակել է «Ժողանք» (ժողել նշանակում է մանր-մունր գիտելիքների, գանազան անցուղարձերի ու երևույթների մասին գրուցել) ժողովածուն, որտեղ քննարկվում են բնության, հասարակության վերաբերող բազմապիսի հարցեր: Վարդան Արևելցու «Աշխարացոյց»-ը Անանիա Շիրակացու համանուն երկից հետո տվյալ բնագավառում իր նշանակությամբ երկրորդն է: «Աշխարացոյց»-ի մեջ արժեքավոր տեղեկություններ է հաղորդում տվյալ ժամանակի Հայաստանի աշխարհագրական վիճակի, վարչա-տարածքային բաժանումների, հարևան երկրների մասին:

Վարդան Արևելցու ամենանշանավոր գործը «Հավաքումն պատմութեան» կամ «Պատմութիւն տիեզերական» աշխատությունն է: Այն հայ պատմագրության մեջ տիեզերական կամ ընդհանուր պատմություն շարադրելու երկրորդ փորձն է: Նա օգտագործել է բազմապիսի աղբյուրներ՝ հայ մատենագիրների աշխատությունները, վիմական արձանագրություններ, ժողովրդական պատմմներ, այդ թվում նաև քաղղեական, ասորական, պարսկական գրույց-առասպելներ:

Վարդան Արևելցին հայոց պատմությունը սկսում է բաբելոնյան աշտարակաշինությունից, Հայկից ու Բելից և հասնում մինչև XII դ. դեպքերը: Պատմիչը միաժամանակ հետաքրքիր տեղեկություններ է հաղորդում հայ և այրոպկասյան ժողովրդների, Կիլիկիայի հայկական պետության, պարսիկների, բյուզանդացիների, արարների, սելջուկների, խաչակիրների, մամլուքների, մոնղոլների և թուրքմենական ցեղերի պատմական անցյալի մասին:

Վարդան Արևելցին գրել է բազմաթիվ ճառեր, ներբողներ, շարականներ, խրատներ, մանր գրույցներ, կատարել քարգմանություններ հունարենից և ասորերենից: Առանձնապես հետաքրքիր է ասորի անվանի եկեղեցական–հասարակական գործիչ Հակոբ Սրճեցու ճառի քարգմանությունը: Վարդան Արևելցու շնորհիվ մեզ է հասել ասորի մատենագիր Միխայիլ պատրիարքի (XIIդ.) «Ժամանակագրութիւն» պատմագիտական երկի հայերեն քարգմանության մի մեծ բաժին:

Մեծ լուսավորիչն ու գիտնականը մահացել է 1271թ. Խոր վիրապում և այնտեղ էլ թաղվել:

Գրիգոր Ալեներցին (XIIIդ.) ծննդով Արցախի Խաչեն գավառից էր: Վանական Վարդապետի սաներից էր, Վարդան Արևեցու և Կիրակոս Գանձակեցու դասընկերը: Նրա «Պատմութիւն վասն ազգին նետողաց» երկը ընդգրկում է կարճ (1220-1273թթ.), բայց բովանդակալից մի ժամանակահատված, երբ հայ ժողովուրդը մաքառում էր մոնղոլական տիրապետության դեմ: Պատմիչը հետաքրքիր տեղեկություններ է տալիս մոնղոլների նիստ ու կացի, նրանց ծանր հարկային քաղաքականության, կառավարման համակարգի մասին: Գրիգոր Ալեներցին ներկայացրել է կիլիկիահայության պայքարը մամլուքների դեմ: Նրա »Պատմությունը« հետաքրքիր տեղեկություններ է պարունակում նաև Հայաստանի և Կիլիկիայի հարևան երկրների մասին:

Հայոց Արևելից կողմանց գրական–պատմագիտական կյանքն առկայծումներ է ունեցել նաև հետագա դարերում: Չնայած դժնդակ պայմաններին, Արցախի և Ուտիքի նշանավոր վանքերի խուցերում հայ մտավոր շարժման առաջնորդները շարունակում էին արարել հոգևոր արժեքներ:

XVդ. ժրաջան աշխատանք է ծավալել Հովհաննես վարդապետ Ծարեցին: Սկզբնաղբյուրների վկայությամբ Գաղի վանքում Հովհաննես Ծարեցու գլխավորությամբ ստեղծվում են բազում գրքեր, որոնք ժամանակի ընթացքում հրկիզվում և կողոպտվում են օտար նվաճողների կողմից: Այդ ձեռագրերից մեկը 6879 թվահամարով այսօր պահպանվում է Մատենադարանում: Նա մահացել է 1583թ., մարմինը ամփոփվել է Սյունիքի Վասակաշենում:

Առավել քեղմնավոր է եղել Ծարա իշխանական տներից մեկի՝ Ջհանշահանց տոհմի ներկայացուցիչ Հովհաննեսիկ Ծարեցու գործունեությունը: Նա ծնվել է 1560թ. Ծարում: Հիմնավոր կրթություն ստանալով Դադի վանքում ռաբունապետ Ներսես Գնունեցու մոտ, հարազատ միջավայրում էլ ձեռնամուխ է լինում հին ձեռագրերի նորոգման և նորերի ստեղծման գործին: Հովհաննեսիկ Ծարեցու քողած գրական-պատմագիտական ժառանգության ամենանշանակալիցը «Յովհաննիսիկ վարդապետի համառոտ պատմութիւն անցից անցելոց ի վերին կողմանս Հայաստանի ըստ կարգի ժամանակագրութեան» աշխատությունն է⁴¹⁴:

Այստեղ ներկայացված է 1572թ. մինչև 1600թ. ընկած ժամանակահատվածը հյուսիս-արևելյան Հայաստանի պատմությունը: Ժամանակագրության մեջ մանրամասն պատմվում են թուրք-պարսկական պատերազմների և դրան հաջորդած սովի ու մահտարժամի մասին:

Այդ ամենի հետ մեկտեղ Հովհաննեսիկ Ծարեցու գլխավորությամբ Գեղամա գավառում կառուցվում է Աստվածածին եկեղեցին: Մեզ հասած տեղեկությունների համաձայն ժրաջան և հայրենասեր այս գործիչը մահացել է 1621-1623թթ. միջոցին:

Եսայի Հասան Ջալալյան՝ մեծանուն այս տոհմի արժանավոր գավակի գորավարական տաղանդի և հոգևոր առաջնորդի առաքելությամբ անդրադարձել ենք գրքի մախրոդ էջերում: Բազմազբաղ հայրենասեր կաթողիկոսը անջնջելի ծիր է թողել նաև պատմագիտության բնագավառում: Իր «Պատմութիւն կամ յիշատակ ինչ-ինչ անցից՝ դիպելոց յաշխարհի Աղուանից ի թուականի հայոց 1160, իսկ ի թուականին տեառն մերոյ փրկչին Հիսուսի 1711» (հրատարակվել է Շուշիում 1839թ.) կամ ավելի շատ ընդունված «Պատմութիւն համառոտ Աղուանից երկրի» (1868թ. լույս է տեսել Երուսաղեմում) վերտառությամբ երկասիրության մեջ ականատեսի և դեպքերի մասնակցի անաչառ գրիչով, կենդանի ու ճշմարիտ գույներով ներկայացրել է XVIIIդ. առաջին քառորդի հայ ազատագրական շարժման պատմությունը: Գժրախտարար Եսայի կաթողիկոսի պատմության ամբողջական բնագիրը մեզ չի հասել: Բաֆֆին այդ առթիվ գրել է «Եսայի կաթողիկոսի պատմության իսկականը շատ ընդարձակ է ե-

ղել, ինչպես այդ երևում է մեր ձեռքը հասած մի գրչագիր օրինակից, որը, դժբախտաբար, կիսով չափ փտած է: Յանկալի կլիներ, որ գտնվեր այդ աշխատության ամբողջը և դա առատ նյութ կտար մեր նոր պատմությանը»⁴¹⁵:

Արցախում և Ուտիքում հայկական պետականության գոյության պայմաններում անհրաժեշտություն է դառնում ունենալ հասարակական կյանքի կանոնավորման իրավական նորմեր: Այդ գործի առաջին նախաձեռնողը դարձավ Գավիթ Ալավկաորդին: Ծնվել է Գանձակում, ապրել և ստեղծագործել է մինչև XII դ. կեսերը: Գավիթ Ալավկաորդու «Կանոններ» օրենքների ժողովածուի մեջ ընդգրկված են 97 կանոններ⁴¹⁶:

Գրանք կարգավորում էին ընտանեական և կենցաղային հարցերը: Գավթի կանոնները կարևոր սկզնաղբյուր են հայ իրավունքի և հասարակական-քաղաքական մտքի պատմության համար:

Այս բնագավառում հաջորդ առաջընթաց քայլը կատարեց միջնադարյան հայ մշակույթի ամենահայտնի դեմքերից մեկը՝ Մխիթար Գոշը (Գոշը մականուն է, որը նշանակում է քոսակ, միբուրը նոսր մարդ): Նա ծնվել է 1120-ական թթ. Գանձակում: Աշակերտում է Հովհաննես Տավուշեցուն և ստանում վարդապետի կոչում: Չրավարարվելով ձեռք բերվածով, նա Քուրդ Արծրունի իշխանի հովանավորությամբ մեկնում է Կիլիկիա և, Սև լեռան հոգևոր կենտրոնում հարուստ գիտելիքներ ամբարելուց հետո, նորից ստանում է վարդապետի կոչում:

Վերադառնալով հայրենիք նա սկզբում ապրում է Գանձակում, սակայն հալածվում է մահմեդական տերերից և կաթողիկոսի կողմից: Ստանալով Խաչենի տեր, հայ մշակույթի մեծ ջատագով Վախտանգի հովանավորությունը, հաստատվում է Հաթերքում, որտեղ էլ 1184թ. ստեղծում է «Գատարանագիրք»-ը: Այստեղից էլ նա տեղափոխվում է Գետիկ վանքը: Երկրաշարժից այդ վանքը ավերվելուց հետո Չաքարե և Իվանե Չաքարյանների հովանավորությամբ, նախկինից ոչ հեռու՝ Տանձուտ ձորում, կառուցում է Նոր Գետիկի վանքը: Կարճ ժամանակահատվածում Գոշի և նրա հիմնադրած դպրոցի հռչակն այնքան է տարածվում, որ Հայաստանի հեռավոր վայրերից գալիս են նրա մոտ ուսանելու:

Մխիթար Գոշը գրել է բազմաթիվ աշխատություններ՝ «Համառոտ սնկնութիւն մարգարեութեանն Երեմիայի», «Ողբի վերայ բնութեանս՝ ի դիմաց Ադամայ առ որդիս Նորայն», «Յայտարարութիւն ուղղափառութեան հաւատոյ ընդդէմ ամենայն հերձվածողաց՝ ի խնդրոյ մեծ գօրավարին Ջաքարէի և եղբօր իւրոյ», «Թուղթ խրատականք», «Շարք հայրապետացն Աղուանից», «Վկայութիւն սրբոյն Խոսրովայ», «Գատաստանագիրք հայոց», աղոթքներ և առակներ:

Մխիթար Գոշի աշխատություններից բացառիկ արժեք է ներկայացնում Գատաստանագիրքը: Ջարգացած ֆեոդալիզմի պայմաններում, երկրի սոցիալ-տնտեսական, քաղաքական, մշակութային կյանքում տեղի ունեցող փոփոխությունները ծնում են տարբեր դասերի և խավերի հարաբերությունների կարգավորման անհրաժեշտություն: Դրանից ելնելով Մխիթար Գոշը ստեղծեց իր կոթողային աշխատությունը:

«Գատաստանագիրքը» բաղկացած է 3 մասից՝ «Նախադրություն»-ից, եկեղեցական կանոններից («Եկեղեցական կանոնք», 124 հոդված) և աշխարհիկ օրենքներ («Աշխարհական օրենք», 130 հոդված): «Նախադրության» մեջ արծածված են հեղինակի մտեցումները դատական համակարգի, դատավարության, դատարանակազմության մասին, բացատրված օրենսգրքի ստեղծման հանգամանքները:

«Գատաստանագրքի» ելակետը մարդն է, անկախ նրա սոցիալական պատկանելիությունից: Այս տեսանկյունից Գոշը հումանիստ է՝ իր աշխատության մեջ ներկայացնելով իր ապրած ժամանակներից առաջանցիկ գաղափարներ: Մխիթար Գոշը չի հանդուրժում ոտնձգությունը մարդու կյանքի դեմ՝ անկախ նրանից, քե կրոնական ինչ համոզումներ ունի, հասարակության հիերարխիկ համակարգի որ աստիճանին է կանգնած:

«Գատաստանագրքի» մեջ ուրվագծվում է հայկական պետականության ստեղծման կենսական անհրաժեշտությունը, մեկնաբանելով ապագա թագավորության իրավական հիմունքները, ներկայացնելով թագավորի իրավունքները, իշխանների և հասարակության տարբեր դասերի փոխհարաբերությունները, հարկերի կառա-

վարման համակարգի այլ հարցեր:

Գոշի «Գատաստանագիրքը» այնքան կատարյալ էր, որ այն շուրջ 700 տարի օգտագործվել է ոչ միայն հայ իրականության մեջ, այլև շատ տարածված է եղել աշխարհի մի շարք երկրներում: Այն 1519թ. գործածության մեջ մտավ լեհահայ գաղութում: Շատ չանցած՝ «Գատաստանագրքի» լատինական խմբագրությունը քարգմանվեց Դրիմի քաթարերեն: XVIIIդ. կեսերին Աստրախանի հայկական գաղութը, դրա հիման վրա կազմեց մի նոր օրենսգիրք, որը հաստատվեց ցարական կառավարության կողմից և գործադրվեց հարավային Ռուսաստանի հայության մեջ միչև դատական բարեփոխումները:

XVIIIդ. սկզբին վրաց Վախթանգ Զ թագավորը վրացերեն քարգմանել է տալիս «Գատաստանագիրքը» և մտցնում իր օրենսգրքի մեջ⁴¹⁷:

XIIIդ. Սմբատ Սպարապետը Գոշի «Գատաստանագրքի» հիման վրա ստեղծում է իր օրենսգիրքը և գործածության մեջ դնում Կիլիկյան հայոց թագավորությունում: Հնում այն քարգմանվել է լատիներեն և դփչաղերեն:

Մխիթար Գոշը վախճանվել է 1213 թ.: Նրա մարմինը ամփոփվել է Նոր Գետիկում, որն էլ մեծ մտածողի անունով կոչվեց Գոշավանք:

Գարավոր ավանդույթներ ունեցող հայ ճարտարապետությունը վաղ միջնադարում նոր որակ և զարգացում ունեցավ: Այս փուլում է, որ դրվեց եկեղեցաշինության հորինվածքային, գեղարվեստական և կառուցողական սկզբունքների հիմքերը: Պատմական Արցախի ճարտարապետության զարգացումը ընթացել է համաքայլ եւ սերտ կապերի մեջ Հայաստանի մյուս նահանգների ճարտարապետության հետ և հանդիսանում է նրա անբաժանելի բաղադրիչը:

Վաղ միջնադարի արցախյան եկեղեցիները, ինչպես Մյունիքի և կենտրոնական Հայաստանի եկեղեցիները, հիմնականում պատկանում են եռանավ բազիլիկ տիպին, 1 կամ 2 զույգ մույթերով, որոնք կրում են աղոթասրահի թաղակապ ծածկը՝ առնված երկլանջ կտուրի տակ:

Վաղ միջնադարյան հայ ճարտարապետությանը բնորոշ կա-

ռույցներից է Ամարասի վանքը: Հայ պատմիչների վկայության համաձայն վանքը հիմնադրել է Գրիգոր Լուսավորիչը⁴¹⁸, որի կառուցումը ավարտին է հասցրել իր թոռը՝ Գրիգորիս եպիսկոպոսը: Նրա ժամանակ էլ վանքը դառնում է եպիսկոպոսանիստ: Երբ 338թ. Գրիգորիսը քարոզչության ժամանակ նահատակվում է Գերբեմորում, նրա աշակերտները եպիսկոպոսի մարմինը ամփոփում են Ամարասում: Վղ. Վաչագան Բարեպաշտը Գրիգորիսի գերեզմանի վրա կառուցում է ստորգետնյա մատուռ-դամբարան, որը գտնվում է եկեղեցու բեմի տակ: Հայտնի է, որ Մեսրոպ Մաշտոցը այստեղ բացում է հայկական առաջին դպրոցներից մեկը:

Ամարասը, լինելով Արցախի ոչ միայն հոգևոր, այլ նաև մշակութային, տնտեսական և ազատագրական պայքարի կենտրոնը, բոլոր ժամանակների նվաճողներն էլ՝ պարսիկները, արաբները, սելջուկ-թուրքերը, թաթար-մոնղոլները մշտապես ձգտել են հիմնավեր անել Աստծո այդ տունը: Ավանդությունը պատմում է, որ Լեոնկ-Թեմուրը վանքը ավերելուց հետո իր զինվորներին շարքով կանգնեցնում է Ամարասից մինչև Արաքս գետը (հեռավորությունը մոտավորապես 45 կմ) և հրամայում վանքի քարերը իրար փոխանցելով լցնել գետը: Սակայն շուտով վանքը իր բարեշեն տեսքն է ստանում:

XVIդ. երկրորդ կեսին Պետրոս եպիսկոպոս Գիշեցու ջանքերով վանքը վերանորոգվում է, և միաժամանակ Հերիեր գյուղում կառուցվում ս. Գրիգորիս ամառանոց եկեղեցի:

XVI-XVIIIդդ. Ամարասը ամուր պարսպապատվում է, կառուցվում են օժանդակ շինություններ, օթևաններ: Պարսպի երկարությունը 85, լայնությունը 59, իսկ բարձրությունը 5 մետր է:

XIXդ. սկզբներին վանքը անտեր էր մնացել: Թուրքերը այն անվանում էին Աղ-Օղլան: Արցախը Ռուսաստանին անցնելուց հետո Ամարասը դարձրին մաքսատուն: Բաղդասար միտրոպոլիտի ջանքերով 1848թ. մաքսատունը տեղափոխվել է Արաքսի ափը, իսկ վանքն իր կալվածքներով վերադարձվել Հայոց հոգևոր իշխանությանը:

Ամարասի ներկայիս եռանավ բազիլիկ հորինվածքով եկեղեցին հիմնովին վերաշինվել է 1858թ. շուշեցիների միջոցներով: Վաղ միջնադարյան շրջանի մյուս հռչակավոր կառույցը՝ Քաշաթաղի շրջա-

նում Ծիծեռնավանքի եկեղեցին է: Հատակագծային ու ծավալատարածական հորինվածքով եռանավ բազիլիկ եկեղեցին մեզ հուշում է հնամենի լինելու մասին: Մ. Հասրաքյանի կարծիքով եկեղեցին հիմնված է եղել հեթանոսական տաճարի տեղում:

Մասնագետների կարծիքով Ծիծեռնավանքը կառուցվել է ՎՊ.: Ավելի ուշ կառուցվել է եկեղեցու շքամուտքը, զանգակատունը, պարսպաշարը: Պարսպից դուրս պահպանվում է երբեմնի հայաբնակ գյուղի գերեզմանոցը:

IV-VIIդդ. կառույցներ են համարվում Գլխո կամ Հռեկա վանքը, Եղիշե Առաքյալի վանքը, Վաչագան Բարեպաշտի, Օխտը Գռնանիի, Խոժոռաբերդի, Խտուղլենք տաճարները, Մոխրենիսի, Սղնախի, Փափրեվենդի, Թագաքյանդի (Աղջաբեղու շրջան) եկեղեցիները:

Մովսես Կաղանկատվացու տեղեկությունների համաձայն VI-VIIIդդ. Պարտավում գործում էր ս.Գրիգորի և ս. Աստվածածին եկեղեցիները⁴¹⁹:

VIIIդ. կառուցվել է Գետաբեկի եկեղեցին:

Վաղ միջնադարում Արցախում կառուցվել են նաև ժայռափոր եկեղեցիներ: Քաշաբաղի շրջանում Ղարաղշլաղ գյուղից մեկ կիլոմետր հեռավորության վրա պահպանվում են մի քանի ժայռափոր խորաններ և մեկ եկեղեցի: Նմանօրինակ մի եկեղեցի գտնվում է Աղդամի շրջանում՝ Վանքասարի եկեղեցուց 2 կմ. հյուսիս:

Վիմափոր եկեղեցաշինության ավանդույթը նոր ընթացք ստացավ հետագա ժամանակներում, որի գլուխգործոցը հանդիսացան Պոռշյան իշխանների պատվերով կառուցված Այրիվանքի ժայռափոր եկեղեցիները: Չարգացած ֆեոդալիզմի ժամանակաշրջանում Բագրատունիների, Չաքարյանների իշխանության և Կիլիկյան Հայաստանի գոյության պայմաններում քաղաքաշինությունը և ճարտարապետությունը ապրում են աննախընթաց զարգացում: Հատկապես XIIIդ. Արցախն ապրում է շինարարական եռուզեռի շրջան:

Խաղավանքը գտնվում է Մարտակերտի շրջանում, Թարթառ գետի աջ ափին, Վաղուհաս գյուղի շրջակայքում՝ մի անտառածածկ թրածև լեռնաբազկի վրա: Ավանդությունը պատմում է, որ Ծարա իշխանության հոգևոր կենտրոնը կառուցվել է վաղ միջնադարում:

րում և կոչվել է քրիստոնեության առաջին քարոզիչներից մեկի՝ Խաղ եպիսկոպոսի անունով: XII դ. վանական համալիրը ավերվեց երկրաշարժի և սելջուկ– բուրքերի արշավանքների հետևանքով: Վանքը վերստին վեր հառնվեց Հովհաննես Ա. վարդապետ Խաչենցու ջանքերի շնորհիվ: 1204թ. նա ավարտեց գլխավոր տաճարի կառուցումը: Հովհաննեսի եղբայր՝ Ծարա երկրի տեր Հասան իշխանը իր մոր՝ Շուշիկի հետ 1215թ. կառուցեցին ս. Կարապետ եկեղեցին, իսկ իշխանուհի Գուրը ամուսնու մահվանից հետո այն 1225թ. լրացրեց գավիթի շինարարությամբ, ամբողջական տեսքի բերելով վանական համալիրը:

Հարկ է նշել, որ Հովհաննես Ա Խաչենցու անվան հետ է կապված Մանահիմնի Ամենափրկիչ եկեղեցու և նրա գավթի (1181թ.) կառուցումը, Կաթողիկե տաճարի վերակառուցումը (1184թ.), Հաղբատի վանքի գավթի կառուցումը և ս. Գրիգորի եկեղեցու վերակառուցումը:

IX-XIII դարերում ստեղծվեցին ճարտարապետական մեծարժեք շինություններ: Հաջորդաբար կառուցվեցին Թարգմանչաց վանքի համալիրը (989թ.), Հաղարծնի ս. Աստվածածին(1071թ.), Մակարավանքի ս.Աստվածածին (1198թ.), Նոր Վարազավանքի ս.Նշան (1190 – 1200թթ.), Մորոյ Ձորոյ (1213թ.), Վարանդայում՝ Կարմիր կոչվող(1221թ.), Գոշավանքի (1191–1241թթ.), Գաղի վանքի կաթողիկեն(1214թ.), Գանձասարի Հովհաննես Մկրտիչ (1216 – 1238թթ.), Խորանաշատի Կաթողիկեն (1211 – 1222թթ.), Գոշավանքի (1191 –1214թթ.), Գտչավանքի գլխավոր եկեղեցին(1241 – 1248թթ.), Հաղարծնի Առաքելոց (1240 –1245թթ), Բռի եղջի համալիրը (1230-1270թթ.), Մուլոկի(1279թ.), Ծարա ս. Աստվածածին (1301թ.) եկեղեցիները, որոնցից յուրաքանչյուրը ճարտարապետական յուրօրինակ հրաշագործություն է:

Միջնադարյան հայ ճարտարապետության գլուխ գործոցներից մեկը համարվում է Գանձասարի վանական համալիրը: Գտնվում է Մարտակերտի շրջանի Վանք գյուղից հարավ - արևմուտք, անտառապատ գեղատեսիլ սարի գագաթին: Գանձասար է կոչվում, որովհետև հնում այստեղ գոյություն ունեին արծաթահանքեր: Վանական համալիրը բաղկացած է եկեղեցուց, գավթից, միաբանական խցերից, տնտեսական շինություններից և երկհարկանի դպրոցա-

կան մի շենքից: Այդ ամենը շրջապատված էր պարիսպներով:

Մատենագիտական տեղեկությունները վկայում են, որ IX-X դդ. այստեղ եկեղեցի է եղել:

Ավանդությունը պատմում է, որ Խաչենի գահերեց իշխան Հասան Ջալալը Հովհաննես Մկրտչի գլուխ-նշխարը ամփոփում է Գանձասարում՝ իրենց տոհմական գերեզմանատանը, որի վրա էլ 1216–1238թթ. Կաթողիկե եկեղեցի է կառուցում և այն կոչում սրբի անունով: Գարեր շարունակ տաճարը այդպես էլ մնում է մի անգերագանցելի հրաշագործություն: Բյուզանդական ճարտարապետության պրոֆեսոր Շ. Գիլը համաշխարհային մշակույթի գանձարան մտած հինգ շինություններից Ադրամարի սուրբ Խաչ եկեղեցուց, Էջմիածնի Հռիփսիմե տաճարներից հետո երրորդ տեղը վերապահել է Գանձասարին⁴²⁰:

Իսկ ռուս գիտնական Ա. Յակոբսոնը այն համարում է միջնադարյան ճարտարապետության «հանրագիտարան», «մարգարիտ»⁴²¹:

Իր նշանակությամբ Արցախի երկրորդ նշանավոր վանական համալիրը Գաղի կամ Խուրա վանքն է: Հաթերքից վեր, Տրտու-Թառքառ գետի ձախ ափին, մի բլրակի կամ խութի (որից էլ ստացել է Խուրա վանք) վրա փռված է վանական համալիրը: Ավանդության համաձայն, այն միաժամանակ Գաղիվանք է կոչվել Թաղևոս առաքյալի յոթանասուն աշակերտներից մեկի՝ Գաղիի անունից, որի շիրիմի վրա առաջին դարում եկեղեցի է շինվել⁴²²: Վանքը, լինելով առաջնորդական կենտրոն, դրսեկ գավթիչների համար աչքի փուշ է եղել և բազմաթիվ անգամ ավերել են այն: Մակայն հայության հոգևոր այս կենտրոնը ամեն անգամ էլ ժողովրդի ջանքերով նորից վեր է հառնել: Յայսօր պահպանվել է Գաղի վանքի գանազան նշանակության 30 կառույցներ: Համալիրի զարդն է համարվում կաթողիկե եկեղեցին: Այն հիմնադրվել է 1214թ. Հաթերքի իշխան Վախտանգի տիկնոջ՝ Արզու-Խաթունի ջանքերով: Վանքի շրջակայքում գտնվում են 5 մատուռներ, երկուսը կանգուն, իսկ երեքը՝ կիսավեր:

Չնայած հետագա դարերում քրքախոս ցեղերի չընդհատվող հոսքին և դժնդակ պայմաններին, Արցախում եկեղեցաշինությունը դադար չունեցավ: XV-XVIII դարերում կառուցված եկեղեցիները

մեծ մասամբ պատկանում են վաղ միջնադարյան բազիլիկ (միանավ, եռանավ) տիպին: Գրանց մեծ մասը առանց գմբեթ եկեղեցիներ են: Ունենալով հատակազծային և ծավալատարածական պարզ հորինվածք, այդ տիպի եկեղեցիները բնութագրվում են նաև արտաքին և ներքին ճարտարապետության պարզությամբ: Նմանօրինակ կառույցներ են համարվում Ավետարանոց գյուղի Կուսանաց անապատը (1616թ.), Մերիկի ս. Աստվածածին(XVII դար), Ջերմաղբյուրի թաղածածկ եկեղեցին(XVII դար), Ավետարանոցի ս. Աստվածածին (1651թ.) եկեղեցին, Հերիերի ս. Գրիգորիս տաճարը (1667թ.), Եղիշե վանքի եկեղեցին (1655թ.), Ծաղկավանքի Կաթողիկեն (1682թ.), Երից Մանկաց վանքի եկեղեցին (1691թ.), Բերդաձորի Պարին Պիժ եկեղեցին (1658թ.), Տող գյուղի ս. Ստեփանոս (1747թ.), ս. Հովհաննես(1736թ.) եկեղեցիները, Խնձրիստանի Ծիբհանը (1772), Ջրաբերդի անապատը (1715թ.), Հողեր գյուղի Կավանքի (1749թ.), Յորի Ամենափրկիչ (1749թ.) եկեղեցիները:

Վաղ միջնադարից սկսած և հատկապես ուշ միջնադարում թշնամի ցեղերի և երկրների անընդմեջ կրկնվող արշավանքներին դիմակայելու նպատակով Արցախի գլխավոր ռազմավարական հանգույցներում, հիմնականում անմատչելի լեռնային բավիղներում, կառուցվել են բերդեր և պաշտպանական այլ ամրություններ: Առավել հայտնի են Խոխանաբերդը, Կաչաղակաբերդը, Շիկաքարը, Խաչենաբերդը, Ծիրանաքարը, Ականաբերդը, Հանդաբերդը, Ջրաբերդը, Գյուլիստանի, Փառիսոսի բերդերը, Մայրաբերդը, Մածնաբերդը, Գողը, Գոռոզը, Յորաբերդը, Խոժոռաբերդը, Ամատուկը, Գիգափայտը, Քոչիզը, Շոշի բերդը և այլն: Պաշտպանական այս համալիրները իրար հետ կապված են եղել հատուկ ազդանշանային համակարգով և վտանգի դեպքում շրջակա գյուղերի բնակիչները պատասպարվում էին վերոհիշյալ բերդերում:

Արցախյւր Ռուսաստանին անցնելուց հետո երկրամասում ռազմա-քաղաքական իրավիճակը ինչ-որ չափով կայունացավ: Արցախի հզոր բերդերն ու ամրությունները կորցրին իրենց նախկին դերն ու նշանակությունը: Բնական աղետների և մարդու երախտամոռ, անտարբեր վերաբերմունքի հետևանքով, տարիների ընթացքում քաղաքակրթության այդ նմուշների զգալի մասը անվերադարձ ա-

ներևութացան, թողնելով միայն մի բարի հուշ մեր հերոս նախնիների դյուցազնական անցյալի և անկոտրում կամքի մասին:

XII-XIIIդդ. Արցախում առավել հատկանշականը ճարտարապետության աշխարհիկ ճյուղի աննախընթաց զարգացումն է: Կառուցվում են նորատիպ աշխարհիկ շենքեր, պալատներ, ուր լայնորեն օգտագործվում էին ժողովրդական բնակարանի շինարարության դարավոր ավանդույթները: Գրանցից առավել հայտնի են Հասան-Ջալալ իշխանի ապարանքը՝ Խոխանարերդում (XIII դարի սկիզբ), Վախտանգյանների ապարանքը՝ Գաղիվանքում (XII-XIIIդդ.), Գոփյանների ապարանքը՝ Ծարում (XIIIդ., վերակառուցված 1658թ.), Գաղիվանքի առաջնորդական ապարանք-«տաճարը»(1211թ), որն ամբողջական վիճակում այսօր էլ կանգուն է:

XVI-XVIII դարերում Արցախում մեկիքական կարգի հաստատման ու ամրապնդման, և դրանց հետագա ճյուղավորման շնորհիվ աշխարհիկ այդ տերերի բնակարանների՝ ապարանքների շինարարությունը լայն թափ ստացավ: Գրանց մի հատվածի վերաբերյալ պատկերացում ենք կազմում պատմական սկզբնաղբյուրներից, իսկ մյուս մասն էլ պահպանվել է կիսավեր վիճակում: Ծարի և Մողքի Մելիք-Շահնազար Ա-ն ու նրա տոհմակիցները ապարանքներ ունեին Ականարերդում (XV-XVI դդ) և Մեծ Մազրայում (XVI-XVII դդ.), Քաշաթաղի Մելիք Հայկազ Ա-ը և նրա հաջորդները՝ քաշաթաղ գյուղում (XV դ.) և Խնածախում (XVI դ.), Գիզակի Մելիք - Եզանը Տող ավանում (1737թ.), Գյուլիստանի տերերը համանուն բերդում (XVII-XVIII դդ.), և Հոռեկավանում (Մելիք Թամրազինը՝ 1727թ., Մելիք-Հովսեփինը(XIII դ. երկրորդ կես), Գյուլիստան գյուղի Աբրահամ ապարապետի որդի Հակոբը՝ նույն գյուղում (1772թ.), Ջրաբերդի Մելիք- Իսրայելյանները համանուն ամրոցում (XVII-XVIIIդդ.) և Քաղաքատեղ բերդավանում (XVII-XVIIIդդ.), նույն տոհմի Մելիք-Աղամը՝ Մոխրաթող գյուղում (1771թ.), Մելիք- Ալավերդյանները Գյուլաթաղ գյուղում (1799թ.), Վարանդայի Մելիք-Շահնազարյան Մելիք-Բաղի Բ-ը, Մելիք – Հուսեյն Ա և Մելիք – Շահնազար Բ -ը՝ Ավետարանոցում (XVIIIդ. սկիզբ, 1786թ.), նույն տոհմը Շուշիում՝ XVIIIդ., նույն գավառում Մելիք- Գոլոյխանյանները՝ Թուխնակալ գյուղում (XVIIIդ.) և Ավան Սպարապետը՝ Շուշիում

(XVIIIդ. սկիզբ), Մելիք-Շահնագարյանների մի ուրիշ ճյուղը՝ Ոսկանապատում, Մելիք-Առատամը՝ Բարսում գյուղում, Մելիք-Մովսեսը՝ Խաչակապում, Մելիք-Մնացականը՝ Գետաշենում (XVIII դ.)⁴²³:

Ծարում ուշագրավ և հազվագյուտ նմուշ է նաև 1658թ. ոմն Ավանեսի կառուցած հազարաշեն տունը, որի չորս սյուները սովորական գերանների փոխարեն քարից են⁴²⁴:

Արցախի աշխարհագրական կտրտված դիրքը բազմաթիվ հորդահոս գետերի առկայությունը, ինչպես նաև տնտեսական կյանքի ու առևտրի մասնակի աշխուժացումը նպաստավոր պայմաններ են ստեղծում կամրջաշինության համար:

Միջնադարյան տասնյակ միաթռիչք և բազմաթռիչք կամուրջներ են մնացել Արաքս, Թարթառ, Խաչենագետի, Հակարի, Հոչանց գետերի վրա: Գրանցից առավել հետաքրքիր է Արաքսի վրա, Խուղափերին գյուղի, միմյանցից 750մ հեռավորության վրա գտնվող կամուրջները: Նրանցից մեկը ունի 150մ երկարություն և բաղկացած է 15 թռիչքից: Այն կառուցվել է XVIIդ. և առայսօր օգտագործվում է: Մյուսը 11 թռիչք ունի, բայց մեծ մասամբ կործանված է: Կարծիքներ կա, որ այն կառուցվել է VIIդ., իսկ XIIIդ.՝ վերանորոգվել:

Արցախի համարյա թե բոլոր գյուղերի մոտակայքում պահպանվել են ջրաղացներ, որոնք նույնպես ճարտարապետական կառույցներ են համարվում:

Ճարտարապետության հետ զուգորդված զարգացում է ապրում նաև քանդակագործությունը: Մարտունու շրջանի Ճարտար գյուղում շինարարական աշխատանքների ժամանակ պատահաբար հայտնաբերվել է IVդ. խոյակ, իսկ նույն շրջանում, Բռի եղջի համալիրի շրջակայքում՝ V դարի:

Հետագա դարերում եկեղեցիների հարդարանքը նոր զարգացում է ապրում, հանդես են գալիս դեկորատիվ նշանակություն ունեցող նոր ձևեր: Աճում է զարդարվեստի նշանակությունը, ծավալվում ֆիգուրալ քանդակագործությունը: Այս իմաստով առավել ուշագրավ հուշարձանը Գանձասարն է՝ Աղթամարից հետո հայ Ճարտարապետության մեջ «քանդակային» բնույթի թերևս 2-րդ տաճարն է⁴²⁵:

Քանդականախչերի մանրամասներն այստեղ երբեք չեն կրկնվում: Գլխավոր բեմառաջքը զարդարված է երկրաչափական ու բուսական ոճավորված քանդակամոտիվներով: Տաճարի գմբեքատակի գոտու ներքո քանդակված է խոյի, եգան, մարդու գլուխներ և արծիվ:

Տաճարի խաչի թևերի ծայրերին, ճակտոնապատերի անկյուններից վեր տեղավորված են զանազան քանդակախմբեր, կտիտորներ, որոնք գլուխներից վեր պահել են եկեղեցու մանրակերտը: Գմբեքի արևմտյան ճակատի տիմսյանի ներսում Հիսուսի պատկերն է, ավելի ցած, ճակտոնասյունների ներսում՝ »Մեխսագործության« տեսարանը:

Տաճարի արևմտյան ճակտոնակալից սկսվում է մեծ խաչի բարձրաքանդակը, որը կոթողի ամենափառահեղ զարդն է համարվում: Կենտրոնում Հիսուսի խաչելիության տեսարանն է: Գմբեքի թմբուկի նիստի վրա ու ճակտոններում տեղադրված են պատկերաքանդակներ:

Գեղատեսիլ դեկորատիվ զարդաքանդակներով աչքի է ընկնում Գաղիվանքը: Կաթողիկեի հարավային և արևելյան ճակատներին կա կտիտորական բարձրաքանդակներ եկեղեցու մանրակերտով: Հարավային ճակատի լուսամուտի երկու կողմերում պատկերված են Արգու–Խաթունի ամբողջ հասակով կանգնած որդիները՝ Հասանը և Գրիգորը:

Հետաքրքիր քանդակներ է պահպանվել Խաղավանքում, Գոշավանքում, Ուտիքի Նոր Վարագա սուրբ Նշան վանքում:

Արցախի հին բնակավայրերի գերեզմանատներում առայսօր պահպանվել են միջնադարյան գեղաքանդակ տապանաքարեր, որոնց վրա պատկերված են հավերժությունը խորհրդանշող և հոգևոր թեմաներ պարունակող քանդակներ, երաժիշտներ, ռազմիկներ՝ իրենց երիվարներով, հայ հոգևորականն ու գեղջուկն իրենց տարագով: Առանձնապես հետաքրքիր են խոյի պատկերով մահարձանները, որոնք ավելի շատ տարածված են Քարավաճառի շրջանում:

IX-X դդ. հայ քանդակագործության մեջ ձևավորվեց մի նոր և նշանակալից երևույթ՝ խաչքարերի արվեստը: Հարկ է նշել, որ խաչքարերի արվեստը բնորոշ է միայն հայ իրականությանը: Ադրբե-

ջանցի »գիտնականնեհո« այս բնագավառը նույնպես սեփականաշնորհելով, մերկապարանոց ընդհանրացումներով աշխարհի կողմից ճանաչված հայկական խաչքարերը անվանում են խաչդաշեր⁴²⁶:

Խաչքարերի արվեստը ողջ միջնադարի ժամանակահատվածում Արցախում աննախադեպ վերելք է ունեցել: Հագարավոր խաչքարեր ցայսօր պահպանվում են հին գերեզմանատներում, վանքերի և եկեղեցիների բակերում, ագուցված են պատերում, սփռված են լեռնաշխարհի տարբեր հատվածներում: Մեզ հասած խաչքարերի բազմաթվանդակ քանդակները, երկրաչափական ձևերի համաչափությունը, նրբին և արտահայտիչ հորինվածքները խոսում են արվեստի այս տեսակի կատարելության մասին: Խաչքարերը դրվել են հայտնի մարդկանց հիշատակին, ինչպես նաև կարևոր պատմական դեպքերի, եղելությունների առիթով, երբեմն նվիրված աղբյուրների, սրբավայրերի շինարարության:

Արցախի խաչքարերը ունենալով որոշ ինքնատճություն, միաժամանակ հորինվածքային կառուցվածքի և զարդարվեստի մոտիվների առումով ակնհայտ ընդհանրություններ ունեն հայոց մյուս նահանգներում գտնվող այդօրինակ կոթողների հետ:

Առայժմ հայ իրականության մեջ հայտնի հնագույն քվականով ՅԲ (853), խաչքարը գտնվում է Արցախի Մեծառանք գավառի(այժմ՝ Մարտակերտի շրջան) Քոլատակ գյուղի մոտ, հին կաթողիկոսանիստ ս. Հակոբա վանքում⁴²⁷:

Թվակիր ամենահին խաչքարը՝ ՅԿԷ (916թ.) հայտնաբերվել է Քարվաճառն ազատագրելուց հետո, որը ներկայումս պահպանվում է Գանձասարի վանքում: Նույն Քարվաճառում՝ Հանդարերդի մոտակայքում հայկական ճարտարապետական հուշարձանների մեծ գիտակ, այդ բնագավառի անխոց մշակ Մամվել Կարապետյանը, հայտնաբերել է մի խաչքար (XII-XIII դար), որի ստորին մասում ներկայացված է երեսային կտրծք տվող մոր քանդակ: Այս տեսանկյունից վերոհիշյալ խաչքարը նույնպես եզակի է:

Իրենց գեղարվեստական կատարելությամբ անկրկնելի են համարվում Գաղի վանքի երկու հռչակավոր խաչքարերը: Ինչպես հայ, այնպես էլ օտար հեղինակները անսքող հիացմունքով են նկարագ-

րել և նկարագրում վերոհիշյալ հրաշագործությունները: Գեռնա 1873թ. Հերման Աբիխը տեսնելով խաչքարերը գրել է «տպաւորութիւններից խեղճացած զգացումն ասես գիտակցում է բառաարտայայտչի պակասաւորութիւնը»⁴²⁸:

Պատահական չէ, որ անցյալ դարի վերջին անգլիացիներն ու ֆրանսիացիները վանքի առաջնորդին մեծ գումարներով առաջարկել են խաչքարերը վաճառել իրենց⁴²⁹:

Պահպանվել է նաև խաչքարերի պատվիրատուի՝ տեր Գրիգորի արձանագրությունը:

Գարեթի ընթացքում խաչքարերը սրբացվել են, և նրանց վերագրվել է հիվանդություններ բուժելու, չար ուժերից փրկելու, աղետներ կանխելու գործություն: Պատահական չէ, որ բոլոր ժամանակներում էլ հորդաները, մտնելով երկիր, անխնա ոչնչացրել են մեծարժեք այդ ստեղծագործությունները:

Խաշնարած քրդերը, ավերելով Ծարի հռչակավոր Գետամիջո Սբ. Աստվածածնա եկեղեցին, կառուցել են դպրոց՝ պատերի մեջ իբրև սոսկ հասարակ շինաքար, ագուցելով եկեղեցիների, խաչքարերի, տապանաքարերի ու արձանագրությունների ջարդոտված բեկորները: Այդ դպրոցի պատերի մեջ Ս. Կարապետյանը հաշվել է 133 բեկոր, որոնցից 37-ը արձանագիր⁴³⁰:

Արցախի միջնադարյան մշակութային կյանքի հետաքրքրական երևույթներից է որմնանկարչության արվեստը: Հայ հոգևոր և աշխարհիկ տերերը իրենց պալատներն ու տաճարները զարդարել են հոյակապ որմնանկարներով: Սկզբնաղբյուրներում մնացած հիշատակություններն ու մեզ հասած որոշ նմուշներ խոսում են արվեստի այդ բնագավառի բարձր զարգացվածության մասին:

Հայոց Արևելից կողմանց պատմիչը վկայում է, որ Ջիվանջիբը, հասնելով Գարդմանք, մտավ իր կառուցած փառահեղ եկեղեցին՝ իր ապահովության ու հաղթական գործերի հովանի տաճարը: Մեծամեծ ծախսեր անելով գործի դրեց գեղագեղիչներին (նկարիչներ), գմբեթից մինչև դռան բարավորները նկարագարդեց, պաստառապատեց կերպասագործ զարդերով: Եվ հրաման տվեց, որ արծաթապատեն ու քանդակագարդեն տաճարի դուռը՝ տիեզերքի լույսի պահպանիչը⁴³¹:

Հետաքրքիր որմնանկարներ են պարունակում Իջևանի շրջանի Ս. Առաքելոց վանքը (XIII դար) և Առաջածորի փոքրիկ եկեղեցին (XIII դար): Այստեղ ավագ խորանում նկարված են տարբեր տիպի երկու եկեղեցիներ:

Մեծ հետաքրքրություն են ներկայացնում Գաղի վանքի Կարողիկե եկեղեցու որմնանկարները (XIII դար): Նկարները մնացել են հյուսիսային և հարավային պատերի վրա:

Հյուսիսային պատի վրա ներկայացված է մի քայլող անձնավորություն: Նրա մոտ մի երկրորդ անձնավորություն է: Նույն պատի վրա նկարված է Հիսուսի ծնունդը: Հարավային պատի տեսարանն էր՝ Աստվածածին:

«Հարավային պատի վրա պատկերված է Մուրբ Նիկողայոս Հրաշագործին Քրիստոսի կողմից վեղարի և Մարիամ Աստվածածնի կողմից քիկնոցի հանձնման մեծամասշտաբ տեսարանը, իսկ հյուսիսայինի վրա՝ Ստեփանոս սարկավագի քարկոծման տեսարանը(գտնվում է պատի աջ մասում): Նիկողայոս Հրաշագործի պաշտամունքը տարածում չունենալով Հայաստանում՝ անգամ ուշ միջնադարում, ու մահ վերջինիս ի հայտ գալը ևս պետք է, որ առանձնահատուկ պատճառ ունենար»⁴³²:

Որմնանկարի հետքեր են պահպանվել մահ Ծիծեռնավանքում: Մշակութային կյանքի բոլոր բնագավառների համաչափ աշխուժացման պայմաններում վերելք է ապրում մահ ղեկորատիվ կիրառական արվեստը:

Այս բնագավառի մի առանձին ճյուղ է կազմում գորգագործությունը: Արցախում այն լայնորեն տարածված է եղել դեռևս միջնադարում: Մոխես Կաղանկատվացին տակավին VII դարում, խոսելով մետաքսահյուս ու կերպաս դիպակների, ոսկու ու արծաթի ընտրելագույն կահույքի ու սպասեղենի մասին, հիշում է Արցախի գույնգույն կարպետները:

Արաբական աղբյուրները հիացնունքով են խոսում Հայոց Արևելից կողմանց արհեստավորների աշխատանքի մասին: Ալ-Մաքսուդին գրում է, որ այդ երկրում արտադրած պաստառների և գորգերի, որդան կարմիրի, ծածկոցների ու ներկերի մմանը ինքը ոչ մի տեղ չի տեսել⁴³³:

Գորգագործությունը վերելք ապրեց XIII դ. սկսած: Ուշագրավ է, որ նույնիսկ «գորգ» անվանման առաջին հիշատակությունը հանդիպում է Արցախի Կապտավանք եկեղեցու 1242– 43 թթ. վիմական արձանագրության մեջ⁴³⁴:

Գորգագործության մեջ օգտագործվել է ոչխարի բուրդ, այծի փափուկ մազ, բամբակ, քանկարժեք գորգերում՝ նաև մետաքս, ոսկեթել ու արծաթաթել: Թելը ներկելու համար օգտվել են հատկապես բուսական(տորոն, դեղնածաղիկ, ընկույզի, տխի կեղև և այլն) ներկերից: Գույներն ամրացվել են հանքային նյութերով (շիր, կիր), որի պատճառով չեն կորցրել երբեմնի իրենց փայլն ու բազմերանգ գույները:

Հիշատակագրություն ունեցող հայկական հնագույն գորգը ընդունված է համարել 1202 թվականից: Այն ստեղծվել է Արցախի Բանանց գյուղում⁴³⁵, ունի հայերեն արձանագրություն և պահպանվում է Վիեննայում:

Առանձնապես հռչակավոր են Արցախի վիշապագորգերը, օձագորգերը և արծվագորգերը: Աշխարհի շատ քանգարաններում պահպանվում են արցախյան գորգերի հավաքածուներ:

Միջնադարյան հայ վարպետները կամ ջուլիակները հյուսում էին ամեն տեսակի երկրաչափական, բուսական զարդերով, կենդանիների և թռչունների պատկերներով այլ գործվածքներ: Ձեռագործ վարագույրների ու ծածկոցների պատրաստման մասին բազմաթիվ վկայություններ են պահպանվել մատենագրական երկերում:

Կիրակոս Գանձակեցին պատմում է, որ Հասան–Ջալալի մայր Խորիշահը ձեռագործով էր զբաղվում⁴³⁶: Պատմիչը նկարագրում է, թե ինչպես Հաթերքի Վախտանգ իշխանի բարեպաշտ տիկին Արգուխաթունը և նրա աղջիկները վարագույրներ են գործել և նվիրել Գոշավանքին, Հաղպատին, Մակարավանքին և Դաղիվանքին⁴³⁷:

Կիրառական արվեստի բնագավառ էր դարձել նաև գրքերի կազմերի ձևավորումը: Թանկարժեք քարերով զարդարված ոսկեգօծ, արծաթյա կազմ է ունեցել «Թարգմանչաց» ավետարանը:

Կիրառական արվեստի ուշագրավ գործեր են արծաթից, պղինձից, նաև ոսկուց պատրաստած թասերը, սափորները, մոմակալները, ճրագամանները, մասնատուփերը: Նրանց վրա հանդիպում են

կենդանիների գազանների պատկերներ, բուսական և երկրաչափական զարդեր:

Մեզ են հասել մահ արծաթապատ սրեր: Առանձնապես հայտնի է իշխան Հասան– Ջալալի դաշույնի մուգ-կանաչ նեֆրիտե նախշազարդ երախակալը, «Հասան–Ջալալ իշխան Խաչենոյ» փորագրությամբ: Այժմ այն պահվում է Էրմիտաժում⁴³⁸:

Արցախահայերը իրենց ավանդն են ունեցել մահ հայ տպագրության սկզբնավորման և զարգացման գործում: 1656 թ. Հակոբ Գ. Ջուղայեցի կաթողիկոսը դպիր Մատթեոս Ծարեցուն ուղարկում Եվրոպա՝ տպագրական գործերով: Երկար ժամանակ դեգերելով Հռոմում և Վենետիկում, վերջնականապես հաստատվում է Ամստերդամում: Նա հոլանդացի տպագրիչների օգնությամբ այդտեղ էլ հիմնում է տպարան: Մատթեոս Ծարեցուն վիճակված չէր տեսնել իր հիմնադրած տպարանի երախայրիքը: Նա անժամանակ մահանում է 1661թ. սկզբներին:

Ամստերդամի տպարանը բարգավաճեց Ոսկանյանների ժամանակ, որտեղ մինչև 1669թ. լույս է տեսել 11 անուն գիրք, որոնց մեջ Առաքել Դավրիժեցու «Գիրք Պատմութեանը»: Վերջինս առաջին հայերեն տպագիր գիրքն է, որ հրատարակվել է հեղինակի կենդանության օրոք: Միջնադարի բոլոր փուլերում Արևելից գավառների ստեղծած մշակութային արժեքները իրենց բնորոշ գծերով հանդերձ, անխտիր որոշակի ընդհանրություններ ունեն հայոց մեծ նահանգներում ստեղծված գործերի հետ. դրանք նույն արմատներն ունեն և կազմում են հայ արվեստի բաղկացուցիչ ու անբաժան մասը:

† † ° Է Է† † † Է † †
†... (1813 - 1917 ^ ^)

1826-1828 ԹԹ. ՌՌԻՍ- ՊԱՐՍԿԱԿԱՆ ՊԱՏԵՐԱԶՍԸ: ՇՈՒ- ՇՈՒ ՊԱՇՏՊԱՆՈՒԹՅՈՒՆԸ: Գյուլիստանի հաշտության պայ- մանագրից հետո Պարսկաստանը չէր հաշտվում Այսրկովկասում տարածքային կորուստների հետ: Անգլիայի դրոմամբ Պարսկաս- տանը փորձում էր ետ ստանալ կորցրածը, իսկ Ռուսաստանն էլ, ոչ միայն նպատակ չունեի հողային գիջումներ կատարել, այլև գրավել Հայաստանը և ավելի ամրապնդել իր դիրքերը Անդրկովկասում:

1826 թ. հուլիսի 16-ին Աբաս-Միրզան, առանց պատերազմ հայ- տարարելու, 60 հազարանոց բանակով ներխուժում է Վարաբադ:

Պարսիկների հարձակման ժամանակ Վարաբադում գտնվում էր ընդամենը 6 վաշտ՝ գնդապետ Ա. Ռեուտի գլխավորությամբ, որը տեղաբաշխված էր Չանախչի (Ավետարանոց) գյուղում: Փոքրաթիվ այս զորամասին օգնելու նպատակով Գորիսում գտնվող փոխգնդա- պետ Նազիմկայի հրամանատարության տակ եղած մոտավորապես 1000 հոգուց բաղկացած զորամասը հրաման է ստանում՝ միանալ գնդապետ Ռեուտի 42-րդ եգերական գնդին: Չնայած հայ ուղեկ- ցողների հորդորներին՝ հասնել Վարաբադ աննկատելի կածաննե- րով, փոխգնդապետ Նազիմկան, հրանոթները նույնպես տանելու մտադրությամբ, գնաց հիմնական վտանգավոր ճանապարհով:

Հազարու գետի մոտ, քաթար խոռվարարները՝ Հաջի Աղալար Բեկի գլխավորությամբ, պարսկական միացյալ ուժերի հետ միասին շրջապատում են ռուսական ջոկատը, մի մասին կոտորում, մնա- ցածներին գերում:

Ռեուտի զորամասն առանց հապաղելու ամրանում է Շուշիի անմատչելի բերդում: Պարսկական բանակը, Ավետարանոցը գրա- վելուց հետո, հուլիսի 26-ին պաշարեց Շուշիի բերդը: Աբաս Միրզան հաջորդ օրը առաջարկում է Ռեուտին՝ բերդը հանձնել, խոստանա-

լով թույլ տալ կայագործին անարգել գնալու Թիֆլիս: Պարսից քանագնացին պատասխանում են, որ առանց գլխավոր հրամանատար Երմոլովի կարգադրության Շուշին հանձնել չեն կարող: Շուշիի 1700 հոգուց բաղկացած կայագործը և 1500 հայ աշխարհագորայինները վճռականորեն որոշեցին պաշտպանել բերդը ու շրջակա 22 հայկական գյուղերից այստեղ ապաստանած հայ բնակչությանը:

Թիկունքը ապահովելու նպատակով գնդապետ Ռեուտի կարգադրությամբ բերդից հեռացվեց պարսկամետ թուրք երիտասարդությունը: Միաժամանակ, Շուշիի պաշտպաններին ոգևորելու նպատակով, Ռեուտը հայ կամավորներից մեկին անց է կացնում պարսպի մյուս կողմը և նորից վերադարձնելով բերդ, բոլորի ներկայությամբ ընթերցում է սուրհանդակի բերած իր իսկ կողմից կազմած նամակը, որը իբրև Թիֆլիսից ուղարկել է գեներալ Երմոլովը:

Մերժում ստանալով, պարսիկները անգլիական մաստնագետների օգնությամբ ականապատում են բերդի պարիսպները և մի քանի անգամ գրոհում: Կրելով ծանր կորուստներ Աբաս–Միրզան իր ուժերը խնայելու և Թիֆլիսը գրավելու նպատակով կրկին բանակցությունների մեջ է մտնում Ռեուտի հետ և 10 օրով զինադադար կնքում, մինչև որ Երմոլովից կարգադրություն ստացվեր՝ Շուշին հանձնելու մասին:

Սակայն դրան հակառակ, Ռեուտը Երմոլովից ստանում է հետևյալ հրամանը. «Պաշտպանեցեք մինչև վերջին մարդը, գլխով պատասխանելու եք բերդի հանձնման համար: Պաշպանելով Շուշին այն ձեզ պատիվ կրելի: Պահանջում եմ բոլոր միջոցները գործադրել պաշտպանության համար: Թաթարներից հավաքեք հացի պաշարները, թող դավաճանները սովամահ դառնան: Մեծահոգաբար վերաբերվեք հայերի նկատմամբ: Հայերին զինեք մեծ քանակությամբ, նրանք կպաշտպանվեն: Սպասեցեք մեզ»⁴³⁹: Իր հերթին գնդապետ Ռեուտը գեներալ Երմոլովին ներկայացրած գեկուցագրում գրել է. «Բերդը պաշտպանող հայերի վերաբերյալ պարտքս եմ համարում քացատրել, որ նրանց ծառայությունը արժանի է ուշադրության, որովհետև նրանք բոլորը գործում էին գերազանց քաջությամբ, դիմացան բազմաթիվ գրոհների, ետ մղեցին թշնամուն խոշոր

կորուստներով, արհամարում էին պարենի պակասը և բնավ չէին մտածում բերդը հանձնելու մասին, քեև վրա է հասել կատարյալ սովը»⁴⁴⁰:

Ղարաբաղի հայերն իրենց քաջարի նախնիների ավանդներին հավատարիմ հերոսաբար պաշտպանում էին հայրենի հողը: Շուշիի հայերը ոչ միայն կռվում էին ճակատի առաջին գծում, այլ միաժամանակ սննդամթերք հայթայթում, վառող պատրաստում, նորոգում բերդի փլված պատերը, կանայք և երեխաները փամփուշտ, հաց և ջուր էին մատակարարում զինվորներին, խնամում վիրավորներին:

Շուշեցի Խաթունի անունը այդ օրերին բոլորը գիտեին Ղարաբաղում: Արհեստավոր Պողոսը օրական պատրաստում էր 20–30 ֆունտ վառող: Հայ մեծահարուստներ Հախումյանները, Մելիք–Շահնագարյանները, Ջոհրաբ-աղա Թառումյանը իրենց ողջ ունեցվածքը ի սպաս դրեցին հաղթանակի հասնելու համար: Հասարակ մարդիկ գիշերները իրենց ուսերի վրա հացահատիկի պարկերը կածաններով իջեցնում էին Շոշ գյուղի ջրաղացները, այլուր աղում և վերադառնում: Աբաս Միրզան մի քանի անգամ փորձեց վերցնել իր համար առելի այդ ջրաղացները, բայց նրա բոլոր փորձերը փշրվեցին, զարմվելով հայերի հերոսական դիմադրությանը, որոնց առաջնորդում էին Սաֆար և Ռոստոմ Թարխանյան եղբայրները: Շուշիի պաշտպաններից աչքի ընկան նաև սուրհանդակ Հ. Ալթունյանը, կապիտան Մադարթովը և ուրիշներ⁴⁴¹:

Վ. Պոտտոն վկայում է, որ առանց հայերի օգնության Շուշու կայագորը երբեք չէր կարող դիմանալ պաշարմանը: Հետագայում հայ կամավորներից շատերը արժանացան պարգևների և արտոնությունների: Ռոստոմ Թարխանյանը ստացավ ռուսական բանակի պրապորշչիկի զինվորական կոչում և ցմահ թոշակ, իսկ Սաֆար Թարխանյանի մահվանից հետո նրա ընտանիքի անդամներին պետական գանձարանից նշանակեցին նպաստներ⁴⁴²:

Անհաջող զրոհներից հետո, Աբաս–Միրզան փորձում է պառակտում առաջացնել բերդում գտնվող հայերի և ռուսների միջև: Նա հավաքել է տալիս մի քանի հարյուր հայ ընտանիք և Գանձասարի Սարգիս արքեպիսկոպոսի հետ ուղարկում է Շուշու բերդի պարիսպների տակ, որպեսզի հայերին համոզեն հանձնել բերդը, այլապես ի-

րենց կկոտորեն: Բերդի հայ պաշտպանները պատասխանում են. «Մենք ռուսներին չենք դավաճանի... ավելի լավ է մի քանի հարյուր մարդ ոչնչանա, քան ամբողջ ժողովուրդը ընկնի ղզլաշների ծանր լծի տակ»⁴⁴³:

Ռուսական հրամանատարությունը օգտվելով Շուշիի պարիսպների տակ պարսկական զորքերի կրած խայտառակ պարտությունից, ի մի բերելով իրենց ուժերը, անցնելով հակազորոհի ռազմական մախաճեռնությունը վերցրին իրենց ձեռքը:

1826թ. սեպտեմբերի 3-ին հայ նշանավոր գեներալ, ծննդով Ավետարանոց գյուղից, Վալերիան (Ռոստոմ) Մաղաթովի հրամանատարությամբ ռուսական 2 հազարանոց ջոկատը ջախջախեց 10 հազարանոց պարսկական բանակին և սրընթաց գրոհով ազատագրեց Գանձակը: Այս հաղթանակի համար Մաղաթովը ստանում է գեներալ-լեյտենանտի աստիճան և ադամանդներով զարդարված սուր՝ «քաջության համար» մակագրությամբ: 1826 թ. սեպտեմբերի 13-ին Ելիզավետպոլի մոտ ռուսները նոր փայլուն հաղթանակ տարան:

Կորցնելով մարտական հիմնական ուժերը, հակառակորդն այլևս անկարող եղավ լուրջ դիմադրության: Մաղաթովը շարժվեց դեպի Գարաբաղ: Աբաս-Միրզան խուճապահար ստիպված էր սեպտեմբերի 17-ին անցնել Արաքսի մյուս ափը:

Շուշիի հերոսական պաշտպանությունը, որը տևեց 48 օր, կարևոր նշանակություն ունեցավ ռուս-պարսկական պատերազմի հետագա ամբողջ ընթացքի վրա: Իրեն գամելով հակառակորդի գլխավոր ուժերը, հնարավորություն ստեղծվեց ժամանակ շահել, կենտրոնացնել Կովկասյան կորպուսի ցրված ուժերը, լրացուցիչ օգնական ուժեր ստանալ Ռուսաստանից և ջախջախիչ հարված հասցնել Այսրկովկաս ներխուժած պարսկական բանակներին:

Ռուսական զորքերը հայ կամավորական ջոկատների հետ ուս-ուսի տված ռազմաճակատի տարբեր հատվածներում նոր հաջողություններ են ունենում, մոտեցնելով բաղձալի հաղթանակի օրը:

1828թ. փետրվարի 10-ին Թավրիզից Թեհրան տանող ճանապարհի վրա, Թուրքմենչայ գյուղում կնքվում է հաշտության պայմանագիր: Գրանով ավարտվում է ռուս-պարսկական պատերազմը: Արաքս գետը երկու երկրների միջև ճանաչվեց պետական սահման: Արևելյան

Հայաստանը մեկընդմիջտ ազատագրվեց պարսկական լծից:

ՅԱՐԻԶՄԻ ԳԱՂՈՒԹԱՅԻՆ ՔԱՂԱՔԱԿԱՆՈՒԹՅՈՒՆԸ:

Արևելյան Հայաստանը, այդ թվում Արցախը անցնելով Ռուսաստանին հայ ժողովուրդը չստացավ ցանկալի ազատությունը: Պարսկական լուծը փոխարինվեց ռուսականով: Յարական կառավարությունը դիմում է նոր միջոցների՝ ռուսական տիրապետությունը Այսրկովկասում ամրապնդելու համար:

Յարական կառավարությունը ձգտում էր Այսրկովկասը դարձնել իր հումքային կցորդը և արտադրված ապրանքների շուկա, «այն կապելով Ռուսաստանի հետ քաղաքացիական և քաղաքական կապերով իբրև մեկ մարմին և ստիպել տեղի բնակիչներին խոսել, մտածել և զգալ ռուսաբար»⁴⁴⁴, ինչպես գրում էին Պասկևիչը, սեմատորներ Մեչնիկովն ու Կուտախովը: Ֆինանսների նախարար գրաֆ Կանկրինը, վերոհիշյալ գաղափարը ավելի հստակեցնելով, 1827թ. Նիկոլայ Առաջինին ներկայացրած զեկուցագրում ասում էր. «Անդրկովկասյան գավառները որոշակիորեն կարող են համարվել մեր գաղութը, որն իր հարավային կլիմայի արտադրանքներով պետությանը մեծ օգուտ պետք է բերի: Անդրկովկասը Ռուսաստանի գաղութ կոչելը առաջին անգամ բացահայտ կերպով ցույց է տալիս տեղական իշխանության բոլոր ձևերը: Դա հենց այն կետն է, որից պետք է նայել նրա վրա և ուղղություն տալ գործողությունների ամբողջ սխառնման»⁴⁴⁵:

Աստիճանաբար երկրի կառավարման մեջ զգալի փոփոխություններ էին մտցվում: Յարական կառավարությունը ձգտում էր Այսրկովկասի բոլոր երկրամասերում միանման վարչակարգ ստեղծել և ընդհանուր օրենքներով այն կառավարել: Միաժամանակ ազգամիջյան հակասություններն օգտագործելու նպատակով ցարիզմը ձգտում էր ստեղծել խառը բնակչություն ունեցող վարչական միավորներ: Այդ նպատակով 1840թ. օրենք է ընդունվում, ըստ որի Այսրկովկասում ստեղծվում են վրացա-իմերեթական նահանգը՝ Թիֆլիս, և Կասպիական մարզը՝ Շամալիի կենտրոններով: Վրացա-իմերեթական նահանգի մեջ մտնում էին Արևելյան Հայաստանի՝ Ելիզավետպոլի, Երևանի, Նախիջևանի, Ալեքսանդրոպոլի, Ախալցխայի գավառները, իսկ Կասպիական մարզի գավառներն էին հայկական

մյուս տարածքները, այդ թվում նաև Ղարաբաղը⁴⁴⁶։

Փաստորեն ցարիզմը, անտեսելով երկրամասի ազգային առանձնահատկությունները, անցնում էր գաղութային անսքող քաղաքականության։

Այսբանով էլ չբավարարվելով, 1846թ. դեկտեմբերի 14-ին կառավարությունը կրկին Այսրկովկասը վարչական բաժանման է ենթարկում։ Այս անգամ ստեղծվում են չորս նահանգներ՝ Թիֆլիսի, Քութայիսի, Շամախու և Դերբենդի։ Երևանի, Նախիջևանի և Ալեքսանդրապոլի գավառները մտնում են Թիֆլիսի, իսկ Չանգեզուրն ու Ղարաբաղը՝ Շամախու նահանգի մեջ⁴⁴⁷։ Այս դեպքում ևս անտեսվում էին երկրամասի ազգային առանձնահատկությունները, նորից բաժան-բաժան արվում հայկական գավառները։

1867թ. դեկտեմբերի 9-ի ցարական կառավարության ընդունած նոր օրենքով Այսրկովկասը բաժանվեց 5 նահանգների՝ Քութայիսի, Թիֆլիսի, Երևանի, Ելիզավետպոլի և Բարքի։ Արևելյան Հայաստանի տարածքների մի զգալի մասը մտցվեց Երևանի, իսկ մյուս մասը՝ Ելիզավետպոլի և Թիֆլիսի նահանգների կազմի մեջ։ Լեռնային Ղարաբաղը հայտնվեց Ելիզավետպոլի նահանգի կազմի մեջ⁴⁴⁸։ 1868թ. Ելիզավետպոլի նահանգական կենտրոնն ճանաչվեց Գանձակը, որը իր բնակչության թվով ու քաղաքին հատուկ մյուս բնորոշ գծերով շատ էր զիջում Շուշիին։

Այս կարգով գավառական կենտրոններ հռչակվեցին Թարթառը՝ Ջիվանշիրի համար, որի մեջ ներառվեցին Գյուլիստանի, Ջրաբերդի նախկին մելիքությունները ամբողջապես և Խաչենի մի մասը, Ջերբայիլը՝ համանուն գավառի համար, որի կազմում էր Դիզակի տարածքի մի մասը և Շուշին, որի մեջ ներառվեց ամբողջ Վարանդան, Խաչենի և Դիզակի զգալի մասը։

Վարչատարածքային այս բաժանումները անփոփոխ մնացին մինչև 1917թ.։

Հարկ է նշել, որ 1916թ նորից վիճարանությունների առարկա դարձավ Անդրկովկասի նոր սահմանագծման հարցը։

Հայերը կազմեցին մի նախագիծ, որով Այսրկովկասի հայկական և միաժամանակ հայաբնակ շրջանները կազմելու էին կամ մեկ նահանգ, կամ էլ բաժանվելու էին 4 փոքր նահանգների՝ Երևանի,

Լեռնային Գանձակի կամ Ղարաբաղի, Ալեքսանդրապոլի և Կարսի: Այդ նախագծով Այսրկովկասի արևելյան մասը բաժանվում էր երկու մասի՝ հայկական և քաթարական: Հայկական մասի մեջ մտնելու էին բացի Երևանի նահանգից, Գանձակի նահանգի Ղազախ, Գանձակ, Ջիվանշիր, Շուշի գավառների լեռնային հայաբնակ մասերը և ամբողջ Չանգեզուրը: Գանձակ քաղաքը բաժանվելու էր երկու մասի՝ հայկական և քաթարական: Թիֆլիսի նահանգից Ախալքալաքը, Լոռին և Ծալկայի հայկական մասը միացվելու էին Ալեքսանդրապոլի նահանգին⁴⁴⁹: Թեպետև այս նախագիծը ռուսական կառավարությունը ընդունեց, սակայն կյանքում չիրականացվեց:

Յարական կառավարությունը Անդրկովկասում իր դիրքերը ամրապնդելու նպատակով տեղացի իշխողներին գրկում է պետական պաշտոններ վարելու իրավունքից, դրանք վերապահելով ռուս չինովնիկներին: 1840թ. ապրիլի 10-ին ցարը վավերացրեց մի օրենք, ըստ որի տեղական »բարձր դասը«՝ աղաներն ու բեկերը դուրս էին մղվում վարչական գործունեության ասպարեզից, իբրև ցարիզմի քաղաքական նոր խնդիրներին բոլորովին անհամապատասխան և ավելորդ մի տարր⁴⁵⁰:

Գեռ ավելին, ցարական իշխանությունը հայ մելիքներին գրկելով սեփական տիրույթներից և իրավունքներից, ճարպկորեն օգտագործեց այդ դասի ժառանգած ձգտումը դեպի ռազմավարչական գործողությունը և, հովանավորելով նրա փառասիրությունը, սերունդ առ սերունդ նրանց ներքաշեց իր գորքերի շարքերը, բայց զգալիորեն ավելի քիչ՝ կառավարության մեջ: Ազնվականական ռազմական ուսումնարանների և կադետային կորպուսի դռները լայնորեն բացված էին մելիքական ընտանիքների երեխանների առջև, որոնք հաճախ այնտեղ էին ընկնում ամենապատանի տարիքում, այնուհետև ծառայելով հասնում էին բանակի ամենաբարձր աստիճանների, մեծ մասամբ մնալով անդրկովկասյան գորքերում, ուր նրանց գերադասում էր ուղարկել ցարական քաղաքականությունը⁴⁵¹:

Նման պայմաններում քաթար խաներն ու բեկերը տարբեր զարդուղի ճանապարհներով՝ կաշառքներով և շողոքորթությամբ, սիրաշահելով ռուս աստիճանավորներին, տեր են դառնում հայկական

գյուղերին ու մելիքների նախկին տիրույթներին: Հայ գյուղացիությունը անխնա շահագործվում էր քաքար աղաների և ռուս չինովնիկների կողմից:

Գրա մասին է վկայում Գիզակի Բանագուր գյուղի բնակիչների 1849թ. բազմիցս գրած բողոք-խնդրագրերը՝ ուղղված Կովկասի փոխարքային և Ներսես կաթողիկոսին: «Ղարաբաղի գնդապետ (պոլկովնիկ) Ջաֆար Կուլի խանը, որի իշխանության ներքո ենք գտնվում որպես ռահաքներ,- գրում են Բանագուրի գյուղացիները,- տանջում է մեզ եւ պատճառում անպատմելի նեղություններ, պատիժներով եւ տուգանքներով, մինչեւ անգամ ամենայն կենցաղավարությունից այժմ էլ զրկված, մատնվել ենք սովի, ... մեր քահանա Տեր Մինասի փիլոնը զցել տվեց շան վրա եւ ստիպեց ժողովրդին երկրպագելով գնալ նրա հետեւից, հայտարարելով՝ թե այդ լինի ձեզ սուրբ եւ քահանա, որի պատճառով հիշյալ քահանան «նեղսրտեց» եւ մահացավ: Քանի մարդ մեզանից ծեծից մահացել է:

Նեղվելով, մեր գյուղի բնակիչները ցրվեցին այլեւայլ տեղեր, ջանալով ազատվել նրա գերությունից...: Հուսալքված բնակչությունը անգամ երանի են տալիս Իբրահիմ խանի ժամանակներին»⁴⁵²:

Հայոց երկրում վարչական նոր կարգեր հաստատելուց հետո ցարական կառավարությունը այս անգամ ձեռնամուխ է լինում եկեղեցու իրավունքների և պարտականությունների ճշգրտմանը, նպատակ հետապնդելով մի կողմից զրկելու հայ հոգևորականությանը պետական կառավարմանը մասնակցելու հնարավորությունից, մյուս կողմից՝ հոգևոր իշխանության հեղինակությունն օգտագործելու իր ազդեցությունը հայ ժողովրդի վրա տարածելու համար:

1836թ. մարտի 11-ին ընդունվում է Ռուսաստանի հայ լուսավորչական եկեղեցու գործերի կառավարման կանոնադրությունը (Պոլոժենիե): Նոր օրենքի համաձայն կայսրության տիրապետության տակ գտնվող հայկական եկեղեցին բաժանվում էր 6 թեմերի. Նոր Նախիջևանի և Բեսարաբիայի, Աստրախանի, Երևանի, Վրաստանի, Ղարաբաղի և Շիրվանի⁴⁵³:

Գրանով վերացվում է Գանձասարի կաթողիկոսությունը ու նրա տեղը ստեղծվում միտրոպոլիտություն: 1837 թ. հուլիսի 1-ին կայսերական հրամանով Բաղդասար Հասան-Ջավայյանցը նշանակվեց

Ղարաբաղյան թեմի առաջնորդ և միաժամանակ թեմի կոնսիստորիայի նախագահ:

Նրա եռանդուն գործունեության շնորհիվ Շուշիում զարգացում ապրեց կրթական և մշակութային կյանքը: Վերանորոգվեց Ամարասի վանքը: Բաղդասար միտրոպոլիտի համառ պայքարի շնորհիվ Գանձասարի Խաթրավանքին, Մուրբ Հակոբա վանքին, Հուրեկին, Ամարասին վերադարձվել էին նրանց բռնագրավված կալվածքներն ու մյուս սեփականությունները: Միայն զանազան ցեղերին և հատկապես քուրանցի քրդերի կողմից բռնազավթաց հողերի քանակը կազմում էր 196438 դեսյատին, որը վերադառնվեց Գաղի վանքին⁴⁵⁴:

Բաղդասար միտրոպոլիտը միաժամանակ ցարական իշխանությունների առաջ պաշտպանում էր թուրք բեկերի կողմից ոտնահարվող իր հայրենակիցների տարրական իրավունքները: Ցարիզմի հակահայկական քաղաքականությունը դժգոհություն էր առաջացնում հասարակության տարբեր խավերի շրջանում:

Այս հանգամանքը ցարական կառավարությանը էլ ավելի մոտեցրին տեղական իշխող դասակարգին:

Միաժամանակ Այսրկովկասում նոր վարչակարգն ամրապնդելու համար ցարական կառավարությունը ձգտում էր տեղացի հողատերերից ստեղծել սոցիալական հենարան: Դրանց են ուղղված 1840–1850թթ. հրատարակված մի շարք օրենքներ ու կարգադրություններ:

1846թ. դեկտեմբերի 6-ի օրենքով ցարական կառավարությունը Այսրկովկասի խաներին, բեկերին, աղալարներին և մելիքներին ճանաչեց որպես հողի ժառանգական սեփականատերեր: Այդ նույն օրենքով նրանց վերադարձվեցին անցյալում խլված հողերը: Կալվածատերերին, որպես հողի լիակատար սեփականատերերի, իրավունք տրվեց ժառանգելու, ընծայելու և վաճառելու հողը, բայց միայն՝ «բարձր դասի» մարդկանց: Նրանց տրվեցին նաև որոշ վարչական իրավունքներ:

Ցարիզմը իր հեռագնա նպատակների իրականացման համար Այսրկովկասում ձգտում է ստեղծել նաև ազգային հենարան: Դեռևս 19-րդ դ. սկզբներից առավել բերրի տարածքները բնակեցվում էին

Ռուսաստանի տարբեր նահանգներից բերված գաղթականներով:

Հայերի համար պատուհաս էր դարձել ռուսների վերաբնակեցումը նոր գրաված տարածքներում: Սկզբնական շրջանում փորձ էր կատարվում ստեղծել զինվորական բնակավայրեր, որը այնքան էլ արդյունավետ չէր: Այնուհետև պետական խորհուրդը որոշեց ռուս աղանդավորներին՝ դուխոբորներին, իկոնոբորներին, մոլականներին բնակեցնել Ղարաբաղում: Մակայն Ղարաբաղում ազատ հողատարածություններ չկային, ուստի ռուս աղանդավորներին հողով հնարավոր էր ապահովել միայն ի հաշիվ տեղական գյուղաբնակչության հողաբաժինների:

Ռուս գաղթականներին շահագրգռելու նպատակով կառավարությունը 26 տարով նրանց ազատում է հարկերից⁴⁵⁵:

Գիգակի, Վարանդայի և Ջրաբերդի սակավահող մի շարք գյուղերի հողատարածությունների հաշվին հիմնվեցին Նիկոլյանկա, Կարյագինո, Սկոբոլևկա, Լևոնարխո ռուսաբնակ գյուղերը:

ՂԱՐԱԲԱՂԻ ՍՈՑԻԱԼ-ՏՆՏԵՍԱԿԱՆ ԿՅԱՆՔԸ: Քաղաքական խնդիրները լուծելուց հետո, ցարիզմը ձեռնամուխ եղավ նաև Այսրկովկասի տնտեսական յուրացմանը: Ցարական կառավարությունը ձգտում էր Այսրկովկասը դարձնել իր հումքային կցորդը և արտադրված ապրանքների իրացման շուկա:

Գրան հասնելու համար ցարական կառավարությունը իրականացրեց մի շարք միջոցառումներ, որոնք շատ քե քիչ սկսեցին աշխուժացնել տնտեսական կյանքը: Առաջին հերթին անհրաժեշտ եղավ պարզել և ճշտել, քե ինչ եկամուտներ էր ստանում խանը Ղարաբաղից, որոնք հետագայում պետք է մտնեին պետական գանձարան: Այդ նպատակով 1822–23թթ. երկրամասում անցկացվեց աշխարհագիր, ցուցակագրվեցին բոլոր բնակավայրերը, ընտանիքի անդամները, հավաքվելիք հնարավոր տուրքերի չափը⁴⁵⁶:

Նոր գրավված տարածքների տնտեսական հնարավորությունները օգտագործելու համար 1836թ. ստեղծվեց «Կովկասյան արդյունաբերական ընկերություն»⁴⁵⁷:

1861թ. փետրվարի 19-ի կանոնադրությամբ Ռուսաստանում ճորտատիրական իրավունքի վերացումից հետո, 19-րդ դարի 60–70-ական թվականներին ցարական կառավարությունը կայսրության ծայ-

րամասերում անցկացրեց նաև գյուղացիական բարեփոխումներ:

Արևելյան Հայաստանում, այդ թվում նաև Ղարաբաղում, գյուղացիական բարեփոխումը անցկացվեց 1870 թ. մայիսի 14-ի օրենքով: Նոր օրենքով վերացվեց հողերի օգտագործման համայնական եղանակը և այն փոխարինվեց անհատական եղանակով: Հստակեցվեց յուրաքանչյուրի հողաբաժինը, իրավունք տրվեց գյուղացիներին վաճառելու, նվիրելու կամ գրավ դնելու իրենց հողակտորներն ու այգիները: Որոշ բնատուրքեր վերածվեցին դրամականի: Այս ամենը նպաստեց ապրանքադրամական հարաբերությունների զարգացմանը: Ապրանքային դարձավ առաջին հերթին հողագործությունը: Ղարաբաղը մնում էր որպես հետամնաց ագրարային երկիր, որտեղ արտադրության հիմնական ճյուղը գյուղատնտեսությունն էր: Տարեց տարի ընդարձակվում են մշակովի հողատարածությունները: Երկրագործության մեջ գերակշիռ տեղ ունեւ հացաբույսերի մշակությունը: 1883թվականից մինչև 1896թվականը Ելիզավետպոլի նահանգում հացագոգիների ցանկատարածություններն ու բերքատվությունը ավելացավ 2-ից մինչև 2,5 անգամ⁴⁵⁸: Եթե Շուշու գավառում հացահատիկի մշակաբույսերից 1886 թ. ստացել են 424,566 չետվերտ բերք, ապա 1895 թ. դա հասցվել է 620,700 չետվերտի⁴⁵⁹, որի մեծ մասը սպառվել է քաղաքի շուկաներում:

Ներքին շուկայի ընդլայնումը և Ռուսաստանում արդյունաբերության զարգացումը խթանում էր Այսրկովկասի տարբեր գավառների գյուղատնտեսական ապրանքների արտադրության մասնագիտացմանը: Եթե Շուշու գավառում ավելի շատ զարգացած էր շերամապահությունը, ապա Ջիվանշիրի գավառում՝ բամբակագործությունը և խաղողագործությունը:

Շուշու գավառում 1890 թ. ստացվել է 2, 138 փութ բոժոժ, իսկ 1894 թ.՝ 17,000 փութ, որից 4, 300 փութը ուղարկվել է արտասահման⁴⁶⁰:

Երկրագործական մշակաբույսերի համար կարևորություն էր ներկայացնում ոչ միայն ցանքատարածությունների ընդարձակումը, այլև հունքի որակի բարձրացումը և հողագործության կատարելագործումը: Ուստի երկրամասում մեծ ուշադրություն դարձվեց ռոռզման ցանցի կատարելագործմանը, առանձնապես քյահ-

րիզների կառուցմանը: Համարյա Ղարաբաղի բոլոր գյուղերում մնան ջրագծեր կառուցվեցին, որոնք առայսօր օգտագործվում են:

Հանդես եկան կազմակերպություններ, որոնք արտասահմանից ներ էին մուծում բարձրորակ սերմեր՝ խաղողի և բամբակի՝ Բրազիլիայից, Հյուսիսային Ամերիկայից, Եգիպտոսից, Հնդկաստանից, տեխնիկական մշակաբույսերի վերամշակման համար մեքենաներ՝ Հյուսիսային Ամերիկայից, Ֆրանսիայից:

Անասնապահությունը ևս շարունակում էր մնալ բնակչության գրադուռնքի հիմնական տեսակներից մեկը:

1891թ. Շուշիի գավառում եթե պահում էին 69,161 գլուխ խոշոր և 144 865 գլուխ մանր եղջյուրավոր անասուն, ապա 1895 թ համապատասխանաբար՝ 76,180 և 164 080 գլուխ⁴⁶¹:

Առաջընթաց կատարվեց նաև գյուղատնտեսական արտադրանքի մշակման գործում: Դեռևս 60-ական թթ. վերջերից սկսեց զարգանալ օղու և գինու արտադրությունը: Շուշու գավառում գինեգործական կենտրոններ են համարվում Գիշի և Գզդալա գյուղերը: Գավառում 1884–1894 թվականներին գինու արտադրությունը 95,406 դույլից հասավ 186000 դույլի⁴⁶²:

Ղարաբաղի թթի այգիներից ստացվում էր մեծ քանակությամբ օղի:

1872թ. տվյալներով Ելիզավետպոլի նահանգում գործում էր 3624 օղու թորման գործարան, որտեղ տարեկան արտադրվում էր 75000 դույլ օղի⁴⁶³: Այս բնագավառում Ելիզավետպոլի նահանգը ամբողջ Անդրկովկասում առաջին տեղն էր գրավում: Միայն Շուշու գավառում 1895 թ. թորվել է 300000 դույլ օղի: Գինու և օղու արտադրանքից Շուշու գավառում ստացվել է 1323270 ռուբլու եկամուտ⁴⁶⁴, որը բավականին մեծ գումար էր:

Հայ դրամատերերից շատերը սկսեցին իրենց միջոցները տեղափոխել արտադրության առավել շահավետ ոլորտներ, ստեղծելով զանազան գործարաններ ու ֆաբրիկաներ: 1880-ական թթ. Աղղամում մեծահարուստներ Խուրլարյաններն ու Մողոմոնյանները հիմնում են սպիրտի գործարաններ: Դրա հիմքերի վրա Աղղամում ստեղծվում է նաև կոնյակի փոքր գործարան⁴⁶⁵:

19-րդ դարի վերջին տասնամյակներում ռուսական կայսրությու-

նում կապիտալիստական հարաբերությունների զարգացման և տնտեսության բուռն վերելքի պայմաններում հայկական գյուղը իր նահապետական սովորություններով հանդերձ, ներքաշվեց ընդհանուր համառոտական շուկայի մեջ: Անձրևից հետո աճող սնկերի նման, Ղարաբաղի բնակավայրերում մեկը մյուսի ետևից, երևան էին գալիս մասնավոր նոր ձեռնարկություններ: Այդ գործարանների զգալի մասը զբաղվում էր մետաքսի արտադրությամբ: Մետաքսի մեծ ճանապարհին մոտ լինելով, Ղարաբաղի հայությունը հնուց ի վեր զբաղվում էր շերամապահությամբ: Այն նոր ընթացք ու բափ ստացավ 19-րդ դարի 80– 90 -ական թվականներին: Շերամի հունդը Ղարաբաղ է հասել մի շարք երկրներից, տարբեր ճանապարհներով:

Մինչև 1890 թ. Ղարաբաղում լայն տարածված էր ճապոնական դեղին ցեղի մանր բոժոժ ունեցող հունդը, որին տեղացիները յապոն էին անվանում: Այն ծովային ճանապարհով Չինաստանից տեղափոխվել է Հունաստան, իսկ այնտեղից Ղարաբաղ⁴⁶⁶: 19-րդ դարի վերջերին Անդրկովկասում հունդի աճեցման և տարածման գործը կենտրոնացված էր 3 ընտանիքների ձեռքում, որոնցից մեկը՝ Տեր-Գրիգորյանները, դարաբաղցիներ էին:

Սկզբնական շրջանում շերամապահ գյուղացիները ոչ միայն բոժոժ էին արտադրում, այլ տանը պարզունակ եղանակով ոտնաչաբխով մանում էին քերը: Տեղացի վաճառականները արտադրանքը արտահանում էին արտասահմանյան քաղաքներ: Ղարաբաղի բնական մետաքսը բարձր է գնահատվել միջազգային մի շարք տոնավաճառներում: 1882 թ. Մոսկվայում կազմակերպված տոնավաճառում Հոնաշեն– Հաղորթի մետաքսն արժանացել է բրոնզե մեդալի, իսկ մեկ տարի անց՝ ԱՄՆ-ի Ֆիլադելֆիա քաղաքում՝ ոսկե մեդալի: Տեղին է հիշել, որ 19-րդ դարի վերջերին Արցախի մետաքսից են պատրաստվել Փարիզի Ելիսեյան պալատի վարագույրները⁴⁶⁷:

19-րդ դարի 50-ական թվականներին Ղարաբաղում գտնվող մետաքսագործարանները տնայնագործական տիպի մանր ձեռնարկություններ էին՝ խարսխված բացառապես ձեռքի աշխատանքի վրա: Միայն 1868թ. Շուշու գավառում կար 490 մետաքսակարժական արհեստանոց, որտեղ թողարկվում էր 76 000 ռուբլու արտադ-

րանք⁴⁶⁸:

Արդյունաբերական եղանակով մետաքսաթելի արտադրության առաջին փորձերը Ղարաբաղում կատարվել են 19-րդ դարի կեսերին: Ղարաբաղցի Աղաբաբա և Գրիգոր Խաչատրյաններն ու Կարապետ Շահմուրադյանը 1856–1857թթ. Ստեփանակերտում հիմնադրեցին մետաքսի ֆաբրիկա, որտեղ աշխատում էին Նուխուց եկած 25–30 հայ բանվորներ: Նույն դարի 60-ական թվականներին Շուշեցի վաճառականները լինելով Մարսել, Լիոն, Միլան, Վենետիկ, Ջենովա քաղաքներում, արտասահմանից օրինակում են մանարանը, մետաքս ոլորող մեքենան և միաժամանակ «ցելլիվաի» եղանակով սկսում են ստանալ առողջ սերմ: Առաջին անգամ Ղարաբաղի մետաքսագործի կիսանահապետական աշխատանքին փոխարինելու եկավ շոգու աշխատանքը: Այս հանգամանքը նպաստում է, որպեսզի երկրամասում զարգանա շերամապահությունը:

1873 թ. Շուշեցի առևտրական Գ. Հարությունյանցը քաղաքում հիմնեց մետաքսալորման առաջին ֆաբրիկան, որտեղ Ռուսաստանում առաջին անգամ կիրառվեց բոժոժ չորացնելու հատուկ մեխանիկական սարքավորում:

Գ.Հարությունյանցի ֆաբրիկան սերտորեն կապված էր «Ա և Վ. Մապոժնիկովներ», «Ա. Իլին որդիների հետ և Կ.», «Ե. Ա. Սոկոլիկովա» մետաքսի առևտրով զբաղվող խոշորագույն ընկերությունների հետ⁴⁶⁹:

Վարանդայի գավառում 1890թ. արտադրվող 2138 փուք բոժոժից, 1895թ. հասցվեց 9000 փթի, որից 4300 փուքը արտահանվել է եվրոպական երկրներ⁴⁷⁰:

Նման պայմաններում անհրաժեշտ միջոցառումներ ձեռնարկվեց Ղարաբաղում նոր մետաքսագործարանների կառուցման ուղղությամբ: Ժամանակակցի վկայությամբ 1888թ. Արցախում կար 18 մետաքսագործարան, որոնք պատկանում էին հայերին: Դրանք տեղակայված էին Շուշի քաղաքում, Ստեփանակերտում, Կրկժան, Քարին տակ, Մղնախ, Չանախչի, Ղարաբուլախ, Դշլաղ, Թաղուտ, Տող, Հաղրութ, Շոշ, Բալուջա, Խանաձախ, Գիշի գյուղերում⁴⁷¹: Դրանց տերերը հիմնականում տեղացի կապիտալիստներ էին՝ Հարունովներ, Ներսեսովներ, Տեր-Գրիգորյաններ, Տեր–Սկրտչյան-

ներ, Քամայյաններ:

Արդեն 1896թ. Լեռնային Ղարաբաղում 26 մետաքսագործական ֆաբրիկա կար⁴⁷², իսկ առաջին համաշխարհային պատերազմի նախօրյակին դրանց թիվը հասավ 36-ի⁴⁷³: Շուշին հանդիսանում էր բոժոժի խոշոր շուկա Այսրկովկասում: 1894թ. Շուշիում հիմնադրվեց Կովկասյան մետաքսագործական կայանի մասնաճյուղը: Այդ ժամանակ Լեռնային Ղարաբաղի 85 բնակավայրերում շերամապահությանը զբաղվում էին մոտ 12000 տնտեսություններ, որը կազմում էր բոլոր տնտեսությունների 45 տոկոսը: Վերոհիշյալ ժամանակահատվածում Լեռնային Ղարաբաղում բնական մետաքսի արտադրության բուռն վերելքը պայմանավորված էր մի շարք բարենպաստ գործոնների առկայությամբ. տարանցիկ առևտրական ճանապարհների հանգուցակետում գտնվելը, լեռնային Ղարաբաղի վաճառականների գործարանատերերի սերտ կապերը Եվրոպայի, Ամերիկայի և Ասիայի երկրների գործարար շրջանների հետ, այս բնագավառում հնուց եկած ավանդույթները, որին գումարվեց նաև դարաբաղցիների աշխատասիրությունը և հակումը դեպի արհեստը, Էժան և որակյալ աշխատուժի գոյությունը, վառելյան յուրթի՝ անտառների մոտ լինելու հանգամանքը:

Լեռնային Ղարաբաղի մետաքսաթելը մեծ համարում ուներ Եվրոպայի և Ասիայի երկրներում: Մինչև 1888թ. երկրամասում արտադրված թելը ուղարկվում էր Մարսել, հետագա տարիներին առավել շատ Մոսկվա, իսկ ֆրիզոնը՝ Ֆրանսիա⁴⁷⁴:

Մետաքսի արտադրությամբ Ռուսաստանի երկրամասերի մեջ Ղարաբաղը բռնում էր 2-րդ տեղը և տալիս էր Այսրկովկասի մետաքսի արտադրության 35 տոկոսը⁴⁷⁵:

20-րդ դարի սկզբին ստեղծվեց Գ. Հարությունյանցի Կովկասի մետաքսագործական և մետաքսադորման արդյունաբերական ընկերությունը, որը միավորեց 6 մետաքսագործարան, 2 մետաքսառյուրման և 3 բոժոժ չորացման ֆաբրիկաներ:

Քաղաքական գործընթացները սակայն շուտով ընդհատեցին շերամապահության և մետաքսագործության զարգացման բնական ընթացքը:

Առաջին համաշխարհային պատերազմի տարիներին՝ ազգա-

միջյան ընդհարումների հետևանքով ավերվեցին Լեռնային Ղարաբաղի մետաքսագործարանները: Խաթարվեցին Եվրոպական և Ասիական երկրների հետ տնտեսական կապերը: Ճանապարհների անապահովությունը դժվարացրին գործարանների արտադրած քելի սպառումը: Անտառներից փայտ բերելու խնդիրը կապված էր կյանքի վտանգի հետ և որպես վառելափայտ օգտագործում էին թոխնաչարի տունկը:

Այս ամենից բացի Շուշի քաղաքում 1895 թ. կենտրոնացված էր 6 կաշվի, 4 օճառի, 10 ներկարարական և 2 աղյուսի գործարաններ⁴⁷⁶:

Շուշին առավել շատ հայտնի էր, որպես արհեստավորական կենտրոն: Այս ժամանակահատվածում էլ արհեստավորները կազմակերպված էին համքարությունների մեջ և ղեկավարվում էին նախկին ավանդույթներով:

Առանձնապես հայտնի էին Շուշեցի գորգագործները, ոսկերիչները, արծաթագործները, պղնձագործները, բրուտագործները, դարբինները, հյուսները, քարտաշներն ու կոշկակարները:

Նրանց արտադրած ապրանքները մեծ համարում ունեին Եվրոպայում, Ռուսաստանում և Արևելքի երկրներում:

Բրոկհաուզ և Եֆրոնի հանրագիտական բառարանում կարդում ենք. »Շուշին Կովկասում գորգագործության ամենախոշոր կենտրոնն է, որի արտադրությունը սպառվում է նահանգի սահմաններից դուրս շատ հեռու և հասնում է Մոսկվա ու Պետերբուրգ: Մետաքսի գորգերի աշխույժ առևտուր է գնում, որը համարյա բացառապես գտնվում է տեղի հայերի ձեռքին⁴⁷⁷:

1895 թ. տվյալներով Շուշիում 1000 բնակչի վրա հաշվում էր 22 արհեստավոր⁴⁷⁸: Նույն ժամանակահատվածում քաղաքում կար 500 տեսակ արհեստ⁴⁷⁹:

Յարական կառավարությունը Այսրկովկասը տնտեսապես ու քաղաքականապես Ռուսաստանին ենթարկելու, իր ազդեցությունը հարևան երկրների վրա տարածելու նպատակով հովանավորում էր առևտրականներին: Եվ պատահական չէր, որ բազմաբնույթ միջոցառումներով խրախուսում էր առևտրական դասին ու նրա գործունեությունը:

1821թ. հոկտեմբերի 8-ի օրենքով Այսրկովկաս ներմուծվող ապրանքներից գանձվում էր 5 % մաքս, իսկ Պարսկաստան առաքվող ապրանքների համար հաստատվում էր անմաքս տրանզիտ: Պատահական չէ, որ Այսրկովկասում արտաքին առևտրի ծավալները 1822–1870 թթ. ընթացքում 1289108 հասավ 15399969 ռուբլու⁴⁸⁰:

Մաքսային նման քաղաքականությունը խթան հանդիսացավ նաև Շուշիի առևտրականների աշխույժ գործունեության համար: Արդեն 30-ական թթ. ցարական պաշտոնական աղբյուրները հաստատում էին այն իրողությունը, որ հայ առևտրականներն իրենց ձեռքն են առել «Թիֆլիսի և ամբողջ Անդրկովկասի առևտուրը»⁴⁸¹:

Մինչև 250000 տարեկան շրջանառություն ունեցող առևտրականները հիմնականում հայեր էին: Դրանցից հայտնի էին Շուշեցի Թառումյանների և Հախումյանների ընտանիքները:

1808 թ. Բաքվի տուրքերը 4 տարով տրվել էին Բարա Թառումյանին⁴⁸²: Նրա ձեռքին էր գտնվում նաև Կասպից ծովի նավթի, ձկան, աղի արտադրության կապալը:

Չոհրապ և Մարկոս Թառումյանները իրենց միջոցներով կառուցեցին Ագուլեցոց եկեղեցին:

Մարկոս Թառումյանը մահվանից առաջ Էջմիածնին և մնացածներին վերադարձնում է պարտամորիակները և երկու քսակ ոսկի բաժանում աղքատներին:

Թառումյանի մահվանից հետո նրան քաղում են մեծ պատվով, ինչպես Արտաշես Արշակունի թագավորին, գրում է Սևարոբ Թաղիադյանը⁴⁸³:

Երեք վաճառական հայ ընտանիքներ Շուշիի սարահարթից հսկում էին մի մեծ առևտուր, որի միջոցով իրար էին կապվում աշխարհի չորս ծայրերը Չինաստանից մինչև Արևմտյան Եվրոպա, Հնդկաստանից մինչև Ռուսաստան և Սկանդինավյան երկրներ: Գերմանական «Ալգեմայն ցայտունգ» թերթը 1846թ. նոյեմբերի 15-ի համարում գրում է. «Կարաբաղի գլխավոր քաղաքը Շուշին առանց չափազանցության կարելի է համարել Կովկասյան Ջիրբալթարը»⁴⁸⁴:

1880թ. տվյալներով Շուշիում կային 952 առևտրական և արդյունաբերական ձեռնարկություններ⁴⁸⁵:

Շուշին 19-րդ դարում առևտրական բազմաթիվ թելերով կապված էր արտասահմանյան երկրների հետ: Գարաբաղի և Այսրկովկասի սահմանները նեղ էին շուշեցի առևտրականների համար: Նրանք առևտրական գործառնություն ծավալեցին Ռուսաստանում, Իրանում, Եվրոպական երկրներում:

Շուշեցի մեծահարուստներ Հախումյանները նշված երկրներում ունեին իրենց գործատները և Ռուսական կայսրության բանկերում ունեին մոտ մեկ միլիոն ռուբլի⁴⁸⁶:

Առևտրի զարգացմանը խթանում է նոր ճանապարհների կառուցումն ու փոխադրական միջոցների կատարելագործումը: Կառուցվեցին և խճապատվեցին Շուշի-Եվլախ, Շուշի-Գորիս-Նախիջևան-Երևան ճանապարհները: Շուշիում գործում էին «Նաղեժդա» և «Ռոսիյսկոյե» ընկերությունների գրասենյակները, որոնք կազմակերպում էին ապրանքների փոխադրումը⁴⁸⁷:

Հետաքրքիր է նաև այն փաստը, որ 19-րդ դարի 2-րդ կեսին և 20-րդ դարի սկզբներին ներկայիս Ադրբեջանի, հատկապես Բաքվի առևտրական և արդյունաբերական կապիտալի գերակշիռ մասը գտնվում էր դարաբաղցի, ինչպես նաև արևելահայ մեծահարուստների ձեռքին: Բաքվում հրատարակված ռուսերեն լեզվով Ադրբեջանի պատմության մեջ հետաքրքիր տեղեկություններ կան վերոհիշյալի մասին: Այսպես, օրինակ Բաքվի խոշորագույն նավթահորերը գտնվում էին Մանքաշյանի, Լիանոզովի, Գուկասյանի, Փիրոնի, Մախլյանի, Արամյանցի, Թաղևոսյանի, Ծատրյանի, Միրզոյանի մետաքսի արտադրության գործարանները՝ Մեսրոպյանի, Գյանջումյանցի, Հարությունյանցի, Քամալյանի, Ներսիսյանի, Չուրաբյանի ձկնաարդյունաբերությունը՝ Լեանոզովի, Գուկասյանի, Մախլյանի, Փիրալյանի առևտուրը՝ Արամյանցի, Անանյանի, Մախլյանի, Հովհաննիսյանի, Առաֆեյանի(Արաֆելով), Դովլաթյանի, Ջանփոլադյանի, Աֆրիկյանի ձեռքում:

Հայերն էին տնօրինում գինեգործական, ծխախոտագործական արդյունաբերությունը: Նրանց ձեռքին էր կենտրոնացված Ադրբեջանի քիմիական արդյունաբերության 10 տոկոսը, մեխանիկական արտադրության 22 տոկոսը: Ոչ լրիվ տվյալներով 1900թ. Բաքվի նահանգի արդյունաբերական ձեռնարկությունների 29 տոկոսը

պատկանում էր հայերին, 27 տոկոսը՝ ռուսներին, 18 տոկոսը՝ ադրբեջանցիներին և 13 տոկոսը՝ օտարերկրացիներին⁴⁸⁸:

Առևտրա-արդյունաբերական կապիտալի հայ ներկայացուցիչները իրենց գործունեությանը դարձան հասարակության առաջնիչ ուժը: Լեոն իրավացիորեն գրել է. «Այն ժամանակվա մեր կյանքում այդ դասակարգն էր, որ հոգևորականությունից հետո կատարում էր խոշոր հասարակական դեր»⁴⁸⁹:

19-րդ դ 2-րդ կեսին սոցիալ-տնտեսական տեղաշարժերը որոշակի պայմաններ էին ստեղծում կրթա-մշակութային կյանքի զարգացման համար: Նոր տնտեսական հարաբերությունները պահանջ են դնում ունենալ ուսյալ մասնագետներ: Հայ մեծահարուստները միջոցներ չէին խնայում իրենց զավակներին և, ինչու չէ, նաև տաղանդաշատ հայրենակիցներին ուսում տալու հայրենի երկրում և արտասահմանում:

Քննարկվող ժամանակահատվածում Շուշիում գործող դպրոցների մեծ մասը պահվում էր մեկենասների միջոցներով:

1898թ. թեմական դպրոցի նոր շենքը կառուցվել է հանգանակությունների միջոցով հավաքված փողերի միջոցով: 1908թ. ռեալական դպրոցը Մովսես բեկի տնից տեղափոխվեց առևտրական բարերար Արաֆեյանի կառուցած հիասքանչ շենքը:

Մարիամյան օրիորդաց դպրոցը գործում էր նրա ամուսնու՝ Համբարձում Հախումյանի նվիրած սեփական տան մեջ: Շուշեցի մեծահարուստ Պողոս, Արշակ, Հակոբ և Աբրահամ Դուկասյան եղբայրները, իրենց հանգուցյալ քրոջ հիշատակը հավերժացնելու նպատակով, Ամենայն հայոց կաթողիկոսի տրամադրության տակ են դնում երկու հարյուր հազար ռուբլի և Շուշիում գտնվող իրենց սեփական տունը «Մարիամ Դուկասյան» անունով օրիորդաց դպրոց հիմնելու համար:

Շուշիի թեմականի 75-ամյա տարեդարձի կապակցությամբ մոսկվայարմակ մեծահարուստ Բաղդասար Արզումանյանը դպրոցին նվիրեց 200 000 ռուբլի, որից ստացված տոկոսներով պետք է հոգային դպրոցի կարիքները: Միաժամանակ դպրոցին տրվեց Պոկրովկա, Չիստրե պրուդը քաղաքում գտնվող սեփական պալատը, միայն մի պայմանով, որ ամեն տարի մեկենասի ծննդավայրից՝

Չարդանաշենից չքավոր մանուկներից երկու հոգու ձրիաբար սովորեցնեն դպրոցում: Նույն տարեդարձի կապակցությամբ Միքայել Արամյանը Շուշիում գտնվող 30 000 արժողությամբ իր տունը նույնպես նվիրեց դպրոցին: Այս ցուցակը կարելի է շարունակել:

ԱՐԵՎՄՏՅԱՆ ՀԱՅԱՍՏԱՆԻ ԱՁԱՏԱԳՐՈՒԹՅԱՆ ՀԱՐՅՐ ԵՎ ԱՐՅԱԽԱՀԱՅՈՒԹՅՈՒՆԸ: 19-րդ դարի երկրորդ կեսին, երբ արևելահայությունը Ռուսաստանի կազմում ուներ տնտեսական և մշակութային կյանքի ու, մանավանդ, ֆիզիկական գոյության համար անհամեմատ ավելի բարենայաստ պայմաններ, հայ ժողովուրդի մյուս ստվար հատվածը (քննարկվող ժամանակահատվածում աշխարհի շուրջ հինգ միլիոն հայերից մոտ երեք միլիոնը գտնվում էր Թուրքիայի տիրապետության տակ)՝ արևմտահայությունը տակավին զգալիորեն էր թուրքական անագորույն լծի տակ:

Արևմտահայության վիճակը առավել ծանրացավ 1877–1878թթ. ռուս–թուրքական պատերազմից հետո:

Բեռլինի վեհաժողովից հետո Թուրքիան փաստորեն վերածվեց ասիական պետության և հերթականությամբ կորցնում էր ինչպես Եվրոպական, այնպես էլ աֆրիկյան նահանգները: Ակնառու լինելով նման իրավիճակին, Ռուսաստանի գերագահության տակ ապրող թուրք–թաթարական ժողովուրդների մեջ նոր երագներ սնուցվեցին: Նրանք այժմ բացահայտորեն դիմում էին «մեծ խալիֆին», առաջարկում Եվրոպայից հայացքը քեքել դեպի Փոքր Ասիա և, գլխավորելով թուրանական շարժումը, այնտեղ ստեղծել մահմեդական մի նոր հզոր պետություն, որի շոշափուկները պիտի տարածվեին մինչև Միջին Ասիա ու Աֆղանստան, դրանց վրայով՝ նաև Պակիստան ու Հնդկաստան:

Ռուս–թուրքական հերթական հակամարտությունների բովում, Կովկասի թուրքալեզու ժողովուրդներին Համիդի շուրջն համախմբելու, Ասիայում թուրքական ընդարձակ պետություն ստեղծելու ծրագրերն իրողության վերածելու ճանապարհին օսմանյան կայսրության, պանթյուրքիստների առաջ իբրև գորեղ խոչընդոտ՝ հասակով մեկ կանգնում էր Հայաստանը:

Բեռլինի վեհաժողովից հետո հայ–թուրքական հարաբերությունների սրմանը պատճառ էր դառնում նաև ռուսական վտանգը,

որը հավերժորեն կախված էր Թուրքիայի գլխին՝ հայկական բարե-
նորոգումների պատրվակով:

Ելնելով դրանից բուրքական պետական գործիչները հետևողա-
կանորեն կենսագործում էին մի գարհուրելի ծրագիր, որի նպա-
տակն էր բնաջնջել արևմտահայությանը: Մեծ վեզիրը՝ Քյամալ
փաշան, արդեն 1878թ. ցեղասպանությունը հռչակում է պետական
քաղաքականություն. «Եթե Եվրոպայի մեջ մեր ծոցը օձ սնուցինք,
պետք չէ, որ նույն դիմադրությունները ընենք մեր ասիական Տաճ-
կաստանի մեջ, խելոքութիւնը բնաջնջել-վերացնելն է այն ամեն
տարրերը, որ օր մը կրնան մեզ նույն վտանգը ծնանել...: Ուրեմն,
հայ ազգը վերացնելու, անհետ անելու ենք...»⁴⁹⁰: Փաստորեն հայ-
կական հարցի լուծման բուրքական եղանակը հայերի ֆիզիկական
ոչնչացումն էր:

Եվ պատահական չէ, որ սուլթանական կառավարությունը 1870-
ական թթ. վերջերից կտրուկ կերպով փոխեց Արևմտյան Հայաստա-
նում իր գաղութակալ քաղաքականության վարման մեթոդները:
Նրա վարչական և ժողովրդագրական քաղաքականությունը ստա-
նում է նոր բովանդակություն՝ արդյունքում ունենալով Արևմտյան
Հայաստանի բնակչության ընդհանուր թվաքանակում մահմեդա-
կան բնակչության տոկոսային հարարերությունն արհեստականո-
րեն մեծացնելու միտում: Այդ նպատակի համար նա երկար տարի-
ների ընթացքում դիմում էր բոլոր հնարավոր և անհնար միջոցներին:

Սուլթան Համիդի՝ 1880թ. օգոստոսի 30-ի հրամանագրով հայ-
կական քերթերին և պաշտոնական գրությունների հեղինակներին
արգելվեց Հայաստան, իրավունք, ազատություն, հերոսություն, բռ-
նակալություն, թագավոր և այլ բառերի օգտագործումը: Թուրք
գրաքննիչները Հ տառով սկսվող բոլոր բառերը թարգմանել էին
տալիս, կասկածելով, թե արդյոք Հայաստան չի գրված:

Քիմիայի դասագրքից հանեցին ջրի ֆորմուլան, պատճառաբա-
նելով, թե այն նշանակում է Համիդ երկրորդը հավասար է գրոյի:

Ջգալով, որ հայ մտավորականությունն արդեն սերտաճել է իր
ժողովրդին և փորձեր է անում դիմագրավելու արևմտահայության
նկատմամբ նյութվող դիվային ծրագրերի կենսագործմանը, Հա-
միդն անցավ գրողների, հրապարակախոսների, քաղաքական ու

կրոնական գրծիչների զանգվածային բանտարկության ու արքայի: Գիարբեքիը դարձավ հայ և բուլղար քաղաքական կալանավորների նստավայր: Մահմանվեցին բանտարկյալների մարմնական այնպիսի պատիժներ, որոնց նախադեպը չկա մարդկության պատմության մեջ:

Սուլթանիզմը հակահայկական քաղաքականությունն իրագործում էր կանոնավոր բանակի, քրդական «Համիդիե» ջոկատների, ոստիկանության և հասարակության տականք բաշխրոգուկների ձեռքերով, որոնք կողոպտում ու կոտորում էին խաղաղ, անմեղ ու անզեն բնակչությանը, հրկիզում գյուղերը: Կոտորածներին մասնակցելու համար յուրաքանչյուր խուժանի խոստացել էին օրական վճարել 20 դուրուշ, քալանի միջոցով միշտ հարստանալու հնարավորություն և չպատժել կատարած հանցանքի համար:

Փաշաներն ու բեկերը գյուղացիներին զնում ու վաճառում էին հողի հետ, որոնց անվանում էին գեռ-կուրի (ոսկով զնվածներ): Հայ գյուղացիները պետությանը վճարում էին հարկ, փաշաներին ու բեկերին տալիս տուրք, նրանց հարկադրում էին կատարել նաև կոռալին աշխատանք: Երբեմն ծնողները հարկադրված երեխաների մի մասը վաճառում էին՝ մյուս մասի կյանքը փրկելու համար:

Արևմտահայության գլխին իսկական պատուհաս էին մուհաջերները՝ 1877–78թթ. ռուս–թուրքական պատերազմի ժամանակ ռազմաճակատներից Հայաստան փոխադրված մահմեդականները, որոնք օգտվելով կառավարության հովանավորությունից, կողոպտում էին հայերին, բռնագրավում հողերը, հափշտակում բերքը, քշում անասունները, դիմադրողներին զնդակահարում, անզամ վրեժխնդիր լինում պատերազմում կորցրած իրենց հարազատների համար:

Բարձր դռան գաղտնի հրահանգով 1887թ. հուլիսի 26-ին հրդեհվեց Ձեյթունի 1000 տուն: Օգոստոսի 27-ին Կ. Պոլսի հայաբնակ Սկյութար քաղամասում այրվեց հայերի 1200 տուն: 1888թ. ապրիլին հրո ճարակ դարձավ Մարաշը:

Հայ բնակչությունը հարկադրված գաղթում էր օտար երկրներ: Խրիմյան Հայրիկը լակոնիկ ոճով գրում է. «Ո՛չ հայ, ո՛չ Հայաստան»:

Հայ ազատագրական շարժման ալիքը բարձրանում էր որպես պատասխան այն կեղեքումների, որոնց ենթարկվում էր արևմտահայությունը: Տվյալ ժամանակահատվածում ծանր հիասթափությունից ու տևական որոնումներից հետո, արդեն մշակվում է պայքարի ուրույն գաղափարաբանություն, նոր որակ է ձեռք բերում հայ հեղափոխական-քաղաքական միտքը: «Երկիր» վերամկրտված Արևմտյան Հայաստանը գորեղ մագնիսի նման դեպի իրեն է ձգում աշխարհի բոլոր ծագերում սփռված հայ երիտասարդությունը: Իբրև այդ ամենի զարգացման բարձրակետ, ձևավորվում են հայոց ազգային-քաղաքական երեք կուսակցություններ, որոնք, տարրնքացություններով հանդերձ, շարունակում են գործել մինչև օրս:

Հայ ազատագրական շարժման վերընթացը, մասնավորապես՝ Բեռլինի վեհաժողովի դասերը, քալկանյան ժողովուրդների ազատագրության պատմական փորձը, հայ քաղաքական կուսակցությունների հանդես գալը հանգեցրին այն բանին, որ հայ ազատագրական շարժումները 19-րդ դարի 80-ական թթ. թևակոխեցին նոր շրջան:

Այս փուլի ամենարևոտ զիծն այն էր, որ համաժողովրդական մաքառման ընդերքում գնալով հավաքական գիտակցություն էր դառնում այն գաղափարը, թե զուտ աղերսագրերով և մուրալով հնարավոր չէ ձեռք բերել աղատություն, զլխավորը դիմադրության սեփական պաշարներին ապավինելն է: Խրիմյան Հայրիկի թղթե շերտի պատմությունն արդեն նման գաղափարի լավագույն բանաձևումն էր և գործնական պայքարի անցնելու կոչը:

Թուրքական յաթաղանի դեմ արևմտահայության ինքնապաշտպանական պայքարում մեծ տեղ է գրավում ֆիդայական շարժումը: Հայդուկական շարժումները Արևմտյան Հայաստանում առաջացան տարերայնորեն, կուսակցությունների երևան գալուց դեռ առաջ: Արևմտյան Հայաստանի հայդուկային պայքարի ավանգարդում կանգնեցին տեղացի ֆիդայիները, արևմտահայության ծոցից դուրս եկած, նրա կյանքով ու շնչով ապրող Աբարոն, Սերոբ Վարդանյանը (Ադրյուր Սերոբ, Սերոբ փաշա), Արմենակ Ղազարյանը (Հրայր, Ուրվական, Դժոխք), Անդրանիկ Օզանյանը (Անդրանիկ),

Գևորգ Ադամյանը (Գևորգ Չաուշ): Նրանք տոն տվեցին հայդուկային շարժմանը և անջնջելի էջեր գրեցին մեր պատմության մեջ: Հայ երիտասարդությունը, դառնացած լինելով օսմանյան վարչակարգից՝ ծառանում էր նրա դեմ, մտնում հայդուկային լամբերի մեջ: Բաֆֆին այդ պայքարը բնորոշում էր, որպես մարդկային բոլոր իրավունքները կորցրած ժողովրդի բողոք, որպես ստրուկի ըմբոստացում իշխող բարբարոսության դեմ⁴⁹¹:

Արցախահայությունը նույնպես չեր կարող անտարբեր մնալ արևմտահայության ծանր կացության և մաքառումների նկատմամբ: Արյան կանչը ոտքի հանեց տասնյակ արցախցի ֆիդայիների, որոնք իրենց կյանքը չխնայելով, օգնության ձեռք էին մեկնում իրենց եղբայրներին, նրանց գենք և օգնական ուժ հասցնում, աշխարհագոր հավաքագրում:

Գեպի Երկիր համարձակ առաջին ձեռնարկումը իրականացրեց ծննդով Նուխի գավառի Նիժ գյուղից Մարգիս Կուկունյանը: Նա Մանթաշյանից և Ծատուրյանից ստացած 5000 ռուբլի նվիրատվությամբ⁴⁹² ձեռք բերելով գենք ու զինամթերք, շուրջ 100 հոգուց կազմված ջոկատով, հիմնականում արևելահայեր, այդ թվում՝ արցախահայեր սղնախեցի Կոնստանտին Լիսինյանը, բարսումեցի Եփրեմ Դավթյանը, շուշեցի Հովհաննես Մարգարյանը: 1890թ. սեպտեմբերի վերջին անցան սահմանը: Ջոկատը սահմանագլխին հանդիպում է թուրքական, քրդական և ռուսական զինված ուժերի հետ: Անհավասար մարտում ֆիդայիներից 6 հոգի զոհվում են, իսկ մնացածներն էլ հանձնվում են ռուս սահմանապահներին:

26 հոգու ձերբակալեցին Կադգվանի բանտում: Ս. Կուկունյանն արստրվում է Սախալին, որտեղ մնում է 15 տարի:

1906թ. նա վերադարձավ հայրենիք: Երբ պատրաստվում էր սահմանն անցնել վերստին ձերբակալվեց, որպես մեծագույն պատիժ փոխադրվեց Օրյոլ քաղաքի բանտը, որտեղ նետվում էին ամենավտանգավոր քաղաքական հանցավորները: Այստեղ ծանր հիվանդացավ և չարաչար տանջանքների մեջ մեռավ այդ սքանչելի հայր, որը մարմնացած սեր էր, գաղափար ու զոհություն և որը եղավ հայոց ազատագրության մեծագույն նահատակներից մեկը⁴⁹³:

Ռազմական տեսանկյունից Կուկունյանի արշավանքը կատա-

րյալ ձախողություն եղավ: Հակառակ դրան նրա թողած տպավորությունը հանրային մտքի վրա շատ մեծ էր: Այն մարտակոչ էր խոր քննիչից արթնացող հայության համար: Իրավացի է Ս. Վրացյանը. «Ս. Կուկունյանով հայ ազատագրական պայքարի պատմության մեջ բացվում է մի նոր շրջան, որի ներկայացուցիչն ու դրոշակակիրը եղավ ՀՅ Դաշնակցությունը⁴⁹⁴»:

Հետագայում Կուկունյանի արշավանքի հերոսներից մեկը՝ Եփրեմ խան Դավթյանը Արցախի Բարսում գյուղից ՀՅԴ որոշմամբ մասնակցեց 1908-1911թթ. պարսկական հեղափոխությանը: Նա գլխավորում էր Պարսկաստանի հեղափոխական զինված ուժերն ու ոստիկանությունը:

1890-ական թվականների կեսերից հայդուկային շարժումներն Արևմտյան Հայաստանում հատկանշվեցին վերելքով: Երկիր մտան նոր խմբեր, որոնք կազմակերպվում և ուղարկվում էին հայ քաղաքական կուսակցությունների, գերագանգապես դաշնակցականների կողմից:

Հայ ազգային-ազատագրական պայքարի հերոսական և ոգեկոչող դրվագներից է Խանասորի արշավանքը, որի կազմակերպիչն ու ջատագովը դարձավ ծննդով Խաչեն գավառի Դշլաղ գյուղից Նիկողայոս Տեր Հովհաննիսյանը(Նիկոլ Գուման): Նիկոլն իր առաջին մարտական մկրտությունն ստանում է թուրք-պարսկական սահմանագլխին գտնվող Դերեկա վանքի կռվում 1894թ. ամռանը: Դերեկը հայ ֆիդայիների կենտրոնատեղին էր՝ Երկիր անցնելու և զենք ու զինամթերք տեղափոխելու գործում: Եվ Դերեկում և Բողազ Քյասանում թշնամին պարտվեց: Վերջին կռվում(1895-ի աշնանը) ֆիդայիները Նիկոլի գլխավորությամբ, խույս տալով թշնամուց, ապաստանում են Բողազ Քյասան գյուղի մարագներում: Բազմաթիվ անհաջող գրոհներից հետո քրդերը հրդեհում են մարագները, փորձելով ծխախեղդ անել ֆիդայիներին: Նիկոլն անսպասելիորեն, մրրիկի արագությամբ, դուրս է թռչում մարագի դռնից և տապալելով երկու քուրդ ցեղապետների, ջոկատի հետ միասին հեռանում են մոտակա սարը: Նիկոլի անհավատալի քաջագործությունից ապշահար լինելով, քրդերը նրան անվանում են Գուման՝ այսինքն մրրիկ, փոթորիկ կամ Դարա Գուման(սև մրրիկ): Գումանի խումբն անար-

գել հասնում է Վան՝ համայրելով քաղաքի պաշտպանների շարքերը: Նոր մարտական խմբեր և զենք հայթայթելու նպատակով նա մեկնում է Սալմաստ և ապահով հասնում Գերեկ: Հետապնդելով հայդուկներին քշնամին պաշարում է Գերեկա վանքը: Ընդհարումների ժամանակ վանքը հրդեհվում է: Նիկոլ Գումանի խումբը, ճեղքելով պաշարման օղակը, նորից հեռանում է ապահով վայր:

1896թ. հունիսին վանեցիները ֆիդայիների օգնությամբ հաջողությամբ դիմագրավեցին ջարդարարներին, սակայն դեպի Պարսկաստան անցնելիս մոտ մեկ ու կես հազար հայեր Վարազա լեռան շրջակայքում ուխտադրժորեն հարձակման են ենթարկվում քուրքերի և քրդերի կողմից: Միայն 30 հոգի կարողացան մազապուրծ անցնել Պարսկաստան:

Այս դեպքից հետո, քրդական մագրիկ ցեղին պատժելու, ինչպես նաև եվրոպական տերությունների ուշադրությունը հայկական հարցի վրա սևեռելու նպատակով Նիկոլ Գումանը նախաձեռնեց ու կազմակերպեց 1897թ. հուլիսի 25-27-ի Խանասորի հռչակավոր արշավանքը: Այդ առթիվ նա Գաշնակցության վարիչ մարմնին գրել է. «Այդպես չէր լինի, եթե կոտորվելու փոխարեն կռվեինք: Միթե ժամանակը չէ, վերջապես, որ լուրջ քննության առարկայ դառնայ մեր գործունեության հին եղանակը և ընդունվեր նոր, ավելի նպաստավոր տակտիկա, որի առանցքը լիներ ոչ թե կոտորածը, այլ կռիվը»⁴⁹⁵:

275 հոգուց կազմված հայդուկների խումբը Շուշեցի Վարդան Մեհրաբյանի (Խանասորի Վարդան) գլխավորությամբ Սալմաստից գաղտնի շարժվելով բարձրանում է պարսկաթուրքական սահմանագլխին գտնվող Արաուլ լեռը, որտեղից 1897 թ. հուլիսի 27-ին անակնկալ հարձակում են գործում լեռան ստորոտում փռված Խանասորի դաշտում գտնվող մագրիկ ցեղի վրա և կոտորելով նահանջում:

Լինելով առաջապահ հիսնյակի հրամանատար՝ Նիկոլ Գումանը անմիջականորեն ղեկավարեց և հարձակումը, և կազմակերպված նահանջը: Գիմնելով վրեժխնդրության՝ Գումանը բարձրացրեց հայ հեղափոխականների հեղինակությունը ժողովրդի աչքում, որը Վանի կռիվներից հետո բավականին ընկել էր: Միաժամանակ այս

արշավանքը մեծ ֆիդայուն համոզեց, որ ազատության հասնելու միակ ուղին համահավաք ուժերով ընդհանուր ապստամբության կազմակերպման մեջ է:

1904 թ. Գումանը կազմում է «Փոթորիկ» խումբը և որոշում անցնել Սասուն՝ օգնելու ապստամբներին, սակայն սահմանազլխին բախվում է թշնամու մեծաքանակ ուժին և հարկադրված նահանջում:

Նիկոլ Գումանը ֆիդայական շարժման ոչ միայն կազմակերպիչ էր, այլև ժողովրդական այդ պայքարի լավագույն գաղափարախոսը: Նա հայ ազատագրական ոգորումների այն եզակի առաջամարտիկներից է, որ կարողանում էր տեսական իմացությունը հաջողությամբ ներդաշնակել պրակտիկ գործունեության հետ: 1907թ. Ժնևում հրատարակվում է Գումանի «Նախագիծ ժողովրդական ինքնապաշտպանության» և «Գործնական և համառոտ հրահանգներ» գրքույկները, որոնց մեջ արծարծված հիմնադրույթներն ու հրահանգները մշակվել են տարիների ընթացքում և հաջողությամբ կիրառվել ազատագրական պայքարի ժամանակ: Նիկոլ Գումանի հեղինակությունը այնքան մեծ էր, որ բոլոր հայտնի ֆիդայիները՝ Գևորգ Չատուր, Հրայրը, Անդրանիկը, Ռուբեն Տեր-Սինասյանի վկայությամբ «բոլորն ալ հավասար սիրով պատրաստ էին ենթարկվելու Ղարաբաղի լեռնականի պողպատե կամքին»⁴⁹⁶:

Թվում էր, թե սուլթանին հաջողվեց 1890-ական թթ. զանգվածային կոտորածներով հայերի մեջ մեռցնել ազատաբաղձ ոգին, կաթվածահար անել հայ ազգային ազատագրական շարժումներն ու հայ ժողովրդին պարտադրել ստրկական զոյավիճակ: Սակայն նորից ասպարեզ իջան նոր ազատամարտիկներ, որոնք իրենց հերոսական պայքարի օրինակով սթափեցրին հուսահատության մատնված ժողովրդին:

Հայդուկային պայքարը աշխուժացնելու նպատակով ՀՅԳ որոշմամբ Հայաստանում ստեղծվում է ինքնապաշտպանության գործը կազմակերպող ղեկավար կենտրոն:

Ստանալով ՀՅԳ ղեկավար կենտրոնի հրահանգը շուշեցիներ Թորգոմը(Թուման Թումյան) և Մենակը(Եգոր Առուստամյան) ձեռնամուխ եղան նոր մարդկանց հավաքագրման, նոր մարտական

խմբերի կազմավորման գործին:

1903թ. վերջերին Կովկասից Մասուն էր հասել Թորգոմի 27 հոգուց բաղկացած խումբը: 1904թ. հունիսի 26-ին ռուս-թուրքական սահմանը անցնում է հնչակյանների «Արծիվ» հայդուկային խումբը: Նրանք իրենց քաջագործությամբ ոգևորում էին տեղացիներին:

1904թ. նորից մահացու վտանգ է կախվում Մասունի հայության գլխին: Թորգոմը վերադառնալով Ղարաբաղ կամավորական մի ջոկատ է կազմում՝ «Մրրիկ» անունով: Խմբի մեջ էին Մասունի վերջին ապստամբության խմբապետներ Ֆարհատը, Մուրադը, Սեպուհը, Ռստոդը, Գևորգը, Առաքելը⁴⁹⁷:

«Մրրիկի» հաղթական մուտքը Մասուն, ցնցություն և ոգևորություն է առաջացնում տեղի և մյուս վայրերի հայության շրջանում: Մասունցիները ջերմ ընդունելություն են կազմակերպում նրա պատվին: «Մրրիկի» մուտքը Մասուն ողջունում է նաև մեծ զորավար Անդրանիկը: Եվ տարիներ հետո նա իր հուշերում գրելու էր. «Լուր եկավ ինձի, քե 20 հոգի է բաղկացեալ ձիավոր խումբ նը եկավ Սեմալ: Ելանք գացինք Սեմալ, տեսնվեցանք Թումանի հետ, նրանց մեջ կային իմ նախկին ընկերներս...»⁴⁹⁸:

Թորգոմը Մասունում զբաղվում է կազմակերպչի, պրոպագանդիստի ու թղթակցի աշխատանքներով: Շուտով ՀՅԴ ընդհանուր ժողովին մասնակցելու նպատակով Կովկաս են մեկնում Թորգոմը և Կայծակը: Թուրքական ճնշումներին դիմակայելու նպատակով ժողովը որոշեց Թորգոմին նորից վերադարձնել Մասուն: 1904թ. հուլիսի 28-ին 61 հոգանոց «Որսկան» խումբը Օլթիով գնում էր Երկիր՝ օգնելու արևմտահայ եղբայրներին: Սահմանում նրանք բախվեցին զինված մեծաքանակ թուրքերի և քրդերի հետ: Խումբը բաժանեցին երկու մասի, մի մասը ղեկավարում էր Թորգոմը, մյուսը՝ Ռստոդը:

Թիկունքից հարվածում են ցարական սահմանապահները՝ սևհարյուրյակային գնդապետ Բրիկովի հրամանով: Ֆիդայիների մեծ մասը, այդ թվում նաև Թորգոմը զոհվում են, մի մասն էլ վիրավոր գերի ընկնում: Բրիկովի հրամանով բոլոր հայ գերիները սպիանահարվում են թուրքերի ներկայությամբ: Հետագայում ֆիդայի Հմայակ Ջանփոլադյանը գնդակահարեց գնդապետ Բրիկովին⁴⁹⁹:

Արևմտյան Հայաստանի թուրքական լծից ազատագրելու գոր-

ծին անմնացորդ նվիրվեցին նաև արցախահայ ֆիդայիներ և գործիչներ Գաբրիել Կաֆյանը, Բարսեղ Ջաքարյանը, Մարտիկ Մարուխանյանը, Նիկոլ Միքայելյանը, Մարգար Ժամհարյանը, Սարգիս Հովհաննիսյանը, Արամ Մանուկյանը, Միքայել Հովհաննիսյանը(Մ. Վարանդյան), Լևոն Աքաբեկյանը, Բախշի Իշխանյանը, Իսահակ Դանիելբեկյանը, Հակոբ Հովհաննիսյանը, Սիմոն Նարինյանը, Գ. Տեր-Գանիելյանը(Գ. Անանուն), Միսակ Տեր-Գանիելյանը (Արամայիս) և ուրիշներ:

Հայ ազատագրական շարժումների պատմության մեջ սուրբանական բռնատիրության դեմ հայդուկային կռիվները և ապստամբական բռնկումները, ինքնապաշտպանական մարտերը, թեև չհանգեցրին ժողովրդի ազատագրությանը օսմանյան լծից, բայց և այնպես՝ հայությունը համոզվեց, որ առանց այդ պայքարի և ոչ մի ժողովուրդ չի հասել իր ազատությանը: Այդ պայքարը թույլ չտվեց, որ հայերի իրավագուրկ վիճակը հանգեցնի ստրկամիտ հնազանդության, և ժողովրդի մեջ միշտ վառ պահեց ազատաբաղձ ոգին:

—† “ ~ “ †⊕ † ‘
† , . † ⊕ “ ”⊕ † ~ - † †
1905-1920 ‘ ‘ .

Գարասկզբին կովկասահայությունը նույնպես ապրում էր անհանգիստ ժամանակներ: Այս անգամ հայության համար արհավիրք էին դարձել ազգամիջյան հակամարտությունները: Հայ-քաղաքական ընդհարումների գլխավոր դրդապատճառները տնտեսական, քաղաքական և կրոնական բնույթ ունեին:

19-րդ դարի վերջին Բարուն դարձել էր նավթարդյունաբերական խոշոր կենտրոն: Ռուս, հրեա և եվրոպացի հանքատերերի կողքին, հայ գործարար շրջանները նույնպես սկսեցին գնել քաթարների(աղբրեջանցիների) նավթահանքերը և իրենց ձեռներեցության շնորհիվ ստեղծեցին պատկառելի հարստություն: Այս հանգամանքը գրգռում էր ազերի թուրքերին, որոնք զգում էին, որ տնտեսական մրցությունում դուրս են մղվում:

Տնտեսության աշխուժացման պայմաններում զարթոնք էր ապրում հայ հանրության քաղաքական կյանքը: Հայ քաղաքական կուսակցությունների կազմավորումը, ֆիդայական ազատագրական կռիվներն ու Կովկասում ահարեկչական արարքներով ցարական բռնատիրության դեմ ծառացումն ահ ու սարսափի մատնեցին իշխանություններին:

Հարկ է նշել նաև, որ 1905թ. Ռուսաստանում բռնկված հեղափոխությանը մասնակցեց նաև հայությունը: Ցարական իշխանությունները քաջ գիտակցում էին հպատակ ժողովուրդների համերաշխության և միասնական գործողությունների լուրջ հետևանքները: Այդ իսկ պատճառով դիմեցին փորձված միջոցի՝ նրանց միջև բորբոքե-

լով կրոնական ու ազգային թշնամանք, այդ կերպ փորձելով դուրս մղել նրանց հեղափոխության ոլորտից:

Հայ-թաթարական բախման մեջ որոշակի դեր խաղաց օսմանիզմի, պանիսլամիզմի և պանթուրքիզմի գաղափարախոսությունը:

1905թ. «— ԶԶԵԷ »թերթը գրել է. «Գերմանիայի իմացությամբ Կոստանդնուպոլսում ձեռնարկվել է մի դավադրություն, որին մասնակցել են հիշյալ խաներն ու բեկերը (խոսքը վերաբերում է Գարաբաղի խաներին և բեկերին,- Վ.Բ.), օգտվելով հեղափոխությունից և ազատությունից, սկսեցին իրագործել իրենց պլանները: Ոչ ոք չի կարող հերքել, որ այդ նույն խաներն ու բեկերն են մահմեդական հետամնաց գանգվածներին լարել հայերի, ռուսների դեմ...»⁵⁰⁰:

Այս բոլորին եթե ավելացնենք քրիստոնյա հայերի և մահմեդական թուրքերի կրոնական հակակրանքն ու փոխադարձ ատելությունը, պատկերը հստակ կդառնա:

Օգտագործելով մահմեդական բնակչության ֆանատիզմը և խավարամոլությունը, ցարական պաշտոնյաները, թուրք կալվածատերերը և մահմեդական հոգևորականությունը ճգնում էին իրենց ցեղակիցներին հավատացնել, որ նրանց թվառության և աղքատության հիմնական պատճառը հայերն են, հետևապես պետք է նրանցից վրեժ լուծել:

Արդյունքում՝ Բաքվում, Նախիջևանում, Շուշիում, Գանձակում և այլ հայաշատ քաղաքներում 1905-1906 թվականներին տեղի ունեցան հայ-թաթարական ազգամիջյան ընդհարումներ:

1905թ. փետրվարի 6-9-ը թաթար խուժանը, իշխանությունների գործակցությամբ Բաքվում հարձակվեց հայկական քաղամասերի վրա: Հայերը անակնկալի եկան: Մոտ երկու օր թշնամին անարգել կատարեց իր արյունոտ նախճիրը: Գազազած ամբոխին զոհ դարձան Լալայան և Աղամյան հայտնի գերդաստանների անդամները:

Այս ծանր ու տագնապալի օրերին պետականությունից ու սեփական իշխանություններից զուրկ հայ ժողովրդի ինքնապաշտպանությունը կազմակերպելու բարդ և պատասխանատու գործը ստանձնում է Հայ հեղափոխական դաշնակցությունը: «Եվ մի ազգ, եթե ուզում է մնալ հարգված, եթե չի ուզում կորչել, պետք է լինի զենքի ընդունակ, միշտ պետք է լինի կազմ ու պատրաստ ինքնապաշտ-

պանություն համար, մանավանդ քաղաքական ցնցումների վարկյաններում»⁵⁰¹: Այդ օրերին նման սկզբունքով էր գործում Հայ հեղափոխական դաշնակցության անվեհեր մարտիկ Նիկոլ Գումանը: Առանց հապաղելու Նիկոլ Գումանը իր փոքրաքիվ խմբով շեշտակի հարվածներով կասեցրեց զագագած ամբոխի առաջխաղացումը: Ոգևորված Գումանի հաջողություններով, բազմաքիվ հայ երիտասարդներ հավաքվեցին հայդուկապետի դրոշի ներքո: Տղամարդկանցից կազմվում է 5-ից 15 հոգանոց ինքնապաշտպանական խմբեր, որոնք իրենց հսկողության տակ են վերցնում հայկական թաղամասերը և ապահովում նրանց անվտանգությունը:

Չկարողանալով թափանցել հայոց թաղամասերը, կատաղած թուրքերը իրենց զայրույթը փորձեցին թափել թուրքական թաղամասերում բնակվող հայերի վրա: Նիկոլ Գումանը այստեղ նույնպես հրաշքներ գործեց, հայերին դուրս բերելով այդ թաղամասերից: Գումանի գլխավորությամբ քաղաքի հայ ազգաբնակչության հերոսական դիմադրությունը ստիպեց թուրքերի վերնախավին պարզել սպիտակ դրոշակ և սկսել բանակցությունները:

Ընդհարումների ժամանակ ոստիկանությունը և զորքը սուս դիտորդի դերում էին և շատ դեպքերում, նույնիսկ զենքով, օժանդակում էին ջարդարարներին: Բաքվի նահանգապետը՝ Նակաշիձեն, փորձում էր արդարանալ նրանով, որ իբր իշխանությունները անհրաժեշտ քանակությամբ զորք չունեն կասեցնելու համար հայ-թաթարական բախումները: Ականատեսների վկայությամբ Նակաշիձեն ընդհարումների ժամանակ բացահայտորեն խրախուսում էր թաթարներին:

Ռուսական հանրային կարծիքը անարգանքի սյունին զամեց արյունարբու դահճապետին: Նահանգապետ Նակաշիձեին ուղղված բաց նամակում, Բաքվի նախկին քաղաքագլուխ Ալեքսանդր Նովիկովն իր ցասումն արտահայտեց կատարված հանցագործությունների վերաբերյալ, դրանով ամբաստանելով Նակաշիձեին. «Ես, գրում է Ա. Նովիկովը, կճանաչեմ հանցավորին և սրբազան պարտքս կհամարեմ ասել նրա անունը: Կոտորածի հեղինակը դուք եք: Գուր Կայենից էլ վատ եք, -Կայենը մեկ եղբայր սպանեց, իսկ դուք թաթարսեցիք ձեր ձեռքերը հարյուրավոր անմեղ եղբայրների արյան մեջ:

...Գուք Հուդայից էլ վատ եք, որովհետև Հուդան զարհուրելի գործը նյութելուց հետո զոջաց ու զնաց խեղդվելու, իսկ դուք հնարավոր եք գտնում ապրել, ձեր բոլոր արածներից հետո... Գուք անպատվեցիք հրաշագեղ Վրաստանը: Գուք անարգեցիք Ռուսաստանը, որի դեմ կարող էին տրտնջալ աղետի զոհերը և անգիտակից ոճրագործները, կարծելով, թե ձեր և Ռուսաստանի մեջ կա որևէ ընդհանուր բան: Թող ձեր անունը հավիտենապես անիծված լինի»⁵⁰²:

Հայ հեղափոխական դաշնակցության Բաքվի կոմիտեն որոշեց մահվան դատապարտել նախճիրի բուն հեղինակ՝ նահանգապետ Նակաշիձեին: 1905թ. մայիսի 11-ին Գրաստամատ Կանայանը և Մարտիրոս Չարոխյանը ռբահարեցին դահճին: Հայ ահարեկիչների գնդակներով սպանվեցին նաև Միքելաձեն և Շախտախտինսկին, իսկ Մահմեդբեկովը վիրավորվեց: Նրանք նույնպես խրախուսում էին ջարդարարներին: Բաքվի երեքօրյա բախումների ընթացքում սպանվեց 205 հայ, 111 թաթար, վիրավորվեց 121 հայ և 128 թաթար: Խաժամուժի կողմից թալանվեց և ավերվեց հայերին պատկանող 451 խանութ⁵⁰³:

Անպատժելիությունը և ցարական իշխանությունների հովանավորությունը դրդում է թաթար ամբոխին 1905թ. օգոստոսի 20-30-ը Բաքվում կազմակերպել հայկական նոր ջարդեր: Տեղական իշխանությունների կողմից հրահրված հայ-թաթարական նոր ընդհարումը գերազանցում էր նախորդին: Ամբոխի մոլեգնությունն այն աստիճանի է հասնում, որ բացի հայերի տներից ու խանութներից, հրդեհվում են բազմաթիվ նավթահորեր: Քաղաքի որոշ մասեր իշխանությունների կողմից ենթարկվում են հրետանակոծության: Բախման հետևանքով զոհվում է 270 թաթար, 130 հայ, վրացի, ռուս և այլազգի⁵⁰⁴:

Բաքվի երրորդ ընդհարման առիթը հանդիսացավ 1905թ. հոկտեմբերի 17-ի ցարական մանիֆեստը: Հեղափոխական և հակացարական շարժման դեմ արգելք հանդիսանալու համար տեղական իշխանությունները հոկտեմբերի 20-25-ը կրկին բողոքում են ազգամիջյան թշնամանք: Այդ բախմանը գործուն մասնակցություն են ունենում նաև միապետական ուժերն ու զորքը:

Հայ-թաթարական ընդհարումները Բաքվում չսահմանափակվե-

ցին: Հայ թաթարական բախումների ընթացքում հայերը առավելապես ծանր կորուստներ ունեցան նաև Նախիջևանի գավառում: Այստեղ թաթար բնակչությունը ուներ թվային գերակշռություն հայերի համեմատ: Այս հանգամանքը, զենքի սակավությունը, իշխանությունների թուլտվությամբ Թուրքիայից իրենց ցեղակիցներին և հավատակիցներին օգնության եկած մահմեդական ջոկատների մասնակցությունը հնարավորություն չտվեց հայերին ինչպես հարկն է կազմակերպել դիմադրությունը: Այդ օրերին(1905թ. մայիս) ցարական կառավարությունը Նախիջևանի գավառապետ է նշանակում թաթար Ալիխանովին, որն էլ կազմակերպեց հայերի ջարդը: Երկու շաբաթ անընդմեջ տեղի մահմեդական ամրոխը թալանում, հրդեհում և ոչնչացնում էր հայերին պատկանող ունեցվածքը:

Հարկ է նշել, որ երբեմն հայերից խլված ավարի բաժանման ընթացքում ընդհարումներ էին տեղի ունենում նաև ցարական բանակի ստորաբաժանումների և թաթարների միջև, որը հաճախ ավարտվում էր արյունահեղությամբ:

Նախիջևան քաղաքի և գավառի հայությունը տվեց շուրջ 400 զոհ ու վիրավոր:

Անդրկովկասի հայաշատ մյուս վայրերում Նախիջևանի աղետալի դեպքերի կրկնությունից խուսափելու նհատակով Հայ հեղափոխական դաշնակցությունը ժողով գումարեց, որտեղ Նիկոլ Գումանը ռազմական ծրագիր ներկայացրեց, ըստ որի ամեն մի գյուղ և շրջան պետք է ստեղծեր ինքնապաշտպանական ջոկատ, սակայն խմբապետը պետք է լիներ ոչ տեղացի փորձառու ֆիդայիներից մեկը: Այսպես, Ջանգեզուր և Գարալագյազ ուղարկվեց Կոտոյի Հաճին, Առույծ Ավագը, Սերաստացի Մուրադը, Քեռին և Գրոն: Ավելի ուշ Ագուլիսի շրջանի պաշտպանությունը ստանձնեցին Մուրադը, Կայծակ Առաքելը և Ավոն: Մշեցի Մմբատ Բարոյանը հանձն առավ Դամարլուի շրջանը, Սեյտո-Պողոսը՝ Արագածի շրջանը, ՈՒսուլ Գրիգորը և Արամայիսը՝ Աղբաբայի շրջանը, իսկ ծուռ Գարոն՝ Կողքի շրջանը: Գանձակ ուղարկվեցին Աբրահամ Գյուլխանդարյանը, Մեպուհն ու Բուլանխիցի Մարտիրոս Վարժապետը: Թիֆլիսի և շրջակա հայկական բնակավայրերը հանձնարարվեց Կարո Բաստրյանճյանին: Արցախի պաշտպանությունը ստանձնեցին Խանասարի

Վարդանը, Համագասպը: Իսկ Երևանի ընդարձակ շրջանը հանձն առավ Նիկոլ Գումանը, որպես օգնական ունենալով Սարգիս Օհանջանյանին և Գալուստ Ալոյանին: Նիկոլ Գումանը խմբապետերին հրահանգեց գործել «ակն ընդ ակա»-ի սկզբունքով:

Ձեռք առնված միջոցների շնորհիվ Նախիջևանի մի քանի շրջաններում հաջողվում է կազմակերպել դիմադրություն և զերծ մնալ կողոպուտից ու ավերածություններից (Ալլապար, Ջնաբերդ, Գազանչի և այլն): Դեռ ավելին, հայկական ինքնապաշտպանական ջոկատները նախահարձակ լինելով, ոչնչացրին քաքարական մի քանի գյուղեր (Ջահրի, Գարաբուլաղ և այլն):

Լուրջ ընդհարումներ են տեղի ունենում նաև Գանձակում: Քաղաքում ապրում էր շուրջ 20000 հայեր: Օգտվելով այն հանգամանքից, որ ինքնապաշտպանական ջոկատների հրամանատարներ Աբրահամ Գյուլխանդարյանը և Համագասպը գտնվում էին Թիֆլիսում, Գալի Ալին իր 300 հրոսակներով 1905թ. նոյեմբերի 18-ին խուժեց քաղաք ու սկսեց թալանել ու հրկիզել հայոց թաղամասը: Սպանվեց 100 մարդ: Մինչև հրամանատարների վերադարձը դարաբաղջի համրավաժող կռվող Ալեքսան Բալասյանը ձեռնամուխ եղավ ինքնապաշտպանական գործի կազմակերպմանը: Գանձակի հայությանը օգնության ձեռք մեկնեցին Բաթումի, Բաքվի, Թիֆլիսի հայերի ինքնապաշտպանական ուժերը: Շուտով Գանձակ հասան նաև զինված հեծելախմբեր. Թալիշից Գավիթ Բեկ Մելիք Բեգլարյանի գլխավորությամբ, Գետաշենից՝ Առուստան Յուզբաշու, Երվանդի և Ալեքսանդր Մելիք Մնացականյանի 50 հոգանոց ջոկատը, Բանանցից հայտնի խմբապետ Գաչաղ Համբոյի և Բաշխինի զինյալ խմբերը:

Թաքար ջարդարարներին հովանավորում էր նահանգապետ, ազգությամբ վրացի՝ Տակայաշվիլին: Նոյեմբերի 22-ին Գանձակում սկսում է հայ-թաքարական ճակատամարտը: Չնայած սկզբում թաքարներին մեծաքանակ ուժերով հաջողվում է օղակի մեջ առնել հայկական քաղաքամասը, բայց և այնպես հայ պաշտպանների դիպուկ հարվածների տակ թաքարները անկանոն սկսեցին նահանջել: Հայերի հաղթանակը կատարյալ էր: Նախաձեռնությունը անցավ հայերի ձեռքը: Նրանց հատու հարվածների տակ կործանվեցին ավագակավորյերի վերածված Մոլլա-Ջալլու, Գոգլիար, Մարիսու,

Թողան, Հաջի-Մագադլու, Բալուլադ, Ալի Ուշադի, Բայրամլու, Էն-գիշա գյուղերը: Հետ վերադարձվեցին նախկինում հայկական քնակավայրերից թալանված անասուններն ու գույքը:

Այսրկովկասի տարածքում հայ-քաքարական կռիվները ոչ մի տեղ այնքան արյունալի ու կատաղի չեն եղել, որքան Գարաբաղում և մանավանդ նրա կենտրոն Շուշիում:

Արխիվային վավերագրերը և ժամանակակից մամուլը վկայում են, որ դեռևս այդ իրադարձություններից շատ առաջ էին թուրքերը սկսել զենք ու զինամթերք գաղտնի տեղափոխել Շուշի, ինչպես և մոտակա մահմեդական գյուղերը:

Շուշի քաղաքում փոխիրաձգությունները սկսվեցին 1905թ. օգոստոսի 16-ին: Բախտունը նախապատրաստվեց մամուլում կեղծ և սադրիչ հակահայկական բովանդակությամբ տեղեկությունների հրատարակմամբ: Ընդհարման հենց առաջին օրը քաղաքում բռնկվեց հրդեհ, որն ավելի ճգնաժամային դարձրեց իրավիճակը: Գեալքերի ակամատեսը վկայում է, որ այդ ժամանակ քաղաքի շրջակա մահմեդական գյուղերից քաղաք են ներխուժում թուրք-քրդական մի քանի ավագակային ջոկատներ, որոնց ներսի թուրքերը նետում են առաջ, իսկ իրենք «ետևից, մի ձեռքում բռնած փալաս և նավթի կուլա, «յա Ալի» կանչելով, վառում տները»: Հրդեհը Արշակ Մելքունյանի խանութից սկսած, Անանյանցի տան ուղղությամբ, թեք կերպով կտրած մինչև խանի աղջկա աղբյուրը, Բաբա Հախումյանցի տնից մինչև հին գերեզմանոցի արևելյան ճակատը և Ս.Աղամալյանցի տնից մինչև թուրքերի թաղամասը ամեն ինչ վառում է: Օգոստոսի 16-ից մինչև 22-ը Շուշիում սպանվել և վիրավորվել են 300 հոգի, այրվել 400 տուն, 500-ից ավելի խանութ, քաղաքի գլխավոր փողոցի բոլոր կառույցները: Այրվում է Խանդամիրյանի թատրոնը, քաղաքային դումայի շենքը, հայոց երկու շուկաները, զինվորական հիվանդանոցը, քարվանսարան, Մահտեսի Հակոբյանի տպարանը: Վայրենացած մահմեդականները ներս էին խուժում հայոց Ագուլեցոց եկեղեցին, Գուրանը դնում սեղանին և երդվում «համախալամական պատերազմ սկսել հայերի դեմ»:

Թալանի ծարավը ավելի էր բորբոքում թուրքերի ախտոժակը: Այդ օրերին կողոպտվում և ավերվում են Աղղամում գտնվող Բաղ-

ղասարյանների, Ահարոնյանի և Սողոմոնյանի սպիրտի գործարանները: Թուրքերը վառում են նաև Ղայրալիշենում գտնվող Ներսիսյանի մետաքսի գործարանը:

Շուշիի պաշտպաններին հաջողվեց թուրքերին կանգնեցնել հայկական վերին թաղամասի մատույցներում: Մի կերպ կարգի գցելով գրեթե անգործածելի հինավուրց թնդանոթը, հայ ինքնապաշտպանները կրակ են բացում գրոհող հակառակորդի վրա: Մարսափահար թշնամին հաշտություն է խնդրում:

Չնայած այդ հաջողությանը, երկրամասը կտրված էր դրսի աշխարհից: Աղղամից մոտ երկու հազար գորքով թուրքերը փորձում են ներխուժել Արցախ, բայց Վարանդայի և Խաչենի հայերը փակում են Ասկերանի կիրճը և Համազասպի ու Վարդանի գլխավորությամբ ջախջախում թուրքերին: Վերոհիշյալ ժամանակարկն քաջքան Շուշիից նահանջող մի գորաջուկատ Ասկերանի և Խոջալուի արանքում դարանակալ հայդուկների կողմից ջախջախվում է: 200 ասկյարներից ճողոպրելով՝ փրկվեց միայն վեցը:

Հենց այդ օրերին վեց հազար զինված թուրք հարձակում են գործում Բյաթուկ, Նախիջևանիկ, Փրջամալ, Վարազաբուն և Ղզղալա գյուղերի վրա: Արցախ ուղարկված փոխգնդապետ Օգերովսկու պատժիչ ջոկատը, կարգուկանոն հաստատելու փոխարեն, թուրքերի թելադրանքով, թնդանոթների համազարկերով անցնում է Ասկերանի կիրճը և ուժրակոծում հայկական գյուղերը:

1906 թվականը նոր արհավիրքներ բերեց արցախահայությանը: Այս անգամ ազգամիջյան ընդհարումները ավելի սաստիկ էին: Հուլիսի 13-ին Ղայրալուի ձորից թուրք-քրդական հրոսակները փորձում էին երևանյան դռներից ներխուժել Շուշի, բայց քարինտակցիների և ղայրալիշենցիների հուժկու հարվածի տակ ստիպված են լինում ետ նահանջել: Դեռ ավելին, Վարդանի հրամանատարությամբ հայ պաշտպանները հարկադրեցին թշնամուն լքել մի շարք կարևոր դիրքեր: Իշխանությունները, տեսնելով հայ կարիճների հաջողությունները, վրացի սպա Մաչավարիանիի գլխավորությամբ գորք ուղարկեցին կասեցնելու նրանց առաջխաղացումը: Միաժամանակ կառավարական գորքերը կրավորական դիրք էին որդեգրել Թուրքիայից իրենց ցեղակիցներին օգնության եկող մահմեդական ջո-

կատների անարգել մուտքի հանդեպ:

1906թ. օգոստոսի 19-ին կատաղի մարտեր են ծավալվում Խրամորքի մոտակայքում: Հայ մարտիկները արիարար դիմադրում են դեպի Շուշի շտապող Ադրամի քաթարների ջոկատներին:

Այս անգամ Թուրքիայից ստանալով համարում մահմեդական խառնամբոխը հարձակում է ձեռնարկում Մոս գյուղի ուղղությամբ. Թուրքերը ներ են խուժում Ամարասի վանքը, քալանում և ավերում այն: Մոսեցիները, մաճկալաշենցիները, ինչպես և հարևան մյուս գյուղերի բնակիչները համատեղ ուժերով հակահարված են տալիս ելուզակներին՝ սպանելով Թուրքիայից եկած ջոկատի հրամանատարին: Հետագայում հայերի ճնշման տակ թուրքերն առաջարկում են դադարեցնել ռազմական գործողությունները:

1905-1906 թվականներին Ղարաբաղում տեղի ունեցած ազգամիջյան ընդհարումների հետևանքով միայն Խաչենի 25, Վարանդայի 15 և Ջանգեզուրի 3 գյուղերից գոհվել է 193 մարդ: Ավերվել են Ջամիլու, Ուլուբաբ, Խրամորք և Ղազանչի գյուղերը: Շուշի քաղաքում հայերից գոհվել է 127 մարդ⁵⁰⁵:

Անդրկովկասի ցարական իշխանություններն ու քաթար խուժանը անակնկալի եկան հայ մարտիկների վճռականությունից: Անպաշտպան ժողովրդի դեմ դյուրին հաղթանակների վարժ մահմեդական խուժանը համոզվեց, որ անհնարին է կոտրել արցախահայության կամքը:

Նիկոլ Գումանը 1905-1906 թվականների Անդրկովկասի ազգամիջյան ընդհարումներից առաջ կանխատեսել էր Մեծ եղեռնը և հորդորել է արևմտահայությանը՝ օգտագործել արևելահայության ինքնապաշտպանության մարտավարության փորձը: 1907թվականին Ժնևում հրատարակված իր «Նախագիծ ժողովրդական ինքնապաշտպանության «գրքույկի մեջ գրել է. «Նույն փոթորիկը ըստ իսկրկնվելու է Տաճկահայաստանում, ավելի ահավոր կերպով: Մեզ կմնա ինքնապաշտպանությունը դնել ամուր հիմքերի վրա»⁵⁰⁶:

1917թ. հոկտեմբերյան պետական հեղաշրջումից հետո, օգտվելով Ռուսաստանում ստեղծված խառնակ իրավիճակից, Թուրքիան, հենվելով Անդրկովկասի մահմեդականության վրա, փորձում էր հաշվեհարդար տեսնել Ղարաբաղի հայության հետ: Ռազմաճա-

կատից Ղարաբաղ վերադարձող մի քանի հարյուր հայ զինվորներ գնդակահարվեցին Ջարուխի ձորում: Քրդերի և քաքարների կողմից բարբարոսաբար ոչնչացվեցին բազմաթիվ արևմտահայ փախստականներ, որոնք փորձում էին բնակություն հաստատել Ղարաբաղում: Նրանք ձերբակալվեցին հայ գործիչներին, ավերեցին Խանաբաղ, Փրջամալ, Արանգամին, Աղբուլաղ, Դահրագ, Քյաթուկ և Բերդաձորի ենթաշրջանի գյուղերը: Շրջափակվեցին դեպի Լեռնային Ղարաբաղ տանող բոլոր ճանապարհները: Անելանելի իրավիճակի մեջ հայտնվեցին նաև Ղարաբաղում գտնվող ռուսական կայագրերն ու բնակիչները: Թալանվեցին Կարյազինոյի գավառի գորամասերը: Աղբրեջանցի ականատեսը վկայում է. «Կարյազինոյի նահանգում համատարած ապստամբություն է, հարձակվում են գորամասերի վրա, զինվորներին, սպաներին կողոպտում, սպանում, ողջ ողջ քաղում, բազմաթիվ զոհեր կան, Կարյազինոյի Ջեր-Վանքի թույլ կայագրները շրջապատված են, սով է սկսվել սննդի պակասի պատճառով: Թալանված է Կարյազինոյի զինվորական հանդերձանքի պահեստը, Ջուլֆա-Բարվի երկաթգծի պահեստը, որի կողոպուտի ընթացքում պայթեցվել է վառողի պահեստը, տներն ավերվել են: Փոստ-հեռագրատուն չի աշխատում, լարերը կտրված են, վիճակն աղետալի է: ...Հասպաղումն սպառնում է բնակչության խաղաղ հատվածի և գորքի մնացորդի համար սոսկալի հետևանքներով: Խաների և բեկերի շնորհիվ հոծ զանգվածը հարձակվում էր վազոնակազմի վրա, զինաթափում, սպանում, Ելիզավետպոլի և Ղազախի նահանգներում, երկաթգծի երկու կողմերով մեկ հազար դիակներ են փռված, ոչնչացված են ռուս վերաբնակների գյուղերը: Հայ զինվորներն ու սպաները, իմանալով երկաթգծի վրա կատարված հարձակումների մասին, հարկադրված են եղել ոտքով վերադառնալ տուն՝ անցնելով Նախիջևանի և Ջանգեզուրի նահանգների լեռներով ու անտառներով, բայց ավաղ, այստեղ էլ ավելի ստույգ՝ Ջարուխում, նրանք հարյուրավոր զոհեր են տվել»⁵⁰⁷:

Այդ ամենի հետևանքով ներկայիս Մարտունու շրջանի հարթավայրային հատվածի մի շարք գյուղերի՝ Կոտլարովկայի, Կուրապատկինոյի, Նովո-Նիկոլայովկայի և Սկոբոլևկայի ռուս բնակիչները, թողնելով 14000 հեկտար հողատարածությունները և ամբողջ ու-

նեցվածքը, գաղթեցին հյուսիսային Կովկաս⁵⁰⁸:

Հայ-աղբրեջանական հակամարտությունը նոր սրությամբ դրսևորվեց 1918-1920 թվականներին: 1918թ. մայիսի 27-ին «Մուսավար» կուսակցությունը նախկին Բաքվի և Ելիզավետպոլի նահանգները հռչակում է աղբրեջանական: Այսպես աշխարհի քարտեզի վրա գծվում է մի նոր պետություն, որն առաջին անգամ սկսեց հավակնել պատմական Հայաստանի բաղկացուցիչ մաս հանդիսացող Ղարաբաղին և Չանգազուրին: Աղբրեջանը վճռել էր Արցախ-Չանգեզուրի հարցը լուծել արցախահայությանը բնաջնջելով:

Թուրքերը առաջին հերթին Լեռնային Ղարաբաղը կտրեցին Չանգեզուրից և ավերեցին Բերդաձորի 6 գյուղեր: Թուրքական առաջատար զորամասերը Շուշի մտան սեպտեմբերի 25-ին: Բանակի հետևից շարժվում էր »տեղական քաթարների հազարավոր խումբներ՝ զրավված գյուղերն ու քաղաքը ավերելու և թալանելու նպատակով«: Թուրքական հրամանատարությունը լուծարեց Ղարաբաղի կառավարությունը: Ավելի քան 60 մտավորականներ, այդ թվում և Ղարաբաղի Հայոց Ազգային խորհրդի նախագահ Եղիշե Իշխանյանը, ձերբակալվեցին և նետվեցին բանտ: Թեպետ Շուշին ընկավ, սակայն Արցախի զավառները մնացին անառիկ: Ամենուրեք կազմակերպվեցին ինքնապաշտպանական ջոկատներ: Մարտակերտի հայության հերոսական դիմադրության շնորհիվ կանխվեց թուրքերի մուտքը Ջրաբերդի շրջան: Այնուհետև ահեղ մարտեր ծավալվեցին Վարանդայի և Գիգակի շրջաններում:

1918թ. վերջին առաջին աշխարհամարտից հետո, պարտված թուրքերին Անդրկովկասում փոխարինեցին անգլիացիները: Նրանք էլ, Բաքվի նավթին տիրելու նպատակով ընդառաջելով մուսավաթականների նկրտումներին, Ղարաբաղի հայությունից պահանջեցին ճանաչել Աղբրեջանի իշխանությունը: Դրան հասնելու նպատակով գեներալ Թոմսոնի երաշխավորությամբ, 1919թ. հունվարի 15-ին մուսավաթական Խոսրով Բեկ Սուլթանովը նշանակվում է նախկին Ելիզավետպոլի նահանգի հարավ-արևելյան հայկական զավառների գեներալ-նահանգապետի պաշտոնում: Սուլթանովը պատրաստվում էր «արյան բաղնիք» կազմակերպել արցախական աշխարհում: 1919թ. հունիսի 4-ին և 5-ին նա սարսափելի սպանդ

կազմակերպեց քաղաքամերձ Գայրալիշեն, Կրկժան, Փահլուր, Ջամիլու, Խանաձախ, Գաշուշեն և այլ գյուղերում: Հայերի կուրուստները կազմեցին ավելի քան 500 հոգի:

1920թ. գարնան շենին վիճակն ավելի է ծանրանում Արցախում: Գանձակից մինչև Մուսուլմանլար-Չանգեզուր տեղի էին ունենում պատերազմական գործողություններ: Աղղամ-Ասկերան-Շուշի ուղղությամբ և Քիրս-Տումի-Խծաբերդ գծի երկարությամբ առանձնապես կատաղի էին գործում Մուլթանովի կազմակերպած քրդական «համիդիե» ջոկատները: Հայ մարտիկները ցուցաբերում էին հերոսության աննախընթաց օրինակներ :

Գիզակի ռազմաճակատում հայ պաշտպանները Հովակ Ստեփանյանի և Մասունցի Մանուկի գլխավորությամբ 450 զինվորներով կարողանում են դիմակայել թշնամու մի քանի անգամ գերակշռող ուժերին:

1920թ. մարտին ամենաողբերգական իրադարձությունները տեղի ունեցան Շուշի քաղաքում: Մուլթանովը, լուր ստանալով, որ Քարին տակի կողմից քաղաք է թափանցել հայկական մի ջոկատ և փորձել ասկյարներից զենք խլել, հրամայում է «արի ու հրի մատնել հայկական քաղաքամասը»: Մահմեդական մոլեռանդ ամբոխը ասկյարների և թուրք սպաների գլխավորությամբ ներս է խուժում քաղաքի հայկական թաղամասերը, հրդեհում, կողոպտում տները, խանութները, հասարակական շենքերը, անխնա կոտորում անպաշտպան բնակչությանը: Թիֆլիսում տպագրվող «Սլովո» թերթը 1920թ. ապրիլի 16-ին գրել է. «Քաղաքի հայկական մասում քարը քարի վրա չի մնացել»⁵⁰⁹: Մոտավոր տվյալներով գոհվածների թիվը հասնում էր 10 հազարի:

1918-20 թվականների հայ-աղբրեջանական ընդհարումների ժամանակ ոչնչացվել են 58 գյուղ, անօթևան մնացել 57 հազար բնակիչ, փոշիացվել 7 հազար տնտեսություն, զոհվել 25 հազար մարդ(երկրամասի բնակչության 20,1 տոկոսը), փակվել կամ ոչնչացվել են բոլոր ֆաբրիկաներն ու արհեստանոցները, մշակույթի օջախները, այրվել ու մոխրի վերածվել հայոց Շուշին⁵¹⁰:

մար⁵¹¹:

Օրեցօր Շուշին դառնում էր ողջ Այսրկովկասի հայության սոսնձատեսական ու մտավոր կենտրոններից մեկը:

Շուշի այցելած օտար ճամփորդները այն անվանում էին «Հայոց փոքրիկ Փարիզ»⁵¹²:

1862-63 թթ. մարդահամարի տվյալներով Բաքվում բնակվում էր 14897, Շուշիում՝ 19765 մարդ⁵¹³: Բարգավաճող հայկական քաղաքը դեպի իրեն էր ձգում տարբեր ազգերի ներկայացուցիչներին:

1823թ Շուշի են գալիս Բազելի «Ավետարանական քարոզչական ընկերության» ներկայացուցիչներ Ավգուստ Դիտրիխսն ու Ֆիլիցիան Չարեմբան, որոնք 1827թ հիմնում են հայկական ուսումնարան(Լեմսի շկոլը), որը պատրաստել է մեծ թվով ուսուցիչներ և քարոզիչներ:

1830-ական թվականներին Արցախի թեմում գործում էին 25 հայկական դպրոցներ, ուր սովորում էր 252 աշակերտ: Միայն Շուշի քաղաքում 1835թ. կար 3 հայկական դպրոց՝ 100 աշակերտով⁵¹⁴:

1837թ. ցարական կառավարության հրամանագրով արգելվեց Բազելի քարոզչական ընկերության գործունեությունը: Նույն թվականին էլ կայսերական հրամանով Շուշի փոխադրված Ղարաբաղի թեմի կոնսիստորիայի նախագահ նշանակվեց ժամանակի նշանավոր քաղաքական-մշակութային գործիչ Հասան-Ջալալյան տոհմի շառավիղներից Բաղդասար Միտրոպոլիտը (1775-1854թթ.), որը մեծագույն նպաստ բերեց Արցախի կրթական-մշակութային կյանքի աշխուժացմանը: Նրա ջանքերով էլ 1838թ. հիմնվեց Շուշիի թեմական դպրոցը: Այն գործել է մինչև 1920թ. ողբերգական դեպքերը, երբ հրի մատնվեց քաղաքի հայկական քաղամասը: Թեմական դպրոցի 75-ամյա հորելյանին նվիրված մեծանուն շուշեցին՝ Լեոն գրել է »Պատմություն Ղարաբաղի Հայոց Թեմական հոգևոր դպրոցի«(1838–1913թթ.) հայտնի աշխատությունը: Այն հրատարակվել է Թիֆլիսում 1914թ. նույն դպրոցի հովանավորությամբ: Թեմականը ծաղկում ապրեց Պ. Շանշյանի, Խ. Ստեփաննի, Վ. Պապաջանյանի, Գ. Աղայանի տեսչության տարիներին:

Տարբեր տարիների այստեղ դասավանդել են հայ մշակույթի նշանավոր դեմքեր Պ. Պոռոշյանը, Մակար Բարխուդարյանը, Ս.

Մանդինյանը, Մ. Աբեղյանը, Լ. Մանվելյանը, Ե. Լալայանը, Ա. Կանայանը, Ստ. Գեմուրյանը, Վրթ. Փափազյանը, Հ. Աճառյանը, Ա. Զիլինգարյանը, Նիկոլ Աղբալյանը, Սպիրիդոն Մելիքյանը, Լ. Թախտաջյանը(ակադեմիկոս Արմեն Թախտաջյանի հայրը), Ա. Տեր-Պողոսյանը, Հ. Մուսայելյանը, Խ. Սամվելյանը և ուրիշներ: Նրանց շնորհիվ դպրոցներում փոխվել են ուսուցման, դաստիարակության հին ձևերը, կազմվել նոր ուսումնական պլաններ, ծրագրեր, դասագրքեր:

Թեմականի բազմաթիվ շրջանավարտներ իրենց կրթությունը շարունակելով արտասահմանյան բարձրագույն հաստատություններում դարձել են նշանավոր գիտնականներ, մշակութային, հասարակական, պետական գործիչներ՝ Սիմոն Հախումյանը, Կոստանդին Մելիք-Շահնագարյանը (Տմբլաչի Խաչան), Լեոն, Մուրացյանը, Արսեն Տերտերյանը, քիմիկոս Հակոբ Հովհաննիսյանը, Գարրիել Գուլիքեվյանը և ուրիշներ:

Սկսած XIX դարի 50-60-ական թվականներից դպրոցներ են բացվում Արցախի մի շարք գյուղերում: 1861թ. դպրոցներ են հիմնվում Երեք Մանկունք վանքում, Գտչավանքում, Նուխի գավառի Վարդաշեն գյուղում(Մուրթ Սահակյան հոգևոր դպրոց):

Հայ հայրենասեր գործիչները մեծ ջանքեր են թափում նաև Արցախում աղջիկների կրթության և դաստիարակության գործը կազմակերպելու համար:

Շուշեցի մեծահարուստ Համբարձում Հախումյանի կնոջ՝ Մարիամ Հախումյանի կազմած ծրագրով և գործադրած եռանդի շնորհիվ 1864թ. ապրիլի 7-ին Շուշիի նրա բնակարանում բացվում է օրիորդաց դպրոց, որի նպատակն էր պատրաստել «լուսավորյալ վարժապետուհիք և լուսավորյալ մայրեր»⁵¹⁵: Այս դպրոցը պահպանվել է մինչև 1920 թվականը: Գպրոցական այս ուշագրավ նախաձեռնությունը լայն արձագանք գտավ Հայոց Արևելից կողմերում: 1880թ. Գիզակի Ներքին Թաղար գյուղում բացվում է Ս. Մեսրոպյան օրիորդաց դպրոց, որտեղ սովորում էր 40 աշակերտ: Երկսեռ դպրոցներ են բացվում Շուշի և Նուխի քաղաքներում:

1875թ. տվյալներով Արցախի թեմում գործող 52 հայկական դպրոցներից 18-ը իզական էր⁵¹⁶:

XIX դարի վերջերին Շուշիում բացվում է ռուսական իգական Մարինսկու դպրոցը, որի աշակերտների մեծ մասը հայուհիներ էին: Այսպես, 1898թ. 257 աշակերտուհիներից 240 հայուհիներ էին, 14 հոգի՝ ռուս, 2-ը՝ քաթար և մեկ հոգի այլը⁵¹⁷:

Շուշեցի սեծահարուստ Պողոս, Արշակ, Հակոբ և Աբրահամ Գուկասյան եղբայրները իրենց հանգուցյալ քրոջ հիշատակը հավերժացնելու նպատակով Ամենայն Հայոց կաթողիկոսի տրամադրության տակ են դնում երկու հարյուր հազար ռուբլի և Շուշիում գտնված իրենց սեփական տունը՝ «Մարիամ Գուկասյան» անունով օրիորդաց դպրոց հիմնելու համար: Գպրոցը բացվել է 1914-1915 ուս. տարում և ունեցել է լրիվ միջնակարգ դասընթաց:

Արցախահայության կյանքում կարևոր երևույթ էր 1881թ. Շուշու ռեալական ուսումնարանի բացումը: Գպրոցը պետական էր, որտեղ ուսուցումը տարվում էր ռուսերեն լեզվով:

Հայերը կազմում էին ռեալականի 80 տոկոսից ավելին, քաթարները՝ մոտ 15 տոկոս, և ավելի չնչին է ռուս ու վրացի աշակերտների թիվը⁵¹⁸:

Շուշիում կրթական կյանքի նման պոռթկումը ենթադրում է ունենալ նաև հարուստ տպագրական և հրատարակչական բազա:

Հայ տպագրության գործը 1512թ. սկզբնավորվելով Վենետիկում, երկար ժամանակ զարգանում էր օտար ավերում: 1771թ. Էջմիածնում հիմնվում է տպարան: 1828թ. հայրենի հողում՝ Շուշիում Բազելի քարոզչական ընկերության կողմից ստեղծվում է երկրորդ տպարանը, որտեղ տպագրվում է մեսրոպատառ առաջին գիրքը «Պատմութիւն Սուրբ Գրոց» խորագրով: Չբավարարվելով Շուշիում կատարած հրատարակչություններով, Բազելի քարոզչական ընկերությունը գրքերի մի մասը տպագրել է տալիս Մոսկվայում՝ Լազարյան ճեմարանի տպարանում⁵¹⁹: 8 տարվա ընթացքում նրանք հրատարակեցին կրոնական, բարոյախոսական, գիտական և ուսուցողական բնույթի գրքեր:

Բազելցի քարոզիչները Շուշիից հեռանալուց հետո տպարանը գնում է Բաղդասար միտրոպոլիտը և այն վերանվանում «Հայոց հոգևոր տեսչության տպարան»: 1837թ այստեղ հրատարակվեց Բայրոնի «Շիլոնյան կալանավորը» Մ. Չոհրաբյանի թարգմանու-

թյամբ, Եսայի Հասան-Չալալյանի «Պատմություն կամ յիշատակ ինչ-ինչ անցից՝ դիպելոց յաշխարհին Ադուանից» երկասիրությունը, ինչպես նաև կրոնական, գեղարվեստական և այլ բնույթի գործեր:

Բաղդասար միտրոպոլիտի մահվանից հետո(1854թ.) Վեհապետյանը հայ մեծահարուստների նվիրատվությունների հաշվին պահում է տպարանը այն անվանելով «Տպարան Սրբոյ Էջմիածնի»:

1881թ. Շուշիում բացվեց Միրզաջան Մահտեսի Յակոբյանցի(Հակոբյան) տպարանը, որը գործեց շուրջ 25 տարի: Այստեղ առաջին անգամ առանձին գրքով լույս տեսան Բաֆֆու «Ժենթը», Մ. Արեղյանի «Նմուշներ» բանաստեղծությունների ժողովածուն, «Գավիթ և Մեղեր» ուսումնասիրությունը, Լեոյի «Վեպ թե պատմություն», «Վահան Մամիկոնյան», «Իմ հիշատակարանը»: Թարգմանական գրականությունից հիշատակելի են Ֆիրդուսու «Շահնամեն»(1893), Ա. Դոդեի, Ջ. Վ. Գրեպերի և այլոց գործերը:

1905թ. հետո Շուշիում սկսեցին գործել Բագրատ Տեր–Սահակյանի և Մելքոն Բարաջանյանի տպարանները, որոնց գործունեությունն ընդատվեց 1920թ. մարտի 23-ին՝ Շուշիի հայկական քաղամասի ավերման ժամանակ: 1827-1920թթ. ընթացքում Շուշիի հինգ տպարաններում հրատարակվել է ավելի քան 150 անուն գիրք⁵²⁰:

1874թ. մինչև 1920թ. Շուշիում լույս է տեսել 21 անուն թերթ և հանդես, որից 19-ը՝ հայերեն, 2-ը՝ ռուսերեն: Անդրանիկ պարբերականը «Հայկական աշխարհին» էր(1874), հրատարակիչ Խորեն Ստեփանյան, այնուհետև «Գործ» հանդեսը(1882-84), խմբագիր-հրատարակիչ Սիմեոն Հախումյան, «Ազգագրական հանդես»-ը (1896, առաջին գիրք, խմբագիր-հրատարակիչ Ե. Լալայան), «Վարարադ» եռօրյա թերթը (1911-12, խմբագիր հրատարակիչներ Ն. Յարամիշյան, Սիմ. Տեր–Սիմասյան), «Շուշինսկի լիստոկ»-ը (1911 ռուս.) շաբաթաթերթը, «Շուշինսկայա ժիզն»-ը (1913-14 ռուս.), «Միություն» (1913), «Միրաժ» (1913-17), «Ծիծաղ» (1916) աշակերտական ամսագրերը, «Պայքար» քաղաքական թերթը, (1914-17), «Փայլակ» շաբաթաթերթը(1915-17, հրատարակիչ Լ.Վարդապետյան, խմբագիր Խաչիկ Սամվելյան), «Ծիածան» ամսագիրը(1915-19, խմբագիր-հրատարակիչ Մ. Պետրոսյան), «Ապառաժ»(1917-

1919թթ. երկշաբաթաբերքը, խմբագիր Հ. Մուսայելյան), «Աշխատանք» լրագիրը (1917, «Ասպարեզ» քերթը 1917, խմբագիր Հ. Մուսայելյան), «Սրինգ» (1917), «Աշակերտ» (1912) աշակերտական քերթերը, «Նեցուկ» շաբաթաբերքը (1917, խմբագիր Ա. Հովհաննիսյան), «Եռանդ» (1917) քերթը, «Արցախ» շաբաթաբերքը (1919), «Ղարաբաղի սուրհանդակ» լրագիրը (1919, խմբագիր Ա. Քամալյան), «Նոր կյանք» շաբաթաբերքը (1919):

Շուշիում հրատարակված պարբերականները հանդիսանում էին տարբեր հոսանքների գաղափարախոսներ, ունեին շեշտված դիրքորոշում հասարակական-քաղաքական հրատապ հարցերի նկատմամբ, ինչպիսիք էին ագրարային հարցը, հայ ժողովրդի ազգային-ազատագրական պայքարի, ազգային մշակույթի ստեղծման, աշխարհաբար գրական լեզվի մշակման հարցերը և այլն:

Քննարկվող ժամանակահատվածում Արցախում բուռն զարգացում է ապրում հայագիտական միտքը: Հանդես եկան նաև գեղարվեստական խոսքի մեծ վարպետներ: Հրապարակ են գալիս բառարանագիտական և հայոց լեզվի քերականությանը նվիրված աշխատություններ: 1829թ. Շուշիում լույս տեսավ Պողոս Ներսիսյանց Ղարաբաղցու «Համառոտ հայկական քերականութիւն», 1830թ. Հովսեփ վարդապետ Արցախեցու «Համառոտ բառագիրք ի գրարարել յաշխարհաբարն (ի պիտոյ համբակաց)» ուսումնասիրությունները և 1840թ. «Առաջին մասն փիլիսոփայութեան, որ ասի տրամաբանութիւն» քերականության դասագիրքը:

Առանձնակի հետաքրքրություն է ներկայացնում XIX դ առաջին կեսում ապրած դիզակցի Առաքել վարդապետի երկհատորյա մատենագրությունը, որը հայտնաբերել է Բաֆֆին⁵²¹ Գոչավանքից և պահ է տվել Թիֆլիսի Հայոց Ազգագրական ընկերության գրադարանում:

Առաքել վարդապետի ձեռագիրը արժեքավոր աղբյուր է հանդիսանում Արցախի մեկիքությունների և նրանց հետ առնչվող հարցերի, առավելապես Արցախ-Ռուսաստան քաղաքական առնչությունների պատմության համար⁵²²: Առաքել վարդապետի երկու հատորների մեջ հետաքրքիր նյութեր են պարունակում նաև Լանկ-Թեմուրի արշավանքների մասին:

XIX դարի երկրորդ կեսին Շուշիում լայն գործունեություն է ծավալում Միրզա Ֆարուխը (Հարություն Ներսեսի Ղարաբաղցի): Ծնվել է 1798թ. Թաղուտ գյուղում: 1805թ. ռուս-պարսկական պատերազմի ժամանակ գերի է ընկնում: Տիրապետելով արևելյան և եվրոպական մի շարք լեզուների՝ նրան պետական ծառայության են ընդունում, դառնում է Թեհրանի սարդարի քարտուղարը: Պարսկական արքունիքում ստանում է Ֆարուխ անունը: 1826–28թթ. ռուս-պարսկական պատերազմի ժամանակ նրան հաջողվում է փախչել գերությունից և հիմնավորվել հայրենի քաղաքում՝ Շուշիում: Նա, համագործակցելով Բազելի ավետարանական քարոզչական ընկերության ներկայացուցիչների հետ, հիմք է դնում գիտական-ուսումնական աշխատությունների հրատարակմանը: Գրել է Ղարաբաղի պատմությունը «Թարիխ-Սաֆի» վերնագրով, որտեղ շարադրված է սկզբից մինչև 1820 -ական թվականների իրադարձությունները:

Առանձնապես բեղուն կյանքով ապրեց Արցախը և հատկապես նրա կենտրոն Շուշին 19-րդ դարի երկրորդ կեսին և 20-րդ դարի սկզբին: Այստեղ ծնվել և ստեղծագործել են հայագիտության և հայ գրականության շատ երախտավորներ:

Հայ խոշորագույն պատմաբան, հրապարակախոս, գրող, գրականագետ, Լեոն (Առաքել Բարախանյան, 1860-1932թթ.) ծնվել է Շուշի քաղաքում, ուսանել տեղի քենական դպրոցում: Նրա՝ 60-ի հասնող կապիտալ աշխատությունների, հարյուրավոր բազմաբնույթ հոդվածների մեջ ամփոփված են հայոց պատմության և գրականության բազմապիսի հարցեր: Լեոյի ուսումնասիրությունները գրված են հայրենասիրական շնչով և լեզվական հրապուրիչ բարձր ոճով:

Լեոյի աշխատությունների մի զգալի մասը՝ «Վեպ թե պատմություն» (1887), «Կույր աղջիկը», «Վահան Մամիկոնյանը» (1888), «Իմ հիշատակարանը», «Սպանված հայրը» (1891), «Թաթախման գիշերը» (1892) և այլն առաջին անգամ տպագրվեցին Շուշիում:

Պատմագիտական աշխատություններից հատկապես արժեքավոր են Լեոյի «Հայոց պատմություն» եռահատոր աշխատությունը (հրատ՝ 1917-47թթ.), «Հայկական տպագրություն» (հ. 1-2, 1901-02), «Ստեփանոս Նազարյանց» (հ.1-2, 1902), «Գրիգոր Արծրունի»

(հ.1-3,1902-1905), «Մ. Մեսրոպ» (1904), «Հայոց հարցը» (1906), «Վանի քաղաքապետությունը» (1915), «Հայոց հարցի վավերագրերը» (1915), «Անի» (1946), Երևանի և Ղարաբաղի թեմական դպրոցների պատմությանը նվիրված մենագրությունները (1914):

Հայագիտության բնագավառում կարևոր ներդրում ունի Վահան (Խաչիկ) Տեր-Գրիգորյանը-Դադայանը (ծննդով Վարանդայի Չարդարաշեն (Վերին Թաղավարդ) գյուղից, 1863թ.), որը Արցախում հրատարակչական և գիտամանկավարժական լայն գործունեություն է ծավալել: 1888 թ. ձեռնադրվելով կուսակրոն քահանա՝ պաշտոնավարել է Արցախի Ս.Գրիգորիսի, Ս. Հակոբի և Խուրթավանքերում: Այդ շրջանում հնագիտական պեղումներ է կատարել Առաջածոր, Քոլատակ գյուղերի շրջակայքում և Մաղսաղան բերդում, միաժամանակ հավաքել է հայոց պատմությանը առնչվող բազմաթիվ վավերագրեր և հանձնել Մ. Էջմիածնին: Նմանատիպ աշխատանքներ է կատարել Մակվում, Խոյում, Մալմաստում, Ուրմիայում, Բարանդուզում, Մարանդում: Նրա անվան հետ է կապված Չվարթնոցի, Գվինի, Արմավիրի, պեղումները: Նա հավաքել է ժողովրդական, ազգագրական երգեր, գրի առել մեծ եղեռնի ականատեսների պատմածները:

1917-1923 թվականներին Արցախի պատմության հարցերին է անդրադարձել Միրզա Տեր-Սարգսյանը(Միտսարը): Նա ականատեսի և ղեպքերի մասնակցի հավաստիությամբ ներկայացրել է մեր պատմության կարևոր, երբեմն վիճահարույց շրջանի մանրամասները: Նրա գրչին է պատկանում «Կաթիլներ» խորագրով արձակ գործերի ստվարածավալ ժողովածուն, որ հրատարակվել է 1914թ. Շուշիում:

Նոր շրջանի հայոց պատմության հարցերին է նվիրված Գավիթ Անանունի (1879-1943) «Ռուսահայերի հասարակական զարգացումը 19-րդ դարում» եռահատոր աշխատությունը (հրատ.1916-1926): Այստեղ նա անդրադարձել է արևելահայերի հողային հարաբերությունների, գյուղական համայնքի, առևտրի և արդյունաբերության զարգացման, քաղաքական կուսակցությունների, հասարակական հարաբերությունների և մշակույթի պատմության հետ կապված աննարագնահատելի խնդիրներին: Հայրենասիրական շնչով է գրված

նրա «Ազգային հարցը և դեմոկրատիան» հոդվածաշարը(1913):

Անգնահատելի է ականավոր ազգագրագետ, բանագետ ու հնագետ Երվանդ Լալայանի(1864-1931) դերը հայ ազգագրության և հնագիտության զարգացման բնագավառում: Ժնևի և Լոզանի համալսարաններում հիմնավոր կրթություն ստանալուց հետո նա 1896թ Շուշիում հիմնեց «Ազգագրական հանդեսը», իսկ 1900թ Թիֆլիսում ստեղծեց Ազգագրական հրատարակչական ընկերությունը: Իր շուրջը համախմբելով ժամանակի լուսավոր մարդկանց՝ Ե. Լալայանը նոր աստիճանի հասցրեց ազգագրական-մարդաբանական-հնագիտական աշխատանքների դրվածքը ոչ միայն Հայաստանում, այլև ամբողջ Կովկասում: Ընկերության և նրա անխնայ դեկավարի ջանքերի շնորհիվ ժողոված բազմապիսի նյութերը հիմք հանդիսացան Վրաստանի և Հայաստանի պատմության քանգա-րանների հիմնադրման համար:

Շուշիում ծնվել և մինչև 1878թ. ապրել է հայ արձակի խոշորագույն դասականներից մեկը՝ Մուրացանը(Գրիգոր Տեր Հովհաննիսյանը, 1851-1908): Նա լայն ընդգրկումների խոշոր գեղագետ է: Մուրացանի կարծիքով ազգության, ինչպես և հայրենիքի պահպանման հիմքը գյուղացիությունն է: Ուստի, նրա ստեղծագործությունների հիմնական թեման գյուղն ու գյուղացիությունն է: Նա օժտված է պատմականության խոր գագոցողությամբ: Մուրացանը գրական ճանաչման արժանացավ իր «Ռուզան կամ հայրենասեր օրիորդ» (1881թ.) պատմական դրամայով, որի ներկայացմամբ էլ հենց 1891թ. բացվեց Շուշիի Խանդամիդյանների քատրոնի խաղացանկը: Նրա ստեղծագործությունների գլուխգործոցը դարձավ «Գևորգ Մարգալետունի» պատմավեպը :

Հայ երգիծաբանության մեջ իր ուրույն տեղն ունի Տմբլաչի Խաչանը (Կոստանտին Մելիք-Շահնագարյանը): Նրա առաջին ստեղծագործությունը՝ «Դլրցե կնանոց պընրփեշակը», գրված հայրենի բարբառով, աչքի է ընկնում գունեղ պատկերներով, ժողովրդական իմաստություններով, աֆորիզմներով, քևավոր խոսքերով: Տմբլաչի Խաչանին փառք բերեց «Զուռնա-տմբլա» ժողովածուն, որը լույս տեսավ 1908թ.՝ Վաղարշապատում:

Մելիք Շահնագարյանը գրել է նաև մանկական ստեղծագործու-

թյուններ, պիեսներ, կատարել քարգանաություններ, հավաքել ժողովրդական շատ խաղիկներ ու հեքիաքներ:

Արցախում հայ գրականության զարգացմանը նպաստում է քարգանական գործի կազմակերպումն ու հրատարակումը: Շուշիում առաջին անգամ հայերեն հրատարակվեց Գոգոլի «Տարաս Բուլբան», Ֆիլդրուսու «Շահնամեից» «Ռոստոմ եւ Չոհրաբը», «Չոհրակ Բիրասայի Աժդահակը» և այլն: «Քնար խոսնակ» հանդեսի էջերում քարգանաբար տպագրվել են Հայնեի, Գյոթեի, Շիլլերի, Բայրոնի, Պուշկինի, Լերմոնտովի, Դորբոլյուբովի ստեղծագործությունները⁵²³:

Շուշիի մշակութային եռուզեռի պայմաններում աշխույժ ու բեղմնավոր է եղել Շուշիի թատերական կյանքը:

1860-ական թվականներին Շուշիում գործում էին սիրողական-թատերական խմբեր: Դպրոցների բարձր դասարանների աշակերտների և ուսանողների ուժերով կազմակերպվում էին գրական-գեղարվեստական երեկույթներ, ցերեկույթներ, թատերական ներկայացումներ:

Պրոֆեսիոնալ թատրոն ստեղծելու ճանապարհին առաջին քայլը կատարվեց 1865թ., երբ Շուշի են գալիս Թիֆլիսահայ դերասաններ Գ. Չմշկյանը, Մ. Ամերիկյանը և Ս. Մանդինյանը և տեղական ինքնագործ ուժերի հետ միասին բեմադրում «Մամվել», «Վարդան Մամիկոնյան», «Շուշանիկ» և այլ ներկայացումներ: Այս ամենը վարակիչ եղան Շուշիի թատերասեր հասարակության համար: 1868թ-ից սկսած՝ Համբարձում աղա Հախումյանի տան դահլիճում, թեմական դպրոցում, քաղաքային ակումբում բեմադրվել են նաև Վարաբադի բարբառով գրված պիեսներ:

1882 թ. ամռանը «Պեսյո», «Խաթաբալա», «Ռ՞վ է մեղավոր» ներկայացումներում հանդես եկավ հայ բեմի մեծ վարպետ Պետրոս Աղամյանը: Ամենից առաջ ժողովուրդը նրան սիրեց Համլետի դերակատարման համար:

1880-ական թվականներին Շուշիում են լինում նաև Մաֆրագյան ամուսինները՝ տեղի սիրողների հետ խաղալով «Մամվել», «Շուշանիկ», «Երվանդ կամ Մանդուխտ կույս» և այլ պիեսներ⁵²⁴: Շուշիի թատերական կյանքը նոր հունով է տարվում, երբ 1891 թ. հիմնադր-

վում է «Խանդամիրյան» քատրոնը: 350 տեղանոց պրոֆեսիոնալ քատրոնը իր գործունեությունը սկսեց «Ռուզան» պատմական դրամայի բեմադրությամբ:

Մինչ այդ հայ պրոֆեսիոնալ երկու քատրոն հիմնադրվել էր 1851թ.՝ Թիֆլիսում (Ժամամշյանի) և 1861 թ.՝ Կոստանդնուպոլսում (Արևելյան քատրոն), որոնք գործում էին հայոց սահմաններից դուրս:

Խանդամիրյանի քատրոնը գործեց մինչև 1905 թ. ազգամիջյան կռիվները, որի արդյունքում այն հիմնավեր դարձավ:

Թատրոնի հիմնադիրը Սկրտիչ (Նիկիտա) Աբրահամի Խանդամիրյանն էր, որը թատերական կայուն գիտելիքներ էր ստացել Փարիզում: Կարճ ժամանակում «Խանդամիրյան» քատրոնը անուն է հանում ամբողջ Կովկասում: Ժամանակի մամուլը գրում է. «Ոչ միայն գավառում, այլ նույնիսկ Թիֆլիսում էլ անկարելի է մի ամսվա ընթացքում 10-12 ներակայացում տալ հայերի համար միայն, որպեսզի ամեն անգամ քատրոնը այսքան լիքը լինի և կամ թե համարյա թե լիքը»⁵²⁵:

1891 թ. մինչև 1896 թ. բեմադրվել է 119 ներակայացում⁵²⁶: Հայ և ռուս դրամատուրգներից բեմադրվել են առավելապես Հ. Պարոնյանի, Շիրվանգաղեի, Պուշկինի, Գոգոլի, Լերմոնտովի, Օստրովսկու, Նալդոնովի, Չեխովի, Նեմիրովիչ-Ռանչենկոյի, արևմտաեվրոպական գրողներից՝ Իբսենի, Մերվանտեսի, Շիլլերի, Մոլիերի, Հյուգոյի, Ջիակոմետտիի, Ջուղերմանի և այլոց ստեղծագործությունները: Չնայած Խանդամիրյանի քատրոնը 1905թ. հրո ճարակ դարձավ, բայց և այնպես չէին դադարում բեմադրությունները Շուշիի թեմական դպրոցում, Մելիք Հայկազյանի տան դահլիճում, քաղաքային ակումբում:

Արցախում հյուրախաղերով հանդես են եկել հայ քատրոնի խոշորագույն դերեր Միրանուշը, Գ. Պետրոսյանը, Հ. Արևյանը, Գ. Ավետյանը, Հ. Ջարիֆյանը, Վ. Փափազյանը, Ա. Ոսկանյանը, Օ. Գուլազյանը: Շուշիում են ծնվել հայ բեմի ականավոր գործիչներ Գրիգոր Ավետյանը, Գուրգեն Գաբրիելյանը, Վաղարշ Վաղարշյանը:

1910թ. Շուշիի դերասանական ամենասիրված խմբերից մեկը Ա-

մո Խարազյանի ղեկավարած խումբն էր: Թատերական կյանքը որոշ չափով աշխուժացել էր նաև Արցախի գյուղերում: Ճարտար, Բալլուջա, Խանաձախ, Գահրավ, Փրջամալ գյուղերում տեղացի սիրողների ուժերով բեմադրվում են ներկայացումներ: Ժամանակի մամուլը գովեստով է խոսում նմանօրինակ ներկայացումների մասին⁵²⁷:

XX դարի սկզբին քատերական կյանքը ծնունդ է առնում նաև Վարարակն գյուղաքաղաքում(Ստեփանակերտ): Տեղի միակ աշուժումը բեմադրվում էին հայկական և ռուսական պիեսներ⁵²⁸:

Շուշիի բնակչությունը ծանոթ էր նաև կրկեսային արվեստին: 1848թ. քաղաքում տրվեց կրկեսային ներկայացում⁵²⁹: Նմանօրինակ հանդեսներ կազմակերպվել են նաև «Խանդամիրյան» քատրոնում:

Շուշիում ստեղծվել էին հայ ժողովրդական գուսանական և հեզևոր երաժշտության բարձրարվեստ գործեր: Գարաբաղը հայկական ավանդական հորովելի նշանավոր կենտրոններից է: «Մաճկալ ես ...» երգի մեղեդին հորինվել է Շուշիում՝ ինքնուս կոմպոզիտոր Եգոր Հասարթյանի կողմից, իսկ «Մի լար բլբուլ» երգի մեղեդին ստեղծել է շուշեցի կոմպոզիտոր Եղիշեն Բաղդասարյանը⁵³⁰: XVIII դարի վերջերից մինչև նորագույն ժամանակները հայ գուսանական արվեստին մի ամբողջ բույլ է տվել Մեծ Թաղլարեցի Չիքյանների տոհմը: 1895 թ. այստեղ երգչախումբ են կազմակերպել և համերգներ տվել Գ. Միրզոյանը, Ս. Գեմուրյանը, որը 1916-17թթ. բեմադրել է Ա. Տիգրանյանի «Անուշ» օպերան: Երկար տարիներ նրա ստեղծած երգչախումբը մասնակցել է քաղաքի եկեղեցիների պատարագներին: Մինչև 1920թ. Շուշիում փողային նվագախումբը ղեկավարել է Հ. Իռաննիսյանը: Շուշվա երաժշտական հարուստ ավանդույթների շարունակողներն էին քառահարներ Միրզա Սադոյանը (1846 - 1902), Գրիգոր Մելիքովը (1895-1929), Բալա Մելիքյանը(1888-1935), Մողոմոն Մեյրանյանը(1907-1974), քամանչահարներ՝ Ավանեսը, նրա աշակերտներ՝ Մաշա Օզանեգաշվիլին(1889-1932), Լևոն Կարախանը (1889-1937): Տարբեր ժամանակներում Շուշիում համերգներով հանդես են եկել հայ ճանաչված երգիչներ ու երգահաններ Կոմիտասը, Քրիստափոր Կարա Մուրզան, Արշակ Կոստանդյանը,

Բեգլար Ամիրջանյանը, մեծ քատրոնի մեներգիչ Ներսես Շահլամյանը, Գրիգոր Սյունիև(Միրզոյան), Գանիել Ղազարյանը, Նիկոլայ Թեյմուրազյանը, Եղիշե Բաղդասարյանը և ուրիշներ⁵³¹:

Քրիստափոր Կարա Մուրզան, շրջագայելով Ղարաբաղում հավաքագրել է բազմաթիվ ժողովրդական երգեր:

Իրավամբ Շուշին ժամանակակիցները անվանել են «Անդրկովկասի կոնսերվատորիա»:

19-րդ դարի երկրորդ կեսին և 20-րդ դարի սկզբներին աննախընթաց զարգացում է ապրում հայ կերպարվեստի արցախյան դպրոցը:

Ստեփան Աղաջանյանը (1863 - 1940) ծնվել է Շուշիում, սովորել տեղի քեմական դպրոցում և ռեալական ուսումնարանում: 1886 թվականից ուսումը շարունակել է Ֆրանսիայում և 1900 թվականին վերադարձել հայրենի քաղաք: «Հոր դիմանկարը», «Մոր դիմանկարը», «Քրոջ դիմանկարը», «Մտորումները», «Մարիետա Շահինյանը» և այլ գործերով նա նոր որակի հասցրեց հայկական դիմանկարային արվեստը: Ստեփան Աղաջանյանը կապող օղակ է եղել 19 և 20-րդ դարերի հայ գեղանկարիչների միջև:

Գեղանկարչության աչքի ընկնող դեմքերից էր Մարգարիտ Ալեքսանյանը (1858-1902): 1881 թ. Շուշիում նա հրատարակել է «Հայկական գեղանկարչություն» արժան, որի մեջ արտացոլված հայկական բնաշխարհը և Ղարաբաղին առնչվող տարրեր քեմաներ: Մ. Ալեքսանյանի ձեռագիր աշխատանքներից մեկը՝ Ավետարանը, այժմ պահպանվում է Էջմիածնի Մայր եկեղեցու քանդարանում:

Հայ նշանավոր քանդակագործ Հակոբ Գյուրջյանը (1881-1948) ծնվել է Շուշիում: Սովորել է Շուշիի և Մոսկվայի ռեալական ուսումնարաններում, 1907-10 թթ.՝ Փարիզի Ժյուլիան ակադեմիայում, ապա հաճախել է Օ. Ռոդենի արվեստանոցը: Նա ստեղծել է 300-ից ավելի աշխատանքներ՝ դիմաքանդակներ, այլաբանական, կրոնական, պատմական, դիցաբանական կերպարներ, անիմալիստական գործեր: Առանձնապես հայտնի են Մ. Գորկու, Լ. Տոլստոյի, Ա. Շիրվանզադեի, Ֆ. Շալյապինի, Մ. Շիրվանզադեի, Վ. Գորբովեյնի, Վ. Տերյանի, Գենրիետա Պասկալի դիմաքանդակները: Ի դեպ, Գենրիետա Պասկալի դիմաքանդակը այսօր պահպանվում է Ար-

ցախի պետական պատմաերկրագիտական քանգարանում: Արվեստագետի ստեղծագործության մեջ ինքնատիպ միահյուսվել են արևելքի հնագույն և եվրոպական նոր արվեստների լավագույն ավանդույթները: Գյուրջյանի շնորհիվ հայ արձանագործությունը դուրս բերվեց համաշխարհային ասպարեգ:

Շուշիի արվեստասեր և ընթերցասեր հասարակությունը իրենց օրվա մի մասը անց են կացնում գրադարաններում, ընթերցարաններում, ակումբներում և կրթա-մշակութային այլ հաստատություններում:

Արցախում լայն գործունեություն է ծավալել հայկական բարեգործական ընկերության Շուշիի բաժանմունքը: Ընկերության ջանքերով 1859թ. Շուշիում հիմնվում է այսպես կոչված «հասարակաց» գրադարան: Լեոն գրում է, որ ընկերությունը գրադարան– ընթերցարանը դարձրել էր «քանգարան վերածնության»⁵³², բնակչության շրջանում տարածելով ռուսական և եվրոպական գրականություն: Նույն ընկերության նախաձեռնությամբ Շուշիի քաղաքային ժողովարանի շենքում 1889թ. կազմակերպվեց գրադարան–ընթերցարան, որտեղ կար 4000 կտոր հայերեն և ռուսերեն գրքեր: 1889թ. մարտի 10-ից մինչև 1896թ. հունվարի 1-ը գրադարանից օգտվողների 85 տոկոսը կազմում էին հայեր, 8 տոկոսը՝ ռուսներ, 4 տոկոսը՝ թուրքեր, 3 տոկոսը՝ այլազգիներ⁵³³:

Նոր շրջանում Արցախում շարունակվեցին հայ միջնադարյան ճարտարապետության ավանդույթները: Միաժամանակ 19-րդ դարի երկրորդ կեսին և 20-րդ դարի սկզբին քաղաքային նոր միջավայրում շինությունները կրում էին դասական ճարտարապետական ոճի դրոշմը՝ հիմքում շարունակելով պահպանել ազգայինը:

1813 թվականից հետո Շուշին արագորեն կառուցապատվում է կանոնավոր քաղաքաշինության սկզբունքով:

Մեսրոպ Թաղիադյանը, նկարագրելով 1820-ական թվականներին Շուշիում ծավալված շինարարությունը, նշում է, թե ինչպես նախկին փայտաշեն եկեղեցիների փոխարեն հայ մեծահարուստ ընտանիքների մեկենասությամբ կառուցվում են քարաշեն հոյակապ տաճարներ, երկհարկանի բնակելի տներ, հյուրանոցներ, խանութներ և կուլտուր–լուսավորական բազմաթիվ շենքեր⁵³⁴:

Ելնելով քաղաքաշինության առանձնահատկություններից՝ քննարկվող ժամանակաշրջանում կազմվել և իրականացվել է Շուշիի կառուցապատման չորս գլխավոր հատակագիծ⁵³⁵:

Շուշու հայաբնակ քաղամասերից յուրաքանչյուրն ունեցել է իր կենտրոնն ու եկեղեցին: Գրանք են՝ Կուսանաց վանք(Անապատի) միանավ, քաղածածկ, եռահարկ զանգակատնով Ս. Աստվածածինը (կառուցված 1816, չի պահպանվել), նոր կամ վերին քաղի խաչածն գմբեթավոր Ս. Հովհաննես Մկրտիչը՝ «Կանաչ ժամ» կամ դարաբաղոց եկեղեցի (1818), Ագուլեցոց Ս. Աստվածածին (1822), Մեղրեցոց Ս. Աստվածածին(1838) եռանավ բազիլիկները (չեն պահպանվել), Գազանչեցոց Ամենափրկիչ մայր տաճարը (1868-87): Վերջինս իր չափերով միայն զիջում է Երևանում կառուցվող ս. Գրիգոր Լուսավորիչ եկեղեցուն:

Հետաքրքիր կոթողներ են համարվում նաև Ամարասի նոր եկեղեցին, Թալիշի ս. Աստվածածինը, Գետաշենի եռանավ բազիլիկը, Առաքյուլի Մարիամ Աստվածածինը, Սարովի ս. Աստվածածինը, Գանձակի եկեղեցին և այլն:

Նկատենք, որ 1914թ. տվյալներով Հայոց եկեղեցու Գարաբաղի թեմն ունեցել է 222 գործող եկեղեցի, 188 սպասավոր, 206 768 հավատացյալ, 224 հայկական գյուղ⁵³⁶:

Շուշում, Հաղրութում, Տոդում, Մեծ Թաղարում, Ճարտարում, Գիշում, Ավետարանոցում, Թալիշում, Գետաշենում, Հաթերքում կառուցվեցին քաղաքատիպ բնակելի և հասարակական շենքեր՝ տպարաններ, դպրոցներ, ուսումնարաններ, ակումբներ, գրադարաններ, խանութներ, հյուրանոցներ, դրանց մեծ մասը, մանավանդ Շուշիի կառույցները, հայ-քաթարական ընդհարումների ժամանակ կործանվեցին: Ուշագրավ են թեմական դպրոցի, ռեալական ուսումնարանի, «Խանդամիրյան» թատրոնի եռահարկ ակումբի շինությունները:

Առանձնակի հետաքրքրություն էր ներկայացնում Շուշիի հայկական թաղերի ժողովրդական բնակելի տների ճարտարապետությունը: Բնակելի տները 2-3 հարկանի էին՝ շինված կոպտաշար կրաքարից, իսկ շենքի անկյունները, բացվածքների շրջանակները, քիվերը, հարդարանքի տարրերը՝ սրբատաշ, երբեմն էլ նախշագարդ

քարից, միջհարկային ծածկերը՝ փայտից:

1903թ. Շուշիի մասին Հրաչյա Աճառյանը գրել է. «Գեղեցիկ էր Շուշի քաղաքը ... տները ընդհանրապես քարաշեն են, սպիտակ, խոշոր, տաշած քարերով շինված: Կտուրը հարթ չէ, այլ ունի եռանկյունաձև տախտակյա տանիք, որ պարսկերեն քարբառով կոչվում է քախքափուշ: Կտորները ներկված են կարմիր, և բարձունքից դիտողը կարմիր, կանաչ և սև գույների զանազանությամբ, սիրուն տեսարան ունի առաջը»⁵³⁷: Այդ ամենին լրացնելով՝ ճարտարապետ Ռաֆայել Իսրայելյանը, 1955թ. լինելով հայրենի երկրամասի կենտրոնում՝ Շուշիում, նկատել է. «Բոլոր տները, առանց բացառության, կառուցված են նույն տիպարով: ...Ստացվել է գեղեցիկ ու հետաքրքիր դասավորություն, որի շնորհիվ այդ քաղաքը բնավ չի կարող ձանձրացնել, չնայած բոլոր տները կառուցված են միևնույն «ճարտարապետությամբ»: ... Դա բոլորովին չի խանգարել, որ Շուշին դառնա կոլորիտային, երփներանգ՝ իր կրկնություններով հանդերձ, ավելին, այդ կրկնությունները գունախառն են ստեղծում տների տարբեր բարձրության ռելիեֆի հարստության որմնախորշերի ու պատշգամբների բազմազանության փողոցների անսպասելի դարձերի շնորհիվ»⁵³⁸:

Շուշիի բնակելի տները 19-րդ դարի հայկական ժողովրդական ճարտարապետության արժեքավոր նմուշներ են, որոնց պահպանությունն ու վերականգնումը համայն հայության, և, առաջին հերթին, արցախահայության սրբազան պարտքն է համարվում: Արցախահայության շինարարական գործունեությունն իր բազմապիսի դրսևորումներն ունեցավ նաև ամրոցաշինության բնագավառում: Առանձնապես հիշատակելի են Շուշիի և Ասկերանի (Մայրաբերդ) բերդերը:

Շուշիի հին բերդը՝ Շիկաքար անունով, գոյություն ուներ դեռևս միջին դարերից և հիշատակվում է Կաղանկատվացու կողմից 821թ. հակաարաբական ընդվզումների կապակցությամբ: 1720-ական թթ. Ավան հայրուրապետը, Շուշի բերդը դարձնելով իր ռազմական հենակետը, ամրացնում է նոր պարիսպներով:

Արցախի մելիքների դեմ պայքարելու նպատակով 1750–1752 թթ. Փանահ խանը, հայ վարպետների միջոցով վերակառուցելով,

բերող դարձնում է անմատչելի: Շուրջ 370 հա տարածություն գրադեցնող բերդի արևմտյան, արևելյան և հարավային հատվածները շրջափակված են բնական պատվարներով, ինչպես դիպուկ բնութագրել է Հակոբ սարկավագ Շուշեցին «...յԱստուծոյ էր անբացրել»: Մնացած հյուսիսային մասը,-նշում է նա,-շրջապատված էր 5000 կանգուն(2,5 կմ) ընդհանուր երկարությամբ պարսպապատերով, որոնց մեջ կա 50 աշտարակ և 4 դարպաս»⁵³⁹: Պարիսպները ունեն 7-8մ բարձրություն: Բերդը ավելի է ամրացվել 19-րդ դարի առաջին քառորդում՝ ռուս-պարսկական պատերազմների ժամանակ: Շուշիի պաշտպանական հնարավորությունները մեծացնելու համար 1788–89 թթ. Կարկառի հովտում կառուցվում է 1,5 կմ պարսպագծով Ասկերանի նշանավոր բերդը:

Արցախում շարունակում է վերելք ապրել կիրառական արվեստը: Դրական տեղաշարժեր կատարվեցին գորգագործության բնագավառում: Լայնորեն արտադրվում էին պատկերագորգեր, ուղեգորգեր, օձագորգեր և այլն: Կատարման որակով և զարդանկարների բարդությամբ արցախյան գորգերը, իրենց մեջ ներառելով հայկական գորգերին հատուկ կողմերը, ունեն նաև առանձնահատկություններ:

Աղբյուրները վկայում են, որ հատկապես Շուշու գավառում բավական զարգացած է եղել գորգագործությունը: «Թեև առանձին գործարաններ չկային, բայց շատ տներում գործում են գորգ, կարպետ, ձիու չուլ և այլն»⁵⁴⁰:

Արցախի պետական պատմաերկրագիտական թանգարանի ազգագրության բաժնում ցուցադրված են 19-րդ դարի և 20-րդ դարի սկզբին պատկանող գորգեր, կարպետներ, խուրջիկներ, մաֆրաշներ (անկողնապարկ), աղաման, ձիու չուլ, արցախցի կանանց ձեռքերով պատրաստած, գունային երանգների և զարդապատկերների բազմազանությամբ աչքի ընկնող ասեղնագործ իրեր:

Այսպիսով, փաստերն ու մեկնաբանությունները վկայում են, որ 19-րդ դարում և 20-րդ դարի սկզբներին արցախահայ մշակույթը առաջընթաց քայլ է կատարում՝ իր մեջ ներառելով ժամանակաշրջանի առաջնային գաղափարները, հիմքում ունենալով ազգայինը:

ԱՐՅԱԽԱՀԱՅՈՒԹՅԱՆ ՊԱՅՔԱՐԸ ՄՈՒՍԱՎԱԹԱԿԱՆ ԱԳՐԲԵՉԱՆԻ ԳԵՄ: Փետրվարյան բուրժուա-դեմոկրատական հեղափոխության հաղթանակից հետո Ժամանակավոր կառավարությունը 1917թ. մարտի 9-ին ստեղծեց Անդրկովկասյան հատուկ կոմիտե (Օգակոմ), որի կարգադրությամբ ստեղծվեցին զավառային, քաղաքային և գյուղական գործադիր կոմիտեներ: Երկրամասը ղեկավարելու համար մարտի 13-ին կազմակերպվեց 40 հոգուց բաղկացած Ղարաբաղի գործերի կոմիտե:

Ժամանակավոր կառավարությունը Արցախը, Գանձակը, Ախալքալաքը և Շարուր-Նախիջևանը ճանաչեց որպես հայկական տարածքներ⁵⁴¹: Այս հանգամանքը, ինչպես նաև մահմեդականների կրոնական անհանդուրժողականությունը առավել խորացրին անվստահությունը հայերի և ազերի-թուրքերի միջև: Արդյունքում՝ Ղարաբաղի գործադիր կոմիտեն կազմալուծվեց: Հայերը իրենց ներքին կյանքը վարելու համար ստեղծեցին Ղարաբաղի Ազգային բյուրո, իսկ թուրքերը՝ Ազգային կոմիտե⁵⁴²:

1917թ. հոկտեմբերյան հեղաշրջումից հետո քաղաքական կացությունը Այսրկովկասում փոխվեց: Երկրամասը անջատվեց Ռուսական կայսրությունից: Իշխանությունը անցավ հայերի, վրացիների և ազերի-թուրքերի ներկայացուցիչներից կազմված Անդրկովկասյան սեյմին: Խախուտ այդ միությունը շուտով փլուզվեց: 1918թ. մայիսի վերջին այսպես կոչված միացյալ կառավարությունը լուծարվեց, և նրա երեք առանձին մասերից գոյացան կառավարություններ: 1918թ. մայիսի 27-ին «Մուսավաթ» կուսակցությունը

նախկին Բաքվի և Ելիզավետապոլի նահանգները հռչակում է ադրբեջանական և առաջին անգամ հավակնում պատմական Հայաստանի բաղկացուցիչ մաս հանդիսացող Ղարաբաղին ու Չանգեզուրին: Ադրբեջանը Թուրքիայի հետ Բաթումում կնքված հաշտությանը և Օսմանյան կայսրապետության կամքով տեր դարձավ նախկին ցարիզմի կողմից սահմանված վերոհիշյալ նահանգներին: Փաստորեն, անխուսափելի էր դառնում բախումը Արաքսից հյուսիս ընկած տարածքների վրա առաջին անգամ հորջորջվող Ադրբեջանի և իր ազատության ու ինքնորոշման համար պայքարող Ղարաբաղի հայության միջև:

Եվ այսպես, աշխարհի քարտեզի վրա գծվում էր մի նոր պետություն, որի հիմքում դրված էր ոչ պատմականության և ոչ էլ էթնիկական պատկանելիության սկզբունքները: Այն ստեղծվեց պանթուրքիստական ու մեծ տերությունների շահանկատ ծրագրերի իրագործման և հայկական հարցի վերջնականապես կործանման համար: «Մի դարաբաղցի ծեր հայ,- գրել է իր «Պատմական հիշատակարանում»-ում Միրզա Տեր-Սարգսյանը (Միտսարը),- Ադրբեջանի պետության առաջ գալու մասին սատ է. «Օսմանցիին և անգլիացիին (օսմանլիին և անգլիան) քոնքի եկան և ցկնեցին ադրբեջանի պետությունը»⁵⁴³:

Հետագայում, իրանական Ատրպատականին հավակնելու համար, Էնվերի եղբոր՝ Նուրի փաշայի խորհրդով այս նորաթուխ մահմեդական պետությունը անվանվեց Ադրբեջան: Նորաստեղծ Ադրբեջանի կառավարությունը շտապում էր թուրքական օկուպանտների օգնությամբ վերջ տալ Լեռնային Ղարաբաղի ինքնուրույնությանը: Ըստ էության, Ադրբեջանում փաստացի իշխանությունը գտնվում էր թուրք զինվորականության տրամադրության տակ: Նրանք զենք ունեցող տեղի մահմեդականներից կազմակերպեցին հրոսակախմբեր: Առանձնապես դաժանորեն էր գործում այսպես կոչված «վայրի դիվիզիան», որի հսկողության տակ էր գտնվում Շուշի-Եվլախ ճանապարհը: Լեռնային Ղարաբաղը կտրվեց արտաքին աշխարհից և հայտնվեց պաշարման օղակի մեջ:

Ամիրաժեշտ էր անցնել ինքնապաշտպանության և պահպանել երկրամասի ինքնուրույնությունը: Այդ հարցը լուծելու համար դաշ-

նակցական կուսակցության նախաձեռնությամբ 1918 թ. հուլիսի 22-26-ին Շուշիում անցկացվեց Ղարաբաղի հայության առաջին համագումարը: Լեռնային Ղարաբաղը համագումարը հայտարարեց անկախ վարչաքաղաքական միավոր, ընտրեց Ղարաբաղի Հայոց Ազգային խորհուրդ և յոթ հոգուց բաղկացած Ղարաբաղի ժողովրդական կառավարություն, որի կազմում հիմնականում դաշնակցականներ էին: Կառավարությունը գլխավորում էր Եղիշե Իշխանյանը⁵⁴⁴: Միաժամանակ Թիֆլիսում քնակվող ղարաբաղցիներից կազմակերպվում է կամավորական մի գունդ, որը անհրաժեշտության դեպքում պետք է պաշտպաներ երկրամասի հայությանը: Մինչև Ղարաբաղ հասնելը այդ գունդը հերոսացավ Սարդարապատում:

Արցախահայության ինքնապաշտպանությունը կազմակերպելու համար Թիֆլիսից Շուշի է գնում զնդապետ Միքայել Մելիք-Շահնազարյանը: Սակայն իրադարձությունները զարգանում էին ի վնաս Ղարաբաղի հայության: Թուրք զավթիչները մուսավաթականների գործուն մասնակցությամբ որոշեցին Ղարաբաղի հայության դիմադրությունը ճնշել զենքի ուժով: Թուրքերը առաջին հերթին Ղարաբաղը կտրեցին Ջանգեզուրից և ավերեցին Բերդաձորի ենթաշրջանի գյուղերը: Աղդանում տեղակայված թուրքական երկրորդ դիվիզիայի հրամանատար Ջեմիլ Ջահիդ Բեյը վերջնագիր ուղարկեց Ղարաբաղի կառավարությանը՝ չդիմադրելու և հպատակվելու պահանջով: Նա միաժամանակ պահանջեց «հեռու մնալ Անդրանիկից»⁵⁴⁵: Մտեղծված կացությունը քննարկելու համար հրավիրեցին Ղարաբաղի հայության երկրորդ (1918 թ. սեպտեմբերի 7-11-ին), ապա երրորդ համագումարները (1918թ. սեպտեմբերի 18-22-ին), որոնք մերժեցին թուրքերի պահանջները: Միաժամանակ զավառներում սղնախական ժամանակներից մնացած ավանդույթով ստեղծվեցին զորակայաններ և նշանակվեցին զորահրամանատարներ: Վարանդայի զորահրամանատարն էր Սուկրատ Բեկ Շահնազարյանը, Գիզակիինը՝ Արտեմ Լալայանը, Խաչենինը՝ Ալեքսան Դային, Ջրաբերդիինը՝ Բագրատ Նազարյանը: Թուրքական բանակը տեղացի մահմեդականների ուղեկցությամբ սեպտեմբերի 22-ին մտավ Լեռնային Ղարաբաղ՝ ավերելով Գաիրազ, Վարագաբույն՝ Փիրջամալ, Նախիջևանիկ, Բյաթուկ, Խրամորթ, Խանարաղ,

Գլխադ, Քարագլուխ գյուղերը: Թուրքական զորամասերը Շուշի մտան սեպտեմբերի 25-ին: Բանակի հետևից շարժվում էր «տեղական քաթարների հագարավոր խուժանը՝ գրավված գյուղերն ու քաղաքը ավերելու և թալանելու նպատակով»⁵⁴⁶:

Թուրքական հրամանատարությունը լուծարեց Գարաբաղի կառավարությունը: Ավելի քան 60 մտավորականներ, այդ թվում և Գարաբաղի Հայոց Ազգային խորհրդի նախագահ Եղ. Իշխանյանը, ձերբակալվեցին ու նետվեցին բանտ: Թեպետ Շուշին ընկավ, սակայն Արցախի գավառները մնացին անառիկ: Ամենուրեք կազմակերպվեցին ինքնապաշտպանական ջոկատներ: Մարտակերտի հայության հերոսական դիմադրության շնորհիվ կանխվեց թուրքերի մուտքը Ջրաբերդի շրջան: Այնուհետև ահեղ մարտեր ծավալվեցին Վարանդայի և Գիգակի շրջաններում:

1918թ. հոկտեմբերին ավելի քան 400 հոգուց բաղկացած թուրք-քաթարական մի զորամաս փորձում է Շուշիից Վարանդայի վրայով անցնել Կարյազիմո՝ նպատակ ունենալով ավերել Գիգակն ու Վարանդան: Գիգակի զորահրամանատար Արտեմ Լալայանը անմիջապես համախմբում է Գիգակի ու Վարանդայի աշխարհագորայիններին և իր քաջարի օգնական, ծննդով Կեմրակունճ գյուղից Ասլանիկին՝ Ասլան Մարգսի Մուրադխանյանին ուղարկում թշնամու ճանապարհը փակելու: Հոկտեմբերի 18-ին Մամնա գյուղի մոտ Գիգակի և Վարանդայի զինված ուժերին հաջողվում է լիովին ջախջախել թշնամու զորամասը: Մի քանի օր անց թուրք-քաթարների ավելի քան 600 ասկյարներից բաղկացած մեկ ուրիշ զորամաս երկրորդ անգամ փորձում է Վարանդայի վրայով անցնել Կարյազիմո⁵⁴⁷: Այս անգամ էլ Գիգակի և Վարանդայի աշխարհագորայինների անկոտրում կամքի շնորհիվ թուրքական հրամանատարությունը ստիպված զորամասը ետ է վերադարձնում Շուշի:

Շուտով Թուրքիան պարտվեց առաջին համաշխարհային պատերազմում, և Անդրկովկասում նրան փոխարինեց Անգլիան: Ադրբեջանը Գարաբաղին ցանկացավ տիրել այս անգամ էլ Անգլիայի օգնությամբ: Այդ օրերին, 1918թ. նոյեմբերի 16-ին զորավար Անդրանիկը արցախցիների խնդրանքով իր ջոկատով շարժվում է դեպի Գարաբաղ: Նա Ջարուխի պաշտպանական

բլուրները գրավելուց հետո մտավ Ավդալլար և նպատակ ուներ շարժվել դեպի Շուշի: Սակայն ղեկտեմբերի 1-ին Անդրանիկը Շուշու նախկին քաղաքագլուխ Գ.Մելիք-Շահնազարյանի անունով Բարձրից ստանում է հեռագիր Անդրկովկասում անգլիական զորքերի հրամանատար Թոմսոնի ստորագրությամբ, որով Անդրանիկից պահանջվում էր զորաշարժի անհապաղ դադարեցում: Հաջորդ օրը՝ ղեկտեմբերի 2-ին, Ավդալլար է ժամանում Անտանտի ռազմական միախան և Անդրանիկին հանձնում Թոմսոնի նամակը, որում մասսամբ գրված է. «Ես ձեզ նախագուշացնում եմ, որ եթե դուք չկատարեք ինձնից ստացված հրահանգերը, դուք անձամբ պատասխան կտաք ձեր զործողությունների հետևանքով առաջացած արյունահեղության համար: Իմ հրահանգը կատարելուց ձեր ամեն տեսակ խուսանավումը անպայման լրջորեն կանդրադառնա հայ ժողովրդի հարցի վրա, երբ այն կդրվի խաղաղության կոնֆերանսում...»⁵⁴⁸:

Անդրանիկը ստիպված տեղի տվեց և վերադարձավ Գորիս: Նենգ Արբիոնը, մի կողմից հայտարարելով, որ վիճելի տարածքների ճակատագիրը կորոշվի Փարիզի Խաղաղության կոնֆերանսում, մյուս կողմից՝ 1919թ. հունվարի 15-ին Ղարաբաղում և Ջանգեզուրում ստեղծեց գեներալ-նահանգապետություն և նահանգապետ նշանակեց հայտնի հայատյաց Խոսրով Բեկ Սուլթանովին: Այդ առթիվ Թոմսոնին փոխարինած գեղապետ Շատելվորդի պաշտոնական հաղորդագրության մեջ ասված է. «...քիչկ Սուլթանովը նշանակված է Շուշվա, Ջանգեզուրի, Ջերբայիլի և Ջիվանշիրի գավառների գեներալ նահանգապետ և օգտվում է անգլիական հրամանատարության պաշտպանությունից...»⁵⁴⁹:

Ադրբեջանը, ոգևորվելով նման հովանավորությունից, նոր վերջնագիր ներկայացրեց Ղարաբաղի Հ այոց Ազգային Խորհրդին: Այդ նպատակով Սուլթանովը ստանում է նոր ուժեր և արցանի մեջ առնում Արցախը: Մուսավաթական Ադրբեջանի վերջնագիրը քննարկելու համար 1919թ. փետրվարի 12-21-ին Շուշիի թեմական դպրոցում հրավիրվեց Ղարաբաղի հայության չորրորդ համագումարը: «Հայկական Ղարաբաղը,- ասված է համագումարի որոշման մեջ,- իրազեկ է պահել ամբողջ աշխարհին, որ նա իր տարածքում չի ըն-

դունել և չի ընդունում Ադրբեջանի իշխանությունը»⁵⁵⁰: Նույն վճռականությունը հանդես բերին նաև հինգերորդ և վեցերորդ համագումարները: «Ղարաբաղի հայության քաղաքական, պատմական, կուլտուր-իրավական և մանավանդ տնտեսական պայմանները, - ասված է 5-րդ համագումարի որոշման մեջ,- չեն կարող ոչ մի դեպքում հիմք ծառայել հայ ժողովրդի շնքին փաթաթելու Ադրբեջանի թեկուզ ժամանակավոր իշխանության վարչական ձևը»⁵⁵¹:

Արցախի հայությանը նեցուկ կանգնելու նպատակով 1919թ. ապրիլի սկզբին Հայաստանի կառավարությունը փոխզնդապետ Արզումանյանին նշանակում է Ղարաբաղի գործերի և կառավարման գծով Բրիտանական հրամանատարության լիազորին առընթեր ներկայացուցիչ⁵⁵²:

Արցախ ուղարկվեցին ծագումով արցախցի մի խումբ քաղաքական գործիչներ և սպաներ, որոնց առջև խնդիր դրվեց կազմակերպել տեղի հայության ինքնապաշտպանությունը:

Սուլթանովը, արցախահայության վճռականությունից գազազած, որոշեց բնակչությանը խեղդել սովի ճիրաններում: Այդ նպատակով դեպի Դաշտային Ղարաբաղ տանող բոլոր ճանապարհները փակվեցին: Հրի ու սրի մատնվեցին մի քանի հայկական գյուղեր: Առանձնակի դաժանությունների ենթարկվեցին Ղայրալիշենի հայերը: «Գյուղի բոլոր տները այրվում են,- պատմում է արխիվային վավերագիրը,- իսկ կիսավեր և այրված տները լի են դիակներով: ... 70 տուն ունեցող գյուղի բնակչությունից ազատվել են մոտավորապես 160 հոգի: Կոտորածի ժամանակ քաղաքից (Շուշիից-Վ.Բ.) դիտելիս են եղել անգլիացիք և ոչ մի միջոց չեն ձեռք առել կոտորածը դադարեցնելու»⁵⁵³: Այս և Սուլթանովի մյուս չարագործությունների մասին վկայել են Ադրբեջանի պառլամենտի անդամներ Կարաբեկովը և Ռուստամբեկովը⁵⁵⁴: Վերոհիշյալ չարագործությունները ղեկավարում էին թուրք էմիսարները: «Պատգամավոր Խոջայանի ստացած տեղեկություններով իբր թե Էնվերը գտնվում է Սուլթանովի հայտնի բնակավայրում- Հաջի Սալմոնում, իսկ անգլիացիների ունեցած տեղեկություններով նա իբր թե գտնվում է Աղդամում»⁵⁵⁵:

Եվ այդպիսի լարված իրավիճակում 1919թ. օգոստոսին, Շոշ գյուղում հրավիրվեց արցախահայության յոթերորդ համագումարը:

Չգտելով խուսափել նոր արյունահեղությունից՝ ժամանակ շահել և կենտրոնացնել առկա ուժերը, համագումարը գնաց փոխզիջման: Համագումարի կողմից ընտրված 16 հոգուց բաղկացած պատգամավորությունը օգոստոսի 22-ին Սուլթանովի հետ քննարկեց և ստորագրեց 26 կետից բաղկացած համաձայնագիր⁵⁵⁶, որով Լեռնային Ղարաբաղը մինչև Փարիզի խաղաղության կոնֆերանսում հարցի վերջնական լուծումը իրեն ժամանակավորապես համարում է Ադրբեջանի սահմաններում: Ադրբեջանի զորքերը չեն մտնում Ղարաբաղ, երկրամասի գործերը առաջվա նման վարելու էին Հայոց Ազգային Խորհուրդը և հայության համագումարները: Սուլթանովը, ավելի հեռուն գնալով Ղարաբաղի Ազգային Խորհրդից պահանջում է վերջնականապես ենթարկվել մուսավաթական Ադրբեջանին: Միաժամանակ նա հրամայեց մուսավաթական բանակը տեղաշարժել և կենտրոնացնել ռազմական նշանակություն ունեցող կետերում՝ այստեղից Չանգեզուր ներխուժելու միտումով:

Ստեղծված իրավիճակը քննարկելու համար 1920թ. փետրվարի 28-ից մինչև մարտի 5-ը Շոշ գյուղում հրավիրվեց արցախահայության ութերորդ համագումարը, որը մերժեց Սուլթանովի պահանջը և գտավ, որ օգոստոսի 22-ի համաձայնագիրը Ադրբեջանի կողմից պարբերաբար խախտման հետևանքով կորցրել է իր ուժը: Համագումարը մուսավաթական կառավարությունից պահանջում է վերջ տալ կոտորածներին, այլապես «նման դեպքերի կրկնությունը կստիպի Լեռնային Ղարաբաղի հայությանը՝ իրենց կյանքն ու պատիվը պաշտպանելու համար դիմել համապատասխան միջոցների»⁵⁵⁷: Կազմակերպվեց Ղարաբաղի պաշտպանության կենտրոնական մարմին՝ շրջաններում իր ճյուղավորումներով⁵⁵⁸:

Մարտին սկսվեց համաժողովրդական ապստամբություն: Ադրբեջանական ուժերի հարձակումը սկսվեց 1920թ. մարտի 22-ի երեկոյան: Առավել կատաղի մարտեր ծավալվեցին Ասկերանի ռազմաճակատում: Հայկական փոքրաթիվ ուժերը Գալի Ղազարի զլխավորությամբ մարտի 27-29-ը մի քանի ջախջախիչ հարվածներով հետ մղեցին ադրբեջանական մեծաքանակ զորքերի հարձակումները: Բանն այնտեղ հասավ, որ ահաբեկված ազերիները ստիպված էին թողնել Աղղամը և մի քանի սահմանամերձ բնակավայրեր: Խայտա-

ռակ պարտության հետևանքով Ադրբեջանի զորքերի գլխավոր հրամանատար գեներալ Սելիմովը հեռացվեց պաշտոնից: Պարտությունից կատաղած մուսավաթական կառավարությունը նորանոր ուժեր է նետում ռազմաճակատ: Արդեն մարտի 30-ին Ղարաբաղի ռազմաճակատում կենտրոնացվեց Ադրբեջանի կանոնավոր բանակի 70-80 տոկոսը, բազմահազար «կամավորական» խաժամուժ, այստեղ մնացած թուրքական բազմաթիվ ջոկատներ, Գաղստանցի մուսուլմանների և քրդական զորախմբեր, ծանր ու թեթև հրետանի: Չորքերի ընդհանուր քանակը հասնում էր մոտ 80000-ի⁵⁵⁹:

Ապրիլի 3-ին, օգտվելով քանձր մառախուղից, թշնամին իր գերազանց ուժերով ճեղքեց պաշտպանական գծի ճակատը և շարժվեց դեպի Շուշի: Ղարաբաղը բաժանվեց երկու մասի, Ադղամ-Շուշի ճանապարհը ընկնում է հակառակորդի ձեռքը: Գալի Ղազարը կորուստներ չտալու համար իր ջոկատին հրամայում է նահանջել, իսկ ինքը մնում է և կռվում մինչև վերջին փամփուշտը, իսկ վերջին գնդակը ուղղում իր քունքին:

Հեշտ հաղթանակի սովոր թուրքը լեռնաստանում հանդիպեց համար դիմադրության: Ապրիլի 5-13-ը լարված մարտեր տեղի ունեցան Վարանդայի ուղղությամբ: Մղնախ գյուղի տակ թշնամին մեծաքանակ կորուստներ է տալիս, որի հետևանքով, ինչպես նաև Հայաստանից սպասվելիք օգնության լուրն առնելուց հետո լքում է ռազմաճակատի գիծը:

Չնայած Հայաստանի Հանրապետության ծանր վիճակին՝ կառավարությունը 1920թ. ապրիլի 14-ին Չանգեզուրից Վարանդա ուղարկեց Գրոյին, իսկ Ղափանից Գիզակ՝ Նժդեհին: Այդ օրերին կազմվեց Արցախի ժամանակավոր կառավարությունը, որի կազմը հաստատեց Վարանդայի Թաղավարդ գյուղում 1920թ. ապրիլի 25-ին հրավիրված Ղարաբաղի հայության 9-րդ համագումարը: Միաժամանակ համագումարը որոշեց «հռչակել Լեռնային Ղարաբաղի միացումը Հայաստանի Հանրապետությանը՝ որպես նրա անբաժան մաս»⁵⁶⁰:

Արցախը պաշտոնապես ընդունում է Հայաստանի Հանրապետության դրոշը, զինանշանը, հիմնը, դրամը⁵⁶¹:

Չնայած ծանր կորուստներին՝ արցախահայությունը հա-

սավ իր բաղձալի նպատակին՝ վերամիավորվեց մայր Հայաստանին:

ԽՈՐՀՐԳԱՅԻՆ ԿԱՐԳԵՐԻ ՀԱՍՏԱՏՈՒՄԸ ԱԳՐԲԵՋԱՆՈՒՄ ԵՎ ԱՐՑԱԽԱՀԱՅՈՒԹՅԱՆ ՆՈՐ ԳՈՂԳՈԹԱՆ: 1920թ. ապրիլի 28-ին Ադրբեջանում խորհրդային կարգերի հաստատումը նոր արհավիրքներ բերեց արցախահայությանը: Երեկվա մուսավաթականները մորթափոխվելով դարձան բոլշևիկներ: Ապրիլի 29-ին Սուլթանովը ստեղծում է Ղարաբաղի հեղկոմ և իրեն հռչակում նրա նախագահ: Արցախահայության գոյապայքարը քակոխեց մի նոր շրջան: Այս անգամ գույնը փոխած Ադրբեջանը փորձում է խորհրդային Ռուսաստանի աջակցությամբ տիրանալ Լեռնային Ղարաբաղին: Խորհրդային Ադրբեջանի կառավարությունը և 11-րդ կարմիր բանակի հրամանատարությունը Հայաստանի հանրապետությանը վերջնագիր են ներկայացնում՝ անհապաղ մաքրելու Լեռնային Ղարաբաղի տարածքը: Այս պահանջով խորհրդային Ռուսաստանը կայացման փուլում խախտեց իր իսկ հայտարարած բարձրակոչ սկզբունքները, այն է ազգերի ինքնորոշման սկզբունքը: Գժրախտարար խորհրդային իշխանության գոյության ողջ ընթացքում հարցերի նմանօրինակ լուծումը դարձավ գործելակերպ, որը հետագայում կործանարար եղավ ծավալապաշտ կայսրության համար:

Հիշենք, որ 1917թ. հոկտեմբերյան հեղաշրջումից հետո «Ռուսաստանի ժողովուրդների իրավունքների հռչակագրի» համաձայն բոլոր ժողովուրդները ստանում են ազատ ինքնորոշման իրավունք: Ընդ որում դրանից օգտվում է նաև ժողովրդի հիմնական մասից բաժանված առանձին էթնոտարածքը: Բնական է, որ այդ իրավունքը տարածելի է նաև զբաղեցրած պատմական տարածքի վրա: Հետագայում բոլոր խորհրդային սահմանադրությունները արձանագրեցին ինքնավարությունը (անկախ մարզային կամ հանրապետական) ազատ ինքնորոշման իրավունքի սուբյեկտ հանդիսանալու փաստը⁵⁶², ինչը ճանաչված է նաև Խորհրդային Միության միջազգային պայմանագրերում: Պարզ է, որ այս պայմաններում Լեռնային Ղարաբաղը, մանավանդ հետագայի ԼՂԻՄ-ը, սահմանադրական միավոր է և ունի հետևաբար ինքնորոշման իրավունքի սուբյեկ-

տի կարգավիճակ:

Պատեհ առիթն օգտագործելով՝ Աղբրեջանը ձգտում էր Լեռնային Ղարաբաղից բացի իրեն կցել Նախիջևանն ու Չանգեզուրը: Չավթողական նման պահանջը հիմնավորվում էր «դաշնակցական» Հայաստանի հետագա «հզորացումը» կանխելու և Աղբրեջանում խորհրդային իշխանությունը «դիսկրիմինացիայի» չենթարկելու համար:

1920թ. մայիսի 12-ին Շուշի մտավ 11-րդ կարմիր բանակի 32-րդ դիվիզիայի 281-րդ գունդը:

Արցախը հայտարարվեց Խորհրդային Աղբրեջանի մաս: Այդ օրերին՝ մայիսի 19-ին, Վարանդայի Կարաբուլաղ գյուղում տեղի ունեցան կովկասյան ռազմաճակատի խորհրդի անդամ Ս. Տեր-Գարրիելյանի և Ղարաբաղում հայկական զորքերի հրամանատար Գրոյի բանակցությունները: Սահակ Տեր-Գարրիելյանը Գրոյից կտրականապես պահանջեց հայկական զորամասերը դուրս բերել Արցախից: Ստեղծված պայմաններում Գրոն ստիպված մայիսի 25-ին հեռացավ Արցախից:

Երկարատև պատերազմներից հոգնած ժողովուրդը ընդունեց նոր՝ խորհրդային կարգերը՝ նրա հետ կապելով իր ազգային խնդիրների արդարացի լուծման հարցը: Հաջորդ օրը Թաղավարդ գյուղում տեղի ունեցավ Արցախի հայության 10-րդ համագումարը, որը Լեռնային Ղարաբաղը հայտարարեց խորհրդային, ստեղծվեց հեղկոմ՝ Մարտ Համբարձումյանի նախագահությամբ⁵⁶³:

Սակայն խորհրդային կարգերի հաստատումը ցանկալին չտվեց Ղարաբաղի հայությանը: Աղբրեջանի խորհրդային հանրապետության ղեկավարները Խորհրդային Ռուսաստանի ազգությունների կոմիսար Մտալինի աջակցությամբ ձեռնամուխ եղան Արցախը Աղբրեջանին բռնակցելու սև գործին: Պահը շատ հարմար էր. Աղբրեջանը այսպես ասած՝ խորհրդային էր, իսկ Հայաստանը, այսպես ասած՝ «միջազգային իմպերիալիզմի գործակար»: Իսկ միջազգային իմպերիալիզմի ղեմ կռվում էր կարմիր բանակը: Եվ սկսվեց մի դրամատիկ ու ողբերգական պայքար...: Սակայն Ղարաբաղի հարցում բուլշևիկյան կուսակցության և խորհրդային պետության որոշ գործիչներ (Ս. Կիրով, Գ. Չիչերին, Բ. Լեզրան) արդարացիորեն գտ-

նում էին, որ Ղարաբաղը, Չանգեզուրը, Նախիջևանը պատմականորեն կազմում են Հայաստանի անքակտելի մասը և հետևապես, պետք է վերամիավորվեն նրա հետ⁵⁶⁴: Սակայն այդ գործիչների խոսքը մնաց որպես ձայն քարբառռ անապատի:

1920թ. ամռանը և աշնանը Ադրբեջանում լայն քարոզչություն է ծավալվում կեղծելով ու եղծելով պատմությունը՝ իրենց ցանկություններին համապատասխանեցնելու ճանապարհով, հորինվեց մի մտացածին վարկած, ըստ որի՝ Մեծ Հայքի մաս կազմող Արցախը, Ուտիքը, Նախիջևանը պատմականորեն Ադրբեջանի բաղկացուցիչ մասն են: Խորհրդային Ռուսաստանի օգնությամբ Ադրբեջանը Արցախը վերջնականապես կլանելու մի նոր ու առավել կատաղի պայքար սկսեց:

ՌԿ(Բ)Կ ԿՈՎԿԱՍՅԱՆ ԲՅՈՒՐՈՅԻ 1921Թ. ՀՈՒԼԻՍԻ 5-Ի ՌՐՈՇՈՒՄԸ: ԱՐՅԱԽԻ ԲՈՆԱԿՑՈՒՄԸ ԽՈՐՀՐԳԱՅԻՆ ԱԳՐԲԵՋԱՆԻՆ: 1920թ. սկզբներին կտրուկ փոփոխություն կատարվեց խորհրդային Ռուսաստանի արտաքին քաղաքականության մեջ: Մինչ այդ բոլշևիկները հավատացած էին, թե ահա ուր որ է, սոցիալիստական հեղափոխության ալիքները տարածվելու են Եվրոպայով ու հյուսիսային Ամերիկայով մեկ, ամենուր տապալելու են կապիտալիզմը և հաստատելու են խորհրդային կարգեր:

Բայց 1918թ. Գերմանիայում և 1919թ. Հունգարիայում հեղափոխությունը պարտվեց, ստեղծված խորհուրդները ցրվեցին: Հակախորհրդային ալիքը մոլեգնեց Եվրոպայով մեկ: Նման պայմաններում Խորհրդային Ռուսաստանը «հայացքը» ուղղեց դեպի արևելք, նպատակ ունենալով համաշխարհային սոցիալիստական հեղափոխության ուտոպիստական գաղափարները արտահանել դեռևս միջնադարյան թանձր խավարում խարխափող ասիական երկրներ: Առիթն օգտագործելով՝ Ադրբեջանի հեղկոմի նախագահ Նարիմանովը եռանդուն գործունեություն ծավալեց, որպեսզի Հայաստանի հաշվին հնարավորին չափ տարածքային զիջումներ արվեն՝ հօգուտ Թուրքիայի և Ադրբեջանի:

Արցախի հարցի շուրջ վիճարանությունները նոր ընթացք ստացան Հայաստանում խորհրդային կարգեր հաստատվելուց հետո: Ադրբեջանի կոմկուսի Կենտկոմի քաղբյուրոյի և կազմբյուրոյի նո-

յեմբերի 30-ի համատեղ նիստում ընդունվեց մի որոշում, որի մեջ ասված էր. «Ադրբեջանի բանվորագյուղացիական կառավարությունը, ստանալով ապստամբած գյուղացիների անունից Հայաստանը սոցիալիստական խորհրդային հանրապետություն հայտարարելու ուրախալի լուրը, ողջունում է եղբայրական ժողովրդի հաղթանակը: Այսօրվանից Հայաստանի և Ադրբեջանի միջև եղած սահմանային վեճերը հայտարարվում են վերացած: Լեռնային Ղարաբաղը, Ջանգեզուրը և Նախիջևանը համարվում են Հայաստանի Սոցիալիստական հանրապետության մասը»⁵⁶⁵: Այդ որոշումը վավերացվեց 1920թ. դեկտեմբերի 1-ին Բաքվի խորհրդի ընդլայնված նիստում ընդունված հռչակագրով⁵⁶⁶:

Գեկտեմբերի 1-ի հռչակագիրը ողջունեցին Ի. Ստալինը, Ս. Օրջոնիկիձեն, Ս. Կիրովը և պետական ու կուսակցական մի շարք հայ գործիչներ: Հռչակագրի հիման վրա և ՌԿ(բ)Կ Կովկասյան բյուրոյի 1921թ. հունիսի 3-ի պլենումի որոշմամբ 1921թ. հունիսի 12-ին Հայաստանի հեղկոմը ղեկընտռվ ազդարարում էր, որ «Ադրբեջանական ԽՍՀ Հեղկոմի հռչակագրի և Հայաստանի ու Ադրբեջանի Խորհրդային Սոցիալիստական Հանրապետությունների փոխադարձ համաձայնության հիման վրա հայտարարվում է, որ Լեռնային Ղարաբաղը Հայկական Սոցիալիստական հանրապետության անբաժանելի մասն է»⁵⁶⁷: Ասքանազ Մռավյանը Լեռնային Ղարաբաղում նշանակվեց ՀՀ Արտակարգ լիազորի պաշտոնում:

Սակայն Ադրբեջանի հեղկոմի նախագահ Ն. Նարիմանովը, որը ստորագրել էր վերոհիշյալ հռչակագիրը և մասնակցել Կովկասյան բյուրոյի 1921թ. հունիսի 3-ի պլենումի որոշման ընդունմանը, շատ չանցած՝ դեմ դուրս եկավ Լեռնային Ղարաբաղը Խորհրդային Հայաստանին վերամիավորելուն: Նա սպառնալից պնդում էր, որ հարցը ի օգուտ Ադրբեջանի չլուծվելու դեպքում հետևանքների համար հեղկոմը պատասխանատվությունն իր վրայից վերցնում է, քանի որ հանրապետությունում ուժեղանում են «հակախորհրդային խմբերը»: Չմայած դրան՝ Ստալինի ներկայությամբ ՌԿ(բ)Կ Կովկասյան բյուրոյի պլենումը 1921թ. հուլիսի 4-ին, լսելով խնդրո առարկա հարցը, ձայների մեծամասնությամբ վճռում է Լեռնային Ղարաբաղը վերամիավորել Խորհրդային Հայաստանին: Նարիմանովը բողոքում

է սույն որոշման դեմ և պահանջում հարցը տեղափոխել ՌԿ(Բ)Կ Կենտկոմ: Հուլիսի 5-ին նորից գումարվում է ՌԿ(Բ)Կ Կովկասյան բյուրոյի նիստը, որի ժամանակ, առանց քննարկելու և քվեարկութեան դնելու, կամայականորեն որոշվում է Լեռնային Ղարաբաղը միացնել Ադրբեջանին⁵⁶⁸:

Փաստորեն, Լեռնային Ղարաբաղի ճակատագիրը որոշվել է ոչ սահմանադրական և իրավասութիւն չունեցող կուսակցական մարմնի՝ ՌԿ(Բ)Կ Կենտկոմի Կովկասյան բյուրոյի 1921թ. հուլիսի 5-ի կամայական որոշմամբ: Այս առթիվ տեղին է նշել ռուս մեծ գրող Ալեքսանդր Մոլժենիցիևի խոսքը. «...Իլլիչն առաջինն է սահմանների հարցը համարել «նույնիսկ տասներորդական»: Այսպես են Ղարաբաղը կտրել, միացրել Ադրբեջանին, ի՞նչ տարբերություն, քե որտեղ, այն ժամանակ հարկավոր էր սիրաշահել սովետների սրտակից բարեկամին՝ Թուրքիային»⁵⁶⁹:

1921թ. հուլիսի 7-ին Լենինի նախագահությամբ ՌԿ(Բ)Կ քաղբյուրոյի նիստում նորից քննարկվեց Լեռնային Ղարաբաղի հարցը: Որոշվեց տարածքային վեճերը լուծելիս հիմք ընդունել էքնիկական գործոնը, ազգերի ինքնորոշման իրավունքը: Գա սուսկ դեկլարատիվ հայտարարություն էր: Գժբախտաբար, նման մոտեցումը խորհրդային իշխանության գոյության ողջ ընթացքում դարձավ գործելակերպ: Պատահական չէր, որ մեկ օր հետո՝ հուլիսի 8-ին, Մտալինը հեռագրում է Օրջոնոկիձեին և պարտադրում նրան «վիճելի հարցերը լուծել հօգուտ Ադրբեջանի և Թուրքիայի»⁵⁷⁰:

Այսպիսով, խորհրդային իշխանության արշալույսին հայ ժողովրդի իրավունքները գոհարեղվեցին համաշխարհային կարմիր հեղափոխության սին գաղափարին:

ԱՐՑԱԽԱՀԱՅՈՒԹՅԱՆ ՀԱԿԱՆՈՐՀՐԳԱՅԻՆ, ՀԱԿԱՍԳԻՐԲԵՉԱՆԱԿԱՆ ՊԱՅՔԱՐԸ 1920-21ԹԹ.: Արցախահայության այն հույսը, քե խորհրդային կարգերի հաստատումը կնպաստի մայր հայրենիքի հետ միանալուն, շուտով հողս ցնդեց, և միանգամայն պարզ դարձավ, որ 11-րդ կարմիր բանակը երկրամասը բռնագավթել է՝ ի օգուտ խորհրդային Ադրբեջանի:

11-րդ կարմիր բանակը դարձել էր Ադրբեջանի կառավարությանը ենթակա պատժիչ ջոկատ, որի նպատակն էր Արցախն ու Չան-

գեգուրը բռնակցել Ադրբեջանին⁵⁷¹:

Տիրելով Արցախին՝ 11-րդ կարմիր բանակը 1920թ. հունիսին ժամանակավորապես նվաճեց Ջանգեզուրի մի մասը: Սկսվեցին մասսայական բռնություններն ու թալանը: Գրոն գրում է, որ Ջանգեզուրում և Միսիանում կարմիրների չորսշաբաթյա գործունեությունը համոզում է, որ դա եղել է «համատարած մղձավանջային թալանի և խաղաղ աշխատավոր գյուղացիության նկատմամբ ուժի գործադրում»⁵⁷²: Արխիվային մի փաստաթղթում ասված է, որ կարմիրները գյուղերի և Գորիսի եկեղեցիները դարձրել են ախոռներ⁵⁷³:

11-րդ կարմիր բանակի 28-րդ հրաձգային դիվիզիայի հրամանատար Նեստերովսկու 1920թ. հոկտեմբերի 14-ի հմ.-29 հրամանով 83 և 84-րդ բրիգադների հրամանատարներից պահանջվում էր «խուսափել ամեն տեսակի մարդասիրական միջոցներից և դաժան լինել ապստամբ բնակչության հետ, որպեսզի նա զգա բանվորական բռունցքի թափը: Գիմադրողներին գերի չվերցնել և կենդանի բաց չթողնել...»⁵⁷⁴:

Գարեգին Նժդեհի ազատագրական բանակի հարվածների տակ 11-րդ կարմիր բանակը ստիպված հանգրվանեց Արցախում: Անպատեղիության մթնոլորտում Արցախում լայն ծավալ ստացան բռնություններն ու ալան-թալանը: 1920թ. նոյեմբերի 30-ին Գարեգին Նժդեհը 11-րդ կարմիր բանակի հրամանատարներից մեկին՝ Մեմյոնովին գրված նամակում, մերկացնելով կարմիր բանակի հակահայկական, հակաժողովրդական գործունեությունը, փաստերով ցույց է տալիս, թե հուլիսից մինչև նոյեմբերի վերջերը այդ «ազատարարները» Ադրբեջանի և բոլշևիկների պահանջով ինչպիսի անմարդկային արարքներ են կատարել Սյունիքում և Արցախում՝ կողոպտելով առանց այն էլ կարիքի մեջ գտնվող Ղարաբաղը և Ջանգեզուրը: Նժդեհը կարմիրների պարտության պատճառները համարում է նրանց քաղաքական անհամբերությունն ու աղանդավորությունը⁵⁷⁵:

Հարկ է նշել, որ, ի տարբերություն խորհրդային Հայաստանի, Լեռնային Ղարաբաղում բոլշևիկները եկեղեցու և հոգևորականության նկատմամբ ավելի անսանձ ու կամայական քաղաքականություն էին վարում: Եթե խորհրդային Հայաստանում եկեղեցին դիտ-

վում էր որպես նոր կարգերին ընդդիմադիր ուժ, ապա Ղարաբաղում այն համարվում էր նաև հակաադրբեջանական շարժումը ոգեշնչող ու կազմակերպող գործոն: Ուստի և, պատահական չէր, որ 1920թ. ամռանը ձերբակալված մի խումբ հայրենասերների շարքում եղան նաև հոգևորականներ: Արմենակ Ղարազոզյանի հրամանով ձերբակալվեցին Տեր-Մեսրոպ Շահնագարյանը, Գալի Մահրասան, Բեգլար Միրումյանը, Կարապետ Ասրյանը, կապիտան Արամյանը և ուրիշներ, որոնց տարան Թարթառ, հանձնեցին թուրք դահիճներին, որոնք էլ բոլորին կացնահարեցին⁵⁷⁶:

1921թ. փետրվարի 24-ին 11-րդ կարմիր բանակի հրամանատարությանը հասցեագրած բաց նամակում գրված է. «Գուր էիք, որ խարելով, ավարի ու ավերածության մատնեցիք ըմբոստ ու ազատասեր Ղարաբաղը, Սյունիքն ու Վայոց ձորը, սոցիալական քայքայումի հետ անաստվածորեն առաջ տարաք այդ լեռնաշխարհը լցնող ժողովրդի գլխատման տխուր գործը»: Եվ ապա՝ «Ձեր միայն թալանի մեջ մարզված ու Ղարաբաղում կին ու երեխաներ կոտորելու գործում մասնագիտացած գորքերը չեն, որ պիտի պաշտպանեն ձեր ձեռքերով գլխատված ու զինաթափ եղած հայ աշխատավորությանը»⁵⁷⁷: Արցախում խորհրդային կարգերի հաստատումը համընկավ Խորհրդային Ռուսաստանում իրականացվող «ռազմական կոմունիզմի» քաղաքականության վերջին շրջանին: Առաջին հերթին երկրամասում կործանեցին մախկին իշխանության մարմինների կառուցվածքները և ստեղծեցին նորերը՝ հեղափոխական կոմիտեներ: Գրանք նշանակովի մարմիններ էին, որտեղ կադրերի ընտրությունը կատարվում էր բոլշևիկյան սոցիալ-դասակարգային սկզբունքով ու մոտեցումներով:

Ղեկավար պաշտոններում առաջ էին քաշում չքավոր գյուղացիների ներկայացուցիչներին, որոնք էլ, օգտվելով առիթից, առանց դատ ու դատաստանի, հաշվեհարդար էին տեսնում մարդկանց հետ, լուծում նեղ անձնական բնույթի հարցեր: Առավել առողջ ու կիրթ, շատ թե քիչ բարեկեցիկ կյանքով ապրողներին, համարելով խորհրդային կարգերին խորթ տարրեր, մեկուսացնում էին: Նման վերաբերմունքի հետևանքով շատերը հեռացան Լեռնային Ղարաբաղից: Արխիվային փաստաթուղթը պատմում է. «նրանցից շատե-

րը բանտարկվեցին և տասնյակներով գնդակահարվեցին: Այդ հանգամանքը ստիպում է շատերին պաշտպանվել անտառներում», կամ էլ անցնել Ջանգեզուր և միանալ Նժդեհի ապստամբ ուժերին⁵⁷⁸: Ժամանակակիցը գրում է. «Առանց որևէ դատի ու քննության կացնահարում և տնարդի եղանակով սպանվում են Թարթառում Ղարաբաղի հայ գյուղացիության շահերին երկար տարիներ նվիրված գործիչները. հարյուրավոր ինտելիգենտ ուժեր տարվում են Բաքու, Գանձակ, Շուշի և փակվում բանտերում»⁵⁷⁹:

Ղարաբաղում և Ջանգեզուրում ողջ հայությունը զինաթափ է արված բոլշևիկների կողմից և «վայրագություններին չափ ու սահման չկար: Քայքայված գյուղացիներից պահանջում են տասնյակ հազարավոր փթերով ցորեն ու գարի, խլում են ամբողջ երկրի բերքը, տավարը, և այլ սեփականություն և զիջերով ուղարկում Բաքու կամ Ռուսաստան: Գյուղերում շրջող զինված պահակները... գործադրում են ահաբեկության բոլոր միջոցները...

Հայերին գոռով հավաքագրում են և ստիպում ծառայել Ադրբեջանի բանակում: Թուրքերն ուժեղ պրոպագանդա են մղում հայ ազգաբնակչությանը Ադրբեջանին հպատակ դարձնելու համար: Ուժով ստիպում են ստորագրել Ադրբեջանի իշխանությունը ճանաչելը»⁵⁸⁰:

Լեռնային Ղարաբաղում տեղադրված զորամասերին ապահովելու նպատակով քալանում էին բնակչությանը, տանում բանող անասունները և հացի վերջին կտորը: 1920թ. սեպտեմբերին ներքին գործերի կոմիսարիատի կողմից ուղարկված հատուկ հանձնաժողովը, ստուգելով գավառներում կատարվող բռնագրավումները, արձանագրում է. «28-րդ դիվիզիայի մթերային բաժինը սկսել է մթերումը, բնականորեն մթերողները նշանակել են իրենք, և կատարվեց ոչ քե ավելցուկ մթերքների վերցնում, այլ գյուղացիների իսկական քալանում... համարյա ուժի միջոցով»: Տեղերում հեղկոմների բռնաբարքների հետևանքով «միջակ և չքավոր գյուղացիները ախ ու վախ են անում» և արագորեն քայքայվում էին գյուղացիական տնտեսությունները⁵⁸¹:

Այս ամենը վրդովմունքով է ընդունում Լեռնային Ղարաբաղի աշխատավորությունը: Գժգոհություններն ու բողոքները շիկանում, լցվում էր ժողովրդի համբերության բաժակը:

1920թ. աշնանից մինչև 1921թ. ապրիլն ընկած ժամանակահատվածը Արցախն ապրում էր քաղաքացիական պատերազմի ժամանակաշրջան: Խորհրդային պատմագրության կողմից այս շարժումը որակվել է որպես դաշնակցական քանիստական խռովություն:

1920թ. աշնանը Արցախում բռնկված ժողովրդական ապստամբությունը ղեկավարելու համար Գրոն Թևան Ստեփանյանին նշանակում է Լեռնային Գարաբաղում Նժդեհի տեղակալ: 1920թ. աշնանը Կապանում Թևան Ստեփանյանը հանդիպում է Գարեգին Նժդեհի հետ: Սպարապետը ապստամբների առաջ խնդիր է դնում՝ Լեռնային Գարաբաղը միավորել Չանգեզուրի և Հայաստանի հետ: Ապստամբությունը, բռնկվելով Գիգակում, շուտով ընդգրկում է ամբողջ Արցախը: Կարճ ժամանակաշրջանում ապստամբների թիվը հասնում է 1800-ի⁵⁸²:

Ապստամբները կարճ ժամանակահատվածում ազատագրում են ամբողջ Գիգակը, Վարանդան, Խաչենի գգալի մասը: «Հակառակորդը Լեռնային Գարաբաղում գրաված գյուղերը միացնում է Արարատյան հանրապետությանը»-տազնապով գրում են բոլշևիկ գործիչները⁵⁸³:

Կարմիր բանակի ղեկավարությունը Ադրբեջանի իշխանությունների հորդորներով դարաբաղյան ճակատում կենտրոնացրեց մեծաքանակ ուժեր: Չանգեզուրից Գարաբաղ նահանջած 28-րդ դիվիզիայի 250, 251 և 252-րդ գնդերը, համալրվելով թարմ ուժերով և միանալով Վարանդայում, Գիգակում և Խաչենում կազմակերպված կոմունիստական ջոկատներին, ապստամբների դեմ ճակատ են հարդարում:

Չնայած դրան՝ Արցախում բռնկված ազատագրական պայքարը նոր թափ առավ 1921թվականի հունվար-փետրվար ամիսներին:

1921թ. ապրիլի 15-ին Գիգակի կոմունիստական ջոկատը Արշակ Բալասանովի գլխավորությամբ հարձակում սկսեց ապստամբ ուժերի դեմ, բայց, խայտառակ պարտություն կրելով, հետ նահանջեց:

1921թ. ապրիլի 19-ին կարմիր բանակը, անցնելով հարձակման, գրավում է Գիգափայտ լեռը, սպա Աղջաքենդ և Հին Թաղեր գյուղերը: Թևանի ջոկատները հակառակորդի մեծաքանակ ուժերի ճնշման տակ թողնում են նաև ռազմավարական վերջին հանգրվանը՝

Խծարերդ գյուղը: Այդ օրերին ակտիվացել էին նաև Դիզակի և Սյունիքի միջև ընկած տարածքում ապրող քուրքերը: Որպեսզի ապահովվեր ապստամբների անվտանգ անցումը Ջանգեզուր, ապրիլի 18-ի գիշերը Նժդեհի հրամանատարներից մեկի՝ Ամիրջանյանի ղեկավարությամբ մի ջոկատ անցնում է Ջարուխը, ճեղքում կարմիրների և մահմեդականների պաշարման գիծը և բացում նահանջի ճանապարհը: Արցախի ապստամբները, մոտ 700 հոգի, անցնում են Ջանգեզուր և միանում Գարեգին Նժդեհի ուժերին⁵⁸⁴:

Հետագա տարիներին ապստամբության մասնակիցների մի մասին, թևանական պիտակը կպցնելով, կամ գնդակահարում կամ էլ արգելափակում էին բանտերում: Այդ ճակատագրից չխուսափեց նաև ապստամբության ղեկավարը՝ Թևան Ստեփանյանը: Քսան-երեսունական թվականներին նա իր գործունեությունը ծավալում էր արդեն Պարսկաստանում: Մի քանի անգամ անցնելով սահմանը՝ փորձում է հաստատվել հայրենիքում, բայց, հատուկ ծառայությունների կողմից ենթարկվելով հետապնդումների, նորից հեռանում է Պարսկաստան: 1941թ. Թեհրանի մոտակայքում նա ձերբակալվում է խորհրդային չեկիստների կողմից, տեղափոխվում Բաքու և գնդակահարվում:

Նման տխուր վախճան ունեցավ արցախահայության 1920-21թթ. հակաադրբեջանական, հակախորհրդային շարժումը:

ԼՂԻՄ ԿԱԶՄԱՎՈՐՈՒՄԸ: Արցախահայությունը չընդունեց 1921թ. հուլիսի 5-ի ՌԿ(Բ)Կ Կովբյուրոյի ապօրինի որոշումը: Ողջ Արցախում աղբրեջանական իշխանությունների դեմ քաղաքացիական անհնազանդության շարժում սկսվեց: Լեռնային Ղարաբաղի հայության կամքը կոտրելու և Աղբրեջանին ենթարկեցնելու համար Բաքվից մի շարք ներկայացուցիչներ ուղարկվեցին երկրամաս:

Ասքանազ Մռավյանի՝ Ղարաբաղից երևան վերադառնալուց հետո, Աղբրեջանի իշխանությունները Ղարաբաղի լիազոր նշանակեցին Ալիհեյդար Կարաևին: Միաժամանակ Արցախում տեղակայվեցին աղբրեջանական պատժիչ ջոկատներ: Չնայած դրան՝ արցախահայության կամքը մնաց անկոտրում: Մասսայականորեն զինում էին Ղարաբաղի աղբրեջանցի բնակիչներին: Նարիմանովը այս անգամ փորձեց Արցախի հիմնահարցը լուծել հայի ձեռքերով: Որպես երկրորդ լիազոր՝ Ղարաբաղ ուղարկեց նաև Աղբրեջանի նախարարների տեղակալ և արհմիությունների հանրապետական խորհրդի նախագահ Լևոն Միրզոյանին: Վերջինիս հետ միասին աղբրեջանցի գործիչները արցախահայությանը սպառնում են ուժ գործադրել, եթե նա չկատարի Աղբրեջանի պահանջները:

Նրանք Արցախի շրջաններում հրավիրեցին խորհուրդների շրջանային արտահերթ համագումարներ և փորձեցին կորզել Աղբրեջանի շահերից բխող որոշումներ: 1921թ. օգոստոսի 1-ին Հաղորտի գյուղում տեղի ունեցավ Վարանդայի խորհուրդների արտահերթ համագումարը, որտեղ, չնայած Լևոն Միրզոյանի ջանքերին, աղբրեջանաճապատ որոշում չկայացվեց: Դեռ ավելին, պատգամավորներից մեկը նորից հաստատեց արցախահայության կամքը՝ միավորվելու մայր Հայաստանի հետ⁵⁸⁵: Նմանօրինակ դիրքորոշում ունեցող նաև Արցախի մյուս շրջանների հայությունը:

1921թ. օգոստոսի 8-ին Լևոն Միրզոյանը, վերադառնալով Բաբու, Ադրբեջանի ղեկավարությանը առաջարկեց Լեռնային Ղարաբաղին տալ ինքնավարություն: Հարկ է նշել, որ այս առաջարկությունը արցախահայության համար նորություն չէր: Գեռես 1921թ. հուլիսի 5-ի ՌԿ(Բ)Կ Կենտկոմի Կովկասյան բյուրոյի տխրահռչակ որոշմամբ Լեռնային Ղարաբաղի հայությանը վերապահվել էր որոշակի ինքնավարության կարգավիճակ: Գրա նպատակը մեկն էր՝ կոտրել Լեռնային Ղարաբաղի հայության ազգային-ազատագրական շարժման թափը: Վերադաս կուսակցական մարմնի որոշումը կատարելու նպատակով Ադրկոմկուսի Քաղբյուրոն և Կազմբյուրոն 1921թ. հուլիսի 20-ին ստեղծում են մի հանձնաժողով, որը պետք է մշակեր Լեռնային Ղարաբաղի Սահմանադրությունը⁵⁸⁶:

Ադրբեջանի ազգայնամոլ ղեկավարությունը, ստանալով Մոսկվայում նստած մի շարք ազդեցիկ գործիչների աջակցությունը, լուծեց իր հիմնական խնդիրը՝ Լեռնային Ղարաբաղի բռնագրավումը, արդեն լայն քարոզչություն սկսեց՝ արցախահայությանը գրկելու ազատ ապրելու վերջին հնարավորությունից: 1921թ. սեպտեմբերի 26-ին Ադրկոմկուսի Քաղբյուրոն և Կազմբյուրոն որոշում են. «խնդրել Կովբյուրոյին՝ վերանայելու իր որոշումը Լեռնային Ղարաբաղն առանձնացնելու մասին, այսուհետ ինքնավարություն չհայտարարել»⁵⁸⁷:

Որպեսզի հիմնավորեն իրենց որոշումը, ստեղծում են հատուկ հանձնաժողով (Կարակ, Էֆենդիև, Ստուկալով և Միրզոյան) և շտապ ուղարկում Ղարաբաղ՝ «նյութեր հավաքելու համար»⁵⁸⁸: Վերոհիշյալ հանձնաժողովը 1921թ. հոկտեմբերի 21-ին հրավիրեց Լեռնային Ղարաբաղի պատասխանատու աշխատողների կոնֆերանս, որի մասնակիցների ճնշող մեծամասնությունը մուսուլմաններ էին: «Ղարաբաղի դրության մասին» հարցի շուրջը գեկուցումով հանդես եկավ Կարակը: Կոնֆերանսի որոշման մեջ ասված է. «Ղարաբաղի աշխատավորների կոնֆերանսն աննպատակահարմար է համարում Լեռնային Ղարաբաղի բաժանումն իրրև առանձին ինքնավար մարզի և գտնում է, որ բոլոր միջոցառումները, որոնք նշվում են վերը՝ բանաձևում, հենց հանդիսանում են ղարաբաղյան հարցի լուծում»⁵⁸⁹: Բանաձևում առաջարկվում է «անխնա գնդակահարել»

անհնազանդներին: Որոշման յոթերորդ կետը պահանջում է «Ազգայնական հոգի և ազգայնական տրամադրություններ ունեցող բոլոր աշխատակիցները պետք է անհետաձգելիորեն դուրս շարտվեն ու փոխարինվեն ինտերնացիոնալիստ աշխատակիցներով»⁵⁹⁰:

Կոնֆերանսի նման դիրքորոշումը հնարավորություն է ստեղծում աշխատանքից հեռացնելու հայրենասեր, ժողովրդի հոգսերով ապրող հայ գործիչներին՝ նրանց փոխարինելով ադրբեջանցիներով կամ էլ, լավագույն դեպքում, ադրբեջանի կամքը արտահայտող հայ աշխատակիցներով:

Ելնելով այդ որոշումից՝ Ադրկոմկուսի կենտկոմի անունից հայտարարվում է, թե «կոնֆերանսի կողմից հաստատվել է, որ ոչ մի առանձնահատուկ, այսպես կոչված «ղարաբաղյան հարց» էլ գոյություն չունի»⁵⁹¹:

1922թ. փետրվարին Թիֆլիսում տեղի ունեցած Անդրկովկասյան կոմունիստական կազմակերպությունների առաջին համագումարում Ադրբեջանի ներկայացուցիչ Կուլիևը, անդրադառնալով Լեռնային Ղարաբաղի ինքնավարության հարցերին, նշել է. «Ադրբեջանական Կենտկոմն էլ, որ Ղարաբաղի հարցի պարզաբանման համար հանձնաժողով էր ընտրել, շատ ճիշտ վարվեց, երբ ասում էր, Ղարաբաղին պետք չէ, ոչ մի ինքնավարություն: Այդ մտեցումը ճիշտ էր, և այդպես պետք է մտենալ, որպեսզի հաստատվի իսկական խաղաղություն և՛ Ղարաբաղում, և՛ Անդրկովկասում»⁵⁹²:

Չնայած այդ ամենին՝ արցախահայությունը, չկորցնելով հույսը, շարունակում էր պայքարը մայր Հայաստանի հետ միավորվելու համար: Լեռնային Ղարաբաղի հայությունը 1922թ. գարնանը խորհուրդների վերընտրությունների նախընտրական ժողովներում, խորհուրդների նիստերում և համագումարներում շարունակում էր համարձակորեն առաջ քաշել Արցախը մայր Հայաստանին վերամիավորելու անգիջում պահանջը:

Այս ամենին և դրան նախորդած դեպքերին ականատես լինելով և համոզվելով, որ իրավիճակը կարող է դուրս գալ վերահսկողությունից, Լեռն Միրզոյանը 1921թ. օգոստոսի 8-ին Շուշիից Ադրկոմկուսի Կենտկոմին և Անդրերկրկոմին առաջարկում է. «Ամբողջ Լեռնային Ղարաբաղն առանձնացնել որպես ինքնուրույն վարչական

միավոր՝ ենթակա կենտրոնին Ադրժողկոմխորհին ու Կենտգործկոմին, իսկ կուսակցության գծով՝ Ադր ԿԿ-ին»⁵⁹³:

Հարցը մտահոգիչ էր նաև Անդրերկրկոմի որոշ ղեկավարների համար: 1922թ. փետրվարին Թիֆլիսում տեղի ունեցած Անդրկովկասյան կոմունիստական կուսակցության առաջին համագումարի ամբիոնից Սերգո Օրջոնիկիձեն, անդրադառնալով Լեռնային Ղարաբաղի հարցին, ասել է «Ճիշտ է, Ադրբեջանում մենք երկար զբաղվեցինք Ղարաբաղյան հարցով, սակայն, վերջիվերջո, որոշեցինք ղարաբաղյան բնակչությանը՝ Լեռնային Ղարաբաղի հայերին տալ ինքնավարություն Ադրբեջանի խորհրդային հանրապետության սահմաններում: Գործնականորեն այդ ինքնավարության կենսագործումը հանձնարարվել էր Ադր ԿԿ Կենտկոմին: Ես խոսեցի ընկ. Կիրովի հետ. ինչ՞ու դա դեռևս չի արվել, և նա նշեց, թե հայերն ու մուսուլմանները համաձայնվել են այն հարցում, որ այդ ինքնավարության անհրաժեշտությունը չկա: Ես չգիտեմ դա այդպե՞ս է, թե մի ուրիշ կերպ, ամեն պարագայի այդ հարցն այնպես է լուծված, որ բնակչությանը հնարավորություն տրվի վճռելու իր խնդիրը»⁵⁹⁴:

Ադրբեջանի ղեկավարությունը 1922թ. աշնանը նոր արշավ սկսեց արցախահայության նկատմամբ: 1922թ. նոյեմբերին երկրամասի գյուղական և շրջանային խորհուրդների նախագահներին ու քարտուղարներին կանչում են Շուշի՝ խորհրդակցության, որին մասնակցում էին Ադրբեջանի կոմկուսի կենտկոմի առաջին քարտուղար Ալի-հեյդար Կարակը և Լևոն Միրզոյանը: Կարակը պահանջում է Լեռնային Ղարաբաղը միավորել Ադրբեջանական ԽՍՀ-ին: Հավաքի մասնակիցների մեծամասնությունը գտնում է, որ Լեռնային Ղարաբաղի վերամիավորումը «Ադրբեջանի ԽՍՀ-ին, ցանկալի չէ»: Նրանք պնդում են, որ հարցը պետք է վճռվի երկրամասի բնակչության հանրաքվեի միջոցով: Մի շարք պատգամավորներ հայտատարում են, թե, եթե խոսքը վերաբերում է միավորմանը, ապա իրենց՝ Լեռնային Ղարաբաղի աշխատավորների համար նպատակահարմար և ցանկալի է մտնել խորհրդային Հայաստանի կազմի մեջ:

Սակայն Կարակի և Միրզոյանի ճնշման տակ խորհրդակցությունը որոշում է Արցախը բողնել Ադրբեջանի սահմաններում՝ ինքնավար մարզի իրավունքով⁵⁹⁵:

Բողոքների ալիքը ահագնանում է: Արցախահայությունը վրդովմունքով է ընդունում այդ անօրեն որոշումը: Բանն այն էր, որ այդ խորհրդակցությունը լիազորված չէր նմանօրինակ հարց լուծելու: Անդրերկրկոմի ղեկավարությունը ձգտում էր հարցին արագ լուծում տալ: Անդրերկրկոմի նախագահությունը 1922թ. հոկտեմբերի 27-ին հանձնարարում է Ադրկոմկուսի Կենտկոմին՝ իրականացնել Անդրերկրկոմի 1921թ. հուլիսի 5-ի որոշումը Լեռնային Ղարաբաղին ինքնավարություն տալու մասին: Ադրկոմկուսի Կենտկոմի նախագահությունը ստիպված նոյեմբերի 30-ին որոշում է ստեղծել Ղարաբաղի ինքնավարության մշակումը նախապատրաստող հանձնաժողով⁵⁹⁶: Այնուհետև Անդրերկրկոմի պլենումը, որը տեղի ունեցավ Բարվում, 1922թ. դեկտեմբերի 14-ին, քննարկելով «Լեռնային Ղարաբաղում ինքնավարություն անցկացնելու» հարցը, որոշեց Ադր ԽՍՀ ժողկոմխորհին կից ստեղծել Լեռնային Ղարաբաղի գծով հատուկ հանձնաժողով՝ բաղկացած յոթ հոգուց: Հանձնաժողովի նստավայր ճանաչել Շուշի քաղաքը և նախագահ նշանակել Կարակոզովին⁵⁹⁷:

Արցախահայության խոր վրդովմունքի մասին է խոսում նաև Լեռնային Ղարաբաղի կոմիտեի անդամ Շադունցի նամակը՝ գրված 1923թ. հունիսի 18-ին՝ հասցեագրված Օրջոնիկիձեին, պատճեները՝ Ադր ԿԿ Կենտկոմին ու ՀԿԿ Կենտկոմին: Նա գտնում է, որ «չի կարելի խոսել Ղարաբաղի վերականգնման մասին՝ աչք փակելով մի ուրիշ, նրա հարևան ամենահարուստ երկրամասի քայքայվելու նկատմամբ: Չանգեզուրը կապված է Ղարաբաղի հետ, երկուսի հարցն էլ պետք է լուծել միասին»: Շադունցը, շարունակելով իր միտքը, եզրահանգում է. «Ես գտնում եմ, որ ինչպես Ղարաբաղում, այնպես էլ Չանգեզուրում ազգային հարցը ճիշտ լուծելու համար և այդ երկրամասի (Ղարաբաղի ու Չանգեզուրի) տնտեսական վերածննդի համար անհրաժեշտ է Ղարաբաղի լեռնային մասը Չանգեզուրի հետ միասին առանձնացնել իբրև մեկ ինքնավար միավոր: ...Կոմիտեի նախագծում բերված փաստերը (հայերի ջարդը Շուշիում, Չանգեզուրի կոմունիստական ջոկատի զինաթափումը Շուշիում, լեռնային գոտու շահերը լրիվ արհամարհելը) բավական ակնառու կերպով ասում են, որ այդ երկրամասը թողնել Ադրբեջանի

սահմաններում՝ այն հարաբերությունների պայմաններում, որոնք եղել են մինչև հիմա, չի կարելի: Ուստի և, ես գտնում եմ, որ այդ ինքնավար մարզը պետք է կապված լինի անմիջապես Անդրժողովույնի հետ»⁵⁹⁸:

Անգամ Մտալինը, որ հայտնի էր իր հայատյաց տրամադրություններով, նկատելով Ադրբեջանի ղեկավարության հակահայ քաղաքականությունը, 1923թ. ապրիլին Ռ-Կ(բ)Կ 12-րդ համագումարում նշել է. «Ադրբեջանցիների մի մասի շրջանում նույնպես առկա է այսպիսի միտում՝ երբեմն չափազանց անսքող, այն քեմայով, քեմենք, իբր ադրբեջանցիներս, բնիկ ենք, իսկ նրանք՝ հայերը, եկվոր են: Չի՞ կարելի արդյոք այդ պատճառով նրանց մի քիչ ետ քաշել հաշվի չնստելով նրանց շահերի հետ: Գա նույնպես շովուհիզմ է»⁵⁹⁹: Այնուհետև նա համագումարում իր եզրափակիչ խոսքում ասել է. «Ադրբեջանում ադրբեջանցիները՝ որպես մեծամասնություն, ճնշում են հայերին և կոտորում, ինչպես դա եղել է Նախիջևանում, որտեղ կոտորել են համարյա բոլոր հայերին»⁶⁰⁰:

Չնայած այդ ամենին՝ Ադրբեջանի ղեկավարությունը Նարիմանովի գլխավորությամբ տարբեր պատճառաբանություններով ձգձգում էր Լեռնային Վարաբադի ինքնավարության հռչակումը: 1923թ. Մտալինին, Տրոցկուն և Ռադեկին հասցեագրված մի նամակում Նարիմանովը գրել է, թե Ադրբեջանի հիմնարկները «լիքն են ռուսներով, հայերով, որոնց նպատակն է հանրապետությունում բնաջնջել թուրքերին, Արևելքում էլ՝ հեղափոխության սրբազան գործը: ... Ադրբեջանում դաշնակցական աշխատանքի մասին իմ կանխագուշակումների մյուս կեսը, ես մտածում եմ, ի հայտ կգա այս տարի: Լեռնային Վարաբադը Միրզոյանի ուժգին ճնշման տակ հայտարարված է ինքնուրույն մարզ: Իմ օրոք (այդ ժամանակ նա աշխատում էր Մոսկվայում) դա չէր հաջողվում ոչ թե այն պատճառով, որ ես դեմ էի այդ ինքնավարությանը, այլ պարզապես որովհետև իրենք՝ հայ գյուղացիները, դա չէին ցանկանում: Միրզոյանն այդ ընթացքում հայ դաշնակ ուսուցիչների օժանդակությամբ հող է պատրաստել և հարցն անց է կացրել Անդրերկրկոմում: Այդ պահից կտրուկ սրվել են հայ գյուղացիների հարաբերությունները: Հետո էլ հարցը կդառնա Գանձակի մասին ևս: Ադրբեջանում դաշ-

նակցական քաղաքականությունն առաջ է գնում ամբողջ ուժով»,⁶⁰¹ թունոտ ձևով գրպարտությունը ավարտում է Նարիմանովը:

Ադրբեջանի ղեկավարության նման դիրքորոշման դեմ բազմաթիվ բողոքներ են ուղարկվում Թիֆլիս, Մոսկվա և Երևան: Անդրերկրյանը կրկին ու կրկին անդրադառնում է Լեռնային Ղարաբաղի հարցին: Անդրերկրյանի Կենտկոմի 1923թ. հունիսի 27-ին տեղի ունեցած պլենումը, լսելով Ղարաբաղի ժամանակավոր կոմիտեի գործունեության մասին Շադունցի և Կարակոզովի զեկուցումները, պահանջում է «մեկ ամսվա ժամկետում Լեռնային Ղարաբաղն անջատել՝ իբրև ինքնավար մարզ»⁶⁰²:

1923թ. հուլիսի 1-ին Ադրկոմկուսի Կենտկոմի նախագահությունը, այլ ելք չունենալով, Կենտգործկոմին հանձնարարում է. «Հռչակել Լեռնային Ղարաբաղի ինքնավար մարզ Խանքենդի կենտրոնով և գործադիր կոմիտեով»: Լեռնային Ղարաբաղի ինքնավար մարզի հեղկոմի նախագահ է նշանակվում Արմենակ Կարակոզովը, իսկ կուսմարզկոմի նախագահ՝ Սերո Մանուցյանը⁶⁰³:

Արցախյան հիմնահարցը երկար չարչկելուց հետո 1923թ. հուլիսի 7-ին Ադրբեջանի Կենտգործկոմը ընդունեց հռչակագիր «Լեռնային Ղարաբաղի ինքնավար մարզի» կազմավորման մասին: Սակայն այս որոշումն էլ կիսատ պռատ էր: Մարզից անջատեցին նրա հարթավայրային շրջանը և Ադդամ ավանը: Այն դարձրին Ադրբեջանական շրջկենտրոն: Ղարաբաղի լեռնային շրջանի արևմտյան մասը Արաքսի ափից մինչև փոքր Կովկասյան լեռնաշղթայի հյուսիսային փեշերը կտրեցին և ստեղծեցին «Քուրդիստանի գավառ», դրանով իսկ Արցախը անջատեցին մայր Հայաստանից: Ադրբեջանի ղեկավարությունը դրանով Մոսկվայի վերադաս մարմիններին փորձում էր ցույց տալ հանրապետությունում ազգային փոքրամասնության նկատմամբ ունեցած իր «հոգատարությունը»: Իր դիվային ծրագրերը իրականացնելուց հետո Ադրբեջանը շուտով վերացրեց Քուրդիստանի գավառը և ստեղծեց Քելբաջարի, Լաչինի, Կուրաքիլի և Չանգելանի շրջանները: Դեռ ավելին, կարճ ժամանակահատվածում թրքացվեց վերոհիշյալ շրջանների գրեթե ողջ քուրդ ազգաբնակչությունը:

Մարզից անջատեցին ամբողջ հյուսիսային Արցախը՝ Թալիշի

մոտերքից մինչև Ալիարակ լճի (Գյուլ-Գյուլ) հարավային ափերը, նախկին Գյուլիստանի մելիքության մի զգալի մասը, որտեղ գտնվում էին 107 հայկական գյուղեր: Միաժամանակ հարևան աղբրեջանական շրջաններին տրվեցին Դիզակի, Վարանդայի և Ջրաբերդի արևելյան մասերի մի շարք գյուղեր:

Փաստորեն 11,5 հազար քառ. կմ տարածք և 12 գավառ ունեցող պատմական Արցախին թողնվեց միայն 4,4 հազարը, որտեղ գտնվում էր Շուշի քաղաքը և 248 բնակավայր:

Շուշիի փոխարեն այն ժամանակ փոքրիկ Ստեփանակերտը մարզի կենտրոն դարձնելը նույնպես պատահական չէր: Գրանով, ըստ էության, կանխվեց 1920թ. ջարդերից հետո իրենց հայրենի քաղաքը թողած հայության՝ ծննդավայր վերադառնալու փափագը: 1923թ. ընդունվեց ԼԳԽՄ-ի կանոնադրությունը, իսկ 1924թ. հուլիսին սահմանադրությունը⁶⁰⁴: Այդ փաստաթղթերով ԼԳԽՄ-ը դարձավ Աղբրեջանի կցորդը, վերածվեց սովորական գաղութի: Արցախահայությունը կորցրեց իր ինքնուրույնությունը:

Այսպիսով, խորհրդային կարգերի արշալույսին Աղբրեջանի կողմից սկսվեց հայոց Արցախի ծվատման և վերջնականապես կլանման սանձարձակ քաղաքականությունը, որը նոր արհավիրքներ բերեց Հայոց Արևելից գավառների հայությանը:

ԼԳԽՄ-ը ՆԷՊ-ի ՏԱԲԻՆԵՐԻՆ: 1917-20թթ. թուրքական հրոսակների գավթողական անընդմեջ արշավանքները, անգլիացիների ստոր ու լկտի քաղաքական խաղերը, նորաստեղծ խորհրդային Ռուսաստանի անդրկուլիայան հայակործան դավերը գրեթե իսպառ քայքայել էին Արցախի ժողովրդական տնտեսությունը, իսկ առանց այն էլ հուսալքված ու հուսախարված բնակչությանը հասցրել էին օրհասական դրության: Եթե այս ամենին ավելացնենք Խոսրով Բեկ Մուլքանովի անփառունակ կառավարումը, նրա սանձագերծ կամայականությունները, անհմաստ և անխտհեմ ազգամիջյան կռիվները, երկրամասում տիրող անարխիան, մուսավաքական արյունախումբանդաների ավազակային ամբողջ գործունեությունը, ապա Արցախի մղձավանջային իրավիճակի պատկերը կլինի ամբողջական ու լրիվ:

Նման խառնակ պայմաններում 11-րդ կարմիր բանակի ճնշման

տակ, համաշխարհային հեղափոխության մոլուցքով տարված, հայ բոլշևիկների ջանքերով Լեռնային Ղարաբաղում հաստատվեցին խորհրդային կարգեր: Երկրամասի հայությունը իր գալիք ապագան միամտորեն կապեց նոր կարգերի հետ և հոգու ջերմությունն ու աշխատանքային ավյունը անմնացորդ նվիրաբերեց խորհրդային կարգերի ամրապնդմանը:

1920 թվականին և 1921թ. սկզբներին Լեռնային Ղարաբաղում վարվող ռազմական կոմունիզմի քաղաքականությունը հիմնովին կործանեց ժողովրդական տնտեսությունը: 1913թ. համեմատ 1921թ. հացահատիկային մշակաբույսերից 2 անգամ ավելի քիչ բերք ստացվեց: Այգիները գտնվում էին անխնամ վիճակում, գրեթե լրիվ դադարել էր տեխնիկական մշակաբույսերի ցանքսը, շարքից դուրս էին եկել ջրանցքներն ու քյահրիզները:

1920թ. վերջին Ղարաբաղի արտակարգ կոմիսար Ալի Հեյդար Շիրվանին Ադրիեղկոմին ներկայացրած զեկուցագրում, նկարագրելով Ղարաբաղում ստեղծված կացությունը, նշել է. «գյուղերում ավելանում է քաղցած, ոտարորիկ և մերկ գյուղացիների թիվը, ռազմական գործողություններ տեղի ունեցած շրջաններից... ահաբեկված տասնյակ հազարավոր փախստականներ քառսի ձևով քափառում են Ղարաբաղի շրջաններում՝ սննդամթերք և տաք հագուստ որոնելու համար: Հողը քիչ է, մեծ մասը գտնվում է չքավորների ձեռքին, բայց սերմերի և բանող անասունների բացակայության պատճառով մնում է անմշակ: Այս տարի հացահատիկը մթերվել է միայն բանակի համար: Հացահատիկը տեղափոխելու համար չկան միջոցներ, որի հետևանքով Շուշիի գավառում սովի են մատնվել ոչ միայն գյուղացիները, այլև բանվորները, զինվորները, հիվանդանոցների և սովետական հիմնարկությունների աշխատավորները»⁶⁰⁵:

Նման կացություն էր ստեղծված ողջ խորհրդային տարածքում: Ժողովրդական մասսաների դժգոհության ալիքը մեղմելու և տնտեսության գահավեժ կործանման գործընթացը կանխելու նպատակով ՌԿ(բ)Կ X համագումարը 1921թ. մարտին ընդունեց պարենմասնատրումը պարենահարկով փոխարինելու և ռազմական կոմունիզմից նոր տնտեսական քաղաքականությանն անցնելու որոշումը:

Գյուղատնտեսությունն ամբողջապես արագ վերականգնելու

համար անրաժեշտ էր առաջին հերթին սկսել հողագործությունից:

1920թ. մայիսի 5-ից մինչև 1921թ. նոյեմբերը Լեռնային Ղարաբաղում ազգայնացվեց 117560 ղեսյատին վարելահող, ևս 42764 ղեսյատին արոտավայրեր և տրվեց գյուղացիությանը: 1921թ. մայիսի 15-ի ղեկրետով ազգայնացվեց Լեռնային Ղարաբաղում գտնվող շուրջ 140 հազար ղեսյատին անտառներ⁶⁰⁶: Բայց այս որոշումներն էլ իրագործվեցին կիսատ-պռատ ձևով՝ նորից ոտնահարելով Լեռնային Ղարաբաղի հայության իրավունքները: Այսպես, ըստ օրենքի, լեռնային շրջաններում մեկ շնչին պետք է տրվեր երեք ղեսյատին, իսկ հարթավայրային շրջաններում՝ մեկ ղեսյատին հող: Ղարաբաղում ստացվեց դրա միանգամայն հակառակ պատկերը: Հարթավայրային շրջաններում՝ որտեղ աղբրեջանարնակ գյուղերն էին գտնվում, տրվեց հինգ ղեսյատին հող, իսկ լեռնային շրջաններում՝ կես ղեսյատինից փոքր ինչ ավելին: Բացի այդ, բազմաթիվ տնտեսություններ էլ մնացին առանց հողի⁶⁰⁷:

ՆԷՊ-ի քաղաքականության սկզբունքները կյանքում իրագործելու նպատակով 1921թ. ապրիլի 21-ին Շուշիում հրավիրվեց Ղարաբաղի գավառների կուսակցական պատասխանատու աշխատողների կոնֆերանս, որտեղ որոշվեց թույլատրել բոլոր տեսակի մթերքների և արդյունաբերական ապրանքների ազատ առևտուրը, ապրանքների արտահանում գավառից գավառ, վարձակալության կարգով տալ եկամտա չբերող կամ անգործության մատնված արդյունաբերական ձեռնարկությունները, առաջին հերթին մետաքսագործական ֆաբրիկաները⁶⁰⁸: Կոնֆերանսի որոշման համաձայն՝ Գիգակի և Խաչենի շրջաններում ազգայնացված մետաքսագործական ֆաբրիկաներից տասնմեկը վարձակալման կարգով հանձնվեց մասնավոր մարդկանց⁶⁰⁹: Շուտով մետաքսարդյունաբերության բնագավառում հաջողությունները ակնառու էին: Համառ աշխատանքի շնորհիվ արդեն 1922թ. գործի դրվեցին հինգ ֆաբրիկա, որոնցից մեկը պետական էր, չորսը՝ վարձակալված⁶¹⁰: Գործարանների պարապուրդը կանխելու նպատակով բոժոժը ներմուծվում էր Աղբրեջանի և Վրաստանի շրջաններից⁶¹¹: Ֆաբրիկաները որակյալ բոժոժով ապահովելու նպատակով 1924թ. Հաղրութում հիմնադրվեց իտալական Չիչե հունդային ընկերությունը⁶¹²:

1925թ. շերամապահության զարգացումը մարզի գյուղացիական տնտեսությունների ավելի քան 45 տոկոսին հնարավորություն էր տալիս ստանալ մեծ քանակությամբ շահույթ:

ԼՂԽՄ մետաքսակարժակա ֆաբրիկաների պետական տրեստը՝ Գարմետաքսարդյունարերությունը ստեղծվեց 1925թ. օգոստոսին: Այն նոր հնարավորություններ ստեղծեց մարզի մետաքսարդյունարերության հետագա զարգացման համար: Գարմետաքստրեստը ամեն կերպ ձգտում էր վերացնել աշխատանքի պրոցեսում գոյություն ունեցող տնայնագործությունը, արմատավորել աշխատանքի առաջավոր ձևերը, պլանավորել արտադրանքի իրացումը և Ստեփանակերտում կառուցել նոր ֆաբրիկա: 1929թ. սեպտեմբերի 20-ին շահագործման հանձնվեց Ստեփանակերտի ֆաբրիկայի առաջին մասնաշենքը:

Շերամապահության զարգացման նպատակով 1926թ. մարզում ստեղծվել էր փորձնական տնտեսություն, որի ջերմոցներում աճում էր 600 հազար թթենի⁶¹³:

Բավականաչափ բարելավվեց մետաքսագործարանների բանվորների սոցիալական վիճակը: Նախապատերազմյան ժամանակաշրջանի համեմատությամբ 1931թ. բանվորների աշխատավարձն աճեց 17 անգամ⁶¹⁴:

Շոշափելի էին նաև հաջողությունները հողագործության և անասնապահության բնագավառում:

1921թ. ԼՂԽՄ 17220 դեսյատին ցանքսի դիմաց 1922թ. կատարվեց 28000 դեսյատին⁶¹⁵, իսկ 1925թ. 33270 դեսյատին և ստացվեց 852 հազար փութ հացահատիկ, որը կազմում էր նախապատերազմյան շրջանի 92,2 տոկոսը⁶¹⁶:

Տնտեսության տարբեր ճյուղերի զարգացումը հրամայաբար պահանջում էր, գյուղատնտեսության էքստենսիվ զարգացմանը զուգահեռ, արագ թափով տնտեսության այդ ճյուղն առաջ տանել ինտենսիվացման ուղիով: Այդ խնդրի լուծման համար կարևոր նշանակություն ունեւ հին, ավերված ոռոգման համակարգերի վերականգնումն ու նորերի կառուցումը: ԼՂԽՄ-ում անբարենպաստ բնակլիմայական պայմաններում, որտեղ մթնոլորտային տեղումները սակավ ու անհամաչափ են, հողի որակը և հազարավոր հեկտար-

ներ անջրդի հողային տարածությունների առկայությունը, ջրաշինարարական աշխատանքները դարձնում էին հրատապ ու անհետաձգելի: Լեռնային Ղարաբաղում ընդամենը կար 10777 դեսյատին ջրովի վարելահող, որը կազմում էր բոլոր վարելահողերի 17,1 տոկոսը⁶¹⁷:

1921թ. մայիսից մինչև 1922թ. մայիսը միայն Շուշիի գավառում նորոգվեց 45 քյահրիզ⁶¹⁸: 1924թ. մարգում գործում էր 61 քյահրիզ: Շատ գյուղերում գյուղացիների նախաձեռնությամբ փորում էին հորեր և ջրանցքներ: 1925թ. փետրվարի 23-ին մարզկոմի ընդլայնված նիստը, քննարկելով մարզի ջրանցքների օգտագործման հարցը, որոշեց անհապաղ սկսել Թալիշի, Մաղադիսի, Փրջամալի և Ուզուն Թալինի ջրանցքների նորոգման աշխատանքները⁶¹⁹: Ձեռնարկված միջոցառումների շնորհիվ 1925թ. վերջին բավականին ավելացան մարզի ջրովի տարածությունները:

1930-ական թվականներից սկսած՝ մարգում ջրանցքների վերանորոգումն ու մասնավոր նորերի կառուցումը ինչ-ինչ պատճառներով ընդհատվեց, որից ստացված վնասներն առաջօր գգալի են:

Հողագործության ինտենսիվ զարգացումը և նրա հետագա վերելքը անհնարին է պատկերացնել առանց գյուղատնտեսության մեքենայացման և ագրոմիջոցառումների իրականացման: 1925թ. ստեղծվեցին հողը մշակող մեքենաների և գործիքների վարձակետեր, որտեղ գյուղացիները ժամանակավոր օգտագործման համար վերցնում էին սերմագտիչներ, սրսկիչներ, գութաններ և գյուղատնտեսական այլ գործիքներ ու մեքենաներ:

1925թ. մաքրվեց մարզի հացահատիկային սերմացուի գրեթե 65 տոկոսը⁶²⁰: Տեղական իշխանության մարմինները գյուղի աշխատավորների լայն շրջանում տարբեր ձևերով ու մեթոդներով գյուղատնտեսական զիտելիքներ էին տարածում: Կազմակերպվում էին գյուղատնտեսական դասընթացներ, խրճիթ-ընթերցարաններին կից խմբակներ, ցուցադրական դաշտեր, ստեղծում գյուղատնտեսական ցուցահանդեսներ: 1923-1924թթ. ԼՂԽՍ բոլոր շրջաններում բացվեցին ագրոկետեր:

Որոշակի միջոցառումներ ձեռնարկվեցին նաև անասնապահության վերականգնման և զարգացման բնագավառում: 100 ընտանի-

քին ընկնող անասունների քանակի տեսակետից Լեռնային Ղարաբաղը, Ադրբեջանի խորհրդային հանրապետության բոլոր շրջանների համեմատությամբ, բռնում էր վերջին տեղը և մոտ երկու անգամ ցածր էր հանրապետության միջինից:

Ամիրաժեշտ էր ոչ միայն վերականգնել անասունների գլխաքանակը, այլև բարելավել ցեղայնությունը: Այդ նպատակով 1925թ. Լիսազորում՝ թթու ջրի մոտ, կազմակերպվեց լեռնաալպիական անասնաբուծական ֆերմա: Այդ ֆերման հետագայում վերածվեց պետական տնտեսության և 1930թ. անվանվեց համամիութենական ցեղային անասնաբուծական սոլխոգ: Այն մեծ դեր խաղաց ոչ միայն մարզի, այլև նրա հարևան շրջանների անասունների ցեղայնությունը բարելավելու, անասնապահական մթերքների մշակման նորագույն ձևերը և անասունները խնամելու առաջավոր մեթոդները գյուղացիներին ուսուցանելու գործում:

Լավ աշխատանքի շնորհիվ արդեն 1925թ. 1921թ. համեմատությամբ կրկնապատկվեց բոլոր տեսակի անասունների գլխաքանակը և հասավ 201,3 հազար գլխի, իսկ 1928թ. այդ ցուցանիշը գերազանցեց 1913թ. մակարդակը:

ԼՂԽՄ-ում այգեգործության զարգացումը նպաստեց սպիրտի և խմիչքների արտադրության վերականգնմանը: Այդ տարիներին մարզի գյուղացիական տնտեսությունների 30 տոկոսից ավելին զբաղվում էր սպիրտի և տարբեր տեսակի խմիչքների արտադրությամբ և տարեկան տալիս մինչև 640000 ռուբլու արտադրանք⁶²¹: Սպիրտի արտադրությունը արդյունաբերական եղանակով իրականացնելու նպատակով 1925թ. կառուցվեցին Ասկերանի, իսկ 1927թ. Կարմիր շուկայի թորման գործարանները: Գրա հիմքերի վրա 1927թ. ստեղծվեց Լեռնային Ղարաբաղի զինու և սպիրտի տրեստը (Ղարզինտրեստը)⁶²²:

Վերոհիշյալ փաստերը վկայում են, որ նոր տնտեսական քաղաքականությունը արդարացված էր: Մեծացավ ապրանաքաշրջանառությունը, աշխուժացավ տնտեսությունը, բարձրացավ աշխատավորների նյութական մակարդակը: Կյանքը մտնում էր բնականոն հունի մեջ:

ԿՈՒՆՏՏԵՍԱՅԻՆ ՇԱՐԺՈՒՄԸ ԵՎ ԴՐԱ ՀԵՏԵՎԱՆՔՆԵՐԸ:
Հոկտեմբերյան հեղաշրջումից հետո գյուղում այսպես կոչված նոր սոցիալիստական արտադրական հարարերությունների ձևավորման գործը ընթացավ բարդ, հաճախ էլ իրարամերժ գաղափարների հակամարտության պայմաններում:

Բանն այն է, որ խորհրդային երկրի բնակչության ճնշող մեծամասնությունը մանրապրանքային արտադրությամբ զբաղվող գյուղացիներ էին, որոնք մինչև ուղն ու ծուծը հազարավոր թելերով կապված էին պապենական հողին: Նման երկրում գյուղատնտեսական վերընթացի և, ընդհանրապես, հասարակության բոլոր անդամների բարեկեցիկ կյանքի ապահովման հիմնական միջոցը հողվորի նյութական շահագրգռվածության անընդհատ բարձրացումն է: «Անհրաժեշտ է գյուղացուն առկել իր շահերին», - ժամանակին նկատել է Ն. Բուխարինը⁶²³:

Իսկ ի՞նչ ուղեգծով ընթացավ խորհրդային գյուղատնտեսությունը: 1929թ. աշնանը կուսակցության Կենտրոնական կոմիտեն, խեղաթյուրելով գյուղատնտեսության վարման ավանդական համամարդկային սկզբունքները, անտեսելով կոոպերացիաների տարբեր ձևերի համամասնական զարգացման և դրանց ստեղծման գործընթացում կամավորության խստագույն պահպանման սկզբունքը, որոշեց անցնել համատարած կոլեկտիվացման և դրա հիման վրա կուլակության՝ որպես դասակարգի վերացման քաղաքականությանը: Մինչև իսկ Կենտկոմի 1929թ. նոյեմբերյան պլենումն այդ չհիմնավորված շրջադարձը գնահատեց որպես «...նոր պատմական էտապ մեր երկրում սոցիալիզմի կառուցման գործում»⁶²⁴: Գյուղատնտեսության կոլեկտիվացումը ոչ թե բխում էր ժամանակաշրջանի ոգուց ու պայմաններից, այլև այն դիտվում էր որպես հացամթերման հիմնահարցի, երկրի արագացված ինդուստրացման համար նյութական, աշխատանքային և ֆինանսական անհատույց միջոցների կորզման ձև:

Կոլտնտեսային շարժման ախտը համակել էր նաև Լեռնային Գևարաբաղի ինքնավար մարզը: Հարկ է նշել, որ ՆԷՊ-ի տարիներին, մանավանդ 1925-1928 թվականներին, մարզում փորձեր կատարվեցին ստեղծել կոլտնտեսություններ: Այսպես, 1925թ. Ջրաբերդի շրջանի Կարմիրավանում ստեղծվեց Ստեփան Շահումյա-

նի անվան կոմունան, իսկ 1927թ. համանուն մեկ այլ կոմունա ստեղծվեց նաև Մարտունու շրջանի Ամարասում: 1928թ. վերջին մարզում կար ընդամենը 27 կոլտնտեսություն, որոնցում ընդգրկված էին ընդամենը 453 տնտեսություն, կամ մարզի գյուղացիական տնտեսությունների 1,8 տոկոսը⁶²⁵:

Փաստը վկայում է, որ, չնայած բոլշևիկ ղեկավարների ջանքերին, կոլեկտիվ տնտեսությունների ստեղծման գաղափարը ժողովրդի մեջ հեղինակություն չէր վայելում և, ըստ էության, դատապարտված էր անհաջողության:

Չնայած դրան՝ կուսակցական և խորհրդային մարմինները, շրջանցելով կոոպերացիայի ամենապարզ ձևերը, անմիջապես անցնում էին խոշոր կոլեկտիվ տնտեսությունների ստեղծման գործին, որի հետևանքով օրինաչափորեն ի հայտ էին գալիս արատավոր երևույթներ, թույլ էին տրվում կոպիտ քաղաքական սխալներ: Այդ սխալներից անմասն չմնացին ԼՂԽ կուսակցական և խորհրդային մարմինները: Նրանք ամեն կերպ ձգտում էին կոլեկտիվացումն ավարտել ամենասեղմ ժամկետում: Նրանց կողմից կոպիտ կերպով խախտվում էր կամավորության սկզբունքը և այդ պատճառով էլ առողջ կոլտնտեսային շարժումը վերափոխել էին կոլեկտիվացման «խաղով»: 1929թ. կեսերից մինչև 1930թ. առաջին ամիսները կոլտնտեսային շինարարության «ամենաբուռն աճման» շրջանն էր: Աշխատավոր գյուղացիներին հարկադրում էին կոլտնտեսություններ մտնել «կուլակաբափման», ընտրական իրավունքից զրկման սպառնալիքի տակ: Կոլեկտիվ տնտեսություն մտնելուց հրաժարվողներից խլում էին հողը, ունեցվածքը և հանձնում կոլտնտեսությանը: Հաճախ գյուղերի և շրջանների կոմունիստները իրար հետ մրցում էին, թե ով կարող է ավելի շատ կուլակներ հայտնաբերել և ունեզրկել:

1929թ. դեկտեմբերին Մարտունու շրջանային պլենումը որոշեց մինչև 1930թ. մարտ ամիսը շրջանը ենթարկել համատարած կոլեկտիվացման: 1930թ. հունվարին, համանման որոշում ընդունեց Գիգակի կուսշրջկոմի պլենումը⁶²⁶: Կուսակցության մարզկոմը իր հերթին որոշեց 1929թ. դեկտեմբերի 20-ից մինչև 1930թ. հունվարի 5-6-ը մարզում անցկացնել գյուղական տնտեսությունների կոլեկտիվացման երկշաբաթյակ: Արդյունքում՝ մի քանի օրվա ընթացքում մար-

գում կազմակերպվեց 28 նոր կոլտնտեսություն⁶²⁷: 1930թ.փետրվարի կեսերին մարզի գյուղացիական տնտեսությունների 26 տոկոսը ընդգրկված էին կոլտնտեսություններում⁶²⁸: Նույն թվականի վերջերին տնտեսությունների 73,3 տոկոսը հայտնվել էին կոլտնտեսություններում⁶²⁹: Չքավորական կոմիտեները, գյուղական խորհուրդների և Բաքվից Լեռնային Ղարաբաղ եկած բանվորների հետ ձեռք-ձեռքի տված մեկը մյուսի հետևից կուլակ էին հայտարարում և արտաղլության միջոցներից ու կենսական մի շարք պայմաններից զրկում գյուղի ամենաաշխատավոր ու ձեռներեց տնտեսատերերին: Տեղերում գյուղխորհուրդների աշխատանքի գնահատման չափանիշը դարձել էր կուլակներին հայտնաբերելն ու արտաքսելը: Ժամանակի կատարողական միտքը հասել էր անհեթեթության: Գյուղի ակտիվիստները իրենց համագյուղացիներին մինչև իսկ արտաքսում էին այլ բնակավայրեր: Շատ հաճախ, ստեղծված խառնակ վիճակից օգտվելով, կուսակցական բջջի անդամները անձնական հաշիվներ էին մաքրում համագյուղացիներից: Բազմաթիվ բնակելի տներ, գոմեր, անձնական օգտագործման իրեր, գորգեր դարձել էին պատահական մարդկանց սեփականությունը:

Մենատնտես գյուղացիները անասունների հարկադիր համայնացումից խուսափելու համար մորթում էին կովերը, խոզերը, ոչխարները, տնային թռչունները: Այսպես, միայն խոշոր եղջերավոր անասունների կորուստը հաշվում էր 10239 զլովա⁶³⁰, որը մեծ հարված հասցրեց անասնապահության հետագա զարգացմանը: Կուլակտիվացման բնագավառում կուսակցական և խորհրդային մարմինների վարչական վերաբերմունքի հետևանքով լուր դժվարությունները երբեմն բացահայտ պռոթկումների տեղիք էին տալիս: Գյուղի աշխատավորները համառորեն դիմադրում և պահանջում էին վերջ տալ անօրինություններին:

Հուսալքված բնակչության մի մասը ստիպված երբեմն դիմում էր զենքի: Պատահական չէր, որ այդ ամիսներին ԼՂԽՄ բոլոր շրջաններում տեղի ունեցան սպանություններ և ընդհարումներ: Արցախյան գյուղը, որի բնակչությանը բազում դարեր հատուկ էր համերաշխությունն ու համատեղ ստեղծագործ աշխատանքը, հայտնվեց տարբեր թշնամական ճամբարներում:

Հայճեայ համատարած կոլեկտիվացման քաղաքականությունը տխուր հետևանքներ ունեցավ գյուղի համար: Մովամահության դեպքերը սովորական երևույթ դարձան:

Ստեղծված քաղաքական և տնտեսական ճգնաժամից դուրս գալու նպատակով կուսակցական բարձրագույն մարմինները մի շարք միջոցառումներ ձեռնարկեցին: Մանավանդ այն վայրերում, «ինչպիսինն էր ԼՂԽՄ-ը, որտեղ համատարած կոլեկտիվացման համար չկան ոչ սոցիալական և ոչ էլ տնտեսական նախադրյալներ»⁶³¹: Աշխատանքից ազատվեցին մարզկոմի առաջին քարտուղար Ս. Քարամյանը, ինչպես նաև շրջկոմների քարտուղարներ և շրջգործկոմների նախագահներ:

1930թ. պետական մի շարք միջոցառումների՝ կամավորության սկզբունքի վերականգնման հետևանքով «թղթե կոլտնտեսությունները», որոնք ստեղծվել էին վերևից դեկրետավորելու միջոցով, մաղման հետևանքով հանգեցրին կոլեկտիվացման տոկոսի զգալի կրճատման: Արդեն 1930թ. հուլիսի 31-ի դրությամբ մարզում մնացել էր 114 կոլտնտեսություն՝ 4286 տնտեսությունների ընդգրկումով, որը կազմում էր մարզի գյուղացիական տնտեսությունների 15 տոկոսը⁶³²:

Տեղին է նշել, որ եթե 1930թ. սկզբին կուլակությունը վերացվում էր համատարած կոլեկտիվացման հիման վրա, ապա դրանից հետո, երբ մասնակիորեն ուղղվեցին թույլ տրված կոպիտ քաղաքական սխալները, նորից ուժի մեջ մտավ կուլակությունը՝ սահմանափակելու և արտամղելու քաղաքականությունը: Հանվեց համատարած կոլեկտիվացման լոգունգը և շարունակվեց կուլակության, որպես դասակարգի վերացման քաղաքականությունը՝ տնտեսական ճնշման օգնությամբ: Կատարվածը անհամատեղելի էր արցախյան գյուղի զարգացման տվյալ էտապի առանձնահատկություններին, որովհետև առանց այն էլ եղած կուլակների ճնշող մեծամասնությունը, սեփականագրվել էր մինչև կոլտնտեսային շարժման նախօրյակը:

1930թ. Լեռնային Ղարաբաղի մարզկոմը հատուկ նամակով դիմեց բոլոր շրջկոմներին, կուսկոմիտեներին, կուսբջիջներին և կուսկազմակերպության անդամներին՝ հրահանգելով 1931թ. մարզում կոլեկտիվացումը հասցնել 42,2 տոկոսի, նախապատրաստվել և ու-

նեզրկել կուլակներին⁶³³: Պատահական չէ, որ մարզում 1930թ. վերջերին տասնյակ ընտանիքներ նորից կուլակաթափեցին: Մի քանի ամսվա ընթացքում 1930թ. սեպտեմբերից մինչև 1931թ. հունվարի սկիզբը մարզում ստեղծվեց 30 նոր կոլտնտեսություն⁶³⁴:

Գյուղում անհրաժեշտ քաղաքական, տնտեսական, հոգեբանական նախադրյալների բացակայության պայմաններում թռիչքաձև կոլեկտիվացման հետևանքով կրկին թույլ տրվեցին կոպիտ քաղաքական սխալներ: Դեպքերի զարգացման ընթացքը շեղվեց իր բնականոն հունից և բազում ապօրինությունների տեղիք տալով՝ բավականին ծանր անդրադարձավ գյուղի տնտեսական, հասարակական-քաղաքական կյանքի առաջընթացի վրա:

Վերածնվեցին ռազմական կոմունիզմի ժամանակների արտատնտեսական հարկադրանքի մեթոդները: Հողի տերը լինելու գյուղացու ձգտումը, որը օրենսդրական կերպով ճանաչվել էր դեռ հողի մասին դեկրետով, հայտարարվեց մասնավոր սեփականատիրական վերապրուկ: Գյուղացիության հետ ապրանքափոխանակման և փոխադարձ օգուտի վրա հիմնված հարաբերությունները փոխարինվեցին թելադրանքի հարաբերություններով, որն իր հերթին պարարտ հող նախապատրաստեց վարչաիրամայական համակարգի ձևավորման, բյուրոկրատական ճյուղավորված մեխանիզմի արմատավորման համար: Այս բոլոր գործողությունների առաջացրած գյուղացիների բնական դժգոհությունը մեկնաբանվեց որպես յուրօրինակ սարսափ: Եվ դրանով արտահայտվում էր պատժիչ միջոցների կիրառման անհրաժեշտությունը: Տասնյակ գյուղացիներ ընտանիքներով կտրվեցին հողից: Գյուղացին օտարվեց հողից: Գյուղի սոցիալ-տնտեսական զարգացման հետ մնալը ուժեղացրին միգրացիոն գործընթացները: Կուսակցական և խորհրդային մարմինների կողմից իշխանության չարաչափման, օրինականության ոտնահարման, զանազան կարգերի մեքենայությունները, բարոյական վերասերման ամոթալի ու զայրացուցիչ փաստերը սովորական էին դարձել, որոնք աղավաղում, ձևախախտում էին դարերով ստեղծված մարդկային արդարության սկզբունքները, ծնում սոցիալական խորթացում, սասանում ժողովրդի հավատը սպազայի հանդեպ:

Այլընտրանք չունենալով՝ մենատնտեսները մասսայականորեն մտնում էին կոլտնտեսություններ: Մինչև 1931թ. նոյեմբերի վերջը մարզի բոլոր գյուղական բնակավայրերում ստեղծվեց 224 կոլտնտեսություն⁶³⁵: Երկրորդ հնգամյակի վերջին մարզում կային 4 սովխոզ և 207 կոլտնտեսություն (կոլտնտեսությունների թվաքանակի նվազեցումը կապված էր խոշորացման հետ –Վ.Բ.), որոնցում միավորված էին գյուղացիական տնտեսությունների 90 տոկոսը: Կոլտնտեսություններին էին պատկանում բոլոր ցանքատարածությունների 94,8 տոկոսը⁶³⁶:

Հայտնի է, որ մասսայական կոլտնտեսային շարժման տարիներին կոլտնտեսային շինարարությունը գերազանցապես ընթացավ լայնությամբ: Նորաստեղծ կոլտնտեսությունների մեծ մասը չքավորական կազմ ունեւր, տնտեսապես թույլ էր, իսկ կազմակերպական տեսակետից՝ հեղհեղուկ, չունեւր համապատասխան նյութատեխնիկական բազա և խոշոր արտադրություն վարելու փորձ: Գյուղի կոլտնտեսական ու տեխնիկա-տնտեսական հետամնացության պայմաններում ձևավորվող կոլեկտիվ տնտեսությունում արտադրության և սպառման կազմակերպման բնագավառում բազմաթիվ թերություններ կային: Կոլտնտեսությունները անշահույթաբեր էին:

Աուսակցական և խորհրդային մարմինները սկսեցին հիմնովին զբաղվել կոլտնտեսություններում աշխատանքի կազմակերպման, կոլտնտեսային բրիգադների ստեղծման ու ամրապնդման, պետական և հանրային ունեցվածքի պահպանության խնդիրներով: Յուրաքանչյուր բրիգադի ամրացվում էին որոշակի հողամասեր, բանող անասուններ, մեքենաներ և գանազան գույք: Կոլտնտեսությունում աշխատանքի կազմակերպման ամենալուրջ թերությունը, որ խոչընդոտ էր դարձել կոլտնտեսային արտադրության ծավալման գործին, գործավարձի բացակայությունն էր, եկամտի ոչ ճիշտ բաշխումը: Խառնաշփոթություն էր տիրում աշխատանքի հաշվառման և վերահսկողության բնագավառում, շատ ղեպքերում բերքը բաշխվում էր ոչ թե ըստ կատարած աշխատանքի քանակի և որակի, այլ հասարակական սկզբունքով, հաճախ էլ՝ ըստ շնչերի, մինչև անգամ՝ ըստ պահանջմունքի:

Կոլտնտեսային շինարարության առաջին տարիների փորձը համոզեց, որ կոլտնտեսություններում կատարվող հանրային աշխատանքի հաշվառման ամենալավագույն ձևը աշխօրն է, որպես աշխատանքի և եկամուտների բաշխման չափանիշ:

1932թ. սկսած՝ մարզի կոլտնտեսություններում աշխատանքը սկսեցին կազմակերպել գործավարձի հիմունքներով և եկամուտների (բնամթերալին ու դրամական) բաշխումը կատարել ըստ աշխօրերի:

Երկրագործական կոլտուրաների բերքատվության բարձրացման, աշխատանքի և միջոցների նվազագույն ծախսումներով ավելի շատ գյուղատնտեսական մթերքներ արտադրելու համար անհրաժեշտ էր առաջին հերթին բարձրացնել հողագործության մեքենայացման ու նրա տեխնիկական հագեցվածության աստիճանը: Այդ նպատակով 1932թ. Մարտակերտում, իսկ 1934թ. Մարտունում, իսկ այնուհետև նաև Ասկերանում ստեղծվեցին մեքենա-տրակտորային կայաններ: Եթե 1937թ. սկզբին մարզի ՄՏԿ-ում կար 112 տրակտոր⁶³⁷, ապա նույն թվականի վերջին դրանց թիվը հասավ 180-ի, միաժամանակ ավելացան 18 կոմբայններ և 41 բեռնատար մեքենաներ⁶³⁸:

Կոլտնտեսային արտադրության վերելքն ապահովելու ու նոր տեխնիկայի հիմքերի վրա գյուղատնտեսության վերակառուցումն անհնարին էր իրականացնել առանց այդ տեխնիկային տիրապետող կադրերի ու կոլտնտեսային, սովխոզային արտադրության գործիմաց կազմակերպիչների: Առանձնահատուկ ուշադրության կենտրոնում էին կոլտնտեսության նախագահների և արտադրության անմիջական կազմակերպիչների՝ բրիգադավարների, ֆերմայի վարիչների, գյուղատնտեսության մասնագետների դաստիարակության և ուսուցման հարցերը:

Այդ նպատակով 1930-ական թվականներին Շուշիում և Ստեփանակերտում բացվեցին հաշվետորների, բրիգադավարների, ֆերմայի վարիչների, կոլտնտեսությունների նախագահների երկամսյա և եռամսյա դասընթացներ: Երկրորդ հնգամյակի ընթացքում այդ դասընթացները ավարտեցին 5 հազար կոլտնտեսային աշխատողներ⁶³⁹:

Նշված միջոցառումների շնորհիվ մարզում աճեց ցանքատարածությունների քանակը: 1938թ. հունվարի 1-ի դրությամբ խոշոր և

մանր եղջերավոր անասունների թիվը մարզում հասնում էր 221,4 հազարի⁶⁴⁰:

Գյուղի սոցիալիստական վերափոխումների փորձը՝ բոլոր նվաճումներով, ձեռքբերումներով և հսկայական կորուստներով հանդերձ, հավաստում է, որ միայն կոլտնտեսային արտադրության խիստ տնտեսագիտական մեթոդներով, ժողովրդավարական սկզբունքներով կառավարման, արտադրության և սպառման խելացի կարգավորման միջոցով է հնարավոր հասնել առավելագույն արդյունքի:

ներով փոխանցվելով կարծրացել ու դարձել են երկրամասի հայության յուրատիպ անկրկնելի հատկանիշը: Ղարաբաղցի հայ հավատավորը նմանօրինակ յուրատիպ խառնվածքով իր ամենաբանկը՝ արյունը չխնայեց հայրենականի տարիներին: Այն նվիրաբերեց, որպեսզի իր ժառանգը մինչև վերջ չքամի դժնդակ անարդարության, ստի ու կեղծիքի քանձր սրուրը: Բայց իրարամերժ են իրական կյանքն ու արդարությունը: Ղարաբաղցի հողվորը, հորովելի կանչը սրտում, զենքը ձեռքին Ուկրաինայի տափաստաններում, Գնեպրի ափերին, հեռավոր Լեհաստանում ու օտար Չեխոսլովակիայում կռվում և իր մատաղ կյանքն էր գոհաբերում, որպեսզի ապրի իր հայրենի արծվաբույնը, այն չկորչի պատմության անեության մեջ:

Պատերազմի տարիներին արցախահայերի ներդրած ավանդը կարելի է բնորոշել հայ ժողովրդի պանծալի զավակ, ծագումով գետաշենցի, ծովակալ Ա.Ի. Իսակովի խոսքերով. «Եթե մենք գնահատում ու հարգում ենք նրանց, ովքեր, վտանգի ենթարկելով իրենց կյանքը, հերոսաբար պաշտպանում էին անմիջականորեն իրենց տունը, իրենց օջախն ու ընտանիքը, ապա էլ ավելի պետք է սիրենք ու ըստ արժանվույն գնահատենք նրանց, ովքեր առանց երկար մտածելու արյունահեղ մարտերի մեջ էին մտնում իրենց տնից 2-3 հազար կմ հեռու եղբայրական հանրապետությունների հողում՝ պաշտպանելու ընդհանուր գործը, ընդհանուր ունեցվածքը: Ահա սա է հայրենասիրության բարձրագույն ձևը... Ռուսների, ուկրաինացիների, բելոռուսների և Միության մյուս ժողովուրդների ներկայացուցիչների հերոսությունը կատարվում էր հանուն հաղթանակի, ընդդեմ ընդհանուր թշնամու, ի երջանկություն բոլորի, այդ թվում նաև հանուն Լեռնային Ղարաբաղի անկախության, ազատության ու երջանիկ ապագայի»⁶⁴²:

Չկար փոքրիկ երկրամասի մի գյուղ ու բնակավայր, որտեղ հասած չլինեին մահասփյուռ պատերազմի սահմոնեցուցիչ դրրդյունները: Առաջին համաշխարհայինից մնացած, դեռևս չսպիացած վերքերը նորից նվնվացին:

Պատերազմի հենց առաջին օրերին հազարավոր մարդիկ կամավոր մեկնեցին ռազմաճակատ: Մարդիկ խնդրում էին իրենց ուղարկել այնտեղ, ուր որոշվում էր հայրենիքի ճակատագիրը:

Լեռնային Ղարաբաղի ինքնավար մարզից Հայրենական Մեծ պատերազմին մասնակցեցին 45 հազար հայորդիներ: Գ-ա Ղարաբաղի այն ժամանակվա բնակչության թվի 1/3-ից ավելին էր: Այն դեպքում, երբ պատերազմի տարիներին Ադրբեջանում գորակոչվել է 19 ադրբեջանցիներից ընդամենը մեկը⁶⁴³:

23 հազար արցախահայեր իրենց կյանքը նվիրաբերեցին հայրենիքի պաշտպանության գործին: Ռ-ազմաճակատներում կատարած սխրագործությունների համար 21 դարաբաղցիներ արժանացել են Խորհրդային Միության հերոսի կոչման, իսկ շուշեցի օդաչու Նելսոն Ստեփանյանը այդ պատվին արժանացել է երկու անգամ: Հինգ հոգի դարձել են «Փառքի շքանշանի» երեք աստիճանների ասպետ, 15 հազարից ավելին պարգևատրվել են տարբեր շքանշաններով և մեդալներով: Փոքրիկ այս երկրամասը տվել է Խորհրդային Միության 3 մարշալ՝ Հովհաննես Բաղրամյանը, Համազասպ Բաբաջանյանը և Արմենակ Խանփերյանցը(Մերգեյ Խուդյակով): Իրենց գորավարական տաղանդով փայլել են 30-ից ավելի գեներալներ ու ավելի քան 1000 սպա⁶⁴⁴:

Բնակչության թվի տոկոսային հարաբերությամբ այս ցուցանիշներով դարաբաղցիները բազմազգ Խորհրդային Միությունում գրավել են առաջին տեղերից մեկը:

Ռ-ազմաճակատի գծից այն կողմ արցախցի պարտիզանները իրենց ավանդը բերեցին Ուկրաինայի, Բելոռուսիայի, Հարավսլավիայի, Լեհաստանի, Բուլղարիայի, Ֆրանսիայի ազատագրման գործին:

Հայրենական Մեծ պատերազմի տարիներին ԼԳԽՄ-ում վիթխարի աշխատանք կատարվեց ամբողջ թիկունքը պատերազմի պայմաններին համապատասխան վերակառուցելու, ռազմաճակատի կարիքների համար արտադրանքի թողարկումը ավելացնելու, ռազմա-պաշտպանական գործը ամուր հիմքերի վրա դնելու և ռազմաճակատին նոր համարումներ տալու համար: Չնայած նրան, որ աշխատունակ բոլոր տղամարդիկ գտնվում էին ռազմաճակատում, մարզի գյուղատնտեսությունը և արդյունաբերությունը առաջընթաց ապրեց:

Կանայք, անչափահասներն ու պատանիները դաշտերում ու

գործարաններում ամեն ինչ անում էին, որպեսզի պատվով փոխարինեն ռազմաճակատներում մարտնչողներին և ժամանակին կատարեն ճակատի պատվերները:

Մարզի ազգաբնակչությունը ջանք ու եռանդ չխնայեց ռազմաճակատին հացահատիկով, կաթով, մսով և անասնապահական այլ մթերքներով բավարարելու համար: Պատերազմի տարիներին Լեռնային Ղարաբաղում քիչ չէին սովամահության դեպքերը, բայց արցախցի աշխատավորը իր վերջին հացի կտորը կիսում էր ճակատի զինվորի հետ:

Պատերազմի բոլոր ծանրությունները, կորուստների ամբողջ ցավը անտրտունջ կրեցին մարզի կանայք՝ դրսևորելով վիթխարի կամք ու արժանապատվություն: Աշխատանքային բոլոր բնագավառներում, չնայած դժվարություններին, կանայք կարողանում էին փոխարինել տղամարդկանց, նրանք աշխատում էին դաշտերում, ֆերմաներում: Հարսներն ու աղջիկները աշխատում էին որպես տրակտորիստուհիներ: Պատերազմից առաջ ԼԿԵՄ Մարտունու շրջկոմը կազմակերպել է տրակտորիստների դասընթացներ, որտեղ, առանց արտադրությունից կտրվելու, սովորում էին 32 աղջիկներ: Նրանց մեծ մասը, անցնելով վերապատրաստման դասընթացները, փոխարինել են ռազմաճակատ մեկնած տղամարդկանց: Միայն 1943թ. Մարտունու ՄՏԿ-ում երիտասարդ կանանցից ու աղջիկներից պատրաստվեցին 50 նոր տրակտորիստներ⁶⁴⁵:

Ղարաբաղի մայրերը տաք շորերով, չորացրած մրգերով հագարավոր ծանրոցներ են ուղարկել ռազմաճակատ: Ստանալով Մարտակերտի շրջանի կանանց՝ իր հասցեով ուղարկված ծանրոցը, մարշալ Գ.Ժուկովը նամակով նրանց պատասխանել է. «Ձեր մարզի կանայք ընթանում են Կարմիր բանակի հաղթանակի համար թիկունքում աշխատող ժողովրդի ավանգարդում: Ձեզ ցանկանում են ակտիվ ու բեղմնավոր աշխատանք՝ թշնամու նկատմամբ լիակատար հաղթանակ ապահովելու համար»⁶⁴⁶: Նամակը ամբողջությամբ պահպանվում է Արցախի պետական պատմաերկրագիտական թանգարանում:

Արդեն պատերազմի առաջին օրերին ԽՍՀՄ-ի թիկունքային շրջաններում, այդ թվում ԼՂԻՄ-ում, աշխատավորների նախաձեռնու-

թյամբ ծագեց մասսայական շարժում՝ կամավոր հիմունքներով պաշտպանության ֆոնդ ստեղծելու համար: Պաշտպանության ֆոնդ էին մուծվում փող, պետական փոխառնություններ, ոսկե ու արծաթե իրեր: Այդ նպատակների համար մեծ գումար էին հատկացնում կիրակնօրյա աշխատանքային վաստակից: Մարզի տնտեսությունները պլանից դուրս ցանում էին «պաշտպանության հեկտարներ», որոնցից ստացված ամբողջ բերքը օգտագործվում էր երկրի պաշտպանական կարիքների համար:

Պատերազմի տարիներին դարաբաղցիները երկրի պաշտպանության ֆոնդ են մտցրել 2 762337 ռուբլի, 2 կգ 71 գ ոսկի, 31 կգ 989 գ արծաթ: Տանկային շարասյունների և մարտական ինքնաթիռների կառուցման ֆոնդն է մուծվել 1 631214 ռուբլի և 5 961905 ռուբլու արժողությամբ պետական պարտատոմսեր⁶⁴⁷:

Հարկ է նշել, որ 1942թ. վերջին և 1943 թվականի ընթացքում Ադրբեջանում հավաքվել և «Ադրբեջանի կոլխոզնիկ» տանկային շարասյան ֆոնդն է մտցվել 81 մլն 200000 ռուբլի, որից 23 մլն 293100 ռուբլին մուծել են Լեռնային Ղարաբաղի կոլտնտեսությունները⁶⁴⁸:

Այսպիսով, Հայրենական Մեծ պատերազմի տարիներին լեռնային այս փոքրիկ երկրամասի հայությունը իր մարդկային և նյութական ողջ կարողությունը անմնացորդ ի սպաս դրեց հայրենիքի պաշտպանության վեհ գործին՝ ժամ առաջ մոտեցնելով բաղձալի հաղթանակը:

ենթարկելու ուղղությամբ: Աղբրեջանի քաղաքական ղեկավարությունը հասկանում էր, որ առաջին հերթին անհրաժեշտ է վերացնել անմիջական սահմանը Հայաստանի և Լեռնային Ղարաբաղի միջև: Դա անշրջելի դարձնելու նպատակով խորհրդային Աղբրեջանի ղեկավարությունը շարունակեց շահ Աբասի ժամանակներից սկսած Արաքսի ափերից մինչև Ջերմուկի փեշերը մահմեդական ցեղերով բնակեցնելու քաղաքականությունը: Այդ նպատակով Աղբրեջանի Կ(ր)Կ Կենտկոմի նախագահության 1923թ. հուլիսի 16-ի նիստում որոշվեց «քրդերի զբաղեցրած տարածքից կազմել Քուրդիստանի գավառը»⁶⁴⁹: Դրա հիման վրա 1923թ. օգոստոսի 6-ին խորհրդային Աղբրեջանի կառավարության որոշմամբ կազմավորվեց Կարմիր Քուրդիստան-ինքնավար քրդական շրջան՝ Լաչին կենտրոնով: Կարճ ժամանակահատվածում քրդերին բուրքացնելուց հետո, 1930թ. վերացվեց Քուրդիստանի տարբերակիչը, և ստեղծվեցին Քելրաջարի, Լաչինի, Կուրաթլուի, Չանգելանի շրջանները: Քրդերի ուժացման հախուռն մի նոր ժամանակաշրջան սկսվեց: 1926թ. Աղբրեջանում ապրում էր 44139 քուրդ, 1936թ.՝ 6000, իսկ 1979թ. մարդահամարի տվյալներով հարևան հանրապետությունում արդեն քուրդ չկար⁶⁵⁰: Այնուհետև ԼԳԽՄ-ի տարածքում գտնվող մի շարք բնակավայրեր պոկեցին ինքնավար մարզից և նվիրարեցին աղբրեջանական շրջաններին: Այսպես, Անդրֆեդերացիայի վերացումից հետո Հաղրուքի շրջանից Հոդեր ու Հարար գյուղերը կցվեցին աղբրեջանական Ֆիզուլու և Լաչինի շրջաններին:

Դրանով էլ չբավարարվելով՝ 1950-1970-ական թվականներին տնտեսությունները խոշորացնելու առիթով հայկական գյուղերից խլվեցին ընդարձակ հողահանդակներ և հանձնվեցին աղբրեջանցիներին: Միաժամանակ հայկական բնակավայրերը ենթարկեցրին աղբրեջանական գյուղերին: Այդ ամենից հետո մարզի խաչմերուկային ճանապարհների վրա և բարերեր գետահովիտներում՝ հայկական բնակավայրերի արանքում, ստեղծվեցին աղբրեջանական նոր գյուղեր: Արդյունքում տասնյակ հայկական գյուղեր վերացան: Դրանց մի մասը՝ Ջամիլյուն, Կրկժանը, Խոջալյուն և այլ գյուղեր, բնակեցվեցին աղբրեջանցիներով:

1920-ական թվականներից մինչև 1950-ական թվականների վեր-

ըը Լեռնային Ղարաբաղից ամեն տարի հազարավոր երիտասարդներ էին հավաքագրում և ուղարկում հանրապետության արդյունաբերական կենտրոնները՝ կառուցապատելու, ինչպես նաև Միլի ու Մուղանի անջրդի հողահանդակները յուրացնելու:

Մշակովի հողահանդակների պակասը, ցածր բերքատվությունը, ռոզգման համակարգերի բացակայությունը Լեռնային Ղարաբաղի հայությանը ստիպում էին հարևան աղբրեջանական շրջաններում զբաղվել արտագնա աշխատանքով: Ծանր աշխատանքը, կլիմայական պայմանների կտրուկ փոփոխությունը մասսայական հիվանդությունների և մահացության պատճառ էին դառնում: «Տարեց-տարի բնակչության նոր հավաք է կազմակերպվում. ընտանիքների առավել եռանդուն և գործունյա անդամները ստիպված լքում են իրենց հայրենիքը: ... ԼՂ-ում տուն չկար, որ մեկ անդամի չուղարկեին արտագնա աշխատանքի»⁶⁵¹:

Միլի տափաստանում հայ գյուղացիներին հողեր էր հատկացվում, պայմանով, որ նրանք պիտի ապրեին Աղջարեղիի շրջանում⁶⁵²: Հայ բանվորների ջանքերի շնորհիվ կառուցվեց Միլի հայտնի ջրանցքը, որը կոչվեց «գյավուր արխ»:

Խորհրդային իշխանության տարիներին ԼՂԽՄ-ում զարգացած էր կանանց աշխատանքի պահանջ ունեցող արդյունաբերությունը, և դա գիտակցաբար էր արվում Աղբրեջանի ղեկավարության կողմից, որպեսզի տղամարդիկ հեռանան մարզից:

Լեռնային Ղարաբաղը մայր Հայաստանից կտրելուց հետո Աղբրեջանի ղեկավարությունը երկրամասից հայ բնակչության արտահոսքը արագացնելու նպատակով արհեստականորեն արգելակում էր մարզի սոցիալ-տնտեսական զարգացման ընթացքը:

Գա առանձնապես արտահայտվել է բարձր որակավորման մասնագետ կադրերին աշխատանքով չապահովելու հարցում: Առանձնապես Հայաստանում կրթություն ստացած մասնագետները մարզում աշխատելու ոչ մի հնարավորություն չունեին: Հայկական կրթություն ունեցող երիտասարդներին վարչա-կառավարչական մարմիններում աշխատելը արգելված էր:

Հայ բնակչության արտագաղթին ուղղակի նպաստել է դպրոցներում սովորելու համար տարրական պայմանների բացակայու-

թյունը: Մինչև 1970-ական թվականները, մարզի հայկական շրջաններում պետական բյուջեի հաշվին չի կառուցվել ոչ մի դպրոցական շենք, ակումբ, մշակույթի տուն:

Աղբրեջանի հայկական դպրոցներում արգելվում էր հայոց պատմության դասավանդումը: Դրան հակառակ, Ստեփանակերտի մանկավարժական ինստիտուտում Աղբրեջանի պատմության դասավանդումը պարտադիր էր:

Վատքար վիճակում էր մարզի առողջապահական համակարգը: 1986թ. Լեռնային Ղարաբաղում բնակչության 10 հազար շնչին ընկնում էր 28,7, իսկ Աղբրեջանում՝ 38,4 բժիշկ: Այն դեպքում, երբ բժիշկների մի զգալի մասը ազգությամբ աղբրեջանցիներ էին:

Տարեցտարի բնակարանային շինարարության ծավալները զգալիորեն կրճատվում էր: Եթե 1966-70թթ. կառուցվել է 262,0 հազարառ. մետր բնակտարածություն, ապա 1976-80թթ.՝ 242,6 հազարառ. մետր⁶⁵³: 1966-1986թթ. մարզում շահագործման համձնված ընդհանուր օգտակար բնակտարածության 58,3 տոկոսը բաժին էր ընկնում անհատական շինարարությանը, իսկ հանրապետությունում, ամբողջությամբ վերցրած, այն կազմում էր 41,6 տոկոս⁶⁵⁴:

Ստեփանակերտում բնակարան ստանալու համար մարդիկ սպասում էին տասնյակ տարիներ:

ԼԳԽՄ-ը Աղբրեջանին զիջում էր մեկ շնչին ընկնող համախառն հանրային արդյունքով, արդյունաբերության, գյուղատնտեսության մեքենայացմամբ և կապիտալ ներդրումներով: Այսպես, 1986թ. Աղբրեջանում մեկ բնակչին ընկնող կապիտալ ներդրումները կազմել են 473, Նախիջևանում՝ 342, ԼԳԽՄ-ում՝ 181 ռուբլի⁶⁵⁵:

Վատքար վիճակում էր հաղորդակցության ցանցը: Հաղորդակցության միջոցների բացակայության կամ էլ անմխիթար վիճակի հետևանքով տասնյակ գյուղեր անմարդարնակ են դարձել: Մարզի արդյունաբերությունը ներկայացնում են ընդամենը մի քանի տասնյակ ձեռնարկություններ, որոնց մի մասը հիմնադրվել է դեռևս մինչև հեղափոխությունը: Արդյունաբերական ձեռնարկություններում մեծ մասամբ գերիշխում էր իր դարն ապրած հին տեխնիկան և ձեռքի աշխատանքը, դրանք գուրկ էր ժամանակակից արտադրական շենքերից:

ԼԳԽՄ-ում չկար համակցված կերերի, երկաթբետոնե իրերի

գործարաններ, արադաց, տնաշինական կոմբինատ:

Գերազանցապես գյուղատնտեսական մարզ հանդիսացող Լեռնային Ղարաբաղում խորհրդային իշխանության տարիներին ոռոգման համակարգեր չեն ստեղծվել: Գրա փոխարեն Ղարաբաղի լեռնային գետերի ջրերի հաշվին ջրաբքի էին դարձվել հարևան աղբրեջանական շրջանների տասնյակ հազարավոր հեկտար հողահանդակներ: Ջրառատ երկրամասում լուծված չի եղել նաև խմելու ջրի հիմնահարցը: Չնայած այս ամենին հայ բնակչության աշխատանքային եռանդի շնորհիվ, մարզը գյուղատնտեսական մի շարք մթերքների արտադրությամբ հանրապետությունում առաջնային տեղ էր գրավում: Այսպես, 1986թ. ԼՂԽՄ-ը բնակչության մեկ շնչին ընկնող մսի (անասունների և թռչունների միսը կենդանի քաշով) գնումներով Նախիջևանին գերազանցում էր 4,6, կաթով՝ 2,7, ցորենով՝ 1,4 անգամ, խաղողով՝ 1,6 անգամ: Միավոր հողատարածության հաշվով այստեղ 1,2 անգամ ավելի շատ անասնազվխաքանակ է պահվում, քան հանրապետության միջինն է և 1,7 անգամ ավելի շատ, քան Նախիջևանը⁶⁵⁶: Մարզը տալիս էր ավելի շատ գյուղատնտեսական մթերքներ, քան ստանում էր, այդ պատճառով էլ աշխատավորությունը մասմթերքների ու կաթնամթերքների մշտական կարիքի մեջ էր: Վերոհիշյալ մթերքների վաճառքը կատարվում էր կտրոններով: 70 տարիների ընթացքում Աղբրեջանի ղեկավարությունը հնարավոր և անհնարին միջոցներով մարզը մղել է փակուղի, նրա հայ բնակչությանը քաշել ստրկական ու գաղութարարական լծի տակ: Իրավացի է ԽՄԿԿ Կենտկոմի բաժնի վարիչ, ԼՂԽՄ-ի հատուկ կառավարման Կոմիտեի ղեկավար՝ Ա.Վուլսկին. «Երկրում շրջելիս,- ասել էր նա,- ես չեմ հանդիպել այնպիսի ավերածության, մարդկանց ճակատագրերի հանդեպ այնպիսի արհամարհանքի, ինչպես Լեռնային Ղարաբաղում»⁶⁵⁷: Լեռնային Ղարաբաղի հայ բնակչության ազգային իրավունքները ոտնահարելու և նրա նկատմամբ խտրական քաղաքականություն կիրառելու իմաստը Արցախը հայաթափ անելու և մարզը աղբրեջանականացնելու մեջ է:

Մարզի հայ բնակչության տարրական իրավունքների ամեն մի

պաշտպանություն գնահատվում էր որպես ազգայնականության արտահայտություն: Երկրամասը գրկված էր ամեն տեսակ ինքնուրույնությունից: Այդ ամենը հանգեցրել է ԼՂԲՄ հայազգի բնակչության մեծամասնության համար անտանելի պայմանների ստեղծմանը և համապատասխանաբար՝ հայերի զանգվածային արտագաղթին: Բոլորից շատ հիասթափվել էր հայ մտավորականությունը, որը հասկանում էր բռնակցված տարածքներում իրականացվող քաղաքականությունը:

Նմանօրինակ քաղաքականությունը հանգեցրել էր մարզի հայ բնակչության տեսակարար կշռի անընդհատ նվազմանը: Ընդ որում՝ Լեռնային Ղարաբաղի հայ բնակչության մեծ արտահոսքը մինչև երկրորդ աշխարհամարտը ուղեկցվում էր բնական բարձր աճով: Վերջինիս շնորհիվ հայ բնակչության աճի որոշ միտում նկատվեց: 1926թ. և 1939թ. մարդահամարների ընթացքում, մարզի հայ բնակչության ընդհանուր թիվը 111,7 հազարից հասավ 132,8 հազարի, նույն տարիներին մարզի բնակչության ընդհանուր թիվը 125,3 հազարից հասավ 159,8 հազարի⁶⁵⁸ կամ ավելացավ 20,4 տոկոսով⁶⁵⁹: Փաստորեն, հայերի տեսակարար կշիռը մարզի ընդհանուր բնակչության թվակազմում կրճատվեց ի օգուտ ադրբեջանցիների:

Դրանով չրավարարվելով՝ 1949 թվականի հունիսի 14-ին դաշնակցականի, ռազմագերու կամ հակախորհրդային տարրի պիտակներով 24,5 հազար արցախահայեր արտոբվեցին Ալթայի երկրամասը: Դրա, ինչպես նաև անընդհատ ավելացող արտահոսքի հետևանքով մարզի հայ բնակչությունը զգալիորեն կրճատվեց և 1959թ. կազմեց 110,1 հազար⁶⁶⁰ (ավելի քիչ, քան 1926թ.): Հետագա տարիներին Լեռնային Ղարաբաղի հայ բնակչության արտահոսքը ավելի ուժեղացավ: 1926-1979 թվականներին Լեռնային Ղարաբաղից միջին հաշվով տարեկան արտագաղթում էին մինչև 2 հազար հայեր, դրա փոխարեն 1959-1979 թվականներին միջին հաշվով ավելանում էին հազար ադրբեջանցիներ⁶⁶¹:

Խորհրդային իշխանության տարիներին Լեռնային Ղարաբաղում ապրում էին, այստեղ ծնված ամեն տասերորդ քաղաքացին, իսկ մնացած իննը արտագաղթում էին: Այդ ամենի հետևանքով

մարզի հայ բնակչությունը 111,7 հազարից 1979թ. հասավ 123,1 հազարի, իսկ աղբբեջանցիները համապատասխանաբար 12,6 հազարից հասավ 37,2 հազարի⁶⁶²: Աղբբեջանցի բնակչությունը շարունակում էր ավելանալ ինչպես բնական աճի, այնպես էլ դեպի Լեռնային Ղարաբաղ կատարվող ներհոսքի շնորհիվ:

Ամբողջությամբ վերցրած՝ 1939 և 1979 թվականների մարդահամարների միջև ընկած 40 տարիների ընթացքում ԼՂԽՄ-ում հայերի թիվը կրճատվել է 7,3 տոկոս, իսկ աղբբեջանցիների թիվը աճել է 2,6 անգամ⁶⁶³:

Հայերին ԼՂԽՄ-ից և ընդհանրապես Աղբբեջանից դուրս մղելու գործընթացը ուժեղացավ հատկապես 50-ական թվականներից: Գրան հակառակ, աղբբեջանցիների թիվը աճում էր Հայաստանում: Ասվածի մասին են վկայում ստորև տրված աղյուսակները⁶⁶⁴:

┌

Աղբրեջանական ԽՍՀ գյուղական շրջաններում հայ բնակչության թվի շարժը 1959-1979 թվականներին



Հայկական ԽՍՀ գյուղական շրջաններում աղբրեջանական բնակչության թվի շարժը 1959-1979 թվականներին

Երիտասարդության արտահոսքը հանգեցրել է մարզի հայ բնակչության «ծերացմանը», որը մի կողմից իջեցրել է ծնունդը և մյուս կողմից՝ բարձրացրել մահացությունը: Եթե 1970-1986թթ. Աղբրեջանական ԽՍՀ-ում բնակչության 1000 շնչի հաշվով մահացել է 6-7 մարդ, ապա ԼՂԽՄ-ում այդ ընթացքում այն կազմել է 7,5-8 մարդ:

1970-80-ական քվականներին ԼՂԻՄ-ի հայ բնակչության բնական աճը դրսևորվում է խիստ նվազման միտումով: Նկատենք, որ 1989թ., 1979թ. համեմատ, մարզի հայ բնակչությունը 123,1 հազարից աճեց 145,5 հազարի, երկրամասի հայ բնակչությունը 75,9 տոկոսից հասավ 76,9 տոկոսի, այսինքն 1 տոկոսի չափով աճ, իսկ ադրբեջանցիները՝ 37,3 տոկոսից հասան 40,6 տոկոսի⁶⁶⁵:

Այսպիսով, նպատակաուղղված ժողովրդագրական քաղաքականության միջոցով Ադրբեջանի իշխանությունները փորձում էին մարզը լիովին հայաթափել, դրանով իսկ մեկընդմիջտ լուծել դարաբաղյան հիմնահարցը:

Հայակուլ այդ քաղաքականությանը դիմակայելու նպատակով Արցախը Ադրբեջանին բռնակցվելուց անմիջապես հետո, առաջին իսկ օրերից կանգնեց ազատագրական պայքարի վրա: Արցախի գավառներում անընդհատ եղել են ընդվզումներ ու ապստամբական պոռթկումներ ադրբեջանական պաշտոնետության դեմ, մարզն ադրբեջանական ստրկությունից ազատագրելու համար: Այդ կապակցությամբ Ռուբեն Տեր-Մինասյանը գրել է. «ՀՀ Գաշնակցությունը, իբրև հայ ժողովրդի հույսի և հավատի խտացումը, չի դավաճանած Գանձակ-դարաբաղցիին, ընդառաջ է գացած անոր քաղձանքին և ամենեն տագնապալի վայրկյանին իսկ չէ մոռացած զայն: Այսօր ալ իր հալածական վիճակին մեջ, իր ծրագրին մեջ ունի հին Արցախ գավառներուն ազատագրումը: Այդ ծրագիրն ինքը չէ հղացած, այլ քաղած է Ղարաբաղի ժողովրդեն կամքեն»⁶⁶⁶:

1920-ական քվականներին Արցախում հակաադրբեջանական շարժումը ղեկավարելու նպատակով ստեղծվել է «Ղարաբաղը Հայաստանին» միությունը⁶⁶⁷: Այն իր քջիջներն ուներ ոչ միայն Լեռնային Ղարաբաղի, այլ նաև Գանձակի հայկական շրջաններում: Միությունը անկուսակցական էր, որի մեջ մտնում էին դաշնակցականներ, հնչակյաններ, էսեռներ, մենշևիկներ և բոլշևիկներ: 1927թ. նոյեմբերի սկզբներին միությունը հազարավոր թռուցիկներ է ցրել «Ղարաբաղը Հայաստանին» նշանաբանով: Այդ ամենին հետևել են բազմաթիվ ձերբակալություններ, որոնց թիվը անցնում էր 500-ից: «Հարյուրներով լցնում են երկաթուղին,- պատմում է ակամատեսը,- և ճանապարհում ղեպի Ռուսաստան: Իսկ սարերում և անտառնե-

րում էլ անհամար փախստականներ կան: Գիշերը հինգով-տասով անցնում են սահմանը: Մարդիկ են ուղարկված, որ նրանց էլ հավաքեն բերեն: Եթե Արաքսը չլինի, մի մարդ չի մնա, բոլորն էլ կանցնեն Պարսկաստան: Շատ խիստ բռնագրավումներ կան:

Գարաբաղի ժողովրդից գրավված են 9800 փութ ցորեն, 5900 եղջյուրավոր անասուններ: Հավաքում են պետական տուրքի սպառիկները ամենախիստ միջոցներով, դրամի փոխարեն գրավում են տնային բոլոր տեսակի իրեղենները: Այս բոլորը պատմողն ինքը «նաչալնիկ միլիցիան» է, որ իր ձեռքով է գանձել տված: Պարծենում է, որ Չանգեզուրի շրջանում հարյուրներով վերմակներ կան դիգված: Ժողովուրդը թողած իր տունը, ընտանիքը, գավակները, ով որ կարողանում է, իր գլուխն է ազատում:

Բաքվից գալիս է հայտնի Բագիրովը մի քանի հարյուր ռուսական զինվորներով և ճառախոսում է.-Պրոլետար ընկերներ խորհրդային իշխանության անունից են խոսում ձեզ հետ: Նրանք, որ ձերբակալված կան փախած են, մեր թշնամիներն են, դեռ շատերը կան, որ պիտի ձերբեակալվեն: ...Ամբողջ լեռնահայաստանի սարերը դարձել են փախստականների բնակավայրեր: Երբ մութը վրա է հասնում, կարծես քե սասողագարդ երկինք լինի սարերը՝ ամեն կողմերում լույսեր են երևում և ամեն կողմից երբեմն-երբեմն համազարկերի ձայներ են լսվում»⁶⁶⁸:

Ազատագրական շարժման գործիչները Շուշիի շրջանում պահեստ-արհեստանոց էին կազմակերպել: 1930թ. արտակարգ հանձնաժողովի կողմից ձերբակալվել են 17 զինագործ վարպետներ: Առգրավվել է 6 թնդանոթ, 30 գնդացիքներ և այլ տեսակի զենքեր ու զինամթերք: Ապստամբել էին Խժաբերդի բնակիչները: Չորքերը փորձել են ճնշել այն, բայց սկզբում չի հաջողվել: Լեռնային Գարաբաղում համաժողովրդական հուզումները ճնշելու համար Բաքվից մեծ քանակությամբ զորքեր են տեղափոխել⁶⁶⁹:

1931 թվականին մարզկոմի ղեկավարությունը մեղադրվեց նացիոնալիզմի, նացիոնալ-ուկլոնիզմի, Լեռնային Գարաբաղը Հայաստանին վերամիավորելու փորձերի և դաշնակցական գաղափարների դեմ չայայթարելու մեջ⁶⁷⁰: Մարզային և շրջանային մի շարք գործիչների անհիմն բռնադատել են: Աղբրեջանի Կոմկուսի Կենտկոմը բազմիցս քննարկել է դարաբաղյան շարժման հետ կապված հար-

ցեր: Շատ կոմունիստներ են հանվել կուսակցության շարքերից, լուծարվել են առանձին շրջանային կուսկազմակերպություններ:

Մարզում ստեղծված սոցիալ-տնտեսական, ինչպես նաև քաղաքական ծանր իրավիճակից արցախահայությանը փրկելու համար Խորհրդային Հայաստանի ղեկավարությունը և մանավանդ մտավորականությունը բազմիցս դիմել են կենտրոնական իշխանություններին:

Գեռնա 1945թ. Խորհրդային Հայաստանի՝ Կոմկուսի ԿԿ առաջին քարտուղար՝ Գ. Հարությունյանը նամակով դիմել է Ստալինին՝ խնդրելով վերանայել Ղարաբաղը Հայաստանին վերամիավորելու մասին հարցը: Այդ նամակով Գ. Հարությունյանը փաստերով ընդգծում է Լեռնային Ղարաբաղը Հայաստանին միացնելու անհրաժեշտությունն ու կարևորությունը⁶⁷¹:

Վերոհիշյալ նամակը Համ Կ(ր)Կ Կենտկոմի քարտուղար Մալենկովը ուղարկում է Ադրբեջանի Կ(ր)Կ Կենտկոմի առաջին քարտուղար՝ Մ.Ջ. Բադիրովին՝ ծանոթանալու և առաջարկություն անելու: Բադիրովն իր պատասխան նամակում մերժել է Գ. Հարությունյանի բոլոր փաստարկները, սակայն միաժամանակ տվել է իր համաձայնությունը Հայկական ԽՍՀ-ին միացնելու ԼԳԽ-ը առանց Շուշվա շրջանի՝ միայն պայմանով, որ Ադրբեջանի կազմի մեջ մտցվեն Հայկական ԽՍՀ երեք շրջանները, որոնք հարակից են Ադրբեջանին և ունեն նաև ադրբեջանցի բնակչություն⁶⁷²:

Ըստ էության, հարցը նորից մտցվեց փակուղի:

Գեռ ավելին, առաջանցիկ նոր քայլեր նախաձեռնվեցին մարզի ազգագրական դեմքը փոխելու ուղղությամբ: 1949թ. մեծ քանակությամբ ադրբեջանցիների Հայաստանից տեղափոխելով՝ բնակեցրին Լեռնային Ղարաբաղի հայկական գյուղերում: Ամեն մի հայի ընտանիք պարտավոր էր իր հարկի տակ օքսանել մեկ երկու ադրբեջանցի ընտանիքների: Նորից ալեկոծվեց ու խռովվեց արցախահայության անդորրը: Ծնեձկնտոցն ու մասսայական տուրուղմիոցները սովորական երևույթներ էին: Վաչկատուի առօրյայով ապրող վերաբնակները կարճ ժամանակահատվածում մարզի ծաղկավետ դաշտերն ու այգիները վերածեցին ամայի տափաստանի: Եկվորները, արցախահայության անկոտորում, անհաշտ կամքին չհամա-

կերպվելով, մեկ տարի անց՝ 1950թ., տեղափոխվեցին Խանլարի, Շամխորի, Շահումյանի, Քարհատի շրջանների հարթավայրային հատվածները՝ նոր պատուհաս դառնալով տեղի հայության համար:

Նմանօրինակ գործելակերպով չկարողանալով հասնել ցանկալի հաջողության՝ Ադրբեջանի իշխանությունները երբեմն պաշտոնամուլ ու հաճակատար հայ ղեկավարների միջոցով են փորձում իրագործել իրենց ծրագրերը:

Այդ նպատակով 1958թ. կուսակցության մարզկոմի առաջին քարտուղար նշանակեցին Նիկոլայ Շահնազարյանին, որի հայատյաց գործելակերպը նոր բողոքի ու դժգոհությունների ալիք բարձրացրեց:

1962թ. Ստեփանակերտի ավտոշարասյան 300 աշխատավորներ բողոք-նամակ գրեցին ԽՍՀՄ Գերագույն խորհրդի նախագահություն, կուսակցության Կենտկոմ և Մինիստրների խորհուրդ: Նամակում ներկայացվեց մարզի գաղութային վիճակը և առաջարկվեց ԼԳԽՄ-ը վերամիավորել ՀԽՍՀ-ին:

1962թ. մի շարք մտավորականներ նմանօրինակ նամակով դիմեցին ԽՍԿԿ Կենտկոմին:

1965թ. հունիսի սկզբին Լեռնային Ղարաբաղի 13 ղեկավար աշխատողներ՝ Գրողների միության մարզային բաժանմունքի պատասխանատու քարտուղար՝ Բագրատ Ուլուբաբյանի գլխավորությամբ, նամակ են հղել ԽՍՀՄ կուսակցական ու պետական ղեկավարությանը: Նամակում հանգամանորեն շարադրվել է մարզի քաղաքական, սոցիալ-տնտեսական և մշակութային կյանքի վիճակը, հատկապես ցույց է տրվել Ադրբեջանի ղեկավարության շովունիստական վերաբերմունքը ԼԳԽՄ-ի նկատմամբ⁶⁷³:

Սույն դիմումին հետևեցին համանման համախոսականներ Երևանից ու երկրի հայաբնակ տարբեր շրջաններից:

Միայն Լեռնային Ղարաբաղից կենտկոմին հասած դիմումների տակ ստորագրել էին 45 հազար աշխատավորներ: Այս բոլորի շնորհիվ 1966թ. օգոստոսի 8-ին ԽՍԿԿ Կենտկոմի քարտուղարությունը հատուկ որոշմամբ Ադրբեջանի ու Հայաստանի այն ժամանակվա ղեկավարներին հանձնարարել էր համատեղ քննարկել հարցը և ԽՍԿԿ Կենտկոմ ներկայացնել իրենց առաջարկությունները՝ Լեռ-

նային Ղարաբաղը Հայկական ԽՍՀ-ին վերադարձնելու նպատակով:

Սակայն Ադրբեջանի ղեկավարությունը, ինչպես միշտ, այս անգամ էլ քաղաքական շանտաժի ու ազգամիջյան կոտորածի սպառնալիքով կասեցրեց հիմնահարցի հետագա որևէ քննարկում:

Վերոհիշյալ բողոքները պատրվակ դարձան մարզի հայության նկատմամբ նոր բռնությունների: 13 գործիչների նկատմամբ էլ գործադրվեցին հալածանքների դաժան միջոցառումներ: Կարճ ժամանակում նրանք ենթարկվեցին կուսակցական տույժերի, զրկվեցին մարզում աշխատելու հնարավորությունից:

Չնայած այդ ամենին՝ շարժումը ապրեց ու ծավալվեց արդեն հայ ժողովրդի ընդերքում՝ հիմք դնելով նոր խմբումների, որոնք պիտի հասցնեն 70-ականների խուլ ցնցումներին:

1971 թվականին մի քանի տասնյակ նշանավոր մտավորականներ՝ Մարտիրոս Մարյանը, Պարույր Սևակը, Գոհար Գասպարյանը ղիմեցին ՀԽՍՀ և ԽՍՀՄ ղեկավարությանը՝ տազնապով ընդգծելով այն անօրինությունների մասին, որ կատարվում էր ԼՂԽՄ-ում: «Բարձրից անվերջ եկող միլիցիան և պետական անվտանգության այլ ազգի զինվորներով,- գրված էր նամակում,- լցվել, պաշարվել է մարզի կենտրոնը: Չղադարող հարցաքննությունների ու հետապնդումների միջոցով ստորացնում են նրա բնակիչներին: Ամեն օր բանտ են քշվում ազնիվներն ու համարձակները: Պաշտոնագրրկվում ու հալածվում են կամայականությունների դեմ բողոքողները: Մարզի հայության ճակատագրի տնօրեններ են կարգվում հին ու նոր դավաճանները, ուրացողներն ու մատնիչները: Այս բոլորի վերջը չի երևում: Իսկ եթե երևում է, ապա դա վերջն է ամեն հայկականի, որ կենաց ու մահու գոյամարտերում պաշտպանվել է մինչև այսօր»⁶⁷⁴:

1976թ. ԽՍՀՄ նոր սահմանադրության նախագծի համաժողովրդական քննարկման ժամանակ նորից արծարծվեց արցախյան հիմնահարցը: ԽՍՀՄ Մինիստրների խորհրդի նախագահության արձանագրության մեջ ասված է. «Պատմական մի շարք հանգամանքների հետևանքով մի քանի տասնամյակ առաջ Լեռնային Ղարաբաղն արհեստականորեն միացվել էր Ադրբեջանին: Ըստ այդմ,

հաշվի չէին առնվել մարզի պատմական անցյալը, նրա ազգային կազմը, ժողովրդի ցանկությունը և տնտեսական շահերը: Անցել են տասնամյակներ, և Պարաբաղի հարցը շարունակում է հողովվել, առաջացնել անհանգստություն և անբարյացակամության պահեր դարավոր բարեկամությամբ իրար հետ կապված երկու ժողովուրդների միջև: Անհրաժեշտ է Լեռնային Պարաբաղը (հայերեն՝ «Արցախ») միացնել Հայկական ԽՍՀ հետ: Այն ժամանակ ամեն ինչ կբռնի իր օրինական տեղը»⁶⁷⁵:

Խորհրդային իշխանության տարիներին արցախահայության վերելքներով ու վայրէջքներով ընթացող պայքարը 1988-ի փետրվարին սկսված համաժողովրդական ու համազգային ազատագրական շարժման հիմքը հանդիսացավ:

† † ° † — † †... Գ † ~ † ... † † Գ †
 † ~ † " ~
 " — , †... †

1985թ. հետո գորրաչովյան այսպես կոչված «վերակառուցման» քաղաքականությունը Լեռնային Ղարաբաղի հայությանը հնարավորություն ընձեռնեց հանդես գալու իրենց ոտնահարված իրավունքները պաշտպանելու և ԼՂԻՄ-ը Հայկական ԽՍՀ-ի հետ վերամիավորելու:

1987 թ. վերջին և 1988 թ. սկզբներին կենտրոնական կուսակցական ու պետական մարմիններում ընդունվել են ԼՂԻՄ-ի հայության ներկայացուցիչների չորս պատվիրակություններ, որոնց հավաստիացրին, թե մոտ ապագայում Արցախի հիմնահարցը արդարացի լուծում կստանա: Ղարաբաղի պատվիրակների կենտրոնական իշխանություններին ներկայացված հանրագրի տակ դրված էին ավելի քան 80 հազար ստորագրություններ:

Ոգևորված կենտրոնական իշխանությունների բարյացակամ վերաբերմունքից, մարզի բոլոր գյուղերում, ձեռնարկություններում, կազմակերպություններում տեղի են ունեցել կոլեկտիվների ժողովներ, որոնցում որոշումներ ընդունվեցին ԼՂԻՄ-ը Հայկական ԽՍՀ-ի հետ վերամիավորելու վերաբերյալ: Դրանց հիման վրա մարզի շրջանների ժողովրդական ղեկուտատների խորհուրդները նմանատիպ որոշումներ են կայացրել: Միաժամանակ Ստեփանակերտում և մարզի մյուս շրջկենտրոններում սկսեցին բազմամարդ հանրահավաքներ կազմակերպվել: Արցախահայությունը, հավատալով գորրաչովյան վերակառուցմանը, հանրահավաքների ու ցույցերի է դուրս գալիս ԽՍՀՄ պետական դրոշներով, Վ. Ի. Լենինի, Մ. Ս.

Գորբաչովի, կուսակցական ու պետական այլ գործիչների լուսանկարներով, ինչպես նաև «Լենին–կուսակցություն-Գորբաչով», «Հանուն վերակառուցման, ժողովրդավարության և հրապարակայնության» ու նման այլ ցուցապատառներով:

Ընդառաջ գնալով մարզի հայ բնակչության ցանկություններին՝ 1988թ փետրվարի 20-ին Լեռնային Ղարաբաղի Ինքնավար Մարզի Ժողովրդական պատգամավորների մարզխորհրդի նստաշրջանը որոշում ընդունեց դիմել Ադրբեջանական ԽՍՀ, ԼՂԻՄ-ը Ադրբեջանի կազմից դուրս բերելու և Հայաստանի կազմի մեջ ընդգրկելու խնդրով⁶⁷⁶:

Սակայն կենտրոնը, չնայած իր կողմից հռչակած «վերակառուցման», «հրապարակայնության» և «ժողովրդավարության» քաղաքականությանը, ի սկզբանե Ղարաբաղյան շարժման նկատմամբ անհանդուրժողական դիրք գրավեց, քանի որ երկրի ներսում ազգերի ինքնորոշման իրավունքի իրագործումը լուրջ վտանգ էր սպառնում կոմունիստական կուսակցության համապարփակ տիրապետությանը: Ուստի և, պատահական չէր, որ արդեն իսկ փետրվարի 21-ին ԽՄԿԿ Կենտկոմի քաղբյուրոն իրականությունից հեռու մի որոշում ընդունեց, որով Ղարաբաղյան հիմնահարցի արդարացի լուծմանը ձգտող ժողովրդական շարժումը որակեց որպես «ծայրահեղական» և «նացիոնալիստական», որը հակասում է Ադրբեջանական ԽՍՀ և Հայկական ԽՍՀ աշխատավորների շահերին: Միաժամանակ որոշում ընդունվեց հայկական մարզի սոցիալ-տնտեսական և մշակութային զարգացմանը նպաստող միջոցառումներ մշակել⁶⁷⁷:

Գրան հաջորդեց 1988թ մարտի 24-ին ԽՄԿԿ Կենտկոմի և ԽՍՀՄ Նախարարների խորհուրդի՝ 1988-1995թթ Լեռնային Ղարաբաղի Ինքնավար Մարզի սոցիալ-տնտեսական զարգացման միջոցառումների վերաբերյալ որոշումը⁶⁷⁸, որով նախատեսված միջոցները հետագայում հիմնականում նպատակաուղղվեցին մարզի ադրբեջանական բնակավայրերի արհեստական խոշորացմանը:

Փաստորեն, արցախահայության քաղաքական հիմնահարցի լուծումը նենգափոխվեց և խճճվեց սոցիալ-տնտեսական զարգացման միջոցառումների անհեռանկար փաթեթով:

Գեռ ավելին, կուսակցության և պետության ղեկավարները հայ ժողովրդին հասկացրին, որ իրենք ի գորու չեն լուծելու հիմնահարցը՝ ակնարկելով «աղբերջանական գործոնի» առկայությունը (թեզ, որն իր ժամանակին շրջանառության մեջ է դրել Նարիմանովը): Կրեմլը սերտորեն սկսեց համագործակցել Աղբերջանի իշխանությունների հետ:

Երկրի զանգվածային լրատվության ողջ համակարգը բացահայտ հակահայկական դիրք գրավեց: Ամեն օր ինտերնացիոնալիզմի և ժողովուրդների բարեկամության հնահունչ քարոզչության ու խոհեմության բարձրագույն կոչերի ներքո վարկաբեկում էին հայ ժողովրդին, մեղադրում նրան ուրիշի հողերը զավթելու համար կատարվող «տունձգությունների» մեջ ու զանազան այլ պիտակներ կայցնում նրա համագային շարժմանը:

Կրեմլը արցախյան պարզ ու հստակ հիմնախնդիրը խորացնելով դարձրեց «անլուծելի»: Արցախահայության շարժմանը սատար կանգնելու համար 1988թ. փետրվարի 21-ից Հայաստանում զանգվածային ելույթների մեծ ալիք սկսվեց: Ղարաբաղյան շարժումը Հայաստանում և Արցախում կոորդինացնելու նպատակով Իգոր Մուրադյանի նախաձեռնությամբ մարտի սկզբներին ստեղծվեց «Ղարաբաղ» կոմիտեն: Հանրապետության գրեթե բոլոր հիմնարկ-ձեռնարկություններում, շրջաններում և քաղաքներում կազմավորվեցին «Ղարաբաղ» կոմիտեներ, որը և շարժմանը կազմակերպչական նոր ձև տվեց:

1988 թ. փետրվարյան օրերին ԼՂԻՄ-ի ղեկավարությունը ազատագրական շարժումը գլխավորելու փոխարեն նրա նկատմամբ սկզբում անտարբերություն, իսկ հետագայում ծայրահեղ զգուշավորություն ու վախկոտություն դրսևորեց: Ուստի և, պատահական չէր, որ ժողովուրդն ինքն ընտրեց շարժման ղեկավարներին: Ստեփանակերտում փետրվարի 2-ին հանրահավաքում ստեղծվեց «Կռունկ» կոմիտեն, որը գլխավորում էր Արկաղի Մանուշարովը:

Լեռնային Ղարաբաղի հայ բնակչության սահմանադրական պահանջներին հակադրեցին բիրտ ուժի և բռնության քաղաքականությունը: Գեռևս մինչև մարզային խորհրդի նստաշրջանի հրավիրումը հանրապետական հանձնախմբի կազմում Ստեփանակերտ

ժամանաձ Ադրբեջանի ներքին գործերի նախարար Ասադովը որոշակիորեն սպառնաց Ղարաբաղ «հարյուր հազար ֆանատիկաների» ներխուժումով: Ղարաբաղը սպանդանոց դարձնելու հայտարարությունները վերածվեցին կոնկրետ գործողությունների:

1988 թ. փետրվարի 22-ին Ադրամի շրջանից, իրենց ճանապարհին ամեն ինչ ավերելով, ադրբեջանական բազմահազարանոց հրոսակները շարժվեցին Ստեփանակերտ՝ «կարգուկանոն հաստատելու», բայց Ասկերանի մատույցներում կանգնեցվեցին և հետ շարժվեցին⁶⁷⁹: Արոնաազգայնամոլական շաղախով բռնկված հիստերիան շուտով Ադրբեջանում ծավալուն չափեր ստացավ:

Ահաբեկման հերթական քայլը եղավ հայերի ցեղասպանությունը Սումգայիթում, որը սկիզբ դրեց Ադրբեջանի հայության բռնագաղթի առաջին փուլին*: 1988թ. փետրվարի 27- 29-ը Ադրբեջանի մայրաքաղաք Բաքվից 25 կմ հեռավորության վրա գտնվող Սումգայիթ քաղաքում կազմակերպվեց տեղի հայ ազգաբնակչության ջարդ, որի ընթացքում, ըստ պաշտոնական տվյալների, վայրագ ամբոխի կողմից գազանաբար տանջամահ արվեցին 27 հայեր, խոշտանգվեցին ու ծանր վիրավորվեցին հարյուրավոր մարդիկ⁶⁸⁰:

Սումգայիթը նախապես պլանավորված փորձ էր հետագա մեծամասշտաբ ցեղասպանություն իրագործելու համար: Նրա կազմակերպիչները դրանով իսկ ցանկանում էին շոշափել կենտրոնական իշխանությունների, իրավապահ մարմինների, լրատվական միջոցների դիրքորոշումը: Փորձը լավ քննություն բռնեց: Սումգայիթյան և դրան հաջորդող դեպքերի դահիճները շրջանցվեցին, ոճիրը մնաց ստվերում, բանդիտիզմը չորակավորվեց և քաղաքական գնահատական չստացավ: Իսկ դա, եղեռնագործին ավելի ոգևորելով, նոր ոճիրների մղեց:

* Ընդհանուր առմամբ Ադրբեջանում հայ բնակչության ցեղասպանությունն ու զանգվածային բռնագաղթը երկու տարվա ընթացքում հաջորդաբար բռնկվեց չորս փուլերով: Երկրորդ փուլը սկսվեց 1988թ. նոյեմբեր-դեկտեմբերին, երբ ցեղասպանության ալիքը ոլորասպտույտի մեջ ներքաշեց Ադրբեջանի գրեթե ամբողջ հայ բնակչությանը: 1989թ. հուլիս-օգոստոսյան օրերից սկսած սկիզբ առավ երրորդ մեծ բռնագաղթը: 1990թ. հունվարին Բաքվում ժողովրդական ճակատը Ադրբեջանի կառավարող իշխանությունների հետ մեկ բռունցք կազմած, ձեռնարկեց մի նոր ցեղասպանություն, որը դարձավ Ադրբեջանից հայերի արտաքսման չորրորդ և վճռական փուլը:

Մումգալիթյան ոճրագործությունը ոչ միայն չընկճեց հայ ժողովրդին, այլ ընդհակառակը, նրան էլ ավելի համախմբեց իր ազգային նպատակների իրագործման գաղափարի շուրջը:

Ալեկոծվեց նաև հայկական սփյուռքը: Բազմաթիվ միտինգներ ու ցույցեր են տեղի ունեցել Լոս-Անջելեսում, Նյու Յորքում, Վաշինգտոնում, Փարիզում, Մոնրեալում, Տորոնտոյում, Աթենքում, Բուենոս Այրեսում, Բեյրութում, Սիդնեյում և արտասահմանյան շատ այլ քաղաքներում: «Հայ ժողովուրդը, մայր հայրենիքում լինի, թե սփյուռքում, աննախընթաց համախմբուածութեամբ գումարում էր իր սրբազան Գատի անբաժանելի մասնիկ արցախական պահանջատիրութեան շուրջը, այս աշխարհի հզօրները լուռ համախոհութեամբ Հայկական հարցի արդարացի պոռթկումը մի անգամ եւս դատակնքում էին մերժողական վճռով: ... Որովհետեւ սփյուռքահայությունը պատմական իր դժնի ճակատագրի բերումով առաւել իրաւատու ներկայացուցիչն է հայկական համապարփակ պահանջատիրութիան, առաւել անկաշկանդ ու ազատ, հետեւաբար առաւել վճռականօրէն եւ ներգործունօրէն դիրքորոշուելու ու շարժուելու ընդունակ ներկայացուցիչը, որից հայ ժողովրդի կեանքի ու գոյավիճակի մերօրյա դասաւորութիւնը պահանջում է ոչ թէ կրաւորական հետեւորդ, այլ հայրենահայութեան կողքին լիիրաւ եւ հաւասարագօր ուղորդ լինել Հայաշարժի հրամայականօրէն կենսական երթում»⁶⁸¹:

Բայց կենտրոնը անդրդվելի էր: Նա ոչ միայն շարունակում էր բացահայտ հակահայկական դիրք գրավել, այլև ձգտում էր ամեն կերպ հավասարման նշան դնել Ադրբեջանում ու Հայաստանում տեղի ունեցող իրադարձությունների միջև: 1988թ մարտին խորհրդային բանակը մտցվեց Երևան:

Ոգևորվելով կենտրոնական իշխանությունների թողտվությունից՝ Ադրբեջանի ղեկավարությունը Բաքվից, Կիրովաբադից, Շամխորից, Խանլարից, Գաշքեսանից և հայաշատ այլ վայրերից 1988թ կեսերից կազմակերպեց հայերի բռնագաղթ: Վտանգված էր նաև ԼՂԻՄ-ի հայ բնակչության ֆիզիկական գոյությունը: Հայ ժողովուրդը իր եղբայրներին պետականորեն սատար կանգնելու նպատակով, իր իսկ ճնշման տակ 1988թ հունիսի 15-ին տեղի ունեցած Հայ-

կական ԽՄՀ Գերագույն խորհրդի նստաշրջանը քննարկեց և համաձայնություն տվեց Լեռնային Ղարաբաղի Ինքնավար Մարզի Հայկական ԽՄՀ-ին վերամիավորելու վերաբերյալ մարզային խորհրդի որոշմանը: Միաժամանակ հանրապետության Գերագույն խորհրդի նստաշրջանը դիմեց ԽՄՀՄ Գերագույն խորհրդին՝ քննարկել և դրականորեն լուծել այդ հարցը⁶⁸²:

Հայկական ԽՄՀ օրենսդիր գերագույն մարմնի նման գործելակերպը անակնկալի բերեց Կրեմլի տերերին: Քիչ անց՝ 1988թ հուլիսի 18-ին, Մոսկվայում ԽՄՀՄ Գերագույն խորհրդի նախագահությունը քննարկեց Լեռնային Ղարաբաղի մասին Հայկական ԽՄՀ և Ադրբեջանական ԽՄՀ Գերագույն խորհուրդների որոշումների հարցը: Նախապես մշակված ծրագրով, դատապարտելով հայ ժողովրդի արդարացի պահանջը, Գորբաչովը և ԽՄՀՄ մյուս բարձրաստիճան պաշտոնյաները այն որակեցին որպես վերակառուցման դեմ ուղղված և ԽՄՀՄ սահմանային վերաձևմանը ձգտող մտացածին քայլ: Ուստի ԽՄՀՄ Գերագույն խորհրդի նախագահությունը, հիմնվելով երկրի սահմանադրության 78-րդ հոդվածի վրա, մերժեց Լեռնային Ղարաբաղի մարզային և Հայկական ԽՄՀ Գերագույն խորհրդի խնդրանքը⁶⁸³:

Սակայն հուսախաբություն և խոր հիասթափություն ապրած հայ ժողովուրդը ոչ միայն չընդունեց Լեռնային Ղարաբաղի հիմնահարցի վերջնական փակմանն ուղղված կենտրոնի այս ճիգը ևս, այլև նոր թափով շարունակեց իր ազգային ազատագրական պայքարը:

Վերսկավեցին հայ բնակչության ցույցերն ու հանրահավաքները:

Իրադարձությունները այլ ընթացքով էին զարգանում Ադրբեջանում: Այստեղ տիրող անպատժելիության մթնոլորտի հետևանքով 1988թ կեսերից աստիճանաբար ուժեղանում էին բռնությունները հայերի նկատմամբ: Ադրբեջանում կազմակերպվող հանրահավաքներում, մամուլում, ռադիոյում և հեռուստատեսությամբ հնչող գրավոր և բանավոր ելույթներում ժողովուրդների «եղբայրության», «բարեկամության», «ինտերնացիոնալիզմի» մասին կարգախոսները ուղեկցվում էին «հայերին խոշտանգելու», «սպանելու» կոչերով: Մարգում ապօրինի գրանցումները շարունակելու հետ մեկտեղ, հաճա-

խակի դարձան ավագակային հարձակումները սահմանամերձ հայկական գյուղերի վրա, շրջափակեցին ճանապարհները, դադարեցրին էլեկտրոներգիայի մատակարարումը, արտաբսեցին Շուշիի հայ բնակիչներին՝ հրդեհելով նրանց տները:

Հարկադրաբար համանման գործողությունների սկսեց դիմել նաև մարզի հայ բնակչությունը: Մեյալտեմբերի 21-ին Ստեփանակերտում և Ադդամի շրջանում հատուկ դրություն հայտարարվեց ու մտցվեց պարետային ժամ⁶⁸⁴:

Լուրջ սպառնալիքի տակ դրվեց Ադրբեջանում հայ բնակչության ֆիզիկական գոյությունը: 1988թ նոյեմբերի վերջերին Կիրովաբադից(այժմ Գյանջա), Բաքվից, Շամխորից, Խանլարից, Գաշքեսանից և հայաշատ այլ վայրերից հայ բնակչության զանգվածային արտաքսման փաստեր արձանագրվեցին: Նոյեմբերի 24-ին հատուկ դրություն և պարետային ժամ մտցվեց Բաքվում, Կիրովաբադում, Նախիջևանում, իսկ դեկտեմբերի 5-ին՝ նաև Երևանում:

Անհիմն մեղադրանքով ձերբակալվեց և շուրջ մեկ տարի բանտերում կտտանքների ենթարկվեց շարժման ղեկավար Արկադի Մանուչարովը: Ինչպես միշտ, այս անգամ էլ ԽՍՀՄ կուսակցական և պետական բարձրագույն իշխանության մարմինները քայլում են ղեկավարի զարգացման հետևից: Գեռես 1988թ. հոկտեմբերի 3-ին ԽՍՀՄ ԳԽ Ազգությունների խորհրդի նախագահ Ա. Վոսի գլխավորությամբ Գարաբաղ ժամանած հանձնաժողովի իրատեսական եզրակացությունները մնացին որպես այդպիսին:

Հաշվի առնելով ստեղծված բարդ իրադրությունը՝ 1989թ. հունվարի 20-ին ԼԳԽՄ-ում ԽՍՀՄ պատմության մեջ առաջին անգամ ստեղծվեց հատուկ կառավարման կոմիտե, որը գլխավորում էր ԽՍԿԿ Կենտկոմի բաժնի վարիչ Ա. Վոլսկին⁶⁸⁵: Նոր վարչակարգի ստեղծումը հայ ժողովրդի մեջ արցախյան խնդրի լուծման աղոտ հույս արթնացրեց: ԼԳԽՄ-ի Հայաստանի և կենտրոնի հետ տնտեսական որոշակի կապեր ստեղծելու ուղղությամբ կոմիտեն որոշակի միջոցառումներ ձեռնարկեց: Սակայն ԼԳԽՄ հատուկ կառավարման կոմիտեն իրավական անորոշ կարգավիճակով, ինչպես նաև կենտրոնի կողմից Լեռնային Գարաբաղը Ադրբեջանի անբաժանելի հատված ճանաչելու փաստը անպտուղ դարձրին Կոմիտեի

գործունեությունը: Գրա հետ մեկտեղ մարգային կուսակցական ու պետական մարմինների լիազորությունների կասեցումը, աշխատանքային կոլեկտիվների իրավունքների սահմանափակումը վերջնականապես խլեցին մարզի և նրա բնակչության առանց այն էլ խիստ սահմանափակ իրավունքները: Մարզում այդ պատճառով լարվածությունը գնալով սրվում էր: Հատուկ շրջանի պարետը բարձիքող էր արել հայ բնակչության բախտը և բացահայտորեն համագործակցում էր աղբրեջանցիների հետ: Իր ոտնահարված իրավունքները պաշտպանելու նպատակով մարզի աշխատավորությունը 1989թ մայիսից ստիպված էր սկսել գործադուլ, որը տևեց 4 ամիս: Ինքնավար մարզի հայ բնակչության համար այդ ծանր վիճակում նրա բախտը տնորիներու նպատակով 1989թ. օգոստոսի 16-ին Ստեփանակերտում տեղի ունեցավ Լեռնային Գարաբաղի լիազոր ներկայացուցիչների համագումար, որն ընտրեց Ազգային Խորհուրդ: Նորընտիր խորհրդի նախագահ ընտրվեց ԽՍՀ ժողովրդական պատգամավոր Վ. Ս. Գրիգորյանը: Համագումարի որոշմամբ մինչև ժողովրդական ղեկառնողների մարզխորհրդի ու կուսակցության մարզկոմի գործունեության վերականգնումը՝ երկրամասի բարձրագույն գործադիր իշխանության լիազորությունները հանձնվում են Ազգային Խորհրդին: Բացի դրանից, համագումարն ընդունել է ղեկարացիա, որում նշվում է, որ Ինքնավար Մարզի գործերին Աղբրեջանական ԽՍՀ-ի միջամտությունը գնահատվելու է որպես ագրեսիայի ակտ և կստանա համարժեք պատասխան⁶⁸⁶: Փաստորեն ժողովրդաընտիր իշխանությունը հայերի վրա ատամ կրճտացնող Աղբրեջանին հասկացրեց ուժի դիրքից խոսելու անհեռանկարության մասին:

1989թ հուլիսի 21-ից սկսած՝ Աղբրեջանի կողմից Հայաստանը և Լեռնային Գարաբաղը ենթարկվեցին տնտեսական շրջափակման: Եղան հայ ուղևորների սպանության դեպքեր: Պատժիչ բռնամիջոցները հատկապես ուժեղացան Շահումյանի շրջանում: Վերահաս լայնածավալ բռնարարքներին դիմակայելու նպատակով 1989թ հուլիսի 26-ին ժողովրդական պատգամավորների շրջխորհրդի արտահերթ նստաշրջանը որոշում ընդունեց շրջանը Լեռնային Գարաբաղի Ինքնավար Մարզի կազմի մեջ մտցնելու մասին:

Մինչդեռ մարզի հայ բնակչությունը ուժերի գերլարումով փորձում էր պաշտպանել իր ֆիզիկական գոյությունը, ԽՍՀՄ կենտրոնական իշխանությունները շարունակում էին վարել հակահայկական քաղաքականություն: Գրա մասին է վկայում ԽՍՀՄ Գերագույն Խորհրդի 1989թ նոյեմբերի 28-ի որոշումը, ըստ որի՝ Լեռնային Դարաբաղը նորից բռնակցվում է Ադրբեջանին⁶⁸⁷: Մույն որոշմամբ մարզում տնօրինելու էր հանրապետական Կազմկոմիտեն: Այն գլխավորում էր Ադրբեջանի կոմկուսի կենտկոմի երկրորդ քարտուղար հայատյաց Վ. Պոլյանիչկոն: Նրա առջև Ադրբեջանի իշխանությունները խնդիր էին դրել՝ կարճ ժամանակաընթացքում մարզի ժողովրդագրական իրավիճակը փոխել հոգուտ ադրբեջանցիների: Փաստորեն, սա վտանգավոր մի քայլ նահանջ էր և առավել լարված իրավիճակ ստեղծեց մարզում:

Ելնելով դեպքերի զարգացման մնան ընթացքից՝ ՀԽՍՀ Գերագույն Խորհրդը և Լեռնային Դարաբաղի Ազգային Խորհուրդը 1989թ դեկտեմբերի 1-ին համատեղ որոշում ընդունեցին Հայկական ԽՍՀ-ին Լեռնային Դարաբաղի վերամիավորման մասին⁶⁸⁸: Այս որոշումը ոչ միայն արտահայտում էր մարզի հայ բնակչության իղձերն ու ցանկություններն, այլև որոշակիորեն ապահովում է նրա անվտանգությունը: Հայտնի է, որ մինչ այդ Ադրբեջանական ԽՍՀ Գերագույն Խորհրդի կողմից հանրապետության ինքնիշխանության մասին օրենք էր ընդունել, ըստ որի՝ Ադրբեջանը իրեն իրավունք էր վերապահում Լեռնային Դարաբաղը իր հետ միասին դուրս բերելու ԽՍՀՄ կազմից:

Ադրբեջանը մեկ անգամ ևս հավաստեց իր անհանդուրժողական դիրքորոշումը Արցախյան շարժման նկատմամբ և շարունակեց ահաբեկչական քաղաքականությունը: Ադրբեջանի ազգայնամոլ ազգային ճակատի ավագակախմբերի զինված հարձակումները հայկական գյուղերի ու քաղաքների վրա հաճախակի դարձան: Ներքին գործերի ստորաբաժանումների սանձարձակ բռնությունները օրեցօր բացահայտ բնույթ էին կրում: Հայաստանի և ԼՂԻՄ-ի շրջափակումը սաստկացավ: Իրանից գեներ տեղափոխելու նպատակով Ադրբեջանա-իրանական սահմանում 800կմ երկայնքով ավերվեցին ինժեներա-տեխնիկական կառույցները: Հակահայկական հիս-

տերիայի մոլուցքով բռնված Ադրբեջանի ժողովրդական ճակատը հանրապետության իշխանությունների հետ միասին 1990թ հունվարի 13-ին Բաքվում սկսում են հայ բնակչության ջարդեր, որը դարձավ Ադրբեջանում հայաջինջ քաղաքականությունը ավարտին հասցնելու վճռական փուլը: Մի քանի օրվա ընթացքում զինվորական ստորաբաժանումների աջակցությամբ բռնի կերպով տեղահանվեցին Խանլարի շրջանի մի շարք հայկական գյուղերի բնակիչները:

Ադրբեջանի և Հայաստանի միջև զինված ընդհարման իրական սպառնալիք էր ստեղծում:

Հետաքրքիր է նաև այն փաստը, որ 1990թ. հունվարյան դեպքերի կապակցությամբ արտակարգ դրություն մտցվեց Լեռնային Ղարաբաղում (1990թ հունվարի 15), ինչպես նաև Հայկական ԽՍՀ-ի՝ Ադրբեջանի հետ սահմանակից մի քանի շրջաններում: Հավասարության նշան դրվեց ինքնապաշտպանության դուրս եկած հայ ազգաբնակչության, իսկ մյուս կողմից՝ Ադրբեջանում կատարված վայրագությունների կազմակերպիչների միջև: Մարգում զինվորական բռնապետական դիկտատուրայի հովանավորությամբ գաղութատիրական իշխանություն է ստեղծել հանրապետական կազմկոմիտեն: Սաստկացվեցին մարգում հայ բրնակչության նկատմամբ խորհրդային բանակի կողմից իրականացվող անգուսպ կամայականությունները: Երկրամասում ստեղծվեց անիշխանության տեռորի և վախի մթնոլորտ: 1991թ ապրիլ-մայիս ամիսներին ԽՍՀՄ պաշտպանության և ներքին գործերի նախարարությունների, Պետական անվտանգության կոմիտեի ուժերի աջակցությամբ ու եռանդուն մասնակցությամբ, ադրբեջանական հրոսակախմբերը հայաթափեցին մարզի 24 հայկական գյուղեր: Ադրբեջանական ԽՍՀ Գերագույն Խորհրդի նախագահության 1990թ ապրիլի 21-ի հրամանագրով մասնակի փոփոխություններ մտցվեցին ինքնավար մարզի վարչատարածքային բաժանման մեջ: Արագացվեցին ապօրինի շինարարության տեմպերը ադրբեջանական գյուղերում: Երկրամասում խստիվ գրաքննություն սահմանվեց, երկար ժամանակ չէին գործում մարզային ու շրջանային հայկական թերթերը, հեռուստատեսությունը, ռադիոն (դրա փոխարեն Շուշիում տեղակայ-

ված հեռուստակենտրոնը լաված ու չլաված լուսանքներ էր քափում հայերի գլխին): Անհիմն կերպով ձերբակալվում և բանտերն էին նետվում շարժման բազմաթիվ ակտիվիստներ:

Հրապարակայնորեն քամահրանքի էին ենթարկվում հասարակության, միջազգային իրավապաշտպան կազմակերպությունների, ժողովրդական պատգամավորների բողոքները: Հուսահատության հասած արցախահայությունը, օտարների հովանավորության պատրանքը թոթափելով, իր սեփական բախտը կռելու վճռակալությունը գեների դիմեց: Ինքնապաշտպանության մղումով ստեղծվեցին հայ աշխարհագրայինների առաջին խմբերն ու ջոկատները, որոնք Շահումյանում, Գետաշենում և Լեռնային Ղարաբաղում արժանի հակահարված տվեցին բշնամուն:

Մարզի հայ բնակչության համառ կամքից ու անհնազանդությունից գազազած ԽՍՀՄ ղեկավարների հետ միակամ Ադրբեջանի իշխանությունները ստոր դավեր նյութեցին և ոճիր գործեցին ինքնորոշման սահմանադրական ուղու վրա կանգնած արցախահայության նկատմամբ:

1991 թ. մայիս և հունիս ամիսներին ադրբեջանական հատուկ նշանակության (ՕՍՕՆ) զինված ջոկատները խորհրդային բանակի զորքերի հետ համատեղ իրականացրին «Օղակ» ռազմագործողությունը: Մարտական ուղղաթիռների, հրասայլերի և զրահամեքենաների ուղեկցությամբ «անձնագրային ռեժիմի ստուգման» ու «հայ գրոհայիններին զինաթափելու» պատրվակով հարձակվեցին Գետաշենի ենթաշրջանի և Շահումյանի շրջանի գյուղերի վրա: Հատկապես թեժ մարտեր բորբոքվեցին Խանլարի շրջանի Գետաշեն և Մարտունաշեն գյուղերի տարածքներում: Մակայն ուժերը անհավասար էին...

Պատմական Արցախը հայաթափ անելու միջոցով նրա տարածքին վերջնականապես տեղ դառնալու գործընթացը հաղթական ավարտին հասցնելու հաջորդ քայլը Լեռնային Ղարաբաղի հայության բնաջնջումն էր: 1991 թ. հունիսին հիմնահատակ կործանվեցին Մարտակերտի և Հաղրուքի շրջանի 20-ից ավելի հայկական գյուղեր, սպանվեցին ու վիրավորվեցին հարյուրավոր կանայք, երեխաներ, ծերունիներ: Պատանդ տարվեց ավելի քան 700

մարդ, որոնց կտտանքների են ենթարկել Ադրբեջանի բանտերում: Հազարավոր մարդիկ ստիպված լքեցին իրենց պապենական բնօրրանը:

Նույն քվականի սեպտեմբերի 2-ին Ստեփանակերտում տեղի ունեցավ ժողովրդական պատգամավորների Լեռնային Ղարաբաղի մարզային և Շահումյանի շրջանային խորհուրդների համատեղ նստաշրջան, որտեղ ընդունվեց «Հռչակագիր Լեռնային Ղարաբաղի Հանրապետության հռչակման մասին»⁶⁸⁹: Դրանով արցախահայությունը նորից հաստատեց ազատության համար մինչև վերջ պայքարելու իր վճռականությունը: Իրողությունը սրերով ընդունեց Ադրբեջանի ղեկավարությունը: Արդեն նշմարելի էր դառնում վերահաս լայնամասշտաբ պատերազմի ուրվականը: 1991 թ. նոյեմբերից զինված ագրեսիա սկսվեց Լեռնային Ղարաբաղի Հանրապետության նկատմամբ: Առաջին անգամ հանրապետության խաղաղ բնակավայրերի վրա կիրառվեց միջազգային համաձայնագրերով արգելված մասսայական ոչնչացման գեներ:

Առճակատման խորացմանը զուգընթաց քաղաքական արմատական փոփոխություններ կատարվեցին նաև ԽՍՀՄ-ում: 1991 թ. դեկտեմբերի 8-ին Բելոռուսի մայրաքաղաք Մինսկի մոտակայքում գտնվող Բելովեժսկ բնակավայրում երեք սլավոնական խոշոր պետություններ՝ Ռուսաստանը, Ուկրաինան և Բելոռուսը ստորագրեցին համաձայնագիր, որով հայտարարեցին ԽՍՀՄ-ի՝ որպես միջազգային սուբյեկտի և աշխարհաքաղաքական իրողության գոյության դադարեցման մասին⁶⁹⁰: Այլևս գոյություն չունցող երկրի նախագահ Միխայիլ Գորբաչովը ստիպված էր հրաժարական տալ: Ի դեմս նրան Ադրբեջանը կորցրեց իր ամենահզոր հովանավորին: Ադրբեջանը երես առ երես մնաց ազատության ուղին բռնած ու հետադարձի կամուրջները վառած Ղարաբաղի հայության հետ: Իր ազատությունն ու իրավունքները գեների ուժով պաշտպանելու ընդունակ արցախահայությանը հաջողվեց խուսափել սահմանադրական առճակատումից Ադրբեջանի հետ, նրա կազմից դուրս գալու և իր անկախության հաստատման ժամանակ ու հետևել ԽՍՀՄ Օրենսդրությանը և միջազգային իրավունքի բոլոր նորմերին:

Արցախահայության պետականության վերականգնման ճանա-

պարհին կարևոր քայլ էր հանդիսանում 1991թ. դեկտեմբերի 10-ին կազմակերպված հանրաքվեն: Հարցման ենթարկվածների 99.89 տոկոսը արտահայտվեց ԼԳՀ հռչակման օգտին⁶⁹¹:

1991 թ. վերջերին անցկացրին ԼԳՀ Գերագույն Խորհրդի առաջին ընտրությունները:

1992թ. հունվարի 8-ին պատմական գիտությունների քեկնածու, 33-ամյա Արթուր Մկրտչյանը ընտրվեց ԳԽ առաջին նախագահ: Այնուհետև կազմավորվեցին գործադիր և դատական մարմինները: Վարչապետ նշանակվեց Օլեգ Եսայանը (ներկայումս ԼԳՆ ԱԺ նախարար):

Այդ օրերին զինված ընդհարումները առավել հաճախակի էին դառնում: Նշմարելի էր մեծամասշտաբ պատերազմի ուրվականը: 1991 թ. նոյեմբերին «Ամանդոսի»՝ Արկադի Թադևոսյանի գլխավորությամբ առաջին անգամ ինքնապաշտպանական ջոկատները հարձակվեցին և Հաղուրթի շրջանի Տող գյուղը մաքրեցին ՕՄՕՆ-ականներից: Գործողությունների նմանօրինակ արագաթափ զարգացումը հուշեց, որ նորընձա հանրապետությանը մոտալուտ արհավիրքներին դիմակայելու համար անհրաժեշտ էր առանձին-առանձին գործող ֆիդայական ջոկատներից ստեղծել մարտունակ բանակ: Ու սկսվեց գրվել մարտական փայլուն կենսագրություն, որի առաջին էջը դարձավ Ստեփանակերտը շրջապատող կրակակետերի վերացման ռազմական գործողությունների հաջող իրականացումը: Դաժան մարտերից հետո (1991թ. դեկտեմբերի 28-ից մինչև 1992թ. հունվարի 26-ը) ազատագրվեց Ստեփանակերտի արվարձան Կրկժանը:

Թիկունքն ապահովելու նպատակով խնդիր դրվեց առաջին հերթին երկրամասը մաքրել ավազակախմբերի հենակետեր դարձած աղբրեջանական բնակավայրերը: 1992թ. փետրվարի 10-ից 11-ը թշնամուց ազատագրվեց Մալիբեկլուն: Անհրաժեշտ էր վնասագերծել Ստեփանակերտը Մարտունու շրջանի հետ կապող ճանապարհի վրա դարանակալված, ՕՄՕՆ-ականների որջի վերածված Գարադաղլուն, որի ռազմագործողությունը սկսվեց փետրվարի 17-ին և փայլուն ավարտ ունեցավ փետրվարի 18-ին: Մարտունիում տեղակայված ինքնապաշտպանական ջոկատների հիմնական ուժերը

տեղափոխելով շրջանի արևելյան հատվածը՝ ոչնչացվեցին Ֆիզուլու շրջանի Վեյսալլու գյուղի կրակակետերը*։ Արցախի ինքնապաշտպանական ուժերը 1992թ. փետրվարի 26-27-ը ազատագրեցին Բաքվի կողմից քաղաքի կարգավիճակ շնորհիվ՝ և արդեն ԼՂԻՄ-ի վարչական կենտրոն համարվող Խոջալու գյուղը։

1992թ. մայիսի 7-ի գիշերվա ժամը 3-ին սկսվեց Շուշիի ազատագրման ռազմագործողությունը։ Գրան նախորդել է Կրկժանի, Գալբալլու-Ջանհասան-Քյոսալար, Լիսագոր-Ջարուսլու ուղղություններով ԼՂ ինքնապաշտպանական ուժերի շտաբի մանրակրկիտ նախապատրաստական աշխատանքը։ Հայ ազատամարտիկների անկոտրում կամքի շնորհիվ հաջողվեց 2 օրվա ընթացքում կոտրել հակառակորդի դիմադրությունը և ազատագրել ռազմավարական կարևոր նշանակություն ունեցող Շուշի բերդ-քաղաքը։ Գերի հանձնված ռուս սպաները լավ են ասել, որ Շուշին կարող է հանձնել միայն թուրքը։ Շուշին իր պատմության մեջ մեր ժողովրդի համար երկու անգամ ճակատագրական դեր է խաղացել։ Երկու և կես հարյուրամյակ առաջ Մելիք-Շահնագարը, այն Փանահ խանին հանձնելով, Արցախի մարգարիտը վերածեց հայի դժոխքի, իսկ 1992թ. մայիսի 9-ը կղառնա համահայկական վերածննդի նախերգանքը։

Ադրբեջանցիները ընթացքից փորձեցին շտկել իրավիճակը։ Մայիսի 10-ից նրանք մարտական գործողություններ են սկսում Գարաբաղի հարավ-արևելյան սահմանի երկայնքով՝ Մարտակերտից մինչև Հադրութ։ Առանձնապես կատաղի մարտեր են տեղի ունենում Ասկերանի շրջանում։ Գործի դրվեցին մարտական ինքնաթիռներն ու ուղղաթիռները։ Առանձնապես հակառակորդը Ասկերանի ճակատից ջղաձիգ փորձեր էր կատարում օգնության հասնելու յուրայիններին։ Պատահական չէր, որ Շուշիի առումից երկու օր հետո էլ Ադրբեջանի մասսայական տեղեկատվության միջոցները իրենց ցեղակիցներին ստահող լուրերով էին կերակրում, որ իբր քաղաքը

* Ճարտարի և Մարտունու միջև սեպի պես խրված Վեյսալլու գյուղը գտնվում էր Մարտունու վարչատարածքային կազմում, 1930-ական թվականներին, իրենց հեռագնա նպատակներից ելնելով, Ադրբեջանի ղեկավարությունը այն տեղափոխել է Ֆիզուլու շրջանի ենթակայության տակ։

գտնվում է իրենց ձեռքին, մինչդեռ գերությունից ազատված Ղազանչեցոց եկեղեցում հայորդիները մոմեր վառելով աղոթում էին աստվածահաճ այդ հաղթանակի համար:

Պետք է նշել, որ աղոթեջանցիներին հաջողվեց մայիսի 10-ին գրավել Ասկերանի շրջանի Աղբուլաղ, Նախիջևանիկ, Փիրջամալ, Արամզամին և Միրզաբույն գյուղերը՝ բուրքավարի հրո ճարակ դարձնելով դրանք: Մակայն դա մի պահ էր, հայկական ուժերը ուշքի գալով հետ շարտեցին թշնամուն:

Գեռ ավելին, մայիսի 16-18-ը ԼՂ ինքնապաշտպանական զորամասերը ազատագրեցին Լիսագորն ու Բերդաձորը, Լաչինն ու նրա շրջակա գյուղերը: Ավարտվեց արցախյան պատերազմի առաջին փուլը: Նախկին ԼՂԻՄ-ի տարածքը մաքրվեց թշնամուց: Կյանքի կոչվեց երկու հայկական հանրապետություններն իրար կապող ճանապարհը, որը ընդունված է կոչել նաև «հումանիտար միջանցք»: Ոգևորված այս հաջողություններով, արցախյան բանակը, որի անձնակազմը բավականին հոսուն էր, ինքնահանգստացման խոր թմբիկի մեջ մտավ: Մինչդեռ անարգ թշնամին նոր դավեր էր նյութում: Կրկին կյանքի կոչվեց թուրքական գործելակերպը, այն է, ուրիշի ձեռքով կրակից շագանակ հանելը:

Օգտագործելով Գյանջա քաղաքում տեղակայված նախկին խորհրդային IV բանակի ուժերը՝ հունիսի 12-ին ազերի զորամիավորումները լայնածավալ հարձակման անցան ԼՂ հյուսիս-արևելյան, արևելյան և հարավ-արևելյան սահմանների ամբողջ երկարությամբ՝ Հաղորթից մինչև Շահումյան: Թշնամուն հաջողվեց զավթել ամբողջ Շահումյանի շրջանը, Մարտակերտի շրջանի մեծ մասը, Ասկերանի շրջանի մի շարք գյուղեր: Սկսեց հայոց նոր գողգոթան: Փախստականների քարավանը, տեղի և անտեղի, վախի ու սարսափի հիստերիան փոխանցելով հարևան բնակավայրերին, բռնել էին Շահումյանից Ստեփանակերտ և այնտեղից էլ Երևան ձգող ճանապարհը: Շշմեցուցիչ հարվածից ուշքի գալով՝ Արցախի ինքնապաշտպաններին հաջողվեց կարճ ժամանակահատվածում՝ հուլիսի 11-22-ը թշնամուց ետ խլել Կուսապատ, Մեծմանա, Ջանյաթաղ, Գյուլաթաղ, Մոխրաթաղ, Հաթերք, Ջարդախաչ, Իմերեթ Քերեվենդ, Չափար գյուղերը: Մակայն օգոստոսին վարձկան զորամիավորում-

ների և գրահատեխնիկայի նոր համալրումներ ստանալով՝ հակառակորդին հաջողվեց նորից տիրանալ Մարտակերտի շրջանի նշված գյուղերին: Երկու կողմերից ճնշում էր գործադրվում Լաչինի միջանցքի վրա: Այնքան դժվարությամբ ձեռք բերված կյանքի ճանապարհի գոյությունը վտանգի տակ դրվեց: Այդ ամենին համընթաց Ադրբեջանի լրատվական աղբյուրները եթերը հեղեղել էին հակահայկական պրոպագանդայով ազերի ասկյարների «հերոսական սխրանքների» խրախճանքի պատումներով, երբեմն էլ ցանկալին հրամցվում էր իրականության տեղ:

Գեպրեերից առաջ անցնելով՝ ասենք, որ սեպտեմբերի 23-ին Ադրբեջանի հեռուստատեսությամբ հաղորդվեց ի լուր բոլորի, որ իբր այդ օրը գրավել է անառիկ ամրոց Մարտունի շրջկենտրոնը և Խոջավենդի բնակիչները նորից կարող են ետ վերադառնալ իրենց օջախները: Գրությունը օրհասական էր: Ստեղծված իրադրությունը պահանջում էր ուժերի առավելագույն լարում և ինքնապաշտպանության ջոկատների գերհամախմբվածություն: 1992 թ. օգոստոսի 13-ին հանրապետությունում հայտարարվեց ռազմական դրություն⁶⁹² և մասնակի գորահավաք: Իսկ օգոստոսի 15-ին ստեղծվեց ԼԳՀ Պաշտպանության պետական կոմիտեն, որը գլխավորեց Ռ.Քոչարյանը:

Վերախմբավորելով իր ուժերը՝ ԼԳ ինքնապաշտպանության բանակը կարողացավ թշնամու բազմահազար հրոսակներին կանգնեցնել Կիչան գյուղի ռազմական բնագծում: Հակառակորդի առաջխաղացումը կասեցվեց, որին հաջորդեց դարաբաղյան գորամիավորումների կտրուկ հակահարձակումը:

Սեպտեմբերի սկզբներին ազատագրվեցին Խրամորթ, Գահրազ, Նախիջևանիկ, Աղբուլաղ, Արանգամին, Փիրջամալ գյուղերը: Հոկտեմբերի 2-ին Մարտունու շրջանի ինքնապաշտպանական ջոկատները սրընթաց գրոհով թշնամուց մարբեցին Մուղանլու, Կուրապատկինո և Ամիրանլար գյուղերը: Նոյեմբերին արցախյան ազատամարտիկներն իրենց օգտին գրանցեցին նոր հաջողություններ: Ազատագրվեցին Մարտակերտի շրջանի Վաղուհաս, Կոճողոտ, Հարությունագոմեր, Չլղրան, Պողոսագոմեր գյուղերը, խփվեց թշնամու երեք ռազմական ինքնաթիռ: Լաչինի միջանցքի հյուսիսային

մասում ինքնապաշտպաններն ամրապնդեցին Հայի բազար, Լուլի-
դագ, Գոզլու և Գարաջանլի գյուղերում⁶⁹³:

1993 թ. փետրվար-մարտ ամիսներին մարտական գործողու-
թյունները նոր քափով վերսկսվեցին Մարտակերտի շրջանի տա-
րածքների հետագա ազատագրման և Ադրբեջանի զինված ուժերի
Լաչին-Քելրաջարյան խմբավորման ջախջախման ուղղությամբ:
1993 թ. մարտի 27-ից մինչև ապրիլի 5-ը դարաբաղյան ուժերի ճնշ-
ման տակ հակառակորդը ստիպված թողեց Լաչինի և Քելրաջարի
տարածքները:

Հայկական զորամասերի հանդուգն գործողությունները խու-
ճապ են առաջացնում քշմամու ճամբարում: Թուրքիայի վարչա-
պետ Սուլեյման Գեմիրելը հանդես եկավ հայտարարությամբ, որ
հայերի հետագա հարձակումները լցնում են Թուրքիայի համբերու-
թյան բաժակը: ՄԱԿ-ի անվտանգության խորհուրդը մերժեց Թուր-
քիայի ներկայացուցչի առաջարկությունը՝ Քելրաջարյան ռազմա-
գործողությունը որակելու որպես ագրեսիա: Շուտով ռուսական կա-
ռավարության բռնած կոշտ դիրքը ամեն ինչ դրեց իր տեղը. քաշվեց
Թուրքիայի սանձը:

Ադրբեջանը նորից ստիպված էր ուտել իր բրդածը: Լարվածու-
թյան ուժեղացում նկատվեց նաև հարավ-արևելյան ռազմաճակա-
տում: Հադրուքի և Մարտունու պաշտպանական շրջանների զորա-
մասերը դիմագրավելով հակառակորդի կողմից ձեռնարկված հար-
ձակման բոլոր փորձերը, անցան հակահարձակման և վերացրին
Գաջար, Գովչաթլու, Գիվանլար բնակավայրերում տեղակայված
կրակակետերը:

Հուլիսի 12-ին երկրորդ, երրորդ, հինգերորդ պաշտպանական
շրջանի ուժերի մի մասը և կենտրոնական ուղղության զորամասերը
սկսեցին Մարտակերտ քաղաքի ու շրջանի ազատագրման խոշո-
րամասշտաբ գործողությունը: Համառ մարտերից հետո հայկական
զորամասերը դուրս եկան Ադղամ-Մարտակերտ ճանապարհի բնա-
զիծը: Մարտական գործողություններ ծավալվեցին նաև Մարտու-
նու, Կուրաթլուի և Ջերրայիլի շրջաններում: Այստեղ ձգվեցին հա-
կառակորդի ուժերի զգալի մասը, դրանով իսկ բարենպաստ պայ-
մաններ ստեղծվեցին գլխավոր խնդիրն ավարտելու՝ Մարտակերտի

վրա վերահսկող հակառակորդի ջախջախման, քաղաքին տիրելու և գլխավոր ուժերը Խրամորթ-Բոյախմեղլի-Փափռավենդ-Մարտակերտ-Մաղաղիս բնագիծը դուրս բերելու համար:

Ռազմաճակատում կրած անհաջողությունը ավելի սրեց Ադրբեջանի ներքաղաքական իրավիճակը: Դեպքերի իրական զարգացումը ցույց էր տալիս, որ հեղաշրջումն այստեղ անխուսափելի է: 1993 թ. աշնանը Ադրբեջանի նախագահ Էլչիբեյին փոխարինելու եկավ Հեյդար Ալիևը:

Թիֆեռնիկի կյանքով Ադրբեջանի մյուս նախագահների նման Ալիևը նույնպես փորձեց ուժի դիրքից «դաս տալ» հայերին: Մանրակրկիտ ձևով նախապատրաստվեց վճռական զրոհի: Ռուսաստանից, Ուկրաինայից, Հյուսիսային Կովկասից, Միջին Ասիայից, Աֆղանստանի մոջահեդներից վարձկաններ հավաքագրելով՝ 1993թ ղեկտեմբերի 18-ին ռազմաճակատի բոլոր հատվածներում՝ Օմարի լեռնանցքից մինչև Արցախի ափերը, վերսկսվեցին մարտական գործողությունները: Առաջին օրերին ազերիները որոշակի հաջողություններ ունեցան Քելբաջարի կողմերում՝ հասնելով մինչև Թարթառի հովիտը, իսկ հարավում՝ ձեռք գցելով Հորադիզը: Թշնամին ձգտում էր Արցախը կտրել կենսաապահովման համար կարևոր նշանակություն ունեցող իր երկրորդ միջանցքից: Մակայն արցախցու հավատն ու վճռականությունը հաղթանակի հանդեպ մնաց անկոտրում:

1994 թ. փետրվարի երկրորդ կեսին սկսվեց հակառակորդի քելբաջարյան խմբավորման ոչնչացման ռազմագործողությունը: Հաղթահարելով ձյունածածկ լեռնալանջերն ու կիրճերը՝ Արցախի ինքնապաշտպանական ուժերը փետրվարի 18-ին թշնամուց մաքրեցին Օմարի լեռնանցքը: Շուրջ երկամսյա թեժ մարտերի ընթացքում թշնամին կորցրեց 5000-ից ավելի զինվոր ու սպա, 72 միավոր տեխնիկա: Միաժամանակ, բանակում տիրող իրական պատկերը ջախջախիչ ազդեցություն ունեցավ նաև ադրբեջանական բանակի ոգու վրա:

Ապրիլի 24-ին՝ Հայոց Մեծ Եղեռնի օրը, ազատագրվեցին Մարտակերտի շրջանի Վաղուհաս, Դաստակերտ, Վերին Չայլու, Թալիշ, Յարմջան և Սեյսուլան գյուղերը: Չարգացնելով մարտական գործողությունները՝ մի քանի օրում դարաբաղյան ուժերը ոչնչացրին հակառակորդի կրակակետերը Աղդամի շրջանի Ումուդլու,

Շուրաբադ, Քեշիշբեյի և այլ բնակավայրերում: Մարտակերում անհաջողության մատնված գազագած թշնամին մարտ-ապրիլ ամիսներին խաղաղ բնակչությանը ահաբեկելու նպատակով գրոհային ինքնաթիռներով սկսեց ռմբակոծել հայկական բնակավայրերը:

Ազերիների ձմեռային արշավանքը ձախողվեց, որն էլ ստիպեց հարևան հանրապետության ղեկավարներին նստելու բանակցությունների սեղանի շուրջը: Ռուսաստանի դաշնության պաշտպանության նախարար Պավել Գրաչովի միջնորդությամբ 1994 թ. մայիսին Մոսկվայում Ադրբեջանի պաշտպանության նախարար Մամեդովի, ՀՀ պաշտպանության նախարար Մերժ Սարգսյանի և ԼՂՀ ՊԲ հրամանատար Մամվել Բարայանի միջև բանակցությունները ավարտվեցին մայիսի 14-ից զինադադարի հաստատումով:

Բանակցությունների հենց սկզբից ադրբեջանական կողմը առաջ քաշեց իրեն ձեռնտու մի շարք նախապայմաններ: Սակայն հանդիպելով հակառակ կողմի միանշանակ դիրքորոշմանը՝ այդպես էլ չհասավ իր նպատակին ու առանց համաձայնագիրը ստորագրելու, Մոսկվայից մեկնեց Բաքու: Սակայն հետագայում, հուլիսի 27-ին Մամեդովը ստիպված իր ստորագրությունը դրեց հրադադարի համաձայնագրի տակ:

Լարաբադյան հակամարտությունը թևակոխեց իր հերթական բանակցային գործընթացի փուլը: Արցախահայությունը, իր կամքի, համառության ու համախմբվածության շնորհիվ լուծելով իր հիմնահարցը, ձեռնամուխ է լինում իր նորօրյա պետականության կերտման գործին: Դրա առիավատչյան է հանդիսանում նաև 2002 թվականի օգոստոսի 11-ի նախագահական ընտրությունները: ԼՂՀ նախագահ վերընտրվեց Ա.Ա.Գուլասյանը:

† . † ~ . † † (1920 -
2002 ^ ^ .)

Լեռնային Գարաբաղում խորհրդային կարգեր հաստատվելուց հետո հասարակական, քաղաքական կյանքին համարժեք ստեղծվեց կրթական և մշակութային նոր համակարգ: Ժողովրդական կրթության ընդհանուր ղեկավարությունը դրվում է լուսավորության պետական հանձնաժողովի վրա, իսկ տեղերում՝ հեղկոմներին կից, ստեղծվեցին լուսավորության բաժիններ, որոնք հետագայում դարձան բանվորների և գյուղացիների դեպուտատների գավառային ու շրջանային խորհուրդների գործադիր կոմիտեների ժողովրդական կրթության բաժիններ:

1923թ. հոկտեմբերի 5-ին ստեղծվեց ԼԳԽՄ լուսավորության Ժողովրդական կոմիսարիատը, որը 1929թ. մարտին վերանվանվեց մարզային խորհրդի ժողովրդական կրթության բաժին: ԼԳԽՄ առաջին լուսժողկոմիսար է նշանակվում Արշավիր Քամալյանը:

Վերացվեց դպրոցների բազմատիպությունը: Եկեղեցու իրավասության տակ գտնվող բոլոր ուսումնական հաստատությունները տրվեցին լուսժողկոմատի իրավասությանը: Արգելվում էր դպրոցներում կրոնի դասավանդումը: Ժողովրդական կրթության վերականգնումը տեղի էր ունենում չափազանց ծանր պայմաններում: Ազգամիջյան ընդհարումների ժամանակ ավերվել էին դպրոցական շենքերից շատերը, եղածներն էլ ապահովված չէին նյութական միջոցներով, չկային ուսուցչական համապատասխան կադրեր:

1924թ. տվյալներով 6100 աշակերտի համար եղած 1500 նստարանների մեծամասնությունը անպիտան էր, 102 դպրոցներից 33-ն էր տեղավորված սեփական կամ ազգայնացված շենքերում, իսկ

այդ շենքերից միայն 23-ն էր գտնվում բարվոք վիճակում: Գայրոցներում ընդգրկված էր 8-15 տարեկան երեխաների հազիվ 30 տոկոսը⁶⁹⁴:

Չնայած ծանր պայմաններին՝ կրթության և գիտության հարզն ու արժեքը իմացող արցալսցին իր սուղ միջոցներից բաժին էր հանում երկրամասում դպրոցական կյանքի կարգավորմանն ու աշխուժացմանը: Մարգալին լուսբաժնի վարիչ Ա.Քամալյանի 1923թ. նոյեմբերի զեկուցագրում կարդում ենք. «Գայրոցների վերանորոգությունները անհնար կլինեք բաժնիս հատկացրած նյութական միջոցներով կատարել, եթե օգնության չզային մեզ իրենք՝ գյուղացիները: Այսպես օրինակ, այդ գործում մեզ շատ ու շատ նպաստել են Վարանդայի, Խաչենի, Գիզակի շրջանները, որտեղ համարյա թե գյուղացիների ջանքերով կանոնավորվեցին դպրոցական շենքերը, այդ վերանորոգումները արվում են գյուղացիների միջոցով, նաև միտինգների և ժողովների շնորհիվ դպրոցական գործը դարձել է ժողովրդական»⁶⁹⁵:

1927թ. մինչև 1930թ. գյուղացիների միջոցներով մարզում կառուցվել են 30 նոր դպրոցներ⁶⁹⁶:

1920-ական թվականներին Լեռնային Գարաբաղում գործում էին աշխատանքային միասնական դպրոցի երկու տիպ: Ա աստիճանի աշխատանքային դպրոց՝ 5-ամյա դասընթացով, և Բ աստիճանի աշխատանքային դպրոց՝ 4-ամյա դասընթացով⁶⁹⁷:

ԼԳԽՄ-ում ժողովրդական կրթության զարգացման գործում կարևոր նշանակություն ունեցավ անցումը ընդհանուր պարտադիր տարրական ուսուցմանը: 1930-31 ուսումնական տարվանից մարզի բոլոր բնակավայրերում մտցվում է ընդհանուր պարտադիր տարրական ուսուցում՝ 8-11 տարեկան բոլոր երեխաների համար: Արդյունքում՝ 1932/33 ուսումնական տարում մարզի առաջին աստիճանի դպրոցներում ընդգրկվեց 30567 երեխա⁶⁹⁸:

Հայրենական մեծ պատերազմից առաջ ավարտվեց անցումը նաև ընդհանուր և պարտադիր յոթնամյա կրթության: Գայրոցական նոր համակարգը պահանջում էր ունենալ գրագետ ուսուցչական կադրեր: Այդ նպատակով 1921-22 ուսումնական տարում Շուշիում բացվում է մանկավարժական ուսումնարան երկու բաժիններով՝

հայկական և ադրբեջանական:

1923թ. մանկավարժական տեխնիկում բացվեց Հաղորուքում, իսկ մանկավարժական բանֆակ՝ Շուշիում⁶⁹⁹: 1926թ. ԼՂԽՄ լուսժողկոմատի հրավերով Երևանից, Գյումրիից, Բաքվից, Թիֆլիսից մի քանի տասնյակ նորավարտ ուսուցիչներ աշխատանքի անցան մարզի դպրոցներում⁷⁰⁰: Միաժամանակ ամեն տարի Ստեփանակերտում կազմակերպվում էին մանկավարժական դասընթացներ:

Գժրախտաբար խորհրդային իշխանությունը ոչ բոլոր ուսուցիչների նկատմամբ ցուցաբերեց հանդուրժողական վերաբերմունք: Այս բնագավառում նույնպես առաջնորդվում էին դասակարգային մոտեցմամբ: Համալսարանական կրթությամբ, ունևոր ընտանիքներից սերված անձնավորություններին և ուսյալ հոգևորականությանը արգելում էին աշխատել դպրոցներում: 1924թ. օգոստոսի 10-ին մարզգործկոմի և մարզկոմի համատեղ նիստում, անդրադառնալով այդ հարցին, մարզի ղեկավարությունը անհրաժեշտ գտավ ուսուցչության շրջանում կատարել գտում: Լուսժողկոմատի որոշմամբ վերանայվեց մարզի ուսուցչական կադրերի կազմը, և ազատվեցին 20-ից ավելի «անկայուն ուսուցիչներից»⁷⁰¹:

Նմանօրինակ ծայրահեղ խտրումները հետագա տարիներին աստիճանաբար հաղթահարվեցին և այդ բնագավառը մտավ բնականոն հունի մեջ:

Մշակութային կյանքում խորհրդային իշխանության ամենամեծ նվաճումներից մեկը համարվում է բնակչության զանգվածային անգրագիտության վերացումը: Կառավարությունը սահմանել էր յուրաքանչյուր մարզի, երկրամասի և հանրապետության համար անգրագիտությունը վերացնելու ժամկետներ: Այդ աշխատանքների ղեկավարումը դրվեց անգրագիտության վերացման համար հատուկ ստեղծված արտակարգ հանձնաժողովի վրա:

Խրճիթ-ընթերցարաններին, ակումբներին, գյուղխորհուրդներին, ուսումնական հաստատություններին կից ստեղծվում են անգրագիտության վերացման կայաններ: Մինչև 1930 թվականը մարզում գործող 450 լիկկայաններում սովորել է 30000-ից ավելի մարդ⁷⁰²:

Երկրորդ համաշխարհային պատերազմի նախօրյակին մարզի

բնակչության մեծամասնությունը գրագետ էր: Այս գործում մեծ էր մարզի ուսուցիչների դերը:

1950-80-ական թվականներին որոշակի միջոցառումներ ձեռնարկվեցին ԼՂԽՄ-ում ժողովրդական կրթության համակարգի կատարելագործման բնագավառում: Այդ ասպարեգում գլխավոր նվաճումներ էին ոչ լրիվ միջնակարգ կրթության փուլի ավարտումը և աստիճանաբար պարտադիր միջնակարգ կրթության անցները:

1923թ. մարզում գործում էր 104 դպրոց, 1940թ՝ 213, իսկ 1982թ՝ 183 դպրոց⁷⁰³: Թվերը վկայում են, որ վերջին տասնամյակներին դպրոցների թիվը պակասում էր:

20-ական թվականներին ստեղծվեցին նոր տիպի դպրոցներ՝ բանֆակներ, որոնք զգալի դեր կատարեցին արտադրության մեջ աշխատող բանվորներին միջնակարգ կրթություն տալու, ինչպես և բարձրագույն ուսումնական հաստատություն ընդունվելու գործում:

Նշված ժամանակահատվածում մարզի մի շարք խոշոր գյուղերում բացվում են գյուղերիտ դպրոցներ, որոնք ընդհանուր գիտելիքներ տալուց բացի սովորողներին ծանոթացնում էին գյուղատնտեսության հիմունքներին:

Բացի հանրակրթական դպրոցներից մարզում գործում էին նաև ուսումնարաններ ու տեխնիկումներ: 1920-ական թվականներին ԼՂԽՄ-ում ստեղծեցին առաջին միջնակարգ-տեխնիկական հաստատությունները՝ ինդուստրիալ, գյուղատնտեսական, մանկավարժական, կերպարվեստի տեխնիկումներ: 1930-ական թվականներին մարզում կար 6 տեխնիկում, մոտ 2000 սովորողներով⁷⁰⁴:

Գրանց մի մասը 30-ական թվականներին դադարեցրին իրենց գործունեությունը: 1980-ական թվականներին ԼՂԽՄ-ում գործում էին 5 արհեստակցական-տեխնիկական ուսումնարան, 2 երաժշտական ուսումնարան, 1 բժշկական և 1 կուլտուր-լուսավորական ուսումնարան, 2 գյուղատնտեսական տեխնիկում⁷⁰⁵:

Ուսումնական այդ հաստատությունները ժողովրդական տնտեսությանը տվեցին միջին որակավորման հարյուրավոր մասնագետներ:

Շատ կարճ ժամանակում մեծ առաջընթաց ունեցավ հատկապես Ստեփանակերտի գյուղատնտեսական տեխնիկումը: 1923 թվականից մինչև 1993թ. տեխնիկումը թողարկել է 6821 շրջանա-

վարտ⁷⁰⁶: Նրանցից ոմանք դարձան անվանի գիտնականներ, այդ թվում ակադեմիկոս Արտաշես Առաքելյանը, գյուղատնտեսական գիտությունների դոկտոր, պրոֆեսորներ Գուրգեն Քամալյանը, Գուրգեն Շաքարյանը, Միքայել Առաքելյանը, Երեն Մաֆարյանը, Վերդի Հակոբյանը, Գեորգի Հակոբյանը, տնտեսագիտության դոկտոր Հրաչիկ Փարամազյանը, կենսաբանական գիտությունների դոկտոր Սուրեն Բարխուդարյանը և ուրիշներ:

Ուսուցչական կադրերի կատարելագործման ու մարզի ուսուցիչներին մեթոդական օգնություն ցույց տալու համար 1963թ. Ստեփանակերտում բացվել էր ուսուցիչների կատարելագործման մարզային ինստիտուտը, որն ուներ 17 կաբինետ: Ամեն տարի կատարելագործման ինստիտուտի դասընթացներով անցնում էին 200-ից ավելի ուսուցիչներ: Այս գործում կարևոր դեր կատարեց նաև Ստեփանակերտի երկամյա մանկավարժական ինստիտուտը:

Ժողովրդական տնտեսության տարբեր բնագավառների մասնագետների պատրաստման գործում մի նոր էջ գրեց Արցախի պետական համալսարանը:

1969թ. Ադրբեջանի կառավարության որոշմամբ փակվեց Բաքվի Լենինի անվան պետական մանկավարժական ինստիտուտի հայկական բաժինը և տեղափոխվեց Ստեփանակերտ, սակայն, արդեն երեք բաժիններով՝ հայկական, ադրբեջանական, ռուսական: Փաստորեն, դա նշանակում էր հայաշունչ Բաքվից օտարել հայոց լեզուն, իսկ Ղարաբաղում նախադեպ ստեղծել ադրբեջաներենի մասսայականացման և ազերի մտավորականության արմատավորման համար: Նման ձևով հիմնվեց Ադրբեջանի Վ.Լենինի անվան պետական մանկավարժական ինստիտուտի Ստեփանակերտի բաժանմունքը: Գրա հիման վրա 1974թ. ստեղծվեց Ստեփանակերտի մանկավարժական ինստիտուտը: Արցախյան շարժման տարիներին՝ 1989թ. այն դարձավ Կիրովականի պետական մանկավարժական ինստիտուտի բաժանմունք: Ղարաբաղյան պատերազմի թեժ պահին՝ 1992թ., արցախահայությունը, հավատարիմ իր լավագույն ավանդույթներին, վերոհիշյալ բուհի և Հայաստանի ճարտարագիտական համալսարանի Ստեփանակերտի մասնաճյուղի հիմքերի վրա հիմնադրեց Լեռնային Ղարաբաղի պետական համալսարանը:

1995թ. բուհը վերանվանվեց Արցախի պետական համալսարանի: ԽՍՀՄ փլուզումից և ԼՂՀ հռչակումից հետո սկսվեց դպրոցական կրթության կատարելագործման ուղիների որոնում: Մշակվում են ազգային դպրոցի ստեղծման սկզբունքները, կազմվում ուսումնական նոր ծրագրեր և դասագրքեր: ԼՂՀ ԱԺ ընդունած օրենքով հայ երեխաները պիտի սովորեն հայկական դպրոցներում, միաժամանակ կրճատվեց ռուսական դպրոցների թիվը: 2000-2001 ուսումնական տարում ԼՂՀ-ում գործել են 216 դպրոցներ:

Սակայն ներկայումս տնտեսության մեջ տիրող ճգնաժամային իրավիճակը արգելակում է կրթական կյանքի զարգացմանը: Գաղտնահասակ երեխաների կրթության ու դաստիարակության բնագավառում ձեռք բերված հաջողություններին զուգահեռ որոշակի աշխատանքներ կատարվեցին նաև նախադպրոցական հիմնարկների կազմակերպման ու սպասարկման ուղղությամբ: 1988թ. մարզում գործում էր 98 մանկապարտեզ⁷⁰⁷:

Խորհրդային իշխանության տարիներին ԼՂԽՄ միջնակարգ դպրոցները ավարտած հարյուրավոր շրջանավարտներ, բարձրագույն կրթություն ստանալով միութենական հանրապետությունների քաղաքներում, դարձան ժողովրդական տնտեսության տարբեր բնագավառների որակյալ մասնագետներ: Նրանց մի մասը դարձան աշխարհահռչակ գիտնականներ:

Արցախ աշխարհը հանդիսանում է հայ գիտության ու լուսավորության այն շտեմարանը, որ տվել է գիտնականների փայլուն համաստեղություն՝ Լեռ, Աշոտ Հովհաննիսյան, Առաքել Առաքելյան, Արսեն Տերտեղյան, Անդրանիկ Ճաղարյան, Անդրանիկ Իոսիֆյան, Ռաֆայել Մայիլյան, Արմեն Թախտաջյան, Արտյոմ Սարգսյան, Սամվել Գրիգորյան, Բագրատ Ուլուբաբյան, Իվան Կնունյանց, Նիկոլայ Ենիկոլոպով: Այս շարքը կարելի է շարունակել: Միայն 80-ական թվականներին գործում էին ԽՍՀՄ գիտությունների ակադեմիայի և միութենական հանրապետությունների գիտությունների ակադեմիաների 23 իսկական անդամներ, գիտությունների ավելի քան 115 դոկտոր⁷⁰⁸:

Քննարկվող ժամանակահատվածում ուշադրություն էր դարձվում գեղարվեստական խոսքի զարգացմանը:

1928թ. մարտին կազմակերպվեց Լեռնային Ղարաբաղի գրողների ասոցիացիան, որը Հայրենական Մեծ պատերազմից հետո վերանվանվեց գրողների մարզային բաժանմունքի:

Երեսուցական թվականներին տպագրվել են Հակոբ Աբալյանի, Աշոտ Ուլուբաբյանի, Իսրայել Պետրոսյանի, Գր. Մովսիսյանի, Արմո Խաչումյանի և ուրիշների ստեղծագործությունները:

1960-ական թվականներից առաջօր իրենց ստեղծագործություններով աչքի ընկան բանաստեղծներ Ս.Խանյանը, Վ. Հակոբյանը, Գ. Գաբրիելյանը, Հր. Բեգլարյանը, Ա. Հովհաննիսյանը, Ռ.Եսայանը, արձակագիրներ Վ. Օվյանը, Ի. Ալավերդյանը, Մ. Հովհաննիսյանը, Կ. Գանիելյանը:

Կոմունիստական գաղափարախոսության հեղձուցիչ մթնոլորտը գրկեց գրողներին ազատ ստեղծագործելու հնարավորությունից: Պրոլետարական ինտերնացիոնալիզմի, սոցիալիստական սպերկուլյարի պարտադիր գովերգումն ու կոմունիզմ կառուցողի գաղափարաբարոյական կերպարի կերտումը խանգարում էր գրողներին լիարժեք ներկայացնելու իրողությունը, բացահայտելու հասարակության մեջ գոյություն ունեցող հոռի բարքերն ու սովորությունները:

Գեղարվեստական խոսքի զարգացման և հասարակական կյանքի աշխուժացման համար կարևոր նշանակություն ուներ հրատարակչական գործի կազմակերպումը: 1925թ. Ստեփանակերտում ստեղծվեց տպարան: Հետագա տարիներին մարզի շրջկենտրոններում հիմնվեցին նոր տպարաններ:

Խորհրդային իշխանության առաջին իսկ օրերին Լեռնային Ղարաբաղում փակվեցին տարբեր կուսակցությունների, կազմակերպությունների և հոսանքների թերթերը, ազգայնացվեցին մասնավոր տպարանները:

Փաստորեն, վերացվեց բացախոսությունը և նոր հրատարակվող թերթերում տիրում էր համատարած միակարծությունը:

1920/21 թվականներին Շուշիում լույս տեսավ «Կավկասկայա կոմունա» թերթիկը: 1920 թվականի հոկտեմբերի սկզբից մինչև դեկտեմբերի կեսերը լույս տեսավ Ղարաբաղի արտակարգ կոմիսարիատի «Ղարաբաղի չքավորություն» պաշտոնաթերթը՝ աղբրեջաներեն լեզվով: 1923թ. ապրիլի 4-ից Շուշիում սկսեց հրատարակվել

Շուշիի գավկուսկոմի և գավգործկոմի պաշտոնաթերթ «Ղարաբաղի գեղջուկ»-ը: Նույն թվականի ամռանը ինքնավար մարզի ստեղծումից հետո այն վերանվանվեց «Խորհրդային Ղարաբաղ» և դարձավ կուսակցության Լեռնային Ղարաբաղի մարզկոմի և մարզխորհրդի գործկոմի պաշտոնաթերթը: 1980-ական թվականներին վերոհիշյալ թերթը հրատարակվում էր նաև ռուսերեն լեզվով: «Խորհրդային Ղարաբաղ» թերթին կից լույս տեսան «Երիտասարդ լենինյան», «Կուլտարչավ», «Ղարաբաղի բատրակ» թերթիկներն ու հավելվածները և կարճատև «Կայծ» գեղարվեստական հանդեսը:

30-ական թվականներից մինչև 80-ականի վերջերը հանդես եկան շրջանային՝ Շուշիի «Շուշա», Ասկերանի «Կարմիր դրոշ», Մարտակերտի «Բարեկամություն», Մարտունու «Աշխատանք», Հաղործի «Կուլտնտեսական» թերթերը: Նշված ժամանակահատվածում հրատարակվում էր Ղարմետարսկոմբինատի «Մետաքսագործ» բազմատիրաժ թերթը:

Արցախյան շարժման և ԼՂՀ կազմավորմանը զուգընթաց հրատարակչական գործը նոր թափ ստացավ: Ստեփանակերտում գործող «Պոլիգրաֆ» ՊՓԲԸ-ի կողքին հանդես եկան «Մաշտոց», «Սոնա», «Ասպար» հրատարակչությունները:

«Խորհրդային Ղարաբաղ» թերթը վերանվանվեց «Արցախ», «ԼՂ հանրապետություն», այնուհետև «Ազատ Արցախ»: Հանրապետության շրջաններում և քաղաքներում սկսեցին լույս տեսնել «Ստեփանակերտ», «Շուշի», «Դիզակ», «Ամարաս», «Բերդ», «Զրաբերդ», «Մռովի դողանջներ» թերթերը:

Արցախյան շարժման սկզբնափուլում հայրենասիրական գաղափարներ տարածելու նպատակով ՀՅԳ-ն հրատարակեց «Պայքար», իսկ հետագայում՝ «Բիրս» և «Ապառաժ» թերթերը: Շուտով լույս տեսան նաև «Եղեցի լույս», «Տասերորդ նահանգ», «Լուսավորիչ», «Մարտիկ», «ԱրՊՀ» պարբերականները: Թերթերից բացի հրատարակվում են «Արցախ», «Պրլպուրի», «Գիտությունը և կրթությունը ԼՂՀ-ում», «ԱրՊՀ գիտական տեղեկագիր» հանդեսները:

Հրատարակչական գործի հետ էր կապված գրադարանների ցանցի ընդլայնումը և գրքային ֆոնդի աճը: 1924 թվականին ԼՂԽ կառավարության որոշմամբ բացվում է Մաքսիմ Գորկու անվան

մարգային գրադարանը(այժմ Մեսրոպ Մաշտոցի անվան հանրապետական գրադարան): Հիմնադրման առաջին տարում գրադարանի ֆոնդերում կար 2097 կտոր գիրք: 2001թվականի տվյալներով գրադարանում կենտրոնացված է 170390 անուն գիրք⁷⁰⁹:

Գյուղական վայրերում հիմնվում էին խրճիթ-ընթերցարաններ: 1983թվականին ԼՂԻՄ-ում կային 220 մասսայական գրադարաններ, որոնց գրքային ֆոնդը կազմել է ավելի քան մեկուկես միլիոն հատոր⁷¹⁰:

Գրանց մի մասը ավերվեցին պատերազմի տարիներին: Ներկայումս գյուղական վայրերում գործում են շրջանային 6 մշակույթի տներ, 127ակումբներ, 136 գրադարաններ, 6 երաժշտական և մեկ արվեստի դպրոցներ⁷¹¹:

Ակումբներին կից կան ինքնագործ խմբեր, կինոկայանքներ: 1924 թվականից Ստեփանակերտում կազմակերպվեց առաջին կինոցուցադրումը: Կինոն աստիճանաբար մուտք գործեց մարզի գյուղերը: 1983 թվականին մարզում կար 195 կինոկայանք⁷¹²: Մարզում ձայնասփյուռը առաջին անգամ մուտք գործեց 1927 թվականին⁷¹³, իսկ տեղական առաջին հեռուստահաղորդումները եթեր արձակվեցին 1988 թվականին:

Արցախի պետական պատմաերկրագիտական թանգարանը երկրամասի գիտական, մշակութային, ազգագրական կարևոր օջախներից է: Այն հիմնադրվել է 1938 թվականին⁷¹⁴: Թանգարանի ցուցասրահներում և ֆոնդերում պահվում են հայ ժողովրդի և նրա արցախյան հատվածի նյութական ու հոգևոր մշակույթի թվով 35 հազար պատմական արժեքներ՝ սկսած վաղնջական ժամանակներից մինչև մեր օրերը: 1997թ. թանգարանի որոշ ցուցանմուշներ, հատկապես բարձրարժեք ձեռագործ գորգերը, ցուցադրվել են Փարիզում, Մարսելում, Լիոնում:

Թանգարանն իր մասնաճյուղերն ունի Շուշիում, Մարտունում, Բերդաշենում, Հաղործքում, Ասկերանում, Մարտակերտում և Բերձորում, որտեղ գործում է նաև լավ կահավորված պատկերասրահ: Իրենցից հետաքրքրություն են ներկայացնում Մեծ Թաղլարի օղային ուժերի մարշալ Արմենակ Խամփերյանցի (Մերգեյ Խոտյակով) և Կոլխոզաշենի հրետանու գեներալ-գնդապետ Սիբայել Պարսեղո-

վի տուն-թանգարանները:

Հայ քատրոնի երկուհազարամյա պատմության մեջ իր պատվավոր տեղն ունի Ստեփանակերտի Վահրամ Փափազյանի անվան պետական դրամատիկական քատրոնը: Այն ստեղծվել է 1932 թվականին, որի հիմնադիրն էր հայ բեմի երախտավոր Կարո Ավարյանը: Սկզբում քատրոնը կրում էր Մ.Գորկու անունը⁷¹⁵: Իրենց անգուգական խաղով հանդիսատեսի սրտում անջնջելի հետք են թողել հայ բեմի մեծանուն երախտավորներ Սիրանույշը, Հովհ. Աբելյանը, Ժասմենը, Վահրամ Փափազյանը, Մ.Կորգանյանը, Ս.Համգոյանը: Այսօր էլ մեծ նվիրումով շարունակում են ստեղծագործել ժողովրդական դերասաններ Գուրգեն Հարությունյանը, Սիբայել Հարությունյանը, Բենիկ Օվչյանը, Մարգո Բալասանյանը, Ժաննա Գալստյանը, Քաջիկ Հարությունյանը:

Հայ մշակույթի ասպարեզում նշանակալից երևույթ էր նաև 1958թ. Լեռնային Ղարաբաղի երգի-պարի պետական համույթի կազմակերպումը, որի հիմնադիրն էր Հայաստանի մշակույթի վաստակավոր գործիչ, կոմպոզիտոր Տեկեմաք Տեր-Ավետիսյանը: Համույթի կայացման գործում մեծ ներդրում ունեցան վաստակավոր դերասաններ Յուրի Գավիղովը, Աշոտ Բաբայանը, Ռոբերտ Գրիգորյանը, Նաիրուհի Ալավերդյանը:

Արցախի ազգային-ազատագրական պայքարի ամենաձանր ժամանակաշրջանում՝ 1992թ. դեկտեմբերին, կազմավորվում է «Արցախի բալիկներ» մանկապատանեկան համույթը:

Մեծ հաջողությամբ գործում են «Ղարաբաղ» պետական Էստրադային համույթը (1997թ.), «Վարարակն» կամերային (1990թ.) և Շուշիի «Վարանդա» մանկական երգչախմբերը, Մարտունու մշակույթի շրջանային տան «Քնար» համույթը:

Արցախահայ արվեստի վարպետները բազմաթիվ անգամ ելույթներով հանդես են եկել նախկին ԽՍՀՄ-ի մի շարք հանրապետություններում, արտասահմանյան երկրներում, հատկապես Հունդիստանում, Ֆրանսիայում, ԱՄՆ-ում, Հունաստանում:

1988թ. Լեռնային Ղարաբաղում ստեղծվել է նկարիչների միություն, որտեղ ընդգծված են 12 նկարիչներ:

Արցախահայ նկարիչների լավագույն գործերը բազմիցս ցու-

ցաղրել են ԼՂ Հանրապետությունում և արտերկրներում: Լեռնային Ղարաբաղում զարգացում է ապրում նաև ճարտարապետությունը և քանդակագործությունը:

Արցախի ճարտարապետական գոհարներից են Հայրենական Մեծ պատերազմում գոհվածների հիշատակին կանգնեցված համալիրը, Ստեփանակերտի մշակույթի և երիտասարդության, Մարտունու, Ճարտարի, Բերդաշենի տուֆակերտ մշակույթի պալատները: Ճարտարապետության և քանդակագործության զարգացման լուռ վկաներն են Ստեփանակերտի Ազատության հրապարակը, կենտրոնական մարզադաշտը, հուշաղբյուրները, զրոսայգիներում և փողոցներում տեղակայված հուշարձանները: Ստեփանակերտին մի առանձնակի հմայք է հաղորդում հայտնի քանդակագործ Ս. Բաղդասարյանի «Մենք ենք, մեր սարերը» կոթողը, որը դարձել է Արցախ աշխարհի խորհրդանիշը: Խորհրդային իշխանության տարիներին արցախահայության մշակութային ձեռքբերումները ավելի ծանրակշիռ կլինեին, եթե չլինեին Ադրբեջանի իշխանությունների ստեղծած մշտական արգելքներն ու հետապնդումները:

Լեռնային Ղարաբաղը լիովին կլանելու նպատակով Ադրբեջանի իշխանությունները փորձում էին արցախահայությանը կտրել իր հոգևոր-մշակութային արմատներից: Ադրբեջանի «գիտնականների» կողմից գործի դրվեց աղվանական «տեսությունը»⁷¹⁶, ըստ որի՝ Արցախի ու շրջակա հայկական գավառների բնակիչներն Հայաստանի կողմից բռնությամբ հայացված աղվաններ են, որոնք էլ իրենց հերթին ներկայիս ադրբեջանական ժողովրդի անմիջական նախնիներն են հանդիսանում: Փաստորեն, բազում դարերի ընթացքում արցախահայության կողմից ստեղծած մշակութային արժեքները փորձ են կատարում դարձնել աղվանական-ադրբեջանական:

1988թ. ապրիլի 27-ին Ադր.ԽՍՀ նախարարների խորհուրդն իր հ. 145 որոշմամբ աղվանական-ադրբեջանական էր հայտարարում Արցախի, Նախիջևանի, Ուտիքի և այլ տարածքներում գտնվող բոլոր ու ամեն տեսակ հուշարձանները՝ իսպառ մերժելով նրանցից որևէ մեկի այս կամ այն առնչությունը հայ ժողովրդի հետ⁷¹⁷: ԵՎ այդ քաղաքականության շնորհիվ «Ներկայիս սերունդն արդեն հաստատապես համոզված է և այդպես էլ համարում է, որ Ղարա-

բաղը՝ Ադրբեջանի անբաժանելի մասն է, որ խաչքարը խաչդաշ է, հայերը եկվորներ են, անկոչ հյուրեր»⁷¹⁸:

Չնայած ադրբեջանցիները հայ մարդու ստեղծած մշակութային արժեքները իրենցն էին համարում, բայց և այնպես, նրանց մեջ վտանգ տեսնելով, մեթոդիկ ձևով ոչնչացնում էին: Հատկապես հիմնավեր էին արել Բաքվի, Գանձակի, Շամախու, Նուխիի, Արցախի ու Ուտիքի տարածքներում գտնվող եկեղեցիները, խաչքարերը և հայ ճարտարապետության մյուս երևելի նմուշները:

Գպրոցներում արգելված էր հայոց պատմության դասավանդումը: ԽՍՀՄ Կենտկոմի բաժնի վարիչ, ԼՂԽՄ-ի Հատուկ կառավարման կոմիտեի ղեկավար Ա.Վոլսկին նշել է. «Ադրբեջանի նախկին ղեկավարությունն անվերջ ու անընդհատ մարզը մղում էր փակուղի, ջանում էր կտրել հայ բնակչության բնական կապերը Հայաստանի հետ՝ մշակույթի, լեզվի բնագավառում, հայալեզու մտավորականության դեմ կանգնեցրել էր վճռական արգելքներ: Այս ամբողջն իրական է: Այս ամբողջը ճշմարիտ է»⁷¹⁹:

Եվ դա էր պատճառներից մեկը, որ արցախահայությունը ընդվզեց բռնակալության դեմ՝ փորձելով փրկել իր բազմադարյան մշակույթն ու պահպանել ինքնությունը:

” † • †

Արցախցու անխորտակ նավը, անցնելով խռովահույզ օվկիանոսը, մաքառելով չարի ու բռնության դեմ, հասավ 21-րդ դարի ավելոծ նավահանգիստը: Դա հանգրվան է՝ նոր հորիզոններ բացելու համար:

Արցախահայությունը, իր հիշողության գաղտնարաններում սրբությամբ պահպանելով Նոյի թոռ Հաբեթոսյան Հայկի ավանդները, պայքարել է գոյատևման, ինքնության ու ինքնությունության, նախանցյալ ժամանակներում արյուն-քրտինքով ստեղծած մշակութային արժեքների պահպանման համար:

Նորօրյա պետականության ստեղծման ճանապարհին, հաղթահարելով տեսանելի և անտեսանելի խտրերը, ԼԳՆ-ն արդարացի պահանջատիրությամբ, կենսահաստատ, համառ ու անկոտրում դիրքորոշմամբ աշխարհի հզորներից պահանջում է հարգանքով և ըմբռնումով մոտենալ իր դատին ու պահանջատիրությանը:

Այսօր արցախցին իր խաղաղ, ստեղծագործ աշխատանքով փորձում է անմասն չմնալ համամարդկային արժեքներից՝ իրեն զգալով երկրագնդի համակեցության անբաժանելի մասնիկ:

**ԱՐՅԱԽԻ ՊԱՏՄՈՒԹՅՈՒՆԸ
ՀՆԱԴԱՐԻՅ
ՄԻՆՉԵՎ ՄԵՐ ՕՐԵՐԸ**

| | |
|--------------------------|--------------------|
| Լուսանկարները | Մամվել Կարապետյանի |
| Համակարգչային ձևավորումը | Արմեն Գևորգյանի |
| Սրբագրիչ | Արմեն Մարգարյան |

